



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

A 831,868



878

V9

525

1852-

Dexter Michigan
March 16th 1851



Virgilii Maro, P. Maro

P. VIRGILII MARONIS

O P E R A O M N I A

EX RECENSIONE

IOANN. CHRISTIANI IAHN.

EDITIO QUARTA.



L I P S I A E

SUMPTIBUS ET TYPIS B. G. TEUBNERI.

MDCCCLII.

INTRODUCTIO.

P. VIRGILIUS MARO Andibus, in Gallia Transpadana, Idibus Octobr. ab U. c. 684., ante C. n. 70., M. Licinio Crasso et Cn. Pompeio Magno Coss., parentibus honestis quidem sed obscuris et villaticis, qui Andibus praedium habebant, natus est. Andes autem fuit vicus Mantuanus, ab urbe tribus passuum millibus distans atque ipse in loco editiore ita situs, ut Virgilii ager a vico versus Mantuam spectaret atque ad radices montis inter Padum et Mincium in loco ab altera parte lapidoso, ab altera paludoso pateret. v. *Ecl.* I. 1. et 22. ibique annotata, *E.* I. 47. et 54., VII. 13., IX. 8. et 59. ibique Heyn. Mantua vero ab Etruscis condita esse credebatur, unde Virgilius a Phoca grammatico *vates Etruscus* appellatus est. v. Weichert. *de L. Varii et Cassii Parm. vita et carmm.* p. 230. Patrem poeta habuit Virgilium Maronem, quem figulum fuisse grammatici finxere, et matrem Maiam vel Pollam [Paullam]. Initia aetatis usque ad annum XVI. Cremonae degit. Hoc autem anno [ab U. c. 699. ante C. 55.] Crasso et Pompeio iterum coss. togam virilem sumsit. Inde Mediolanum et paullo post, ut liberali institutione frueretur, Neapolim abiit, ubi a Parthenio [v. Maerob. *Sat.* V. 17. et Bach. *de lugubri Graec. elegia* spec. II. p. 30.] maxime in Graecis literis eruditus est. Postea anno circiter 707. Romam se contulit, ibique a Syrone philosopho Epicureo philosophiam doctus est. v. Servius *ad Aen.* VI. 264. An

alios etiam magistros, ut Furium Bibaculum, habuerit incertum est. vid. Heyn. *ad Donat. Vit. Virg.* 7. et Weichert. in *Poetarum Latin. vitis et carminum reliqq.* p. 362. Una cum Virgilio Varium vel Varum quendam Syronis disciplina usum esse, Donatus *Vita Virg.* §. 79. et Servius *ad Ecl.* VI. 13. tradiderunt. Quis ille fuerit, non satis liquet. Non intelligendum esse L. Varium poetam, Weichertus *de L. Varii et Cassii P. vita et carmm.* p. 21. sqq. inde probavit, quod ille aetate multo grandior fuit Virgilio. Servius testatur eum fuisse Alfenum Varum, quem poeta in Ecloga sexta et nona commemoraverit. Cf. Voss. *ad Ecl.* VI. 6. et 31. et Spohn. *Proleg. ad carm. bucol.* p. 34. Qui quidem Alfenus Varus si non diversus est ab eo, quem Horatius in Satiris commemoravit, Cremona ortus, prima iuventute tonsor fuit, sed postea stipendia mereri coepit atque ad tantam dignitatem militarem evectus est, ut a. 714. ab Octaviano Galliae Transpadanae praeficeretur. Circa annum 716. obiisse videtur, eiusque filius fortasse fuit P. Alfenus Varus Ictus clarissimus. v. Iahn *ad Horat. Od.* I. 18. et *ad Sat.* I. 3. 130. et in *Annall. phil. et paed.* a. 1828. vol. VI. p. 337. sq. Weichertus vero *l. c.* p. 27. et 127. sqq. Virgilii condiscipulum Galliaeque Transpadanae praefectum fuisse statuit Q. Attium Varum, qui iam sub Iulio Caesare in Gallia praefectus equitum meruerat [v. *Caes. bell. Gall.* VIII. 28. et *bell. civ.* III. 37.], atque post Caesaris necem Octaviani partes secutus est, cuius iussu post pugnam Actiacam Athenis Cassium Parmensem interfecisse dicitur. v. Acron *ad Horat. epist.* I. 4. 2. et Ruhnken. *ad Vellei. Pat.* II. 88. Sed praeterquam quod Servii testimonium huic suspicioni adversatur, Q. Attius Varus Virgilio aetate multum antecessit atque iam praefectus militum fuit, cum poeta vix quatuor annos natus esset. Praeter Varum etiam Cornelium Gallum, qui anno circiter 688. natus est, una cum Virgilio Syronis disciplina usum esse, Spohnius statuit: quod quo iure fecerit, non satis apparet. Praeterea Weichertus *l. c.* p. 39. etiam Q. Horatium Flaccum iam in Virgilii notitiam ac consuetudinem venisse suspicatus est, antequam anno circiter 709. Athenas discesserit. Sed rectius fortasse statuunt, qui anno 713. demum Horatium Vir-

gilio innotuisse familiaremque factum esse credunt. Virgilius ingenio placido et sermone tardus fuisse, atque saepe a stomacho, a faucibus et dolore capitis laborasse dicitur. Propterea etiam ab eloquentiae studio alienus semel tantum causam egisse traditur. Neque turbulentis illis temporibus his studiis locus et opportunitas fuit. Mira autem grammatici de favore Octaviani, quo Virgilius iam illo tempore gavisus fuerit, et de matheseos et medicinae scientia, quam habuerit, finxerunt. vid. Donat. §. 8. sqq. ibique Heyn. et Voss. *ad Georg.* p. 647. Ex Syronis disciplina circa a. 709. in agros suos rediit. Tum fortasse parentes eius adhuc vixerunt, quos secundum Donatum 25. iam grandior natu amisit. Atque si e Catalectis carmen decimum a Virgilio scriptum est, pater anno 714. adhuc in vivis fuit. Ceterum parentes non ita pauperes fuisse, satis apparet. An vero praeter agrum Andinum alias possessiones habuerint incertum est. Commemoratur quidem praedium prope Nolam, quod Virgilii fuerit [Gellius VII. 20., Servius *ad Aen.* VII. 740., Heyn. *ad Georg.* II. 224. et Voss. *ad Georg.* p. 924.]; sed fortasse poeta hoc sibi sequiore tempore eodem modo paravit, quo Maecenatis liberalitate Romae in Esquiliis domum habuisse dicitur. v. Donat. §. 24. Fortasse etiam anno 714. Syronis villam sibi emit, quod certe ex *Catalect.* X. colligi potest.

Roma in praedium Andinum redux factus Virgilius literis vacavit atque agris colendis viam ad agrestes Musas sibi aperuit. Huc eum etiam duxit Parthenius, quem Moretum Graece scripsisse tradunt. v. Heyn. *ad Virg. Moret.* p. 302. Ad huius exemplum haud dubie anno 709. aut 710. Culem composuit. v. Heyn. *ad Donat.* 28., Voss. *ad Eclog.* V. 52. p. 256. et Weichert. in *Poett. Lat. vitis* p. 165. Procul dubio etiam alia carmina minora illo tempore fecit. Commemorantur Catalecta, Priapeia, Epigrammata, Moretum, Dirae, Ciris, Copa et Aetna, quorum pleraque tamen viri docti aliis auctoribus vindicare studuerunt. Etenim Aetna Augusteo aevo ingravescente a Lucilio iuniore aut a Cornelio Severo scriptus esse videtur. Cf. Baehr. *Gesch. der röm. Liter.* p. 207. sq. Copam, quam Vossius et Silligius non immerito Virgilio adscripserunt, alii A. Septimio Sereno

aut T. Valgio Rufo aut adeo Floro tribuerunt. v. Ilgen. *Animadv. phil. et crit. in carm. Virg. quod Copa inscribitur* [Halae 1820. 4.], Weichert. *l. c.* p. 239. et Zell. *Ferienschriften* I. p. 50. Moretum, quod carmen Woltmanno in *Memoiren des Freiherrn von S—a* Vol. I. p. 13. adeo praestantius carminibus Virgilianis visum est, nihilominus ab A. Septimio Sereno scriptum esse censuerunt, quamquam nihil inest, quod a sermone Virgiliano discedat. v. Ilgen. *l. c.* p. 6., Wernsdorf. *Poett. Lat. minor.* II. p. 253., Klopferi edit. *Moreti quod vulgo Virgilio adscribitur*, quae Zwiccaviae a. 1806. in 4. prodiit, Iahn. in *Archiv f. Phil. u. Paedag.* 1836. Vol. IV. p. 627. sqq. Cirin, quae sane nihil Virgilianum habet, aut Cornelio Gallo, aut Valerio Catoni aut Catullo adscripserunt. v. Sillig *proem. in Cirin* p. 135. sqq. et Voss. *ad Ecl.* p. 321. et 332. Ab eodem Valerio Catone Diras scriptas esse credunt, quamquam Lerschius in *Zimmermanni Zeitschr. für die Alterthumsw.* 1837. ch. 129. eas Virgilio vindicare studuit. Cf. Baehr. *l. c.* p. 237. sqq. In Priapeiis et Catalectis sunt haud dubie nonnulla carmina, quae Virgilius scripsit [v. Wagner. *ad Aen.* IX. 335.]; sed difficile dictu est, quae ab aliis sint interposita. Cf. Fr. Fiedleri programma: *Ex P. Virgilii Mar. Catalectis epigrammata VII. et Copa*, Vesaliae 1830. in 4. editum. Diligenter autem poeta tum Theocriti aliorumque poetarum Graecorum carmina tractasse videtur, quod studium mox Bucolicis suis comprobavit, in quibus nunc totum argumentum nunc singulas sententias et verba Theocriti carminibus expressit. Maxime autem in his carminibus, quae a serioribus non satis recte *Eclogae*, ut in Graecis *εἰδύλλια*, dicta sunt [v. Weichert. *l. c.* p. 21.], reipublicae Romanae statum, qui tum fuit, respexit atque plerumque argumentum ex illorum annorum rebus gestis sumsit; unde etiam interpretatio ex accurata illius temporis cognitione saepissime pendet. v. Spohn. *l. c.* p. 21. sq. Scripsit enim haec ab a. 712. ad a. 716. aut 717. inter tumultus bellicos, quibus a M. Antonio, C. Caesare Octaviano et M. Lepido motis universa Italia vastabatur et inprimis Gallia Cisalpina misere vexabatur. Errant autem grammatici, qui ea intra triennium absoluta esse dixerunt. Excitatus est ad ea componenda a

C. Asinio Pollione, in cuius notitiam et familiaritatem ab anno 711. exeunte venisse videtur. Cf. Weichert. *de L. Varii, et Cassii Parm. vita et carm.* p. 25. Composuit partim Andibus in agro suo, partim Romae. Propertius enim, qui II. 34. [25.] 67. eum haec subter pineta Galesi cecinisse dixit, id tantum tempus, quo ipse elegiam illam composuit [post a. 728.], respexit. Neque hae Eclogae statim coniunctae sed seorsum ac singulae atque alio, quam nunc leguntur, ordine editae sunt. Prodierunt enim a. 712. secunda, tertia et quinta, 713. prima, 714. nona et quarta, 715. sexta et octava, 715. aut 716. septima, et 716. aut 717. decima. Quae quidem ut clarius perspiciantur et causae, cur hunc ordinem a plurimorum interpretum sententia distantem constituerimus, melius appareant, annorum 711.—717. historiam paullo latius sic descripsimus:

Anno 711. [a. C. n. 48.] C. Vibio Pansa A. Hirtio coss., mense Aprili medio bellum Mutinense confectum est, in quo uterque consul periit et Octavianus post pugnam a. d. XVII. Kal. Mai. commissam a militibus et Senatu imperator salutatus est. v. Drumann. *Geschichte Roms* Vol. I. p. 307. sqq. et p. 323. Huic bello Maecenas interfuit. Antonius ex pugna in Galliam Transalpinam fugit, ibique a. d. IV. Kal. Iun. se cum M. Aemilio Lepido, qui proconsul cum quatuor legionibus Hispaniam citeriorem et Galliam Narbonensem tenebat, coniunxit. v. Drumann. *l. c.* p. 325. sqq. Octavianus viginti annorum adolescens imperium contra illum impetravit et senatum coegit, ut a. d. XIV. Kal. Septembr. cum Q. Pedio in consulum interfectorum locum sufficeretur. v. Vellei. Paterc. II. 65. Mox etiam clam cum Antonio et Lepido literarum commercium instituit [Vellei. Pat. II. 63.], quo Asinium Pollionem, qui anno 710. a Caesare Hispaniae Baeticae praefectus erat, et L. Munatium Plancum, qui Galliam ulteriorem tenebat, commovit, ut ad Antonium abirent. v. Drumann. *l. c.* p. 355. sq. Denique a. d. V. Kal. Decembr. Octavianus, Antonius et Lepidus triumviratum in quinque annos inierunt, bellum contra Brutum et Cassium decreverunt, tabulas proscriptionum ediderunt et provincias inter se dividerunt. Octavianus Africam et insulas maris mediterranei,

Lepidus Hispaniam et Galliam Narbonensem et Antonius reliquas Gallias accepit. v. Voss. *ad Ecl.* IV. p. 169. et Drumann. *l. c.* p. 363. sqq. Inde ab hoc tempore Galliae Transpadanae cum septem legionibus Asinius Pollio praefectus est. Fuit autem Pollio literarum artiumque et peritissimus et amantissimus, atque tum tragoediis scribendis operam dedit, quae Virgilio et Galliae Transpadanae incolis non solum novae (numquam antea audita), sed adeo Sophocleo cothurno dignae esse visae sunt. v. *Ecl.* III. 86. et VIII. 9., Weichert. *de L. Varü et Cassü vita et carmm.* p. 51. sq. et p. 149. sqq., Eckhardi *Vindiciae optimorum Latinit. auctor. adversus iniquum censorem C. Asin. Pollionem* [Ienae 1745. 4.] p. 39. Quod quidem literarum studium quemadmodum postea effecit, ut docti homines in Pollionis domo frequentes congregarentur, ita iam tum in causa fuisse videtur, ut Virgilius iam ab anno 711. extremo in eiusdem notitiam familiaritatemque veniret. Ceterum eodem tempore M. Tullius Cicero a triumviris proscriptus atque a. d. VII. Id. Decembr. interfectus est. Itaque ante hoc tempus scripta esset Ecloga sexta, si Donatus recte referret, Ciceronem eam a Citheride mima cantatam audisse et magnam Virgilii famam praesagivisse. Cf. Servius *ad Ecl.* VI. 11. Sed dudum Ruaeus hanc fabulam refutavit.

Anno 712. M. Aemilio Lepido L. Munatio Planco Coss. Pollio in Gallia Cisalpina, ubi anni initio Padus inundavit [*Georg.* I. 489.], mansit et Virgilium in dies familiarius tractavit, qui inde anno ineunte primum carminis bucolici periculum fecit et Eclogam secundam scripsit. Hoc enim tempus maxime probabile visum est, quamquam interpretes aliter statuerunt. Etenim ante Pollionis adventum in Galliam Virgilius ad Bucolica scribenda non accessisse, sed ab hoc duce primum ad hanc rem excitatus esse videtur. vid. *Ecl.* VIII. 10. sq. Quod si verum est, carmen ante annum 711. extremum scribi non potuit. Martinus quidem, qui Virgilium Iulio Caesari notum fuisse ex *Ecl.* V. 52. collegit atque Ecloga secunda hanc notitiam sibi parasse suspicatus est, eam ad annum 709. retulit. Sed recte hanc opinionem reiecit Vossius p. 256., qui etiam illa

Eclogae quintae verba de Caesaris favore erga Galliae Cisalpinae incolas bene interpretatus est. Idem Vossius tamen hoc carmen verno tempore a. 711. scriptum sed a. 712. expolitum et Pollioni traditum esse statuit. Sed causam idoneam non attulit, atque ex Virgilio praeter ea, quae supra commemorata sunt, nihil aliud, nisi hanc Eclogam ante tertiam et quintam scriptam esse, colligi potest. Suspicionem nostram confirmant Apulei. *Apol.* I. 13., Donat. §. 20. et 37. et Servius *ad Ecl.* II. 1. et 15. Virgilius enim aliquando a Pollione ad coenam invitatus vidit ibi Alexandrum puerum, qui Pollioni a poculis erat, eiusque amore ita exarsit, ut eum Alexidis nomine hac Ecloga celebraret. Cf. Apulei. *Apolog.* p. 449. ed. Wouwer. Pollio carmine ita delectatus est, ut Alexandrum poetae donaret. Virgilius vero sicut pro more sui aevi a puerorum amore non alienus fuit, ita tamen Asconio teste Alexandrum haud impudice amavit, sed eum literas docuit grammaticumque fecit. Cf. Weichert. *l. c.* p. 88. sqq. et Genthe in *Vita Virgilii*, quam versioni metricae Eclogarum Virgilii addidit, p. 33. sqq. Martialis quidem VIII. 56. [coll. Epigramm. V. 16. et VII. 26. atque Herder. in *kritisch. Wäldern* II. p. 188. sqq.] hanc Alexidis fabulam ad Maecenatem refert; sed non apparet, quomodo poeta, qui per totum annum Andibus vixit, hoc tempore Maecenatis Romae degentis coenam adire potuerit. Neque Ecloga seriore tempore scripta esse potest. Grammatici autem a Maecenate quoque Virgilio aliquando puerum Cebetem donatum esse narrant. Hinc Martialis haud dubie utramque fabulam confudit et, Maecenatis merita in Virgilium celebrans, poetica ratione huic tribuit, quae Pollioni tribuenda fuerunt. Idem fecit Propertius II. 34. [25.], qui carmina bucolica eo tempore, quo Aeneis scripta est, composita esse canit. Ceterum Vossius *ad Ecl.* VI. 74. anno superiore Cirin a Cornelio Gallo scriptam esse ex carminis initio [1. — 47.] conclusit, atque ex eius vs. 208. et 370. Eclogae secundae vs. 5. et 11. expressum esse observavit. Quod si verum est, poeta iam hoc anno cum Gallo, quem anno sequenti inter Virgilii amicos fuisse constat, amicitiam contraxit. Atque haud dubie per Pollionem, cui Gallus adolescens iam a. 710. con-

iunctus fuit, eam sibi paravit. Post Eclogam secundam tertia verno tempore eiusdem anni scripta est. Huius enim tempus ex vs. 84. sqq. et *Ecl.* V. 87. certo constat; quae male a Martino anno 711. et a Ruæo a. 715. adscripta est. vid. Voss. p. 106. et Weichert. *l. c.* p. 52. Rodit vero poeta in hac ecloga Bavium Maeviumque, ineptos illius temporis poetas, qui carmina Virgilii adhuc edita vituperaverant, eique fortasse Pollionis amicitiam invidebant. Cf. Spohn *l. c.* p. 27. sq. — Romae autem triumviri Kalendis Ianuariis C. Iulio Caesari divinos honores decreverant. Etenim iam anno 710. statim post Caesaris necem Herophilus sive Amatius quidam Romae in foro aram posuerat, in qua Divo Iulio sacra fierent; sed C. Antonius Herophilum interfecerat, aram Dolabella everterat. v. Drumann. *l. c.* p. 107. Verum cum eiusdem anni mense Quintili Octavianus in honorem Veneris Genitricis, cui C. Iul. Caesar in pugna Pharsalica templum voverat et biennio post dicaverat, ludos solemnes celebraret; inter eos ludos per septem dies stella crinita apparuit. v. *Ecl.* IX. 47. ibique intpp., *G. I.* 488. Quem cometen quamquam Vulcatius aruspex exitum saeculi noni significare dixerat [v. not. *ad Ecl.* IV. 5.], populus tamen credidit, animam esse Divi Iulii eumque inter deos receptum esse; atque Octavianus statuam Caesaris super caput aurcam stellam habentem in templo Veneris Genitricis cum titulo *Καίσαρι ἡμιθέῳ* posuit, posteaque ipse in pugna Actiaca [*Aen.* VIII. 681.] stellam in casside gessit. v. Servius *ad Ecl.* IX. 47., Voss. *ad Ecl.* V. 56. et Drumann. *l. c.* p. 147. Huius vero anni [712.] Kalendis Ianuariis Octavianus se Octavianum Caesarem Divi filium appellavit [*Aen.* VI. 793.], atque triumviri decreverunt, ut dies, quo Caesar interfectus est, nefastus esset, Caesari heroi in eo loco fori, quo crematus erat, sacellum poneretur, eius imago cum imagine matris Veneris in pompa Circensi circumferretur, denique eius diem natalem omnes Romani quotannis hilares et laureati celebrarent. v. Dio Cass. XLVII. 18., Virgil. *Aen.* I. 289. et VI. 790., Voss. *l. c.* et Drumann. *l. c.* p. 384. Cum vero Caesaris dies natalis [a. d. III. Id. Iul.] in eum diem, quo ludi Apollinares celebrabantur, incideret atque libris Sibyllinis vetitum esset,

ne cuiquam deo praeter Apollinem eo die sacra fierent; Divi Iulii festum a. d. IV. Id. Iul. agendum esse decreverunt. v. not. *ad E.* V. 66. Ceterum Octavianus eiusdem anni initio Serviliam uxorem repudiavit et Clodiam, Fulviae filiam et M. Antonii privignam, in matrimonium duxit [Sueton. *Aug.* 62.]; nec non Fescenninos in Pollionem fecit. v. Voss. *ad Ecl.* IV. p. 171. Eodem tempore novae proscriptionum tabulae editae sunt, in quibus praeter alios etiam M. Valerius Messalla, qui paullo ante in Asiam ad Brutum confugerat, morti destinatus erat. v. Dio Cass. XLIX. 16., Vellei. Pat. II. 80., Voss. p. 173., Weichert. in *Poetar. Lat. vitis* p. 361. et Weissbeck. *disput. de M. Val. Corv. Messalla* [Altdorf 1689.] p. 7. Mense Iulio per totam Italiam Divi Iulii sacra natalicia primum celebrata sunt, atque cum Galli Cisalpini prae ceteris Caesarem interfectum, a quo civitate donati essent [*Ecl.* V. 82., Dio Cass. XLI. 36., Voss. p. 250.], grato animo colerent; Virgilius in huius diei solennia *Ecl. V. 20. — 44.*, apotheosin [*56. — 64.*] et sacra solennia [*65. — 80.*] cecinit. Ad Caesarem hoc carmen spectare, iam antiqui interpretes intellexerunt [v. Serv. *ad Ecl.* V. 20. 29. et 56.], quamquam alii [v. Serv. *ad E.* V. 1. et 20.] aut Flaccum Virgilii fratrem, aut Quintilium Varum Cremonensem [qui anno 730. demum obiit, v. Iahn. *ad Hor. Od.* I. 16. et Weichert. *de L. Varii et Cassii Parm. vita* p. 133.] celebratum esse crediderunt. v. Voss. p. 233. et Buttmann. in *Scriptt. Acad. lit. Berol.* 1815. II. p. 24. Ceterum vix dubitare licet, quin inter ipsa sacra primum celebrata hoc carmen sit editum, quamquam Vossius et Weichertus *l. c.* id anno 713. demum scriptum esse statuunt. Idem haud dubie paullo post una cum secundo et tertio carmine Octaviano missum est. Videtur enim Virgilius illi prius innotuisse, quam anno proximo ab eo agri sui integritatem impetraret. Post ludos Apollinares Caesar Octavianus et M. Antonius cum exercitu contra M. Iun. Brutum et C. Cassium profecti sunt, et auctumno exeunte ad Philippos pugnatum est. Cf. *Georg.* I. 489. Brutus et Cassius perierunt, eorumque exercitus par-

tim diffugit, partim Messalla Corvino et L. Bibulo suadentibus Antonio Octavianoque se dedit [Appian. IV. 136.], Domitius Ahenobarbus cum classe per mare vagatus est. Nova provinciarum distributione facta, qua Antonius Gallias et Africam, Octavianus Hispaniam et Numidiam accepit, ille in Asiam profectus est, ut pecunias, quas militibus polliciti erant, colligeret, Octavianus in Italiam rediit; ut contra S. Pompeium ageret atque agros veteranis dimissis divideret. v. Appian. V. 3. et Dio Cass. XLVIII. 2. Triumviri enim iam anno 711. militibus octodecim Italiae urbium agros veteranis dividendos magnamque pecuniam promiserant. v. Appian. IV. 3. et V. 22., Dio Cass. XLVIII. 30. et Plutarch. *Anton.* 23.

Anno 713., P. Servilio Vatia Isaurico II. L. Antonio coss., ubi Octavianus a gravi morbo convaluit Romanamque reversus est, verno tempore agrorum divisio incepit, eaque magnae per totam Italiam turbae motae sunt. Octavianus enim, cui soli hoc agrorum dividendorum munus mandatum erat, milites ita in urbes deduxit, ut cives omnibus bonis spoliaret, nec solum agros et aedificia, sed etiam servitia et omnem apparatus reliquum militibus traderet. v. Dio Cass. XLVIII. 6. Civitates, quarum agri dividebantur, postularunt, ut universa Italia hoc onus participaret aut inter se sortirentur civitates, atque agrorum pretium ab imperatoribus repetierunt. Quorum preces cum Octavianus non audiret, sed militibus gratificans adeo concederet, ut vicinorum etiam praedia invaderent et plura, quam quae iis attributa erant, ad se raperent; magnus tumultus exstitit civesque passim militum iniurias armorum vi repellere conati sunt. v. Dio Cass. l. c., Appian. V. 12. sq. Interim Fulvia, M. Antonii uxor, et L. Caesar consul cum Manio, qui absentis Antonii res procurabat, rei expediendae difficultatem turbasque auxerunt. Metuentes enim, ne Octavianus sibi soli militum gratiam pararet Antoniumque favore eorum fraudaret, primum postulaverant, ut coloniarum deductio in Antonii adventum differretur. Quod cum non permitteret militum impatientia, iterum postulabant, ut Octavianus Antonianas legiones amicis Antonii deducendas traderet. v. Appian. l. c. cap. 14. sqq. Octavianus eam iniuriam aegre tulit, atque

(mense Febuario) Clodiam uxorem, quam adhuc virginem esse dictitabat, repudiavit, mox etiam Galliae Cisalpinæ Antonio eripiendae consilium cepit. Fulvia, L. Antonius et Manius, ea re magis etiam exasperati, infestiore in dies animo Octaviano adversati sunt, malis artibus civium militumque animos ab eo abalienarunt, denique effecerunt, ut ille L. Antonio aliisque M. Antonii amicis huius legiones in colonias deducendas cedere cogeretur. Qui cum in agris dividendis maiorem etiam militibus concederent licentiam et quovis modo illis gratificarentur; Octavianus, metuens, ne, abalienatis iam a se civium animis, etiam militum favore fraudaretur omnibusque infestus esset, ab instituto suo non nihil deflexit. Senatui igitur favere coepit, edixitque, ne militibus traderentur senatorum agri, neque quos mulieres dotis loco accepissent, neque qui minores essent, quam ut promissae in singulos milites quantitati sufficerent. v. Dio Cass. *l. c.* cap. 8. Tum mense Iulio Galliam Cisalpinam in fraudem Antonii ad Italiae praefecturam retulit, mandavitque, ne quis Antonii dux in ea regione, eius gubernandae specie, exercitum haberet. v. Dio Cass. *l. c.* cap. 12., Appian. V. 3. et 22., Spohn. *l. c.* p. 34. sqq., Drumann. *l. c.* p. 396. sqq. Quamvis vero eius rei excusandae atque gratiae reconciliandae causa L. Cocceium Nervam ad M. Antonium misisset; res tamen eo devenit, ut Fulvia et L. Antonius bellum pararent, quod auctumno exeunte circa Perusiam maxime exarsit. Priusquam haec fierent, Octavianus iam verno tempore veteranorum manum in Galliam Transpadanam miserat, qui urbis Cremonae agros occuparent. v. Servius *ad Ecl.* IX. 28. et Pompon. Sab. *ad Ecl.* IX. 29. Sed cum Cremonenses agri non suffecissent, milites etiam vicinos Mantuae Andiumque agros invaserunt [*Ecl.* IX. 28., *Georg.* II. 198.], eoque tempore etiam Virgilio agrum suum a Claudio quodam ereptum esse, interpretes ex Donato §. 95. et Servio *l. c.* collegerunt. Sed incerta sunt testimonia grammaticorum, qui sequentis anni invasionem a militibus factam cum hac priore confudisse videntur; atque ex ecloga prima, Virgilii agrum hoc tempore servatum esse, colligere licet. Cf. Donat. §. 36. Etenim Asinius Pollio, qui etiamnum illi provin-

ciae praeerat atque veteranorum libidini, quantum posset, obstabat, effecisse videtur, ut Virgilii ager incolumis esset. Sed Pollionis auctoritas non diu valuisse videtur. Itaque cum mense Sextili novi belli periculum ingravesceret atque Pollio, L. Antonio auxiliaturus, cum copiis suis discessum e regione Mantuana pararet; Virgilius, sive a Pollione incitatus sive sua sponte, Romam se contulit, ubi ab Octaviano, cui se Mantuanosque iam Ecloga quarta commendaverat, agri sui incolumitatem peteret. Res feliciter cessit, atque Octavianus edixit, ut poetae suus ager maneret. v. *Ecl.* I. 45. sq. et IX. 7. sqq. Fuerunt, qui poetam in ea re ab Alfeno Varo et Cornelio Gallo, qui hoc tempore Romae erant, adiutum et Octaviano commendatum esse statuerent; sed sententiam certis testimoniis argumentisque non comprobarunt. Alii etiam C. Cilnium Maecenatem Virgilio auxiliatum esse credunt; sed huius opem Donatus §. 96. rectius ad alteram agri Virgiliani occupationem retulit, idque Martialis VIII. 56. 7. — 10. confirmare videtur. Neque obstat Auctor *Carm. ad Pison.* 218. sqq., qui generatim tantum de Maecenatis in Virgilium meritis loquitur. Omnino Virgilius ante annum 714. non videtur in Maecenatis gratiam venisse, unde etiam nusquam in Eclogis eum commemoravit, quod vix praetermisisset, si hoc tempore ab eo adiutus esset. Illud autem Octaviani beneficium poeta Ecloga prima celebravit, quae anno 713. scripta neque ante mensem Octobrem extremum, postquam apertum inter Octavianum et Antonianos iam exarserat bellum, edita esse videtur. v. Spohn. *ad Ecl.* I. 82. In eo enim carmine poeta, prorsus oblitus Pollionis, quippe Caesarianis hoc tempore infesti, Octavianum tantis laudibus exornavit, ut eum, qui ab anno 712. Divi Iulii filius dictus est, adeo deum appellaverit atque a se inter Lares domesticos cultum iri affirmarit. v. *ad E.* I. 43., Spohn. *ad E.* I. 44. et Forbiger. *ad E.* I. 5. Ceterum mira sunt grammaticorum de hoc carmine figmenta, qui cum sub Tityri persona ipsum Virgilium latere statuissent, Menalcae nomine aut Cebetem puerum a Virgilio amatum aut adeo Corneliolum Gallum significari inepte crediderunt. v. Serv. *ad E.* I. 1. et II. 15. Addunt etiam, Amaryllidis nomine Plo-

tiam Hieriam, L. Varii uxorem, indicari, quacum Virgilius adulterium admiserit et cui Thyesten tragoediam a se scriptam dono dederit, quam tragoediā postea Varius pro sua vendidisset. v. Pompon. Sab. *ad E.* II. 14. Weichert. *de L. Varii et Cassii Parm. vita* p. 93. sqq. Virgilius ubi carmen hoc Romae edidit Octavianoque tradidit, in agrum suum rediisse videtur, ex quo tamen paullo post iterum expulsus est. Mense Decembri medio L. Antonius, cui P. Ventidius, Asinius Pollio et L. Munatius Plancus, M. Antonii duces, frustra succurrere studuerunt, in oppido Perusia inclusus obsessusque est, et eum

Anno 714., Cn. Domitio Calvino II. C. Asinio Pollione coss., Octavianus fame coëgit, ut a. d. IV. Id. Martias cum militibus oppidoque se dederet. v. Drumann. *l. c.* p. 408. sqq. Bello autem Perusino confecto Octavianus Maecenatem Romam remisit, M. Agrippam, qui hoc anno Praeturam gessit atque mense Iulio Romae ludos Apollinares splendide ac magnifice habuit [v. Frid. Wilhelm. Sommerus in dissertat. *de M. Agrippa* Lipsiae a. 1717. 4. edita p. 5. sq.], cum exercitu misit, ut Munatium Plancum Fulviamque cum exercitu per Umbriam aufugientes atque inde in Graeciam abientes persequeretur Italiamque a Sexti Pompeii invasione defenderet, ipse in Gallias profectus est ibique, Fusio Caleno M. Antonii duce mortuo, legiones Antonianas atque Galliam Transalpinam sibi conciliavit [Appian. V. 51. et 53., Dio Cass. XLVIII. 20.], atque Galliae Cisalpinæ Alfenum Varum cum exercitu praefecit, qui P. Ventidium et Asinium Pollionem, agros Venetos Ravennatesque cum copiis suis tenentes, arceret agrisque dividendis praesesset. v. Servius *ad E.* VI. 6. et IX. 10. et 29. et Thorbecke *de Asinio Pollione* p. 22. In munere agrorum dividendorum Varus socios habuit Antonium Musam, agrorum limitatorem, atque Cornelium Gallum, qui ab iis Galliae Transpadanae municipiis, quorum agri non dividebantur, pecunias exigeret. v. Servius *ad Ecl.* VI. 64. et IX. 7. Virgilius, qui novas veteranorum iniurias metuebat, Varum precibus adiit, ut agros Mantuanos incolumes esse vellet, eique pro hoc beneficio carmen epicum, quo eius facta cane-

ret, scribere promisit. v. *Ecl.* IX. 26. et VI. 3. et Servius *ad Ecl.* VI. 3. et IX. 29. Nihilominus Varus concessit, ut Antonius Musa, Mantuanis iratus, magnam agri Mantuani partem militibus adscriberet. v. Serv. *ad E.* IX. 7. et Cornelius *apud Serv. ad Ecl.* IX. 10. Quid, quod adeo Arrius quidam centurio Virgilii agrum occupavit eumque, qui Octaviani promissis confusus cedere nollet, paene interfecit atque vi agrum sibi sumsit. v. Servius in *prooemio commentariorum* p. 2. ed. Burm. et *ad Ecl.* III. 94., IX. 1. et 11., Heynius *ad Donat.* §. 31., Vossius p. 454. Virgilius igitur Romam aufugit ibique in villa Syronis latuit. v. *Catalect.* X. et Voss. p. 451. Interim M. Antonius, qui, nuntio de rebus ad Perusiam accepto, ab Aegypto et Asia minore Athenas venerat, cum Sexto Pompeio, qui Siciliam tenebat, de pace agere coepit. Cui periculo ut occurreret atque sibi Pompeium conciliaret, Octavianus Maecenate suadente primum Muciam Sexti matrem ad filium misit, tum vero, ubi e Gallia Romam mense Maio aut Iunio reversus est, Scriboniam, feminam gravidam [Senec. *epist.* 70.] et L. Scribonii Libonis, qui Pompeii socer erat, sororem in matrimonium duxit. Octaviano reduci Virgilius tradidit *Eclogam nonam* mense Iunio aut Iulio ineunte scriptam, in qua agri sui, anno superiore carminibus servati sed nunc contra Octaviani iussum sibi erepti, iacturam deplorat [vs. 7. — 10.], carmen quartum et primum, quae in Caesaris et Octaviani honorem scripserat, huic in memoriam revocat [vs. 23. et 47.] atque Vari mentionem facit [vs. 26. sqq.], a quo Mantuae salutem frustra petierat. Grammatici eo carmine parrant effectum esse, ut Virgilio ager suus restitueretur, adeoque missos esse triumviros, qui etiam Mantuanis partem agrorum redderent. v. Servius in *prooem. ad eclog.* p. 2. Sed triumvirorum nomine fortasse non alios quam, qui iam antea agris dividendis praepositi erant, Varum, Musam et Gallum significarunt, atque in agri restitutione id silentio praeteriisse videntur, quod ea auctumni tempore demum facta est. Etenim mense Iulio Octavianus vix de agro Virgiliano reddendo cogitavit, sed cum spe M. Antonii reconciliandi et pacis cum S. Pompeio ineundae excidisset, totus in bello parando oc-

cupatus fuit. v. Drumann. *l. c.* p. 417. sqq. Asinius Pollio, qui Domitium Ahenobarbum cum magna classe mare Adriaticum tenentem Antonio conciliaverat, eo tempore e Venetia cum Ventidio et exercitu suo in Italiam inferiorem profectus est. M. Antonius autem foedus cum Pompeio fecerat, et mense Septembri ineunte in Italiam transvectus Sipontum et Brundisium cepit. Octavianus igitur Agrippam cum classe contra Pompeium misit et ipse castra ad Brundisium posuit. Sed cum iam maxima omnium sollicitudo esset, ne bellum gravissimum recrudesceret, Fulvia Antonii uxor Sicyone mortua est, et L. Cocceius Nerva, utriusque ducis itemque Pollionis et Maecenatis amicus, Antonium cum Octaviano reducere ac reconciliare studuit. Tandem Septembri exeunte aut primis Octobris diebus Cocceio medio per Pollionem et Maecenatem foedus Brundisium ictum est, quo Octavianus omnes regiones, quae a Dalmatia et Sardinia versus septentrionem et occasum sitae sunt, Lepidus Africam, et Antonius reliquas provincias accepit. Ad pacem confirmandam Antonius Octaviam, Octaviani sororem e priore marito M. Claudio gravidam, in matrimonium duxit. Multis proscriptis, ut Domitio Ahenobarbo et Messallae, venia ac reditus concessus est. Contra Pompeium autem bellum paratum est. v. Appian. V. 60. sqq., Plutarch. *Anton.* 31. et Drumann. *l. c.* p. 422. Hoc vero tempore Asinius Pollio primum Virgilium Maecenati commendasse atque per eum ab Augusto impetrasse videtur, ut poetae ager Andinus redderetur. v. Voss. p. 462. Idem Pollio per hanc pacem cum Octaviano in gratiam rediit, atque Romam reversus nunc demum consulatum adiit. Uxor Pollionis cum marito vix Romam reversa filium peperit, qui C. Asinius Gallus nominatus est. v. Ascon. *apud Serv. ad Ecl.* IV. 11., Macrob. *Saturn.* III. 7. et Mai. *praefat. ad Cic. pro Scauro* p. 39. ed. Beier. Errant enim, qui Saloninum, alterum Pollionis puerum, tum natum esse statuunt. v. Serv. *ad Ecl.* IV. 1. et Boecler. in *Dissertatt. acad.* T. II. p. 388. Is enim, quem Ruaeus *ad Ecl.* IV. pr. Pollionis non filium sed nepotem fuisse parum recte statuit, sequenti demum anno natus est, et a Salonis, Dalmatiae oppido, quas Pollio anno 715. expugnavit, nomen

accepit. v. Servius *l. c.* et Acro *ad Horat. Od. II. 1.* Virgilius autem, ut et Pollioni et Octaviano pro agro recepto gratias ageret, nec non pacis Brundusinae felicitatem celebraret, pueri natales *Ecloga quarta* cecinit, in qua, mense Octobri scripta, reditum aureae aetatis vaticinatus est. Rumor enim tum Romae increbuerat, decimum ultimumque magni anni mundani mensem ab anno 711. exorsum esse, atque eo mense finito novum mundi annum novumque omniumque rerum ordinem oriturum adeoque felicissima tempora reditura esse vulgaris erat Romanorum opinio. v. Servius *ad Ecl. IX. 47.* Plutarch. II. *de placit. philos.* cap. ult., Irhov. *de Palingenesia veterum* III. c. 6. §. 6. sq., Iac. Thomasius in *Dissertatl. ad stoicae philosophiae historiam facientibus* V. p. 62. sqq., Voss. *de idolol.* II. c. 47. Cum vero Octavianus et Antonius tum in firmissimam gratiam reconciliati viderentur atque Romani ab ea pace felicissima quaeque sperarent; Virgilius, ingeniose illa fama usus, novam mundi aetatem iam appropinquasse cecinit. Auctorem huius felicissimi temporis, quod poetarum more aureae aetatis reditu significavit, Octavianum fore dicit, initium huius temporis a Pollionis consulatu exordiri affirmat, felicemque puerum praedicat, qui ipso hoc tempore quasi signum novi rerum ordinis natus sit. v. not *ad Ecl. IV. 5.* Consulto autem in ea *Ecloga* Octavianum non nominavit, sed tantum pronomine *ille* significavit [v. *ad Ecl. IV. 15.*], nimirum ut Romani, qui Octaviano minus faverent, etiam alium huius felicitatis auctorem substituere possent. Nostro tempore haec ambiguitas pronominis *ille* in causa fuit, ut interpretes fere omnes ipsum puerum recens natum tanquam auctorem aureae aetatis a poeta celebrari crederent, multi etiam cum grammaticis antiquis de totius carminis consilio et argumento mira ac paene incredibilia fingerent. Alii enim Augusti natales celebrari dixerunt, alii puerum, qui a Scribonia vel ab Octavia exspectabatur, intellexerunt, alii vaticinationem Sibyllae de Christi natalibus expressam atque ad puerum Romanum nobilem translata esse putarunt. Conf. Burmann., Heyn., Voss., Both., Schirach. p. 372., Valesius *Emendatl.* IV. 13., Thorbeckius *de Asinio Pollione* p. 32., et *Observa-*

tions in illustration of Virgil's celebrated fourth Eclogue. Lond. 1810. 8. Post pacem Brundusinam Antonius, proximo anno contra Parthos profecturus, exercitum suum in Graeciam miserat; sed antequam ipse Roma discederet, partem copiarum Pollioni tradidit, qui Parthinos gentem Dalmatiae subigeret. v. Appian. V. 75. et Dio Cass. XLVIII. 41. Post Pollionis discessum in paucos dies L. Cornelius Balbus et P. Canidius consules suffecti sunt. v. Dio Cass. l. c. cap. 32. Sext. Pompeius autem Sardiniam occupavit, Italiae litora vastavit et Romam fame vexavit. Populus inde tumultum fecit, et triumviros coëgit, ut anno extremo de pace cum Pompeio agerent.

Anno 715. L. Marcio Censorino C. Calvisio Sabino coss. Romae ex Octavia M. Marcellus natus est. Octavianus cum M. Antonio Miseni Sext. Pompeium convenit, quocum anno fere medio pax Puteolana composita est. Pompeio Siciliam, Sardiniam, Corsicam, Achaiam et consulatum concesserunt eiusque filiam M. Marcello infanti desponderunt. Appian. V. 71. sq., Dio Cass. XLVIII. 31. 36. et Drumann. l. c. p. 428. sqq. Paulo post Scribonia Iuliam peperit et statim post filiam natam ab Octaviano repudiata est. v. Voss. p. 165. Deinde consulibus et nonnullis aliis magistratibus in octo annos ordinatis auctumno tempore Antonius in Graeciam et Octavianus in Galliam abiit. Virgilius hieme superioris anni in praedium Andinum reversus esse videtur. Galliae Transpadanae Alfenus Varus adhuc praefuit, cui poeta anno 714. carmen epicum promiserat. Sed cum precibus non satisfacisset et Mantuanos iniquo modo vexasset, huius promissi Virgilium poenituisse videtur. Ne tamen virum potentem et regioni praefectum offenderet, huius anni verno tempore ei inscripsit *Eclagam sextam*, qua non tam illum laudavit, quam ex Epicureorum placitis rerum primordia cecinit. Quod quidem argumentum poetam propterea elegisse tradunt, quoniam ipse cum Varo a Syrone philosophiam Epicuream doctus erat. v. Serv. *ad Ecl.* VI. 13. Post carmen editum Virgilius Romam rediisse ibique Maecenati, antequam ille cum Octaviano Misenum abiit, Horatium commendasse videtur. Is enim mense Aprili a. 716. Maecenati in itinere Brundusino comes fuit; quare

certe mense Martio eiusdem anni inter illius familiares receptus est. Novem menses antea primum illum convenit, et ante hunc primum congressum a Virgilio et Vario commendatus est. v. Horat. *Sat.* I. 6. 55. sqq. et Weichert. in *Poetar. Lat. vitis* p. 453. sq. et de *L. Varii et Cassii Parm. vita* p. 41. sqq. Mense Octobri Asinius Pollio ab expeditione Dalmatica rediit et a. d. VIII. Kal. Novembr. de Parthinis triumphavit. v. Florus IV. 12., Acro et Porphy. *ad Horat. Od.* II. 1. 16., Weichert. in *Poetar. Latin. vitis* p. 155. Redeunti victricesque lauros referenti [*Ecl.* VIII. 9.] Virgilius mense Septembri exeunte Eclogam octavam scripsit. v. Spohn. *l. c.* p. 47. sq. et Weichert. *de L. Varii et Cassii Parm. vita* p. 31. Errant enim, qui cum Heynio et Thorbeckio *de Asinio Poll.* p. 31. hanc eclogam anno 714. Pollioni ad illud bellum discedenti dicatam esse statuunt, idque colligunt ex eius eclogae versu 6., quem interpretantur: 'sive tu adversus Parthinos proficiens adhuc saxa Timavi superas, sive iam oram Illyrici aequoris legis'. Inapte enim illo tempore poeta Pollioni victrices lauros tribuisset. Ceterum Pollio, ab ea expeditione redux factus, Antonium reliquit, Romae a rebus bellicis alienus in otio vixit, atque de manubiis Parthinis primus publicam Romae bibliothecam instruxit. v. Masson. in *Vita Horat.* p. 90. et Iahn. *ad Ovid. Trist.* II. 420. Virgilius autem illo carmine Pollioni quasi valedixit, atque sensim ab eo alienatus in Maecenatis Octavianique gratiam transiit. Atque Maecenatis amicitia effecit, ut idem raro in praedio Andino, plerumque Romae viveret.

Anno 716. Appio Claudio Pulchro C. Norbano Flacco coss. novum bellum cum Pompeio exarsit [Drumann. *l. c.* p. 442.]; de quo ut colloquerentur, Octavianus verno tempore Antonium Athenis Brundisium vocavit. Ad eum excipiendum mense Aprili missus est Maecenas, qui Cocceium Nervam, Fonteium Capitonem, Plotium Tuccam, L. Varium, Virgilium, Horatium aliosque secum duxit. v. Horat. *Sat.* I. 5., Appian. V. 78., Dio Cass. XLVIII. 45. sq. et Wesseling. *Observatt.* II. 15. Sed Antonius prodigio territus ante Maecenatis adventum Brundisium reliquit et Athenas reversus est. Male autem alii hoc iter ad annum 714. vel ad vernum

tempus a. 717., quo Antonius et Octavianus, Maecenate, Agrippa et Octavia praesentibus, Tarenti convenerunt, referre maluerunt. Posteriores sententiam nuper multis defendit C. Kirchner. in *Quaestionibus Horatianis* [Numburgi 1834. 4.] p. 54. — 60.; atque Drumann. *l. c.* p. 422. adeo statuit, hoc iter Brundisium a Maecenate solummodo animi voluptatisque causa, neque vero eo consilio susceptum esse, ut Antonium conveniret. Neutrum verum esse, alio loco demonstrabimus. Ceterum hoc anno Virgilius *Eclogam septimam* scripsisse haud inepte creditur, quamquam admodum infirma eius sententiae argumenta proferuntur. Nihil enim proficimus, si ex verss. 6. et 13. colligimus, carmen verno tempore compositum esse a poeta, qui tum ipse in praedio suo commoratus sit. Inde enim aliqua duntaxat temporis notatio derivari posset, si vera esset Spohnii observatio, existimantis, Virgilium vere anni 716. Neapolin se contulisse, ibique per septem annos versatum atque Georgicis componendis occupatum fuisse. Sed quamquam ex Georg. IV. 125. sqq. et 563. sqq. coll. Donato §. 40. et Propertio II. 34. 67. poetam, ubi Georgica scripsit, maximam temporis partem in Italia inferiore vixisse recte colligimus; tamen eum iam anno 716., quo bellum contra Pompeium parabatur atque tota Italia inferior maximo belli tumultu turbabatur, illuc se contulisse vix credibile est. Italia inferior ante annum 718. turbis bellicis non est liberata, neque prius Virgilius in eam regionem, ubi Musarum studiis se dederet, commigrasse videtur. Sed apparet, *eclogam septimam* scriptam esse, quo tempore Gallia Cisalpina pace fruebatur. v. Voss. p. 350. Item hoc carmen prius quam *decimum* compositum esse constat. Quod si tenemus atque insuper, poetam anni 715. vere exeunte e Gallia Romam abiisse meminerimus, probabili sane coniectura hoc carmen anno 716. tribuere videmur.

Anno 717. M. Vipsanio Agrippa L. Caninio Gallo coss. Virgilius *Bucolicis* finem imposuit et ultimum carmen *Eclogam decimam* edidit. Agrippa enim extremo anno 716. cum exercitu contra Gallos seditiosos missus, verno tempore anni 717. ad Rhenum Aquitanas Germanasque gentes devicit [Dio Cass. XLVIII. 49., Appian. V. 92. et annot.

ad E. l. 62.]; sed paullo post in Italiam revocatus est, ut classi adversus Sext. Pompeium fabricandae exercendaeque praeesset. In exercitu illo fuit etiam Volumnia quaedam, Volumnii Eutrapeli liberta, quae amatorem suum ad Rhenum sequebatur. v. Servius *ad E. X. 1.* Fuit ea mima, mimico nomine Cytheris appellata, multosque amatores habuit, in his inde ab anno 705. M. Antonium, qui tamen a. 708. eam dimisit atque Fulviam in matrimonium duxit. v. Cic. *Philipp. II. 24. sq.*, *ad Attic. X. 10. et 16.*, Plutarch. *Anton. 9.*, Plin. *VIII. 16.*, Drumann. *l. c. p. 71. et 75.* et Weichert. *de L. Varii et Cassii Parm. vita p. 339.* Paullo post eadem Cornelium Gallum ad se allexerat, qui eam Lycoridis nomine quatuor elegiarum libris cecinit. v. Serv. *l. c.*, Philargyr. *ad E. X. 22.*, Schol. *ad Horat. Sat. I. 2. 55. et 10. 77.* Sed anno 716. Lycoris, quamquam iam tricesimum aetatis annum attingerat, alium amatorem, quem Servius inepte cum M. Antonio confudit, sibi elegit eumque in Galliam comitata est. v. *Ecl. X. 23.*, 46. *sqq.*, Voss. *ad Ecl. VI. 64.* et Spohn. *ad Ecl. X.* Gallus, qui tum alibi in exercitu Octaviani militabat et eo tempore fortasse Euphorionis Chalcidici carmina Latina faciebat [v. *Ecl. X. 50.* et Serv. *ad Ecl. VI. 72.*], Lycoridis perfidiam aegerrime tulit et summo dolore correptus est. Virgilius, ut amicum consolaretur suumque amorem testaretur, anno 717., antequam Agrippa e Galliis reversus est, eclogam decimam edidit, quam alii interpretes parum recte ad annum 716. retulerunt. Quamquam enim Octavianus anno 715. expeditionem in Galliam Transalpinam fecit exercitumque ibi reliquit, qui verno tempore anni 716. revocatus est [v. Appian. *V. 75.*, Dio Cass. *XLVIII. 20. et 28.*]; tamen ille exercitus non ad Rhenum pervenit, neque apte poeta *Ecl. X. 47.* Rheni frigora commemorasset, si Lycoris anno 715. in Galliam discessisset.

Postquam Bucolica edita sunt, Virgilius anno 717. *Georgica* exorsus est, quae intra septennium absolvisse dicitur. v. Weichert. *de L. Varii et Cassii Parm. vita p. 54.* Cum autem in Bucolicis Octavianum, Pollionem, Varum et Gallum celebrasset, Georgicis tantum Maecenatis et Octaviani laudes intexuit [v. *Georg. I. 2.*, *II. 40.*, *III. 42.* et *I. 500.*, *III. 16. etc.*];

quamquam Grammaticorum fabula est, libro quarto etiam Cornelium Gallum laudibus ornatum, sed totam hanc partem post huius mortem [anno 728.] Octaviani iussu in Aristaei fabulam mutatam esse. v. Donat. 39. et Serv. *ad Ecl.* X. 1. et *ad Georg.* IV. 1. Ceterum poeta ad hoc etiam carmen partim vitae conditione partim aliorum exemplo excitatus est. Idem enim argumentum in Graecis Hesiodus, Xenophon, Aristoteles, Theophrastus alique, ex Latinis Cato et Varro tractaverant. Sed carmine primus inter Romanos hoc argumentum descripsit [vid. *Georg.* III. 10.], unde etiam cum Hesiodo, qui apud Graecos in hoc genere princeps fuit, se comparat atque carmen suum II. 176. *Ascraeum* appellat, quod nomen alii inde, quod Hesiodum expresserit [vid. Macrob. *Sat.* V. 2.], non satis recte interpretati sunt. v. Rein. *disput. de studiis humanitatis nostra etiam aetate magni aestimandis* part. XXIII. p. 3. sq. Inprimis autem poeta temporum conditione ad Georgica scribenda adductus est. In Italia enim belli tumultus et militum invasiones incolas ab agricultura deterruerant, et animos ad bellicas artes deflexerant. v. *Georg.* I. 506. sqq. Quare etiam Roma ab a. 713. non semel fame laboravit. Cum autem post agrorum distributionem veteranorum turbae sedatae et bellum maximam ad partem ab Italiae finibus remotum esset, Maecenas Virgilium adhortatus est, ut carmine Romanis agriculture commendaret et reduceret. vid. *Georg.* III. 41. Voss. *ad Georg.* I. p. 212. et Rein. in *disput.* modo citatae part. XXII. p. 4. sq.; quibus Heynius *Prooem. in Georg.* p. 272. parum recte adversatus est. Huius enim viri favore poeta insigniter ornatus et tam liberaliter adiutus est, ut securus in otio vivere et literis vacare posset. Vixit autem hoc tempore non tam in praedio Andino, quam in Italia inferiore, atque Neapoli Georgica absolvit. Tempus, quo opus absolutum sit, poeta IV. 560. indicavit, atque grammatici inde id anno 724. editum esse narraverunt. Sed interpretes nonnulli in eo dissentiunt, quod, quamvis carmen illo anno ad finem perductum esse concedant, id tamen postea in nonnullis mutatum et emendatum esse putant, ita ut poeta non diu ante mortem [a. 735.] ultimam manum ei imposuerit. In hanc sententiam partim Donati et Servii fabula de Cornelii Galli laudi-

bus, quae supra memorata est, partim temporum momentis, quae in his carminibus leguntur, deducti sunt. Passim enim poeta res ab Octaviano gestas et illorum annorum historiam respexit. Quae ut facile perspicias, haec tenenda sunt:

Verno tempore anni 717. novae simultates inter Octavianum et Antonium ortae sunt, et posterior cum trecentis navibus e Syria in Italiam venit. Sed Tarentino foedere pax instaurata est. v. Dio Cass. XLVIII. extr., Appian. V. 93. et Drumann. *l. c.* p. 448. sq. In bello Pompeiano Agrippa classi recens aedificatae praefectus est; quae ut tutum receptum haberet, Octavianus Agrippa suadente lacum Lucrinum et Avernum cum mari coniunxit et portum Iulium fecit. v. Dio Cass. XLVIII. 50., Sueton. *Aug.* 16., Horat. *Epist.* II. 3. 63. et Virgil. *Georg.* II. 161. Anno sequenti autem Sicilia a tribus partibus oppugnata et expugnata, et Pompeius pugna ad Naulochum victus atque in Asiam fugere coactus est, ubi anno 719. Mileti a Titio occisus est. v. Appian. V. 98. sqq., Dio Cass. II. 1. sqq. et Vellei. II. 79. Pompeio victo Octavianus Lepidum in deditionem recepit [Vellei. II. 80.], et Romam ovans ingressus maximis honoribus affectus est. Idem ab anno 718. Maecenatem Romae et Italiae praefecit [Dio II. 16.] et in Italiae oppidis inter deos tutelares coli coepit; unde poeta I. 24. sqq. illi divinos honores atque apotheosin vaticinatus est. Conf. *Aen.* VI. 791. Cum autem Octavianus adhuc in Sicilia abesset, Etruriae urbes [a. 718.] rebellaverant, atque Salassi, Liburni, Iapydes aliaeque gentes provincias Romanas invaserant. v. Voss. *ad Georg.* p. 212. Contra Parthos autem Antonius eodem anno infeliciter pugnavit. v. Dio II. 25. sqq. Haec tempora Virgilius *Georg.* I. 509.—511. respicere videtur, quamquam alii haec de apparatu belli Actiaci [a. 722.] accipiunt, quo Antonius et Octavianus ab extremis imperii finibus copias contraxerint. Sed illo tempore vix Caesaris triumpho [vs. 504.] commemorari poterant, qui commode in annum 718. cadunt, quo post Pompeium victum etiam Etruriae tumultus sedatus et paullo post contra Alpinos et Illyricos populos feliciter pugnatum est. v. Dio II. 34. et Appian. III. 16. sqq. Anno 722. extremo bellum Actiacum parari coepit, ad quod Octavianus verno tempore a. 723.

profectus est. Virgilium ei comitem esse voluisse auctor est Servius *ad Eclog.* III. 74. Denique Antonius in pugna Actiaca, quam poeta *Aen.* VIII. 675. sqq. describit atque etiam III. 280. sqq. [ubi ludos Actiacos anno 726. primum habitos a Troianis iam celebratos esse meminit. vid. Dio LIII. 1.] tecte innuit, a. d. IV. Non. Septembr. victus est. Anni sequentis mense Sextili Octavianus Aegyptum, ubi Antonius et Cleopatra se interfecerunt, expugnavit et statim post in Syriam et ad Euphratem profectus est. v. Dio LI. 8. Parthi et alii illarum regionum gentes, qui Antonio auxilia tulerant, pacem petierunt, et Tiridates atque Phraates fratres, qui de regno Parthico inter se decertabant, Octaviani auxilium imploraverunt. Haec poeta augens *Georg.* II. 171. et IV. 560. respexit atque Octavianum populis volentibus iura dare, ad Euphratem fulminare atque extremis Asiae in oris Indos Romanis arcibus avertere dixit. vid. not. *ad* II. 171. et Masson. *in Iani templo reserato* p. 121. Fratrum autem dissensiones II. 496. innuit, ubi etiam Dacorum mentionem iniecit, qui ab anno 723. provincias Romanas vastabant. vid. ibi not. Alii tamen hos versus referunt ad annum 731., quo Tiridatis et Phraatis res Romae coram senatu acta est, et 734., quo Octavianus in Asiam et Syriam ivit atque a Parthis signa a Crasso et Antonio amissa recepit [*Aen.* VII. 605. et Dio LIV. 8.] et ab Indis legatos accepit. *Aen.* VI. 795. et Dio LIV. 9. Sed iusta causa non adest, atque si illa tempora poeta respexisset, Dacos *Georg.* II. 497. non apte cum Tiridate et Phraate coniunxisset. Anno 725. Octavianus Romam reversus tribus diebus a. d. VIII., VII. et VI. Id. Sext. de Macedonia, Dalmatia et Aegypto triumphavit. v. Dio LI. 21. et *Aen.* VIII. 714. sqq. Omnes autem belli tumultus illo tempore sedati erant, ita ut ex Senatus decreto Iani templum ab anno 725. ad a. 727. clauderetur. vid. Masson. *l. c.* p. 61. sqq. Conf. *Aen.* I. 294. sqq. In Octaviani reditum, sed ante triumphos habitos, Virgilius *Georg.* III. 13. — 48. scripsisse videtur, quo loco illius facta exornat et auget. Britannos enim propter expeditionem, quam a. 719. ille inceperat [vid. Masson. *l. c.* p. 83.], affert, atque Gangaridum [*i. e.* Orientis populorum] pugnam, Nilum, Asiae urbes,

pulsum Niphaten et Parthum propter expeditionem, quae anno 724. ab Aegypto per Syriam et Asiam minorem facta est, describit. Quirinum autem Octavianum appellavit, ut divinos honores, quos ipsi tributurus est, indicet. Bis autem illas gentes triumphatas esse dixit, quod duo tropaea diverso ex orbe [ex Oriente et Occidente] relata sunt. Alii tamen etiam in his seriora tempora intelligunt et haec usque ad annum 734. extendunt. Anno 727. enim Octaviano a. d. XVI. Kal. Februar. Augusti nomen datum est [v. *Aen.* VI. 792.], atque eodem tempore eum Romulum [unde h. l. Quirinus dictus sit] appellare voluerunt, quod tamen nomen ille recusavit. Britanni autem et Hispani rebellaverunt, atque Augustus, in Britanniam profectus, exercitum in Gallias duxit, sed anno 727. exeunte in Hispaniam contra Cantabros abiit, unde a. 730. rediit. Anno 729. et 730. Aelius Gallus et Petronius contra Arabes pugnarunt, et a. 734. Tiberius Tigranem Armeniae regem imposuit et Octavianus in Syria a Parthis signa recepit. v. *Aen.* VII. 604. sqq. Propter hanc rem anno 735., post Virgilii mortem, Octavianus Romam redux factus Marti bis ultori templum vovit. Sed toto illo tempore Virgilius in Aeneide componenda versatus est, et hunc Georgicorum locum ante illud carmen scriptum esse vs. 46. docet. Mirum etiam esset, quod Augusti nomen et Ianum clausum non commemorasset, si anno 734. demum haec interposita essent. Certa igitur Georgicorum post annum 724. emendatorum vestigia non adsunt. Conf. Manso *Annotatt. ad Georg.* I. p. 227. Ceterum Vossius p. 528., 838. et 922. Georgicorum librum primum anno 719. et secundum a. 723. absolutum esse statuit, sed libro tertio et quarto emendando poetam usque ad a. 734. operam dedisse credidit. In contrarium abiit Wagnerus, qui *ad Georg.* IV. 566. haec annotavit: 'Illud vero animum non advertisse Interpretes mireris, quod haec ipsa: *Haec super arborum cultu pecorumque canebam et super arboribus, Caesar dum* etc. evertunt vulgarem de tempore, quo Georgica scripserit Virgilius, opinionem. Putant enim septem annos, 717. — 724., huic carmini scribendo poetam impendisse. Magnum sane spatium! sed si ipsum audis Virgilium, intra annos 723.—725. totum opus

absolutum esse tibi persuadebis. Neque est quidquam in ipso carmine, quod huic opinioni repugnet, ne G. I. 505. sqq. vel II. 171. sq. quidem. Gravissimum ad confirmandam meam sententiam inde accedit pondus, quod secundum librum postremo loco commemorat, quarto plane omisso⁹. Sed poeta, qui decem annos Aeneidi componendae impendit necdum post decimum annum opus satis expolitum reliquit, et quem veteres in versibus pangendis expoliendisque satis tardum fuisse tradunt [Quintilian. X. 3. 8., Gellius XVII. 10., Donat. §. 33.], septem sane annos Georgicis scribendis consumere potuit, praesertim cum grammatici eum infirma valetudine usum esse ideoque in Italia inferiore vixisse haud improbabili-ter narraverint. In illis autem versibus Georg. IV. 559. sqq. poeta solummodo dixit, quo tempore Georgica finiverit, neque vero totum, quod iis scribendis impenderit tempus, descripsisse videtur. Inepta denique est Donati 42. fabula, qui Virgilium Octaviano ab Actiaca pugna reverso Atellae Georgica praelegisse refert. vid. *ibi* Heyn. — Hoc Georgicum carmen et Bucolica Horatius *Sat.* I. 10. 44., quam anno 723. exeunte scripsit, respexit. Conf. Quintilian. VI. 3. 20.

Cum poeta adhuc in Georgicis componendis versaretur, iam de Aeneide cogitasse videtur. vid. *Georg.* III. 46. Haud dubie igitur non diu post Georgica edita hoc opus inchoavit, quo primordia populi Romani et Aeneae, a quo gens Iulia originem ducebat, adventum in Italiam cecinit. Magno autem desiderio hoc carmen expectatum et ingenti applausu statim ab initio exceptum est. Unde Propertius II. 34. 61. sqq. anno 728. aut 729. scripsit:

*Actia Virgilium custodis litora Phoebi,
Caesaris et fortes dicere posse rates;
Qui nunc Aeneae Troiani suscitât arma
Iactaque Lavinis moenia litoribus.
Cedite Romani scriptores, cedite Graii:
Nescio quid maius nascitur Iliade.*

Atque Augustus etiam, cum in expeditione Cantabrica abesset, literis flagitasse dicitur, ut poeta carmen maturaret ipsique mitteret. v. Macrob. *Sat.* I. 24. et Donat. §. 46. Illius tem-

poris est epistolae fragmentum, quod infra p. 380. legitur. Gratissimus certe poeta Augusto fuit et magnis muneribus donatus est. vid. Horat. *Epist.* II. 1. 246. Atque secundum, quartum et sextum carminis librum illi recitatum esse, grammatici tradunt. v. Heyn. *ad Donat.* l. c. Iidem fingunt Aeneida prosa prius oratione formatam, et poetam quatuor et viginti libros usque ad Augusti tempora scripturum atque alia quaedam percursum, Augusti vero gesta diligentissime exsecutum fuisse. Quod commentum abduxit Mapheum Vegium Laudensem, ut saeculo XVI. p. C. n. librum decimum tertium Aeneidi adiceret. Aeneidi componendae poeta annos decem [725.—735.] impendit. Antequam vero ultimam manum ei imposuit, anno 735. in Graeciam et Asiam decedere statuit, in cuius itineris felicitatem Horatius *Od.* I. 3. scripsit, qui iam antea [a. 730.] illius dolorem de morte Quinctilii *Od.* I. 24. consolatus erat. Athenis Virgilius occurrit Augusto ab Oriente Romam revertenti, quocum in Italiam redire statuit. Sed iam illic aegrotare coepit, atque itinere et navigatione morbus gravior factus est. Cum autem Brundisium reversus esset, a. d. X. Kal. Octobr. obiit, atque inde Neapolin translatus ad viam Puteolanam sepultus est. vid. Heyn. *ad Donat.* 52.—55. De hodierno huius sepulcri situ diversae sunt virorum doctorum sententiae. v. Genthe *Vit. Virgil.* p. 41. sqq., I. Caes. Capacii *Historia Neapol.* Vol. II. lib. II. p. 31. sqq., Iorio *Guida di Puzzuoli* p. 1.—17. et *Morgenblatt* 1826. nr. 80. Ipse autem hoc epitaphium sibi scripsisse dicitur:

Mantua me genuit, Calabri rapuere, tenet nunc

Parthenope; cecini pascua, rura, duces.

Moribundus Virgilius Aeneida ut opus inemendatum imperfectumque comburi iussit. v. Gellius XVII. 10., Plinius *hist. nat.* VII. 30. 31., Macrob. I. 24., Weichert. *de L. Varii et Cassii Parm. vita* p. 67. sq. et Laur. Ad. Bartenstein. *Programma I. cur Virgilius moriens Aeneida comburi iusserit.* Coburgi 1774. 4. Quod tamen fieri Augustus vetuit, eamque L. Vario et Plotio Tuccae emendandam tradidit. Qui quatenus hoc opus exegerint, non satis liquet. Grammatici narrant, hoc tantum summatim factum esse, ita ut nihil adderent et pauca reciderent. Conf. Weichert. *de verss. iniur.*

suspectl. p. 57. et *de L. Varii et Cassii vita* p. 69. sq. et Heyn. *ad Donat.* 52. sqq.

Virgilius carmina sua pro communi plurimorum poetarum Latinorum usu ac more [v. Macrob. *Saturn.* VI. 1.] ad Graecorum exempla ita composuit, ut non solum argumentum (ideam generalem) sed etiam magnam materiae sententiarumque partem ab illis sumeret, adeoque aliquoties integros versus illorum in suum usum converteret. Sed tantum abest, ut in hac imitatione se quasi in servitutem Graecorum addiderit, ut inter poetas Romanos primus fuerit, qui liberiores limatioremque imitandi usum ac modum induceret. v. Iahn. *introduc.* in *Ovid. Metam.* p. 12., Ernesti in *Actis Semin. reg. Lips.* Vol. II. p. 69. sqq., et *Additament. ad Sulzeri Theor. artt.* Vol. VII. p. 298. sqq. Etenim Graeco argumento non modo Romanos mores et instituta ubique intertexuit, sed omnem materiam tantopere ad Romanorum sentiendi cogitandique usum conformavit, ut plerumque vere Romana esse videatur. v. I. H. Laur. Lersch. *dissert. de morum in Virgilii Aeneide habitu*, Bonnae 1836. in 8. edita. Cf. Henr. Toepfer. *Virgil. Geographia in Aen. opere exhibita* Partt. I.—IV. [Arnstadii 1828.—§4.] et Maltebrun. *Anall. des Voyages* Vol. III. p. 239. sqq. Nec minus in oratione formanda ita versatus est, ut eam sane ubique ad Graecae artis praecepta componeret, sed Romani sermonis ingenium sapienter ac diligenter servaret. Cf. Gellius IX. 9. Graecorum enim elegantiae magniloquentiam maiestatemque Romanorum addidit, et si Graeci poetae nativa quadam simplicitate placent atque elegantiam quasi a natura ingentam produnt, Virgilius et, qui eandem Graecorum imitandorum rationem sectatus est, Horatius sermonem arte politum habent, atque artificiosae granditatis sublimitatisque laudem meruerunt. Cf. L. G. Froschii *dissert., qua Virgilium oratorem produxit* [Witembergae 1703. 4.], C. G. Franckius *de Marone scientissimo similitudinis architecto* [Fridericostadii 1776. 4.], et *dissert. acad., cui titulus est: Philomelam P. Virgilii Mar. quod, iam maestam, incaute turbat P. D. Huetius, notatione ipsum leni animadversioneque accipiunt* I. H. Kromayerus et Ch. W. Loescherus [Ienae 1725. 4.] p. 16. sqq. Ceterum uterque poeta sermonem tam

subtili iudicio ornavit, ut verae orationis poeticae formam indolemque plerumque diligenter servarent, neque ad sequiorum poetarum Romanorum labem delaberentur, qui nimio artis rhetoricae studio abrepti orationis poeticae oratoriaequé discrimina mirum quantum confuderunt et oblitterarunt. Quantopere vero Virgilius sermone, quem in carminibus suis exhibuit, Romanorum ingenio studiisque satisfecerit, vel inde apparet, quod sequiores poetae huius sermonem non solum ad unum omnes imitati, sed tantum etiam admirati sunt, ut Statius *Theb.* XII. 816. exclamaret: *nec tu divinam Aeneida tenta, sed longe sequere et vestigia semper adora.* Quemadmodum igitur Cicero prosam orationem Romanam excoluit, ita Virgilius poeticum sermonem ad tantam perfectionem promovit, ut non modo poetis Romanis orationis normam daret, sed prosaicis etiam scriptoribus multa, quae imitarentur, suppeditaret. In carminibus Bucolicis Virgilius argumentum et magnam materiae partem a Theocrito sumsit, veluti in Ecloga secunda Theocriti Idyll. III. XI. et XXIII., in tertia Idyll. IV. et V., in quinta Idyll. I. et VII., in septima Idyll. VI. et VIII., in octava Id. II. et III., in decima Idyll. I. ante oculos habuit, in ceteris singulos Theocriti versus expressit. Cf. Genisset. *Examen oratoire de l'Eclogue de Virgil* [Paris an IX.] et Germar. *Melett. Thorunens.* [Halae 1822.] p. 179. sqq. Sed eam materiam tantopere immutavit et ad suum deflectit consilium, ut non solum a Theocrito multum distaret sed adeo in plerisque argumentis a pastoritii carminis natura et indole recederet. Theocritus plerumque nativa simplicitate pastorum vitam, qualis esse solet, descripsit; Virgilius vitae rusticae parum curiosus pastores inducit doctos urbanosque, erudite loquentes, nec tam sentiendi cogitandique simplicitate, quam politissima sententiarum verborumque elegantia se commendantes. Cf. Heyn. *de Carmine Bucolico* p. 3.—20., Genthe in *Vita Virgil.* p. 14. sqq. et Hottinger. in *Schriften der Mannheim. Gesellschaft* Vol. V. p. 56. sq. Itaque Virgilius, si carminis bucolici indolem respicis, Theocrito longe cedit; sin orationis elegantiam ac splendorem, illi certe par haberi poterit. Scaliger. in *Poetic.* V. 5. et Meusel. in *Diss. de Theocrito et Virgil. poet. bucol.* [Gotting. 1766.] adeo Virgilium longe

praefendum esse censuerunt. Georgicorum scribendorum exemplum dedisse Hesiodum, Virgilius ipse G. II. 176. affirmavit [cf. Propert. II. 34. 77. et Macrob. Sat. V. 2.]; sed materiam carminis ex pluribus Graecorum Latinorumque scriptoribus, veluti ex Aristotele, Theophrasto, Xenophonte, Arato, Nicandro, Lucretio, Magone Afro, Catone, Varrone, Cicerone in tertio libro Oeconomicorum, collectam esse veteres tradunt. v. Servius ad *Virgil. G. I. 43.*, Plin. *hist. nat. II. 8. 6.*, Quintil. X. 1. 56., Macrob. V. 2., Heyn. *Prooem. ad Georg.* p. 269. Verum eam materiam poeta ita feliciter Romanorum moribus usuique accommodavit, tam accurate digessit, tanta denique verborum ac sententiarum elegantia ornatuque vere poetico descripsit, ut hoc opus merito inter praestantissima carmina habeatur, et iam antiquitus sit dubitatum, an non adeo ipsi Aeneidi praefendum esset. v. Propert. II. 25. 83., Horat. Sat. I. 10. 44., Quintil. VI. 3. 20., Genthe l. c. p. 18. sqq., Hottinger. l. c. p. 253. sqq., Ernesti in *Actis semin. reg. Lips.* Vol. II. p. 46., Netzker. *de Georgicorum Virgilii lucido ordine*, E. Tegner. *de digressionibus in Georg. Virg.* [Lund. 1799.], Rein. *de studiis humanitatis nostra adhuc aetate magni aestimandis* part. XXII. Quorum virorum testimoniis parum recte oblocutus est Fr. Astius in *Grundriss der Philol.* p. 469. atque adeo Ios. Schiestlium induxit, ut Ambergae a. 1830. programma ederet sic inscriptum: *Virgilii Georgica tantum abest ut sint poema omnibus numeris absolutum et perfectum, ut potius sint poema verae genuinaeque poesi omnino repugnans.* In Aeneide denique poeta totam ideam ac descriptionem operis ab Homero nec non magnam sententiarum verborumque copiam ex Iliade et Odyssea itemque ex aliis poetis Graecis, praesertim Alexandrinis, sumsit. v. Heyn. *de carm. epico Virg.* p. 19. sqq. et *de rerum in Aen. tractatarum inventione*, Scaliger. *Poet.* V. 6., Weichert. *über Leben u. Gedicht des Apollon.* v. Rh. p. 405., Wyttenbach. *Biblioth. crit.* II. 2. p. 26., A. Scheben. *de poetis Aeneae fugam atque fata ante Virgilium describentibus* [Coloniae 1817.], F. C. L. Sickler. *de Aeneae in Italiam adventu fabuloso* [Hildburgh. 1817.], Franc. Fiedler. *de erroribus Aeneae ad Phoenicum colonias pertinentibus* [Vesaliae 1827.].

Nihilominus Virgilius ab Homero tantum distat, quantum poetam, qui omnia ad artis praecepta revocat, diversum esse oportet a poeta, qui ipsam naturam ducem sequitur. Cf. Iac. Eckert. *Parallele zwischen Homers Ilias u. Virgils Aeneis*, Monachii 1829. 4. Quod quidem discrimen Marklandum induxit, ut in *praefat. ad Stat. Silv.* itemque *ad Silv.* V. 3. 127. de Virgilii Aeneide satis inique iudicaret. Prudentius certe rem egit Bodmerus in *Conzii Museo Graec. et Roman. Literat.* a. 1794. Vol. I. p. 87., qui nonnulla satis sobrie reprehendit. Aliud etiam eius vituperandi argumentum nuper proposuit Napoleo in *Precis des guerres de César par Napoleon, écrit par M. Marchand sous la dictée de l'Empereur, et suivi de plusieurs fragments inédits par Napoleon*, ubi Virgilium propter incredibilem artis bellicae imperitiam in pugnis rebusque bellicis describendis multa inepte finxisse docuit. Romani ipsi eam artis bellicae ignorantiam, si qua est, nihil curarunt, sed Aeneidem inter omnia suae gentis poemata longe praestantissimam, ipsumque Virgilium Homero ita propinquum esse censuerunt, ut non solum ab eo secundus, sed primo propior esset, quam tertio. v. Quintil. X. 1. 56. et 85., Ovid. *Art. Am.* III. 338., *Amor.* I. 15. 25. et *Trist.* II. 533., Macrob. *Sat.* V. 1. et VI. 1., Weichert. *de L. Varii et Cassii Parm. vita* p. 61. Nec minus inter nostrates quicumque de carminis epici natura et indole accuratius et subtilius quaesiverunt, Virgilii Aeneidem tot tantisque virtutibus ornatam esse intellexerunt, ut hunc inter omnes poetas, qui epica carmina arte facta [Kunstepopoeen] scripserunt, tantum eminere dicerent, quantum Homerus praecedit omnes, quique argumentum epicum ab ore populi legerunt atque incondita arte composuerunt. v. Heyn., Hottinger. et Lersch. II. cc., Genthe l. c. p. 47. sqq., Winckelmann. *de poetis epicis Romanor.* in Iahn. *Archiv f. Phil. u. Paedag.* 1833. Vol. II. p. 566. sqq. et Ioh. Helv. Willemmer., qui *Praestantiam Aeneidos Virgilianae dissertatione philol. ostensam* publice defendit Wittebergae 1676. Quanta Virgilii ars fuerit in sententiis verbisque elimandis sciteque effingendis, maxime ex iis locis intelligitur, in quibus Homeri aliorumque sententias ac verba imitatus est. v. Gellius IX. 9. et Scaliger. *Poet.* V. 3. et 4. Cui studio tantopere indulgit,

ut non solum multos Graecorum versus Latinos effingeret, sed etiam aliquot poetarum Latinorum, veluti Ennii, Naevii, Accii, Pacuvii, Lucilii, Lucretii, adeoque Lucii Varii, Cornelii Galli aliorumque in sua carmina transferret. v. Forbiger. *de Lucretii carmine* etc. p. 114., Weichert in *Poetar. Latin. vitis* p. 13., 15., 66. etc. et *de L. Varii et Cassii Parm. vita* p. 31. et 102. Plurima eorum exempla Macrobius in Saturnalium libro quinto et sexto et Gellius XIII. 26., XVII. 10. etc. collegerunt, et alia antiqui Virgilii interpretes attulerunt. Eandem provinciam etiam editores, inprimis Guellius et Cerda, susceperunt, et singularem libellum, *Virgilium cum Graecis scriptoribus collatum*, Fulvius Ursinus de hac re composuit. Conf. Andreae *locorum Homero-Virgilianorum* Specim. I. et II. [Ienae 1804. et 1814. 8.], F. G. Eichhoff. *Etudes grecques sur Virgile, ou Recueil de tous les passages des poètes grecs imités dans les Bucoliques, les Géorgiques et l'Enéide*. [Paris. 1825. III Voll. 8.] et P. F. Tissot. *Etudes sur Virgile, comparé avec tous les poètes épiques et dramatiques des anciens et des modernes*. [Paris. 1826. IV Voll. 8.]

Virgilius cum multis sui aevi poetis virisque doctis, inprimis cum Pollione, Maecenate, Cornelio Gallo, L. Vario, Plotio Tucca, Horatio et Propertio, amicitiam ac familiaritatem contraxerat; sed idem etiam aliquot inimicos adversariosque habuit, qui famae ipsius obtrectarent, atque carmina insulso acumine carperent. Alii enim invidebant ipsi Caesaris Octaviani favorem, praesertim cum Virgilius in Bucolicis Octavianum nimis adulatus esse videretur [v. Ernesti in *Actt. seminar. phil. Lips.* II. p. 55.]; alii offensi sunt acri carminum spiritu et novo poeseos sermonisque poetici genero, quod Virgilius et Horatius in usum induxerunt. Exstiterunt enim tum, ut Weichertus *de Horatii obtreclatoribus* (in *Poetarum Latin. vitis* p. 270. sqq.) rectissime disseruit, ‘superciliosi optimorum poetarum censors, qui bonam eorum famam atque existimationem invido dente arrodebant, et quo magis aliquis ingenio carminumque praestantia pollebat atque ob has virtutes Augusti, Maecenatis aliorumque principum virorum benevolentia et amicitia florebat, eo audentius eum

petulantiusque aggrediebantur.' Qui homines non mirum est quod etiam Virgilium aggressi sunt. Refert autem Donatus: *'Prolatis Bucolicis innominatus quidam [quem Maevium aut Bavium fuisse, Weichert. l. c. p. 314. suspicatur] rescripsit Antibucolica, duas modo eclogas, sed insulsissime, παρωδήσας, quarum prioris initium est:*

Tityre, si toga calda tibi est, quo tegmine fagi?
sequentis:

Dic mihi Damoeta, cuium pecus, ane Latinum?

Non; verum Aegonis nostri sic rure loquuntur.

Alius, recitante ea ex Georgicis: Nudus ara, sere nudus, subiecit: habebis frigora, febrem. Est etiam adversus Aeneida liber Carvili Pictoris, titulo Aeneidomastix. M. Vipsanius a Maecenate eum suppositum appellabat novae κακοζηλίας repertorem, non tumidae neque exilis, sed ex communibus verbis atque ideo labentis. Herennius tantum vitia eius contraxit [cf. Klotz. de verecundia Virgilii in Opusculis var. argum. p. 242, et Herder. in kritisch. Wäldern II. 2.]; Perilius Faustinus furta. Sunt et Q. Octavii Aviti Ὀμοιοτελεύτων octo volumina, quibus annotantur, quos et unde versus transtulerit.' Cf. Weichert. p. 273. sqq. Alius Virgiliomastix Eclogae II. versum 23. sic distinxerat: Lac mihi non aestate novum, non frigore: defit. Praeterca Donatus et Servius inter illos Cornificium Gallum commemorant, et Quintilianus Cimbrum addit. Alios Virgilius in Eclogis ipse rodit, uti III. 90. Bavium et Maevium, de quibus Weichertus l. c. p. 310. [collat. Kirchner. Quaest. Horat. p. 23.] docte disputavit, quique Georg. I. 210. hoc versu 'Hordea qui dixit, superest ul tritica dicat' reprehendisse dicuntur; quamquam Cledonius hunc versum Cornificio Gallo tribuit. Eodem modo Ecl. V. 10. et VII. 22. et 26. Codrum, quem Weichertus l. c. p. 161. sqq. Iarbitam Cordum, poetam Maurum, esse coniecit, vituperare, et Ecl. IX. 36. Anserem, qui Antonii laudes cecinerat, tecte carpere videtur. Vid. ibi not. Contra illos Virgilii obtrectatores Asconius Pedianus peculiarem librum scripsit, quo inprimis Octavium Avitum refellere studuit. Vid. Donat. 64. et Weichert. p. 274.

Quamquam autem illi homines Virgilii famam et ingenium

poeticum detrectare studuerunt, ingenti tamen favore eius carmina a populo Romano excepta sunt. Donatus enim c. XI. §. 41. narrat, illum Bucolica tanto successu edidisse, ut in scena quoque per cantores crebra pronuntiatione recitarentur. Atque Auctor *Dialogi de Oratoribus* c. 13. ait: '*Populus auditis in theatro versibus Virgilii surrexit universus, et forte praesentem spectantemque Virgilium veneratus est sic, quasi Augustum.*' Vid. Weichert. l. c. p. 285. Quae etiamsi non omni ex parte vera esse videntur, uti fabula de Cicerone, qui haec recitata audiverit [vid. supra p. VIII.], aperte falsa est; tamen populo haec carmina mox innotuisse declarant. Tanta etiam Georgicorum auctoritas apud Romanos fuit, ut Columella et Plinius saepissime sua agrorum colendorum praecepta Virgilii testimonio et versibus integris adscriptis confirmarint. Maximo autem favore Romani Aeneidem amplexi sunt, quo carmine nullum Latio clarius exstare opus dictitarunt. v. Weichert. *de L. Varii et Cassii Parm. vita* p. 61. Inde etiam Virgilium primum Romanorum poetam et Homero proximum habuerunt. Vid. Quintil. X. 1. 85. Atque hoc carmen Augusto adhuc vivente Ennii loco in scholis praelegi et enarrari coepit. Vid. Sueton. *de illustr. Grammat.* 16. et Weichert. *de verss. iniur. suspectt.* p. 57. Neque Caligula, qui Virgilii carmina satis inique tractavit [vid. Spartian. c. 15., Sueton. *Calig.* c. 34. et Franckius *de Marone scient. similitud. architecto* p. 15.] eorumque codices ex omnibus bibliothecis amovit, hunc favorem reprimere potuit. Nullus enim poeta, rhetor aut grammaticus exstitit, qui non diligenter Virgilium lectitaverit eiusque sententiis et versibus suum opus exornaverit. Idemque poetae amor etiam per medium, quod dicitur, aevum mansit, quo tempore non solum carmina multum tractarunt et imitati sunt, sed poetam ipsum magnum fuisse finxerunt, qui multa mirifica fecerit. v. Genthe in *vita Virg.* 51. sqq., Siebenhaar. *de fabulis, quae media aetate de P. Virgilio Mar. circumferebantur*, [Berol. 1837. 4.] et Baehr. *Gesch. der röm. Liter.* p. 135. Studium autem, quod Romani in scholis poetae impenderunt, mox etiam commentatores excitavit, qui peculiaribus libellis haec carmina illustrarent et explicarent. Horum primi praeter L. Varium, quem de

Virgilii vita ac studiis scripsisse Wagnerus ad Aen. V. 871. cum Spaldingio ad *Quintil.* X. 3. 8. et Weichert. de *L. Varii et Cassii Parm. vita* p. 74. suspicatus est, Alexander, Hyginus, Asper et Cornutus fuisse dicuntur. Vid. Macrob. *Sat.* III. 5. 6. et V. 9. 22. et Gellius I. 21., II. 6., V. 8., IX. 10. etc. Elenchum eorum post Fabricium et Burmannum Secundum Heynius in editione Virgilii maiore dedit. Cf. W. H. D. Suringar. *Historia critica scholiastarum Latinorum* Part. II. cap. XII. Ad nostram aetatem praeter Macrobium, Fulgentium et Priscianum, qui minus huc pertinent, pervenerunt commentarii Valerii Probi et Iunii Philargyrii in Bucolica et Georgica, Titi Claudii Donati in Aeneidem et Servii Mauri Honorati in omnia haec carmina, atque aliquot veterum interpretum Scholia ab Ang. Maio Mediolani a. 1818. edita.



.

.

P. VIRGILII MARONIS
B U C O L I C O N
L I B E R .

TITYRUS. ECLOGA I.
MELIBOEUS. TITYRUS.

MELIBOEUS.

Tityre, tu patulae recubans sub tegmine fagi
Silvestrem tenui Musam meditaris avena;
Nos patriae fines et dulcia linquimus arva.
Nos patriam fugimus; tu, Tityre, lentus in umbra
Formosam resonare doces Amaryllida silvas.

5

TITYRUS.

O Meliboe, deus nobis haec otia fecit:
Namque erit ille mihi semper deus; illius aram
Saepe tener nostris ab ovilibus imbuet agnus.
Ille meas errare boves, ut cernis, et ipsum
Ludere, quae vellem, calamo permisit agresti.

10

MELIBOEUS.

Non equidem invideo; miror magis: undique totis
Usque adeo turbatur agris. En, ipse capellas
Protenus aeger ago; hanc etiam vix, Tityre, duco.
Hic inter densas corulos modo namque gemellos,
Spem gregis, ah, silice in nuda connixa reliquit.
Saepe malum hoc nobis, si mens non laeva fuisset,
De coelo tactas memini praedicere quercus.
Sed tamen, iste deus qui sit, da, Tityre, nobis.

15

TITYRUS.

Urbem, quam dicunt Romam, Meliboe, putavi
Stultus ego huic nostrae similem, quo saepe solemus

20

VIRGILIUS.

1

Pastores ovium teneros depellere fetus.
 Sic canibus catulos similes, sic matribus haedos
 Noram; sic parvis componere magna solebam.
 Verum haec tantum alias inter caput extulit urbes,
 Quantum lenta solent inter viburna cupressi. 25

MELIBOEUS.

Et quae tanta fuit Romam tibi causa videndi?

TITYRUS.

Libertas, quae sera, tamen respexit inertem,
 Candidior postquam tondenti barba cadebat;
 Respexit tamen et longo post tempore venit,
 Postquam nos Amaryllis habet, Galatea reliquit. 30
 Namque-fatebor enim-dum me Galatea tenebat,
 Nec spes libertatis erat, nec cura peculî.
 Quamvis multa meis exiret victima septis,
 Pinguis et ingratae premeretur caseus urbi;
 Non umquam gravis aere domum mihi dextra redibat. 35

MELIBOEUS.

Mirabar, quid maesta deos, Amarylli, vocares;
 Cui pendere sua patereris in arbore poma.
 Tityrus hinc aberat. Ipsae te, Tityre, pinus,
 Ipsi te fontes, ipsa haec arbusta vocabant.

TITYRUS.

Quid facerem? neque servitio me exire licebat, 40
 Nec tam praesentes alibi cognoscere divos.
 Hic illum vidi iuvenem, Meliboeë, quotannis
 Bis senos cui nostra dies altaria fumant.
 Hic mihi responsum primus dedit ille petenti:
 „Pascite ut ante boves, pueri; submitte tauros.“ 45

MELIBOEUS.

Fortunate senex, ergo tua rura manebunt,
 Et tibi magna satis, quamvis lapis omnia nudus
 Limosoque palus obducat pascua iunco.
 Non insueta graves tentabunt pabula fetas,
 Nec mala vicini pecoris contagia laedent. 50
 Fortunate senex, hic inter flumina nota
 Et fontes sacros frigus captabis opacum.
 Hinc tibi, quae semper vicino ab limite sepes

Hyblaeis apibus florem depasta salicti,
 Saepe levi somnum suadebit inire susurro; 55
 Hinc alta sub rupe canet frondator ad auras,
 Nec tamen interea raucae, tua cura, palumbes,
 Nec gemere aëria cessabit turtur ab ulmo.

TITYRUS.

Ante leves ergo pascentur in aethere cervi,
 Et freta destituent nudos in litore pisces; 60
 Ante, pererratis amborum finibus, exsul
 Aut Ararim Parthus bibet aut Germania Tigrim,
 Quam nostro illius labatur pectore vultus.

MELIBOEUS.

At nos hinc alii sitientes ibimus Afros,
 Pars Scythiam et rapidum Cretae veniemus Oaxen 66
 Et penitus toto divisos orbe Britannos.
 En umquam patrios longo post tempore fines,
 Pauperis et tugurii congestum caespite culmen
 Post aliquot, mea regna, videns mirabor aristas?
 Impius haec tam culta novalia miles habebit, 70
 Barbarus has segetes: en, quo discordia cives
 Perduxit miseros; en, quis consevimus agros!
 Inserere nunc, Meliboeë, puros, pone ordine vites!
 Ite meae, felix quondam pecus, ite capellae!
 Non ego vos posthac, viridi proiectus in antro, 75
 Dumosa pendere procul de rupe videbo;
 Carmina nulla canam; non, me pascente, capellae,
 Florentem cytisum et salices carpetis amaras.

TITYRUS.

Hic tamen hanc mecum poteras requiescere noctem
 Fronde super viridi: sunt nobis mitia poma, 80
 Castaneae molles et pressi copia lactis,
 Et iam summa procul villarum culmina fumant,
 Maioresque cadunt altis de montibus umbrae.

ALEXIS. ECLOGA II.

Formosum pastor Corydon ardebat Alexim,
 Delicias domini, nec, quid speraret, habebat;
 Tantum inter densas umbrosa cacumina fagos

Assidue veniebat. Ibi haec incondita solus
Montibus et silvis studio iactabat inani:

5

O crudelis Alexi, nihil mea carmina curas?
Nil nostri miserere? mori me denique coges.
Nunc etiam pecudes umbras et frigora captant,
Nunc virides etiam occultant spineta lacertos,
Thestylis et rapido fessis messoribus aestu

10

Allia serpyllumque herbas contundit olentes;
At mecum raucis, tua dum vestigia lustrō,
Sole sub ardenti resonant arbusta cicadis.

Nonne fuit satius, tristes Amaryllidis iras
Atque superba pati fastidia? nonne Menalcan,

15

Quamvis ille niger, quamvis tu candidus esses?
O formose puer, nimium ne crede colori:

Alba ligustra cadunt, vaccinia nigra leguntur.

Despectus tibi sum, nec, qui sim, quaeris, Alexi,
Quam dives pecoris, nivei quam lactis abundans.

20

Mille meae Siculis errant in montibus agnae;
Lac mihi non aestate novum, non frigore defit.

Canto, quae solitus, si quando armenta vocabat,
Amphion Dircaeus in Actaeo Aracyntho.

Nec sum adeo informis: nuper me in litore vidi,

25

Quum placidum ventis staret mare. Non ego Daphnim
Iudice te metuam, si numquam fallit imago.

O tantum libeat mecum tibi sordida rura

Atque humiles habitare casas, et figere cervos,
Haedorumque gregem viridi compellere hibisco:

30

Mecum una in silvis imitabere Pana canendo.

Pan primus calamos cera coniungere plures

Instituit: Pan curat oves oviumque magistros.

Nec te poeniteat calamo trivisse labellum:

Haec eadem ut sciret, quid non faciebat Amyntas?

35

Est mihi disparibus septem compacta cicutis

Fistula, Damoetas dono mihi quam dedit olim,

Et dixit moriens: „Te nunc habet ista secundum.“

Dixit Damoetas; invidit stultus Amyntas.

Praeterea duo, nec tuta mihi valle reperti,

40

Capreoli, sparsis etiam nunc pellibus albo,

Bina die siccant ovis ubera: quos tibi servo.
 Iam pridem a me illos abducere Thestylis orat,
 Et faciet, quoniam sordent tibi munera nostra.
 Huc ades, o formose puer: tibi lilia plenis 45
 Ecce ferunt Nymphae calathis; tibi candida Nais,
 Pallentes violas et summa papavera carpens,
 Narcissum et florem iungit bene olentis anethi;
 Tum, casia atque aliis intexens suavibus herbis,
 Molli luteola pingit vaccinia caltha. 50
 Ipse ego cana legam tenera lanugine mala
 Castaneasque nuces, mea quas Amaryllis amabat;
 Addam cerea pruna-honos erit huic quoque pomo-
 Et vos, o lauri, carpam et te, proxima myrte:
 Sic positae quoniam suaves miscetis odores. 55

Rusticus es, Corydon; nec munera curat Alexis,
 Nec, si muneribus certes, concedat Iollas.
 Heu heu, quid volui misero mihi? floribus Austrum
 Perditus et liquidis immisi fontibus apros.
 Quem fugis, ah, demens? habitarunt dî quoque silvas 60
 Dardaniusque Paris. Pallas, quas condidit arces,
 Ipsa colat; nobis placeant ante omnia silvae.
 Torva leaena lupum sequitur, lupus ipse capellam,
 Florentem cytisum sequitur lasciva capella;
 Te Corydon, o Alexi: trahit sua quemque voluptas. 65
 Adspice, aratra iugo referunt suspensa iuvenci,
 Et sol crescentes decedens duplicat umbras;
 Me tamen urit amor: quis enim modus adsit amor?
 Ah, Corydon, Corydon, quae te dementia cepit!
 Semiputata tibi frondosa vitis in ulmo est. 70
 Quin tu aliquid saltem potius, quorum indiget usus,
 Viminibus mollique paras detexere iunco?
 Invenies alium, si te hic fastidit, Alexim.

PALAEMON. ECLOGA III.

MENALCAS. DAMOETAS. PALAEMON.

MENALCAS.

Dic mihi, Damoeta, cuium pecus? an Meliboei?

DAMOETAS.

Non, verum Aegonis: nuper mihi tradidit Aegon.

MENALCAS.

Infelix o semper, oves, pecus! ipse Neaeram
Dum fovet ac, ne me sibi praeferat illa, veretur,
Hic alienus oves custos bis mulget in hora,
Et succus pecori et lac subducitur agnis.

5

DAMOETAS.

Parcius ista viris tamen obŭcienda memento:
Novimus, et qui te, transversa tuentibus hircis,
Et quo-sed faciles Nymphae risere-sacello ...

MENALCAS.

Tum, credo, quum me arbustum videre Miconis
Atque mala vites incidere falce novellas.

10

DAMOETAS.

Aut hic ad veteres fagos quum Daphnidis arcum
Fregisti et calamos: quae tu, perverse Menalca,
Et, quum vidisti puero donata, dolebas,
Et, si non aliqua nocuisses, mortuus esses.

15

MENALCAS.

Quid domini faciant, audent quum talia fures?
Non ego te vidi Damonis, pessime, caprum
Excipere insidiis, multum latrante Lycisca?
Et quum clamarem „Quo nunc se proripit ille?
„Tityre, coge pecus!“, tu post carecta latebas.

20

DAMOETAS.

An mihi cantando victus non redderet ille,
Quem mea carminibus meruisset fistula caprum?
Si nescis, meus ille caper fuit; et mihi Damon
Ipse fatebatur, sed reddere posse negabat.

MENALCAS.

Cantando tu illum..? aut unquam tibi fistula cera
Iuncta fuit? Non tu in triviis, indocte, solebas
Stridenti miserum stipula disperdere carmen?

25

DAMOETAS.

Vis ergo, inter nos, quid possit uterque, vicissim
Experiamur? Ego hanc vitulam-ne forte recuses,

Bis venit ad mulctram, binos alit ubere fetus- 30
Depono; tu dic, mecum quo pignore certes.

MENALCAS.

De grege non ausim quidquam deponere tecum:
Est mihi namque domi pater, est iniusta noverca,
Bisque die numerant ambo pecus, alter et haedos.
Verum id, quod multo tute ipse fatebere maius- 35
Insanire libet quoniam tibi-, pocula ponam
Fagina, caelatum divini opus Alcimedontis,
Lenta quibus torno facili superaddita vitis
Diffusos hedera vestit pallente corymbos.
In medio duo signa, Conon, et quis fuit alter, 40
Descripsit radio totum qui gentibus orbeni,
Tempora quae messor, quae curvus arator haberet.
Necdum illis labra admovi, sed condita servo.

DAMOETAS.

Et nobis idem Alcimedon duo pocula fecit,
Et molli circum est ansas amplexus acantho, 45
Orpheaue in medio posuit silvasque sequentes.
Necdum illis labra admovi, sed condita servo.
Si ad vitulam spectas, nihil est quod pocula laudes.

MENALCAS.

Nunquam hodie effugies; veniam, quocumque vocaris.
Audiat haec tantum... vel qui venit, ecce, Palaemon. 50
Efficiam, posthac ne quemquam voce lacesas.

DAMOETAS.

Quin age, si quid habes; in me mora non erit ulla,
Nec quemquam fugio: tantum, vicine Palaemon,
Sensibus haec imis-res est non parva-reponas.

PALAEMON.

Dicite, quandoquidem in molli consedimus herba, 55
Et nunc omnis ager, nunc omnis parturit arbos,
Nunc frondent silvae, nunc formosissimus annus.
Incipe, Damoeta, tu deinde sequere, Menalca,
Alternis dicetis: amant alterna Camoenae.

DAMOETAS.

Ab Iove principium, Musae: Iovis omnia plena; 60
Ille colit terras, illi mea carmina curae.

MENALCAS.

Et me Phoebus amat: Phoebo sua semper apud me
Munera sunt, lauri et suave rubens hyacinthus.

DAMOETAS.

Malo me Galatea petit, lasciva puella,
Et fugit ad salices, et se cupit ante videri.

65

MENALCAS.

At mihi sese offert ultro meus ignis, Amyntas,
Notior ut iam sit canibus non Delia nostris.

DAMOETAS.

Parta meae Veneri sunt munera: namque notavi
Ipse locum, aëriae quo congersere palumbes.

MENALCAS.

Quod potui, puero silvestri ex arbore lecta
Aurea mala decem misi; cras altera mittam.

70

DAMOETAS.

O quoties et quae nobis Galatea locuta est!
Partem aliquam, venti, divum referatis ad aures.

MENALCAS.

Quid prodest, quod me ipse animo non spernis, Amynta,
Si, dum tu sectaris apros, ego retia servo?

75

DAMOETAS.

Phyllida mitte mihi: meus est natalis, Iolla;
Quum faciam vitula pro frugibus, ipse venito.

MENALCAS.

Phyllida amo ante alias: nam me discedere flevit,
Et „Longum, formose, vale, vale!“ inquit, Iolla.

DAMOETAS.

Triste lupus stabulis, maturis frugibus imbres,
Arboribus venti, nobis Amaryllidis irae.

80

MENALCAS.

Dulce satis humor, depulsis arbutus haedis,
Lenta salix feto pecori, mihi solus Amyntas.

DAMOETAS.

Pollio amat nostram, quamvis est rustica, Musam:
Pierides, vitulam lectori pascite vestro.

85

MENALCAS.

Pollio et ipse facit nova carmina: pascite taurum,

Iam cornu petat et pedibus qui spargat arenam.

DAMOETAS.

Qui te, Pollio, amat, veniat, quo te quoque gaudet;
Mella fluant illi, ferat et rubus asper amomum.

MENALCAS.

Qui Bavium non odit, amet tua carmina, Maevi, 90
Atque idem iungat vulpes et mulgeat hircos.

DAMOETAS.

Qui legitis flores et humi nascentia fraga,
Frigidus, o pueri, fugite hinc, latet anguis in herba.

MENALCAS.

Parcite, oves, nimium procedere: non bene ripae
Creditur; ipse aries etiam nunc vellera siccet. 95

DAMOETAS.

Tityre, pascentes a flumine reice capellas:
Ipse, ubi tempus erit, omnes in fonte lavabo.

MENALCAS.

Cogite oves, pueri: si lac praeceperit aestus,
Ut nuper, frustra pressabimus ubera palmis.

DAMOETAS.

Heu heu, quam pingui macer est mihi taurus in ervo! 100
Idem amor exitium pecori pecorisque magistro.

MENALCAS.

His certe neque amor caussa est: vix ossibus haerent.
Nescio quis teneros oculus mihi fascinat agnos.

DAMOETAS.

Dic, quibus in terris, et eris mihi magnus Apollo,
Tres pateat coeli spatium non amplius ulnas. 105

MENALCAS.

Dic, quibus in terris inscripti nomina regum
Nascantur flores, et Phyllida solus habeto.

PALAEEMON.

Non nostrum inter vos tantas componere lites.
Et vitula tu dignus, et hic, et quisquis amores
Aut metuet dulces, aut experietur amaros. 110
Claudite iam rivos, pueri: sat prata biberunt.

P O L L I O . E C L O G A I V .

Sicelides Musae, paullo maiora canamus!
 Non omnes arbusta iuvant humilesque myricae;
 Si canimus silvas, silvae sint Consule dignae.

Ultima Cumaei venit iam carminis aetas,
 Magnus ab integro saeculorum nascitur ordo; 5
 Iam redit et Virgo, redeunt Saturnia regna;
 Iam nova progenies coelo demittitur alto.
 Tu modo nascenti puero, quo ferrea primum
 Desinet ac toto surget gens aurea mundo,
 Casta fave Lucina: tuus iam regnat Apollo. 10
 Teque adeo decus hoc aevi, te Consule, inibit,
 Pollio, et incipient magni procedere menses;
 Te duce, si qua manent, sceleris vestigia nostri
 Irrita perpetua solvent formidine terras.

Ille deum vitam accipiet, divisque videbit 15
 Permixtos heroas, et ipse videbitur illis,
 Pacatumque reget patriis virtutibus orbem.

At tibi prima, puer, nullo munuscula cultu,
 Errantes hederas passim cum baccare tellus
 Mixtaque ridenti colocasia fundet acantho. 20
 Ipsae lacte domum referent distenta capellae
 Ubra, nec magnos metuent armenta leones.
 Ipsa tibi blandos fundent cunabula flores.
 Occidet et serpens, et fallax herba veneni
 Occidet; Assyrium vulgo nascetur amomum. 25

At simul heroum laudes et facta parentis
 Iam legere et quae sit poteris cognoscere virtus;
 Molli paullatim flavescet campus arista,
 Incultisque rubens pendebit sentibus uva,
 Et durae quercus sudabunt roscida mella. 30

Pauca tamen suberunt priscae vestigia fraudis,
 Quae tentare Thetim ratibus, quae cingere muris
 Oppida, quae iubeant telluri infindere sulcos.
 Alter erit tum Tiphys, et altera quae vehat Argo
 Delectos heroas; erunt etiam altera bella, 35
 Atque iterum ad Troiam magnus mittetur Achilles.
 Hinc, ubi iam firmata virum te fecerit aetas,

Cedet et ipse mari vector, nec nautica pinus
 Mutabit merces: omnis feret omnia tellus.
 Non rastros patietur humus, non vinea falcem; 40
 Robustus quoque iam tauris iuga solvet arator;
 Nec varios discet mentiri lana colores,
 Ipse sed in pratis aries iam suave rubenti
 Murice, iam croceo mutabit vellera luto;
 Sponte sua sandyx pascentes vestiet agnos. 45
 „Talia saecula“, suis dixerunt, „currite“, fuis
 Concordes stabili fatorum numine Parcae.

Aggredere o magnos-aderit iam tempus-honores,
 Cara deum suboles, magnum Iovis incrementum!
 Adspice convexo nutantem pondere mundum, 50
 Terrasque tractusque maris coelumque profundum;
 Adspice, venturo laetantur ut omnia saeclo!
 O mihi tam longae maneat pars ultima vitae,
 Spiritus et, quantum sat erit tua dicere facta:
 Non me carminibus vincet nec Thracius Orpheus, 55
 Nec Linus; huic mater quamvis atque huic pater adsit,
 Orphei Calliopea, Lino formosus Apollo.
 Pan etiam, Arcadia mecum si iudice certet,
 Pan etiam Arcadia dicat se iudice victum.

Incipe, parve puer, risu cognoscere matrem: 60
 Matri longa decem tulerunt fastidia menses.
 Incipe, parve puer: cui non risere parentes,
 Nec deus hunc mensa, dea nec dignata cubili est.

DAPHNIS. ECLOGA V.

MENALCAS. MOPSUS.

MENALCAS.

Cur non, Mopse, boni quoniam convenimus ambo,
 Tu calamos inflare leves, ego dicere versus,
 Hic corulis mixtas inter considimus ulmos?

MOPSUS.

Tu maior: tibi me est aequum parere, Menalca,
 Sive sub incertas Zephyris motantibus umbras, 5

Sive antro potius succedimus. Adspice, ut antrum
Silvestris raris sparsit labrusca racemis.

MENALCAS.

Montibus in nostris solus tibi certet Amyntas.

MOPSUS.

Quid, si idem certet Phoebum superare canendo?

MENALCAS.

Incipe, Mopse, prior, si quos aut Phyllidis ignes 10

Aut Alconis habes laudes aut iurgia Codri,

Incipe: pascentes servabit Tityrus haedos.

MOPSUS.

Immo haec, in viridi nuper quae cortice fagi

Carmina descripsi et modulans alterna notavi,

Experiar; tu deinde iubeto ut certet Amyntas. 15

MENALCAS.

Lenta salix quantum pallenti cedit olivae,

Puniceis humilis quantum salianca rosetis;

Iudicio nostro tantum tibi cedit Amyntas.

MOPSUS.

Sed tu desine plura, puer: successimus antro.

Exstinctum Nymphae crudeli funere Daphnim 20

Flebant; vos coruli testes et flumina Nymphis;

Quum complexa sui corpus miserabile nati,

Atque deos atque astra vocat crudelia mater.

Non ulli pastos illis egere diebus

Frigida, Daphni, boves ad flumina; nulla nec amnem 25

Libavit quadrupes, nec graminis attigit herbam.

Daphni, tuum Poenos etiam ingemuisse leones

Interitum, montesque feri silvaeque loquuntur.

Daphnis et Armenias curru subiungere tigres

Instituit, Daphnis thiasos inducere Bacchi, 30

Et foliis lentas intexere mollibus hastas.

Vitis ut arboribus decori est, ut vitibus uvae,

Ut gregibus tauri, segetes ut pinguibus arvis;

Tu decus omne tuis. Postquam te fata tulerunt,

Ipsa Pales agros atque ipse reliquit Apollo; 35

Grandia saepe quibus mandavimus hordea sulcis,

Infelix lolium et steriles nascuntur avenae;

Pro molli viola, pro purpureo narcisso
Carduus et spinis surgit paliurus acutis.
Spargite humum foliis, inducite fontibus umbras, 40
Pastores-mandat fieri sibi talia Daphnis-
Et tumulum facite, et tumulo superaddite carmen:
Daphnis ego in silvis, hinc usque ad sidera notus,
Formosi pecoris custos, formosior ipse.

MENALCAS.

Tale tuum carmen nobis, divine poëta, 45
Quale sopor fessis in gramine, quale per aestum
Dulcis aquae saliente sitim restinguere rivo.
Nec calamis solum aequiparas, sed voce magistrum.
Fortunate puer, tu nunc eris alter ab illo.
Nos tamen haec quocumque modo tibi nostra vicissim 50
Dicemus, Daphnimque tuum tollemus ad astra,
Daphnin ad astra feremus: amavit nos quoque Daphnis.

MOPSUS.

An quidquam nobis tali sit munere maius?
Et puer ipse fuit cantari dignus, et ista
Iam pridem Stimicon laudavit carmina nobis. 55

MENALCAS.

Candidus insuetum miratur limen Olympi,
Sub pedibusque videt nubes et sidera Daphnis.
Ergo alacris silvas et cetera rura voluptas
Panaque pastoresque tenet Dryadasque puellas.
Nec lupo insidias pecori, nec retia cervis 60
Ulla dolum meditantur: amat bonus otia Daphnis.
Ipsi laetitia voces ad sidera iactant
Intonsi montes, ipsae iam carmina rupes;
Ipsa sonant arbusta „Deus, deus ille“, Menalca.
Sis bonus o felixque tuis! en quatuor aras: 65
Ecce duas tibi, Daphni, duas altaria Phoebo.
Pocula bina novo spumantia lacte quotannis
Craterasque duos statuam tibi pinguis olivi,
Et multo in primis hilarans convivium Baccho,
Ante focum, si frigus erit, si messis, in umbra, 70
Vina novum fundam calathis Ariusia nectar.
Cantabunt mihi Damoetas et Lyctius Aegon;

Saltantes Satyros imitabitur Alphesiboeus.

Haec tibi semper erunt, et quum solemnia vota
Reddemus Nymphis, et quum lustrabimus agros. 75
Dum iuga montis aper, fluvios dum piscis amabit,
Dumque thymo pascentur apes, dum rore cicadae;
Semper honos nomenque tuum laudesque manebunt,
Ut Baccho Cererique, tibi sic vota quotannis
Agricolae facient: damnabis tu quoque votis. 80

MOPSUS.

Quae tibi, quae tali reddam pro carmine dona?
Nam neque me tantum venientis sibilus Austri,
Nec percussa iuvant fluctu tam litora, nec quae
Saxosas inter decurrunt flumina valles.

MENALCAS.

Hac te nos fragili donabimus ante cicuta; 85
Haec nos '*Formosum Corydon ardebat Alexim,*'
Haec eadem docuit '*Cuium pecus? an Meliboei?*'

MOPSUS.

At tu sume pedum, quod, me quum saepe rogaret,
Non tulit Antigenes-et erat tum dignus amari-
Formosum paribus nodis atque aere, Menalca. 90

VARUS. ECLOGA VI.

SILENICARME N.

Prima Syracosio dignata est ludere versu
Nostra neque erubuit silvas habitare Thalia:
Quum canerem reges et proelia, Cynthius aurem
Vellit et admonuit „Pastorem, Tityre, pingues
„Pascere oportet oves, deductum dicere carmen.“ 5
Nunc ego-namque super tibi erunt, qui dicere laudes,
Vare, tuas cupiant et tristia condere bella-
Agrestem tenui meditabor arundine Musam.
Non iniussa cano. Si quis tamen haec quoque, si quis
Captus amore leget; te nostrae, Vare, myricae, 10
Te nemus omne canet; nec Phoebo gratior ulla est,
Quam sibi quae Vari praescripsit pagina nomen.

ergite, Pierides. Chromis et Mnasylos in antro
 tum pueri somno videre iacentem,
 tum hesterno venas, ut semper, Iaccho; 15
 et procul, tantum capiti delapsa, iacebant,
 ravis attrita pendebat cantharus ansa.
 cessi-nam saepe senex spe carminis ambo
 rat-iniiciunt ipsis ex vincula sertis.
 et se sociam timidisque supervenit Aegle, 20
 e Naiadum pulcherrima, iamque videnti
 guineis frontem moris et tempora pingit.
 lolum ridens „Quo vincula nectitis?“ inquit.
 vite me, pueri: satis est potuisse videri.
 mina, quae vultis, cognoscite: carmina vobis, 25
 et aliud mercedis erit“; simul incipit ipse.
 vero in numerum Faunosque ferasque videres
 ere, tum rigidas motare cacumina quercus;
 tantum Phoebo gaudet Parnasia rupes,
 tantum Rhodope mirantur et Ismarus Orphea. 30
 que canebat, uti magnum per inane coacta
 ina terrarumque animaeque marisque fuissent
 quidi simul ignis, ut his exordia primis
 ia et ipse tener mundi concreverit orbis;
 durare solum et discludere Nerea ponto 35
 erit, et rerum paullatim sumere formas;
 que novum terrae stupeant lucescere solem,
 s atque cadant summotis nubibus imbres,
 iant silvae quum primum surgere, quumque
 per ignaros errent animalia montes. 40
 lapides Pyrrhae iactos, Saturnia regna,
 asiasque refert volucres furtumque Promethei.
 adiungit, Hylan nautae quo fonte relictum
 assent, ut litus „Hyla, Hyla“ omne sonaret;
 rtunatam, si nunquam armenta fuissent, 45
 phaën nivei solatur amore iuvenci.
 virgo infelix, quae te dementia cepit?
 etides implerunt falsis mugitibus agros;
 non tam turpes pecudum tamen ulla secuta est
 cubitus, quamvis collo timuisset aratrum, 50

„Et saepe in levi quaesisset cornua fronte.
 „Ah, virgo infelix, tu nunc in montibus erras;
 „Ille, latus niveum molli fultus hyacintho,
 „Ilice sub nigra pallentes ruminat herbas, [phae,
 „Aut aliquam in magno sequitur grege. Claudite, Nym-
 „Dictaeae Nymphae, nemorum iam claudite saltus. 56
 „Si qua sorte ferant oculis sese obvia nostris
 „Errabunda bovis vestigia; forsitan illum,
 „Aut herba captum viridi aut armenta secutum,
 „Perducant aliquae stabula ad Gortynia vaccae.“ 60
 Tum canit Hesperidum miratam mala puellam;
 Tum Phaëthontiadas musco circumdat amarae
 Corticis, atque solo proceras erigit alnos.
 Tum canit, errantem Permessi ad flumina Gallum
 Aonias in montes ut duxerit una sororum, 65
 Utque viro Phoebi chorus adsurrexerit omnis;
 Ut Linus haec illi divino carmine pastor,
 Floribus atque apio crines ornatus amaro,
 Dixerit „Hos tibi dant calamos, en accipe, Musae,
 „Ascraeo quos ante seni, quibus ille solebat 70
 „Cantando rigidas deducere montibus ornos.
 „His tibi Grynei nemoris dicatur origo,
 „Ne quis sit lucus, quo se plus iactet Apollo.“
 Quid loquar aut Scyllam Nisi, quam fama secuta est
 Candida succinctam latrantibus inguina monstribus 75
 Dulichias vexasse rates, et gurgite in alto
 Ah, timidos nautas canibus lacerasse marinis;
 Aut ut mutatos Terei narraverit artus:
 Quas illi Philomela dapes, quae dona pararit,
 Quo cursu deserta petiverit, et quibus ante 80
 Infelix sua tecta supervolitaverit alis?
 Omnia quae, Phoebus quondam meditante, beatus
 Audiit Eurotas iussitque ediscere lauros,
 Ille canit; pulsae referunt ad sidera valles,
 Cogere donec oves stabulis numerumque referre 85
 Iussit, et invito processit Vesper Olympo.

MELIBOEUS. ECLOGA VII.

MELIBOEUS. CORYDON. THYRSIS.

MELIBOEUS.

Forte sub arguta consederat ilice Daphnis,
 Compulerantque greges Corydon et Thyrsis in unum,
 Thyrsis oves, Corydon distentas lacte capellas,
 Ambo florentes aetatibus, Arcades ambo,
 Et cantare pares et respondere parati. 5
 Huc mihi, dum teneras defendo a frigore myrtos,
 Vir gregis ipse caper deerraverat; atque ego Daphnin
 Adspicio. Ille ubi me contra videt, „Ocius“ inquit
 „Huc ades, o Meliboe, caper tibi salvus et haedi-
 „Et, si quid cessare potes, requiesce sub umbra. 10
 „Huc ipsi potum venient per prata iuvenci;
 „Hic virides tenera praetexit arundine ripas
 „Mincius, eque sacra resonant examina quercu.“ [bam,
 Quid facerem? Neque ego Alcippen nec Phyllida habe-
 Depulsos a lacte domi quae clauderet agnos; 15
 Et certamen erat Corydon cum Thyrside magnum.
 Posthabui tamen illorum mea seria ludo.
 Alternis igitur contendere versibus ambo
 Coepere; alternos Musae meminisse volebant.
 Hos Corydon, illos referebat in ordine Thyrsis. 20

CORYDON.

Nymphae, noster amor, Libethrides, aut mihi carmen,
 Quale meo Codro, concedite-proxima Phoebi
 Versibus ille facit-, aut, si non possumus omnes,
 Hic arguta sacra pendebit fistula pinu.

THYRSIS.

Pastores, hедера crescentem ornatę poetam, 25
 Arcades, invidia rumpantur ut ilia Codro;
 Aut, si ultra placitum laudarit, baccare frontem
 Cingite, ne vati noceat mala lingua futuro.

CORYDON.

Sactosi caput hoc apri tibi, Delia, parvus
 Et ramosa Micon vivacis cornua cervi. 30
 Si proprium hoc fuerit, levi de marmore tota

Puniceo stabis suras evincta cothurno.

THYRSIS.

Sinum lactis et haec te liba, Priape, quotannis

Expectare sat est: custos es pauperis horti.

Nunc te marmoreum pro tempore fecimus; at tu, 35

Si fetura gregem suppleverit, aureus esto.

CORYDON.

Nerine Galatea, thymo mihi dulcior Hyblae,

Candidior cygnis, hedera formosior alba,

Quum primum pasti repetent praesepia tauri,

Si qua tui Corydonis habet te cura, venito. 40

THYRSIS.

Immo ego Sardoniis videar tibi amarior herbis,

Horridior rusco, proiecta vilior alga,

Si mihi non haec lux toto iam longior anno est.

Ite domum pasti, si quis pudor, ite iuveni.

CORYDON.

Mucosi fontes et somno mollior herba, 45

Et quae vos rara viridis tegit arbutus umbra,

Solstitium pecori defendite: iam venit aestas

Torrida, iam laeto turgent in palmitibus gemmae.

THYRSIS.

Hic focus et taedae pingues, hic plurimus ignis

Semper, et assidua postes fuligine nigri: 50

Hic tantum Boreae curamus frigora, quantum

Aut numerum lupus, aut torrentia flumina ripas.

CORYDON.

Stant et iuniperi et castaneae hirsutae,

Strata iacent passim sua quaeque sub arbore poma,

Omnia nunc rident; at si formosus Alexis 55

Montibus his abeat, videas et flumina sicca.

THYRSIS.

Aret ager, vitio moriens sitit aëris herba,

Liber pampineas invidit collibus umbras;

Phyllidis adventu nostrae nemus omne virebit,

Iupiter et laeto descendet plurimus imbri. 60

CORYDON.

Populus Alcidae gratissima, vitis Iaccho,





Formosae myrtus Veneri, sua laurea Phoebos;
Phyllis amat corulos: illas dum Phyllis amabit,
Nec myrtus vincet corulos, nec laurea Phoebi.

THYRSIS.

Fraxinus in silvis pulcherrima, pinus in hortis, 65
Populus in fluviis, abies in montibus altis;
Saepius at si me, Lycida formosae, revisas,
Fraxinus in silvis cedat tibi, pinus in hortis.

MELIBOEUS.

Haec memini, et victum frustra contendere Thyrsim.
Ex illo Corydon Corydon est tempore nobis. 70

PHARMACEUTRIA. ECLOGA VIII.

DAMON. ALPHESIBOEUS.

Pastorum Musam Damonis et Alphesiboei,
Immemor herbarum quos est mirata iuvenca
Certantes, quorum stupefactae carmine lynces,
Et mutata suos requierunt flumina cursus,
Damonis Musam dicemus et Alphesiboei. 5

Tu mihi seu magni superas iam saxa Timavi,
Sive oram Illyrici legis aequoris: en erit umquam
Ille dies, mihi quum liceat tua dicere facta?
En erit, ut liceat totum mihi ferre per orbem
Sola Sophocleo tua carmina digna cothurno? 10
A te principium, tibi desinet: accipe iussis
Carmina coepta tuis, atque hanc sine tempora circum
Inter victrices hederam tibi serpere lauros.

Frigida vix coelo noctis decesserat umbra,
Quum ros in tenera pecori gratissimus herba; 15
Incumbens tereti Damon sic coepit olivae:

DAMON.

Nascere praeque diem veniens age, Lucifer, alnum,
Coniugis indigno Nisae deceptus amore
Dum queror, et divos-quamquam nil testibus illis
Profeci-extrema moriens tamen alloquor hora. 20
Incipe Maenaios mecum, mea tibia, versus.
Maenalus argutumque nemus pinosque loquentes

Semper habet, semper pastorum ille audit amores.
 Panaque, qui primus calamos non passus inertes.
 Incipe Maenaios metum, mea tibia, versus. 25
 Mopso Nisa datur: quid non speremus amantes?
 Iungentur iam gryphes equis, aevoque sequenti
 Cum canibus timidi venient ad pocula damae.
 Mopse, novas incide faces: tibi ducitur uxor;
 Sparge, marite, nuces: tibi deserit Hesperus Oetam. 30
 Incipe Maenaios mecum, mea tibia, versus.

O digno coniuncta viro, dum despicias omnes,
 Dumque tibi est odio mea fistula, dumque capellæ
 Hirsutumque supercilium promissaque barba;
 Nec curare deum credis mortalia quemquam. 35
 Incipe Maenaios mecum, mea tibia, versus.
 Sepibus in nostris parvam te roscida mala-
 Dux ego vester eram-vidi cum matre legentem.
 Alter ab undecimo tum me iam acceperat annus,
 Iam fragiles poteram ab terra contingere ramos. 40
 Ut vidi, ut perii, ut me malus abstulit error!
 Incipe Maenaios mecum, mea tibia, versus.
 Nunc scio, quid sit Amor: duris in cotibus illum
 Aut Tmaros, aut Rhodope, aut extremi Garamantes
 Nec generis nostri puerum nec sanguinis edunt. 45
 Incipe Maenaios mecum, mea tibia, versus.

Saevus Amor docuit natorum sanguine matrem
 Commaculare manus. Crudelis tu quoque, mater.
 Crudelis mater magis, an puer improbus ille?
 Improbus ille puer; crudelis tu quoque, mater. 50
 Incipe Maenaios mecum, mea tibia, versus.
 Nunc et oves ultro fugiat lupo, aurea duræ
 Mala ferant quercus, narcisso floreat alnus,
 Pingua corticibus sudent electra myricæ,
 Certent et cynis ululae, sit Tityrus Orpheus, 55
 Orpheus in silvis, inter delphinas Arion.
 Incipe Maenaios mecum, mea tibia, versus.
 Omnia vel medium fiant mare. Vivite silvae:
 Praeceptis aërii specula de montis in undas
 Deferar; extremum hoc munus morientis habeto. 60

Desine Maenaios, iam desine, tibia, versus.

Haec Damon; vos, quae responderit Alphesiboeus,
Dicite, Pierides: non omnia possumus omnes.

ALPHESIBOEUS.

Effer aquam, et molli cinge haec altaria vitta,
Verbenasque adole pingues et mascula tura, 65

Coniugis ut magicis sanos avertere sacris

Experiar sensus: nihil hic nisi carmina desunt.

Ducite ab urbe domum, mea carmina, ducite Daphnim.

Carmina vel coelo possunt deducere Lunam,

Carminibus Circe socios mutavit Ulixi, 70

Frigidus in pratis cantando rumpitur anguis.

Ducite ab urbe domum, mea carmina, ducite Daphnim.

Terna tibi haec primum triplici diversa colore

Licia circumdo, terque haec altaria circum

Effigiem duco: numero deus impare gaudet. 75

[Ducite ab urbe domum, mea carmina, ducite Daphnim.]

Necte tribus nodis ternos, Amarylli, colores;

Necte, Amarylli, modo, et „Veneris“ dic „vincula necto.“

Ducite ab urbe domum, mea carmina, ducite Daphnim.

Limus ut hic durescit, et haec ut cera liquescit 80

Uno eodemque igni, sic nostro Daphnis amore.

Sparge molam, et fragiles incende bitumine lauros:

Daphnis me malus urit, ego hanc in Daphnide laurum.

Ducite ab urbe domum, mea carmina, ducite Daphnim.

Talis amor Daphnim, qualis, quum fessa iuvenum 85

Per nemora atque altos quaerendo bucula lucos

Propter aquae rivum viridi procumbit in ulva,

Perdita, nec serae meminit decedere nocti,

Talis amor teneat, nec sit mihi cura mederi.

Ducite ab urbe domum, mea carmina, ducite Daphnim. 90

Has olim exuvias mihi perfidus ille reliquit,

Pignora cara sui, quae nunc ego limine in ipso,

Terra, tibi mando: debent haec pignora Daphnim.

Ducite ab urbe domum, mea carmina, ducite Daphnim.

Has herbas atque haec Ponto mihi lecta venena 95

Ipse dedit Moeris; nascentur plurima Ponto.

His ego saepe lupum fieri et se condere silvis

Moxim saepe animas inuis excire sepulchris,
 Atque totas alio vidi traducere menses.
 Imita ab urbe domum, mea carmina, ducite Daphnim. 100
 Per cetera, Amaryll, loras, rivoque flenti
 Totaque caput iace; nec respexeris! His ego Daphnim
 Adspexit: nihil ille deos, nil carmina curat.
 Imita ab urbe domum, mea carmina, ducite Daphnim.
 Adspice, corripuit tremulis altaria flammis 105
 Sponte sua, dum ferre moritur, cinis ipse. Bonum sit!
 Nescis quid certe est, et Hylax in limine latrat.
 Cessimus? an, qui amant, ipsi sibi somnia fingunt?
 Parcite, ab urbe venit, iam parcite carmina, Daphnis.

MOERIS. ECLOGA IX.

LYCIDAS. MOERIS.

LYCIDAS.

Quo te, Moeri, pedes? an, quo via ducit, in urbem?

MOERIS.

O Lycida, vivi pervenimus, advena nostri,
 Quod nunquam veriti sumus, ut possessor agelli
 Diceret „Haec mea sunt: veteres migrate coloni!“
 Nunc vixi, tristes, quoniam Fors omnia versat, 5
 Hos illi-quod nec vertat bene-mittimus haedos.

LYCIDAS.

Certe equidem audieram, qua se subducere colles
 Incipiunt mollique ingum demittere clivo,
 Usque ad aquam et veteres iam fracta cacumina fagos
 Omnia carminibus vestrum servasse Menalcan. 10

MOERIS.

Audieras, et fama fuit; sed carmina tantum
 Nostra valent, Lycida, tela inter Martia, quantum
 Chaonias dicunt aquila veniente columbas.
 Quod nisi me quacumque novas incidere lites
 Ante sinistra cava monuisset ab ilice cornix, 15
 Nec tuus hic Moeris, nec viveret ipso Menalcas.

LYCIDAS.

Heu, cadit in quemquam tantum scelus? heu, tua nobis

Paene simul tecum solatia rapta, Menalca?
 Quis caneret Nymphas? quis humum florentibus herbis
 Spargeret, aut viridi fontes induceret umbra; 20
 Vel... quae sublegi tacitus tibi carmina nuper,
 Quum te ad delicias ferres, Amaryllida, nostras,
 „Tityre, dum redeo-brevis est via-, pasce capellas,
 „Et potum pastas age, Tityre, et inter agendum
 „Occursare capro-cornu ferit ille-caveto.“ —? 25

MOERIS.

Immo haec, quae Varo necdum perfecta canebat:
 „Vare, tuum nomen-superet modo Mantua nobis,
 „Mantua vae miserae nimium vicina Cremonae!-
 „Cantantes sublime ferent ad sidera cycni.“

LYCIDAS.

Sic tua Cyrneas fugiant examina taxos, 30
 Sic cytiso pastae distendant ubera vaccae:
 Incipe, si quid habes. Et me fecere poëtam
 Pierides, sunt et mihi carmina, me quoque dicunt
 Vatem pastores; sed non ego credulus illis:
 Nam neque adhuc Vario videor nec dicere Cinna 35
 Digna, sed argutos inter strepere anser olores.

MOERIS.

Id quidem ago et tacitus, Lycida, mecum ipse voluto,
 Si valeam meminisse; neque est ignobile carmen.
 „Huc ades, o Galatea: quis est nam ludus in undis?
 „Hic ver purpureum, varios hic flumina circum 40
 „Fundit humus flores, hic candida populus antro
 „Imminet, et lentae texunt umbracula vites:
 „Huc ades; insani feriant sine litora fluctus.“

LYCIDAS.

Quid, quae te pura solum sub nocte canentem
 Audieram? numeros memini, si verba tenerem. 45

MOERIS.

„Daphni, quid antiquos signorum suspicis ortus?
 „Ecce Dionaei processit Caesaris astrum,
 „Astrum, quo segetes gauderent frugibus, et quo
 „Duceret apricis in collibus uva colorem.
 „Insere, Daphni, piros: carpent tua poma nepotes.“ 50

Omnia fert aetas, animum quoque: saepe ego longos
 Cantando puerum memini me condere soles;
 Nunc oblita mihi tot carmina, vox quoque Moerim
 Iam fugit ipsa: lupi Moerim videre priores.
 Sed tamen ista satis referet tibi saepe Menalcas, 55
 LYCIDAS.

Causando nostros in longum ducis amores;
 Et nunc omne tibi stratum silet aequor, et omnes,
 Adspice, ventosi ceciderunt marmuris aerae.
 Hinc adeo media est nobis via: namque sepulcrum
 Incipit apparere Bianoris. Hic, ubi densas 60
 Agricolae stringunt frondes, hic, Moeri, canamus:
 Hic haedos depone;-tamen veniemus in urbem-;
 Aut si, nox pluviam ne colligat ante, veremur,
 Cantantes licet usque-minus via laedit-eamus.
 Cantantes ut eamus, ego hoc te fasce levabo. 65
 MOERIS.

Desine plura, puer, ét, quod nunc instat, agamus:
 Carmina tum melius, quum venerit ipse, canemus.

GALLUS. ECLOGA X.

Extremum hunc, Arethusa, mihi concede laborem:
 Pauca meo Gallo, sed quae legat ipsa Lycoris,
 Carmina sunt dicenda. Neget quis carmina Gallo?
 Sic tibi, quum fluctus subterlabere Sicanos,
 Doris amara suam non intermisceat undam.
 Incipe: sollicitos Galli dicamus amores, 5
 Dum tenera attondent simae virgulta capellae.
 Non canimus surdis: respondent omnia silvae.
 Quae nemora aut qui vos saltus habuere, puellae
 Naides, indigno quum Gallus amore peribat? 10
 Nam neque Parnasi vobis iuga, nam neque Pindi
 Ulla moram fecere, neque Aonie Aganippe.
 Illum etiam lauri, etiam flevare myricae;
 Pinifer illum etiam sola sub rupe iacentem
 Maenalus, et gelidi fleverunt saxa Lycaei. 15
 Tant et oves circum-nostri nec poenitet illas,

Nec te poeniteat pecoris, divine poëta :
Et formosus oves ad flumina pavit Adonis-;
Venit et upilio, tardi venere subulci,
Uvidus hiberna venit de glande Menalcas. 20
Omnes „Unde amor iste“ rogant „tibi?“ Venit Apollo,
„Galle, quid insanis?“ inquit: „tua cura Lycoris
„Perque nives alium perque horrida castra secuta est.“
Venit et agresti capitis Silvanus honore,
Florentes ferulas et grandia lilia quassans. 25
Pan deus Arcadiae venit, quem vidimus ipsi
Sanguineis ebuli baccis minioque rubentem;
„Ecquis erit modus?“ inquit: „Amor non talia curat;
„Nec lacrimis crudelis Amor; nec gramina rivis,
„Nec cytiso saturantur apes, nec fronde capellae.“ 30
Tristis at ille „Tamen cantabitis, Arcades,“ inquit
„Montibus haec vestris, soli cantare periti
„Arcades. O mihi tum quam molliter ossa quiescant,
„Vestra meos olim si fistula dicat amores !
„Atque utinam ex vobis unus, vestrique fuissem 35
„Aut custos gregis aut maturae vinitor uvae!
„Certe sive mihi Phyllis sive esset Amyntas
„Seu quicumque furor-quid tum, si fuscus Amyntas?
„Et nigrae violae sunt et vaccinia nigra-,
„Mecum inter salices, lenta sub vite iaceret; 40
„Serta mihi Phyllis legeret, cantaret Amyntas.
„Hic gelidi fontes, hic mollia prata, Lycori,
„Hic nemus: hic ipso tecum consumerer aevo.
„Nunc insanus amor duri me Martis in armis
„Tela inter media atque adversos detinet hostes; 45
„Tu procul a patria-nec sit mihi credere tantum! -
„Alpinas, ah, dura, nives et frigora Rheni
„Me sine sola vides. Ah, te ne frigora laedant!
„Ah, tibi ne teneras glacies secet aspera plantas!
„Ibo et, Chalcidico quae sunt mihi condita versu 50
„Carmina, pastoris Siculi modulabor avena.
„Certum est in silvis inter spelaea ferarum
„Malle pati, tenerisque meos incidere amores
„Arboribus: crescent illae, crescetis, amores.

„Interea mixtis lustrabo Maenala Nymphis, 55
 „Aut acres venabor apros; non me ulla vetabunt
 „Frigora Parthenios canibus circumdare saltus.
 „Iam mihi per rupes videor lucosque sonantes
 „Ire; libet Partho torquere Cydonia cornu
 „Spicula, tamquam haec sit nostri medicina furoris, 60
 „Aut deus ille malis hominum mitescere discat.
 „Iam neque Hamadryades rursus nec carmina nobis
 „Ipsa placent: ipsae rursus concedite silvae.
 „Non illum nostri possunt mutare labores,
 „Nec si frigoribus mediis Hebrumque bibamus, 65
 „Sithoniasque nives hiemis subeamus aquosae;
 „Nec si, quum moriens alta liber aret in ulmo,
 „Aethiopum versemus oves sub sidere Cancri.
 „Omnia vincit Amor: et nos cedamus Amori.“
 Haec sat erit, divae, vestrum cecinisse poëtam, 70
 Dum sedet et gracili fiscellam texit hibisco,
 Pierides; vos haec facietis maxima Gallo,
 Gallo, cuius amor tantum mihi crescit in horas,
 Quantum vere novo viridis se subiicit alnus.
 Surgamus: solet esse gravis cantantibus umbra; 75
 Iuniperi gravis umbra; nocent et frugibus umbrae.
 Ite domum saturae, venit Hesperus, ite capellae.

P. VIRGILII MARONIS

G E O R G I C O N

LIBER PRIMUS.

Quid faciat laetas segetes, quo sidere terram
 Vertere, Maecenas, ulmisque adiungere vites
 Conveniat, quae cura boum, qui cultus habendo
 Sit pecori, apibus quanta experientia parcis,
 Hinc canere incipiam. Vos, o clarissima mundi 5
 Lumina, labentem coelo quae ducitis annum;
 Liber et alma Ceres, vestro si munere tellus
 Chaoniam pingui glandem mutavit arista,

M. W. Lant

GEORGICON LIB. I.

27

Poculaque inventis Acheloïa miscuit uvis;
Et vos, agrestum praesentia numina, Fauni, 10
Ferte simul Faunique pedem Dryadesque puellae:
Munera vestra cano. Tuque o, cui prima frementem
Fudit equum magno tellus percussa tridente,
Neptune; et cultor nemorum, cui pingua Caeae
Ter centum nivei tondent dumeta iuveni; 15
Ipse nemus linquens patrium saltusque Lycae,
Pan, ovium custos, tua si tibi Maenala curae,
Adsis, o Tegeae, favens; oleaeque Minerva
Inventrix; uncique puer monstrator aratri;
Et teneram ab radice ferens, Silvane, cupressum; 20
Dique deaeque omnes, studium quibus arva tueri,
Quique novas alitis non ullo semine fruges,
Quique satis largum coelo demittitis imbrem.
Tuque adeo, quem mox quae sint habitura deorum
Concilia incertum est: urbesne invisere, Caesar, 25
Terrarumque velis curam, et te maximus orbis
Auctorem frugum tempestatumque potentem
Accipiat, cingens materna tempora myrto;
An deus immensi venias maris, ac tua nautae
Numina sola solant, tibi serviat ultima Thule, 30
Teque sibi generum Tethys emat omnibus undis;
Anne novum tardis sidus te mensibus addas,
Qua locus Erigonen inter Chelasque sequentes
Panditur-ipse tibi iam brachia contrahit ardens
Scorpios, et coeli iusta plus parte reliquit: 35
Quidquid eris-nam te nec sperent Tartara regem,
Nec tibi regnandi veniat tam dira cupido,
Quamvis Elysios miretur Graecia campos,
Nec repetita sequi curet Proserpina matrem-,
Da facilem cursum, atque audacibus annue coeptis, 40
Ignarosque viae mecum miseratus agrestes,
Ingredere, et votis iam nunc adsuesce vocari.
Vere novo, gelidus canis quum montibus humor
Liquitur et Zephyro putris se gleba resolvit,
Depresso incipiat iam tum mihi taurus aratro 45
Ingemere, et sulco attritus splendescere vomer.

Illā seges demum votis respondet avari
Agricolae, bis quae solem, bis frigora sensit;
Illius immensae ruperunt horrea messes.
Ac prius, ignotum ferro quam scindimus aequor, 50
Ventos et varium coeli praediscere morem
Cura sit ac patrios cultusque habitusque locorum,
Et quid quaeque ferat regio, et quid quaeque recuset.
Hic segetes, illic veniunt felicius uvae,
Arborei fetus alibi atque iniussa virescunt 55
Gramina. Nonne vides, croceos ut Tmolus odores,
India mittit ebur, molles sua tura Sabaei;
At Chalybes nudi ferrum, virosaque Pontus
Castorea, Eliadum palmas Epiros equarum?
Continuo has leges aeternaque foedera certis 60
Imposuit Natura locis, quo tempore primum
Deucalion vacuum lapides iactavit in orbem:
Unde homines nati, durum genus. Ergo age, terrae
Pingue solum primis extemplo a mensibus anni
Fortes invertant tauri, glebasque iacentes 65
Pulverulenta coquat maturis solibus aestas;
At si non fuerit tellus fecunda, sub ipsum
Arcturum tenui sat erit suspendere sulco:
Illic, officiant laetis ne frugibus herbae,
Hic, sterilem exiguus ne deserat humor arenam. 70
Alternis idem tonsas cessare novales,
Et segnem patiēre situ durescere campum;
Aut ibi flava seres, mutato sidere, farra,
Unde prius laetum siliqua quassante legumen,
Aut tenuis fetus viciae tristisque lupini 75
Sustuleris fragiles calamos silvamque sonantem.
Urit enim lini campum seges, urit avenae,
Urunt Lethaeo perfusa papavera somno.
Sed tamen alternis facilis labor: arida tantum
Ne saturare fimo pingui pudeat sola, neve 80
Effetos cinerem immundum iactare per agros.
Sic quoque mutatis requiescunt fetibus arva,
Nec nulla interea est inaratae gratia terrae.
Saepe etiam steriles incendere profuit agros,

Atque levem stipulam crepitantibus urere flammis : 85
 Sive inde occultas vires et pabula terrae
 Pingua concipiunt; sive illis omne per ignem
 Excoquitur vitium, atque exsudat inutilis humor;
 Seu plures calor ille vias et caeca relaxat
 Spiramenta, novas veniat qua succus in herbas; 90
 Seu durat magis et venas adstringit hiantes,
 Ne tenues pluviae, rapidive potentia solis
 Acrior, aut Boreae penetrabile frigus adurat.
 Multum adeo, rastris glebas qui frangit inertes
 Vimineasque trahit crates, iuvat arva, neque illum 95
 Flava Ceres alto nequidquam spectat Olympo;
 Et qui, proscisso quae suscitât aequore terga,
 Rursus in obliquum verso perrumpit aratro,
 Exercetque frequens tellurem atque imperat arvis.

Humida solstitia atque hiemes orate serenas, 100
 Agricolae; hiberno laetissima pulvere farra,
 Laetus ager: nullo tantum se Mysia culta
 Iactat, et ipsa suas mirantur Gargara messes.
 Quid dicam, iacto qui semine comminus arva
 Insequitur cumulosque ruit male pinguis arenae; 105
 Deinde satis fluvium inducit rivosque sequentes
 Et, quum exustus ager morientibus aestuat herbis,
 Ecce, supercilio clivosi tramitis undam
 Elicit? illa cadens raucum per levia murmur
 Saxa ciet, scatebrisque arentia temperat arva. 110
 Quid, qui, ne gravidis procumbat culmus aristis,
 Luxuriem segetum tenera depascit in herba,
 Quum primum sulcos aequant sata; quique paludis
 Collectum humorem bibula deducit arena,
 Praesertim incertis si mensibus amnis abundans 115
 Exit et obducto late tenet omnia limo,
 Unde cavae tepido sudant humore lacunae? [bores
 Nec tamen, haec quum sint hominumque boumque la-
 Versando terram experti, nihil improbus anser
 Strymoniaeque grues et amaris intuba fibris 120
 Officiunt, aut umbra nocet. Pater ipse colendi
 Haud facilem esse viam voluit, primusque per artem

Movit agros, curis acuens mortalia corda,
 Nec torpere gravi passus sua regna veterno.
 Ante Iovem nulli subigebant arva coloni; 125
 Ne signare quidem aut partiri limite campum
 Fas erat: in medium quaerebant, ipsaque tellus
 Omnia liberius, nullo poscente, ferebat.
 Ille malum virus serpentibus addidit atris.
 Praedarique lupos iussit, pontumque moveri, 130
 Mellaque decussit foliis, ignemque removit,
 Et passim rivis currentia vina repressit:
 Ut varias usus meditando extunderet artes
 Paullatim, et sulcis frumenti quaereret herbam,
 Ut silicis venis abstrusum excudcret ignem. 135
 Tunc alnos primum fluvii sensere cavatas;
 Navita tum stellis numeros et nomina fecit,
 Pleiadas, Hyadas, claramque Lycaonis Arcton;
 Tum laqueis captare feras et fallere visco
 Inventum, et magnos canibus circumdare saltus; 140
 Atque alius latum funda iam verberat amnem,
 Alta petens, pelagoque alius trahit humida lina;
 Tum ferri rigor atque argutae lamina serrae-
 Nam primi cuneis scindebant fissile lignum-
 Tum variae venerunt artes. Labor omnia vicit 145
 Improbis et duris urgens in rebus egestas.
 Prima Ceres ferro mortales vertere terram
 Instituit, quum iam glandes atque arbuta sacrae
 Deficerent silvae, et victum Dodona negaret.
 Mox et frumentis labor additus, ut mala culmos 150
 Esset robigo, segnisque horreret in arvis
 Carduus: intereunt segetes, subit aspera silva
 Lappaeque tribulique, interque nitentia culta
 Infelix lolium et steriles dominantur avenae.
 Quod nisi et assiduis herbam insectabere rastris, 155
 Et sonitu terrebis aves, et ruris opaci
 Falce premes umbram votisque vocaveris imbrem;
 Heu, magnum alterius frustra spectabis acervum,
 Concussaue famem in silvis solabere quercu.
 Dicendum et, quae sint duris agrestibus arma, 160

Quis sine nec potuere seri nec surgere messes.
Vomis et inflexi primum grave robur aratri,
Tardaque Eleusinae matris volventia plaustra,
Tribulaque traheaeque, et iniquo pondere rastri;
Virgea praeterea Celei vilisque supellex, 165
Arbuteae crates et mystica vannus lacchi:
Omnia quae multo ante memor provisa repones,
Si te digna manet divini gloria ruris.

Continuo in silvis magna vi flexa domatur
In burim et curvi formam accipit ulmus aratri; 170
Huic a stirpe pedes temo protentus in octo,
Binae aures, duplici aptantur dentalia dorso;
Caeditur et tilia ante iugo levis altaque fagus,
Stivaque, quae currus a tergo torqueat imos:
Et suspensa focis explorat robora fumus. 175

Possum multa tibi veterum praecepta referre,
Ni refugis tenuesque piget cognoscere curas.

Area cum primis ingenti aequanda cylindro
Et vertenda manu et creta solidanda tenaci,
Ne subeant herbae, neu pulvere victa fatiscat, 180
Tum variae illudant pestes: saepe exiguus mus
Sub terris posuitque domos atque horrea fecit,
Aut oculis capti fodere cubilia talpae,
Inventusque cavis bufo, et quae plurima terrae
Monstra ferunt, populatque ingentem farris acervum 185
Curculio atque inopi metuens formica senectae.

Contemplator item, quum se nux plurima silvis
Induet in florem et ramos curvabit olentes.
Si superant fetus, pariter frumenta sequentur
Magnaque cum magno veniet tritura calore; 190
At si luxuria foliorum exuberat umbra,
Nequidquam pingues palea teret area culmos.

Semina vidi equidem multos medicare serentes
Et nitro prius et nigra perfundere amurca,
Grandior ut fetus siliquis fallacibus esset 195
Et, quamvis igni exiguo, properata maderent.
Vidi lecta diu et multo spectata labore
Degenerare tamen, ni vis humana quotannis

Maxima quaeque manu legeret: sic omnia fati
 In peius ruere ac retro sublapsa referri, 200
 Non aliter, quam qui adverso vix flumine lembum
 Remigiis subigit, si brachia forte remisit,
 Atque illum in praeceps prono rapit alveus amni.

Praeterea tam sunt Arcturi sidera nobis
 Haedorumque dies servandi et lucidus Anguis, 205
 Quam quibus in patriam ventosa per aequora vectis
 Pontus et ostriferi fauces tentantur Abydi.

Libra die somnique pares ubi fecerit horas,
 Et medium luci atque umbris iam dividit orbem;
 Exercete, viri, tauros, serite hordea campis 210
 Usque sub extremum brumae intractabilis imbrem.

Nec non et lini segetem et Cereale papaver
 Tempus humo tegere, et iamdudum incumbere aratris,
 Dum sicca tellure licet, dum nubila pendent.

Vere fabis satio; tum te quoque, Medica, putres 215
 Accipiunt sulci, et milio venit annua cura,
 Candidus auratis aperit quum cornibus annum
 Taurus et adverso cedens Canis occidit astro.

At si triticeam in messem robustaque farra
 Exercebis humum, solisque instabis aristis; 220
 Ante tibi Eoae Atlantides abscondantur,
 Gnosiaque ardentis decedat stella Coronae,
 Debita quam sulcis committas semina, quamque
 Invitae properes anni spem credere terrae.

Multi ante occasum Maiæ coepere; sed illos 225
 Expectata seges vanis elusit aristis.

Si vero viciamque seres vilemque faselum,
 Nec Pelusiacae curam adspernabere lentis;
 Haud obscura cadens mittet tibi signa Bootes:
 Incipe et ad medias sementem extende pruinas. 230

Idcirco certis dimensum partibus orbem
 Per duodena regit mundi Sol aureus astra.
 Quinque tenent coelum zonae, quarum una corusco
 Semper sole rubens et torrida semper ab igni;
 Quam circum extremae dextra laevaue trahuntur, 235
 Caerulea glacie concretæ atque imbribus atris;

Has inter mediamque duae mortalibus aegris
 Munere concessae divum, et via secta per ambas,
 Obliquus qua se signorum verteret ordo.
 Mundus ut ad Scythiam Rhipaeasque arduus arces **240**
 Consurgit, premitur Libyae devexus in Austros.
 Hic vertex nobis semper sublimis; at illum
 Sub pedibus Styx atra videt Manesque profundī.
 Maximus hic flexu sinuoso elabitur Anguis
 Circum perque duas in morem fluminis Arctos, **245**
 Arctos Oceani metuentes aequore tingui;
 Illic, ut perhibent, aut intempesta silet nox,
 Semper et obtenta densantur nocte tenebrae,
 Aut redit a nobis Aurora diemque reducit,
 Nosque ubi primus equis Oriens afflavit anhelis, **250**
 Illic sera rubens accendit lumina Vesper.
 Hinc tempestates dubio praediscere coelo
 Possumus, hinc messisque diem tempusque serendi,
 Et quando infidum remis impellere marmor
 Conveniat, quando armatas deducere classes, **255**
 Aut tempestivam silvis evertere pinum.
 Nec frustra signorum obitus speculamur et ortus,
 Temporibusque parem diversis quatuor annum.
 Frigidus agricolam si quando continet imber;
 Multa, forent quae mox coelo properanda sereno, **260**
 Maturare datur. Durum procudit arator
 Vomeris obtusi dentem, cavat arbore lintres,
 Aut pecori signum aut numeros impressit acervis.
 Exacuunt alii vallos furcasque bicornes,
 Atque Amerina parant lentae retinacula viti. **265**
 Nunc facilis rubea texatur fiscina virga;
 Nunc torrete igni fruges, nunc frangite saxo.
 Quippe etiam festis quaedam exercere diebus
 Fas et iura sinunt. Rivos deducere nulla
 Religio vetuit, segeti praetendere sepem, **270**
 Insidias avibus moliri, incendere vepres,
 Balantumque gregem fluvio mersare salubri.
 Saepe oleo tardi costas agitator aselli
 Vilibus aut onerat pomis, lapidemque revertens

Incusum aut atrae massam pieis urbe reportat. 275
 Ipsa dies alios alio dedit ordine Luna
 Felices operum. Quintam fuge: pallidus Orcus
 Eumenidesque satae; tum partu Terra nefando
 Coeumque Iapetumque creat, saevumque Typhoea,
 Et coniuratos coelum rescindere fratres- 280
 Ter sunt conati imponere Pelio Ossam
 Scilicet, atque Ossae frondosum involvere Olympum;
 Ter Pater exstructos disiecit fulmine montes-
 Septima post decimam felix et ponere vitem
 Et prensos domitare boves et licia telae 285
 Addere; nona fugae melior, contraria furtis.
 Multa adeo gelida melius se nocte dedere,
 Aut quum sole novo terras irrorat Eous.
 Nocte leves melius stipulae, nocte arida prata
 Tondentur: noctes lentus non deficit humor. 290
 Et quidam seros hiberni ad luminis ignes
 Pervigilat, ferroque faces inspicat acuto;
 Interea, longum cantu solata laborem,
 Arguto coniux percurrit pectine telas,
 Aut dulcis musti Vulcano decoquit humorem 295
 Et foliis undam trepidi despumat aheni.
 At rubicunda Ceres medio succiditur aestu,
 Et medio tostas aestu terit area fruges.
 Nudus ara, sere nudus: hiems ignava colono.
 Frigoribus parto agricolae plerumque fruuntur, 300
 Mutuaeque inter se laeti convivia curant.
 Invitat genialis hiems curasque resolvit,
 Ceu pressae quum iam portum tetigere carinae,
 Puppibus et laeti nautae imposuere coronas.
 Sed tamen et quernas glandes tum stringere tempus 305
 Et lauri baccas oleamque cruentaue myrta,
 Tum gruibus pedicas et retia ponere cervis,
 Auritosque sequi lepores, tum figere damas
 Stuppea torquentem Balearis verbera fundae:
 Quum nix alta iacet, glaciem quum flumina trudunt. 310
 Quid tempestates auctumni et sidera dicam,
 Atque, ubi iam breviorque dies et mollior aestas,

Quae vigilanda viris; vel quum ruit imbriferum ver,
 Spicea iam campis quum messis inhorruit, et quum
 Frumenta in viridi stipula lactentia turgent? 315

Saepe ego, quum flavis messorum induceret arvis
 Agricola et fragili iam stringeret hordeâ culmo,
 Omnia ventorum concurrere proelia vidi,
 Quae gravidam late segetem ab radicibus imis
 Sublime expulsam eruerent: ita turbine nigro 320
 Ferret hiems culmumque levem stipulasque volantes.

Saepe etiam immensum coelo venit agmen aquarum,
 Et foedam glomerant tempestatem imbribus atris
 Collectae ex alto nubes; ruit arduus aether,
 Et pluvia ingenti sata laeta boumque labores 325
 Diluit; implentur fossae, et cava flumina crescunt
 Cum sonitu, fervetque fretis spirantibus aequor.

Ipse Pater media nimborum in nocte còrusca
 Fulmina molitur dextra, quo maxima motu
 Terra tremit, fugere ferae et mortalia corda 330
 Per gentes humilis stravit pavor; ille flagranti
 Aut Athon aut Rhodopen aut alta Ceraunia telo
 Deicit; ingeminant Austri et densissimus imber,
 Nunc nemora ingenti vento, nunc litora plangunt.
 Hoc metuens, coeli menses et sidera serva: 335
 Frigida Saturni sese quo stella receptet,
 Quos ignis coelo Cyllenius erret in orbes.

Inprimis venerare deos, atque annua magnae
 Sacra refer Cereri laetis operatus in herbis
 Extremae sub casum hiemis, iam vere sereno. 340
 Tum pingues agni et tum mollissima vina,
 Tum somni dulces densaeque in montibus umbrae.

Cuncta tibi Cererem pubes agrestis adoret;
 Cui tu lacte favos et miti dilue Baccho,
 Terque novas circum felix eat hostia fruges, 345
 Omnis quam chorus et socii comitentur ovantes,
 Et Cererem clamore vocent in tecta. Neque ante
 Falcem maturis quisquam supponat aristis,
 Quam Cereri tortâ redimitus tempora quercu
 Det motus incompositos et carmina dicat. 350

Atque haec ut certis possemus discere signis,
 Aestusque pluviasque et agentes frigora ventos:
 Ipse Pater statuit, quid menstrua Luna moneret,
 Quo signo caderent Austri, quid saepe videntes
 Agricolae propius stabulis armenta tenerent. 355
 Continuo, ventis surgentibus, aut freta ponti
 Incipiunt agitata tumescere et aridus altis
 Montibus audiri fragor, aut resonantia longe
 Litora misceri et nemorum increbrescere murmur.
 Iam sibi tum a curvis male temperat unda carinis, 360
 Quum medio celeres revolant ex aequore mergi
 Clamoremque ferunt ad litora, quumque marinae
 In sicco ludunt fulicae, notasque paludes
 Deserit atque altam supra volat ardea nubem.
 Saepe etiam stellas, vento impendente, videbis 365
 Praecipites coelo labi, noctisque per umbram
 Flaminarum longos a tergo albescere tractus;
 Saepe levem paleam et frondes volitare caducas,
 Aut summa nantes in aqua colludere plumas.
 At Boreae de parte trucis quum fulminat, et quum 370
 Eurique Zephyrique tonat domus; omnia plenis
 Rura natant fossis, atque omnis navita ponto
 Humida vela legit. Numquam imprudentibus imber
 Obfuit: aut illum surgentem vallibus imis
 Aëriae fugere grues, aut bucula coelum 375
 Suspiciens patulis captavit naribus auras,
 Aut arguta lacus circumvolitavit hirundo,
 Et veterem in limo ranae cecinere querelam.
 Saepius et tectis penetralibus extulit ova
 Angustum formica terens iter, et bibit ingens 380
 Arcus, et e pastu decedens agmine magno
 Corvorum increpuit densis exercitus alis.
 Iam varias pelagi volucres, et quae Asia circum
 Dulcibus in stagnis rimantur prata Caystri,
 Certatim largos humeris infundere rores, 385
 Nunc caput obiectare fretis, nunc currere in undas,
 Et studio incassum videas gestire lavandi.
 Tum cornix plena pluviam vocat improba voce,

Et sola in sicca secum spatatur arena.

Ne nocturna quidem carpentes pensa puellae 390
Nescivere hiemem, testa quum ardente viderent
Scintillare oleum et putres concrescere fungos.

Nec minus ex imbri soles et aperta serena
Prospicere et certis poteris cognoscere signis.
Nam neque tum stellis acies obtusa videtur, 395
Nec fratris radiis obnoxia surgere Luna,
Tenuia nec lanae per coelum vellera ferri;
Non tepidum ad solem pennas in litore pandunt
Dilectae Thetidi alcyones, non ore solutos
Immundi meminere sues iactare maniplos. 400

At nebulae magis ima petunt campoque recumbunt,
Solis et occasum servans de culmine summo
Nequidquam seros exercet noctua cantus;
Apparet liquido sublimis in aëre Nisus,
Et pro purpureo poenas dat Scylla capillo- 405
Quacumque illa levem fugiens secat aethera pennis,
Ecce inimicus, atrox, magno stridore per auras
Insequitur Nisus; qua se fert Nisus ad auras,
Illa levem fugiens raptim secat aethera pennis-;
Tum liquidas corvi presso ter gutture voces 410
Aut quater ingeminant, et saepe cubilibus altis,
Nescio qua praeter solitum dulcedine laeti,
Inter se in foliis strepitant, iuvat imbribus actis
Progeniem parvam dulcesque revisere nidos.

Haud equidem credo, quia sit divinitus illis 415
Ingenium aut rerum fato prudentia maior;
Verum, ubi tempestas et coeli mobilis humor
Mutavere vias et Iupiter uvidus Austris
Densat, erant quae rara modo, et, quae densa, relaxat,
Vertuntur species animorum et pectora motus 420
Nunc alios, alios, dum nubila ventus agebat,
Concipiunt: hinc ille avium concentus in agris,
Et laetae pecudes et ovantes gutture corvi.

Si vero solem ad rapidum lunasque sequentes
Ordine respicies; numquam te crastina fallet 425
Hora, neque insidiis noctis capiere serenae.

Luna, revertentes quum primum colligit ignes,
 Si nigrum obscuro comprehenderit aëra cornu;
 Maximus agricolis pelagoque parabitur imber.
 At si virgineum suffuderit ore ruborem; 430
 Ventus erit: vento semper rubet aurea Phoebe.
 Sin ortu quarto-namque is certissimus auctor-
 Pura neque obtusis per coelum cornibus ibit;
 Totus et ille dies, et qui nascentur ab illo
 Exactum ad mensem, pluvia ventisque carebunt, 435
 Votaque servati solvent in litore nautae
 Glaucō et Panopeae et Inoo Melicertae.

Sol quoque, et exoriens, et quum se condet in undas,
 Signa dabit: solem certissima signa sequuntur,
 Et quae mane refert, et quae surgentibus astris. 440
 Ille ubi nascentem maculis variaverit ortum,
 Conditus in nubem, medioque refugerit orbe;
 Suspecti tibi sint imbres: namque urget ab alto
 Arboribusque satisque Notus pecorique sinister.
 Aut ubi sub lucem densa inter nubila sese 445
 Diversi rumpent radii, aut ubi pallida surget
 Tithoni croceum linquens Aurora cubile;
 Heu, male tum mites defendet pampinus uvas:
 Tam multa in tectis crepitans salit horrida grando.
 Hoc etiam, emenso quum iam decedit Olympo, 450
 Profuerit meminisse magis: nam saepe videmus
 Ipsius in vultu varios errare colores.

Caeruleus pluviam denuntiat, igneus Euros;
 Sin maculae incipient rutilo immiscerier igni,
 Omnia tum pariter vento nimisque videbis 455
 Fervere: non illa quisquam me nocte per altum
 Ire, neque ab terra moneat convellere funem.
 At si, quum referetque diem condetque relatum,
 Lucidus orbis erit; frustra terrebere nimbis,
 Et claro silvas cernes Aquilone moveri. 460
 Denique, quid vesper serus vehat, unde serenas
 Ventus agat nubes, quid cogitet humidus Auster,
 Sol tibi signa dabit. Solem quis dicere falsum
 Audeat? Ille etiam caecos instare tumultus

Saepe monet, fraudemque et operta tumescere bella; 465
Ille etiam extincto miseratus Caesare Romam,
Quum caput obscura nitidum ferrugine texit,
Impiaque aeternam timuerunt saecula noctem.
Tempore quamquam illo tellus quoque et aequora ponti,
Obscenaque canes importunaeque volucres 470
Signa dabant. Quoties Cyclopum effervere in agros
Vidimus undantem ruptis fornacibus Aetnam,
Flammarumque globos liquefactaque volvere saxa.
Armorum sonitum toto Germania coelo
Audiit, insolitis tremuerunt motibus Alpes; 475
Vox quoque per lucos vulgo exaudita silentes
Ingens, et simulacra modis pallentia miris
Visa sub obscurum noctis, pecudesque locutae;
Infandum! sistunt amnes, terraeque dehiscunt,
Et maestum illacrimat templis ebur, aeraque sudant; 480
Proluit insano contorquens vertice silvas
Fluviorum rex Eridanus, camposque per omnes
Cum stabulis armenta tulit; nec tempore eodem
Tristibus aut extis fibrae apparere minaces,
Aut puteis manare cruor cessavit, et altae 485
Per noctem resonare lupis ululantibus urbes;
Non alias coelo ceciderunt plura sereno
Fulgura, nec diri toties arsere cometae.
Ergo inter sese paribus concurrere telis
Romanas acies iterum videre Philippi, 490
Nec fuit indignum superis, bis sanguine nostro
Emathiam et latos Haemi pinguescere campos.
Scilicet et tempus veniet, quum finibus illis
Agricola, incurvo terram molitus aratro,
Exesa inveniet scabra robigine pila, 495
Aut gravibus rastris galeas pulsabit inanes,
Grandiaque effossis mirabitur ossa sepulcris.
Dî patrii, Indigetes, et Romule Vestaque mater,
Quae Tuscum Tiberim et Romana Palatia servas,
Hunc saltem everso iuvenem succurrere saeclo 500
Ne prohibete! Satis iam pridem sanguine nostro
Laomedontae luimus periuria Troiae.

Iam pridem nobis coeli te regia, Caesar,
 Invidet, atque hominum queritur curare triumphos:
 Quippe ubi fas versum atque nefas, tot bella per orbem,
 Tam multae scelerum facies; non ullus aratro 506
 Dignus honos, squalent abductis arva colonis,
 Et curvae rigidum falces conflantur in ensem;
 Hinc movet Euphrates, illinc Germania bellum;
 Vicinae ruptis inter se legibus urbes 510
 Arma ferunt; saevit toto Mars impius orbe,
 Ut quum carceribus sese effudere quadrigae,
 Addunt in spatia, et, frustra retinacula tendens,
 Fertur equis auriga, neque audit currus habenas.

P. VIRGILII MARONIS

G E O R G I C O N

LIBER SECUNDUS.

Hactenus arborum cultus et sidera coeli;
 Nunc te, Bacche, canam, nec non silvestria tecum
 Virgulta et prolem tarde crescentis olivae.
 Huc, pater o Lenaeë-tuis hic omnia plena
 Muneribus, tibi pampineo gravidus auctumno 5
 Floret ager, spumat plenis vindemia labris-,
 Huc, pater o Lenaeë, veni, nudataque musto
 Tingue novo mecum direptis crura cothurnis.
 Principio arboribus varia est natura creandis.
 Namque aliae, nullis hominum cogentibus, ipsae 10
 Sponte sua veniunt, camposque et flumina late
 Curva tenent, ut molle siler lentaeque genestae,
 Populus et glauca canentia fronde salicta;
 Pars autem posito surgunt de semine, ut altae
 Castaneae, nemorumque Iovi quae maxima frondet 15
 Aesculus, atque habitac Graiis oracula quercus.
 Pullulat ab radice aliis densissima silva,
 Ut cerasis ulmisque; etiam Parnasia laurus
 Parva sub ingenti matris se subiicit umbra.

GEORGICON LIB. II.

41

itura modos primum dedit, his genus omne 20
 um fruticumque viret nemorumque sacrorum.
 t alii, quos ipse via sibi reperit usus.
 intas tenero abscindens de corpore matrum
 uit sulcis; hic stirpes obruit arvo
 ifidasque sudes et acuto robore vallos; 25
 umque aliae pressos propaginis arcus
 ctant et viva sua plantaria terra;
 licis egent aliae, summumque putator
 lubitat terrae referens mandare cacumen.
 t caudicibus sectis - mirabile dictu! - 30
 ir e sicco radix oleagina ligno;
 pe alterius ramos impune videmus
 e in alterius, mutatamque insita mala
 pirum, et prunis lapidosa rubescere corna.
 re agite, o, proprios generatim discite cultus, 35
 lae, fructusque feros mollite colendo,
 gnes iaceant terrae. Iuvat Ismara Baccho
 ere, atque olea magnum vestire Taburnum.
 ades, inceptumque una decurre laborem,
 is, o famae merito pars maxima nostrae, 40
 as, pelagoque volans da vela patenti!
 o cuncta meis amplecti versibus opto,
 uhi si linguae centum sint, oraue centum,
 vox; ades, et primi lege litoris oram;
 ibus terrae; non hic te carmine ficto 45
 per ambages et longa exorsa tenebo.
 nte sua quae se tollunt in luminis oras,
 ida quidem, sed lacta et fortia surgunt:
 o solo natura subest. Tamen haec quoque si quis
 aut scrobibus mandet mutata subactis, 50
 nt silvestrem animum, cultuque frequenti
 scumque voces artes haud tarda sequentur.
 n et sterilis, quae stirpibus exit ab imis,
 ciet, vacuos si sit digesta per agros:
 ltae frondes et rami matris opacant, 55
 ntique adimunt fetus uruntque ferentem.
 uae seminibus iactis se sustulit arbos,

Tarda venit, seris factura nepotibus umbram;
 Pomaque degenerant succos oblita priores,
 Et turpes avibus praedam fert uva racemos. 60

Scilicet omnibus est labor impendendus, et omnes
 Cogendae in sulcum ac multa mercede domandae.
 Sed truncis oleae melius, propagine vites
 Respondent, solido Paphiae de robore myrtus;
 Plantis et durae coruli nascuntur et ingens 65
 Fraxinus, Herculeaeque arbos umbrosa coronae
 Chaonique patris glandes, etiam ardua palma
 Nascitur, et casus abies visura marinos.
 Inseritur vero et nucis arbutus horrida fetu,
 Et steriles platani malos gessere valentes; 70
 Castaneae fagus, ornusque incanuit albo
 Flore piri, glandemque sues fregere sub ulmis.

Nec modus inserere atque oculos imponere simplex.
 Nam qua se medio trudent de cortice gemmae
 Et tenues rumpunt tunicas, angustus in ipso 75
 Fit nodo sinus: huc aliena ex arbore germen
 Includunt, udoque docent inolescere libro.
 Aut rursum enodes trunci resecantur et alte
 Finditur in solidum cuneis via, deinde feraces
 Plantae immittuntur: nec longum tempus, et ingens 80
 Exiit ad coelum ramis felicibus arbos,
 Miraturque novas frondes et non sua poma.

Praeterea genus haud unum nec fortibus ulmis,
 Nec salici lotoque, neque Idaeis cyparissis;
 Nec pingues unam in faciem nascuntur olivae- 85
 Orchades, et radii, et amara pausia bacca-,
 Pomaque et Alcinoi silvae; nec surculus idem
 Crustumiiis Syriisque piris, gravibusque volemis.
 Non eadem arboribus pendet vindemia nostris,
 Quam Methymnaeo carpit de palmite Lesbos. 90
 Sunt Thasiae vites, sunt et Mareotides albae-
 Pinguibus hae terris habiles, levioribus illae-,
 Et passo Psithia utilior, tenuisque Lageos
 Tentatura pedes olim vincturaque linguam;
 Purpureae preciaeque; et quo te carmine dicam, 95

Rhaetica? nec cellis ideo contende Faleinis.
 Sunt et Aminaene vites-firmissima vina,
 Tmolius assurgit quibus et rex ipse Phanaeus-,
 Argitisque minor, cui non certaverit ulla
 Aut tantum fluere aut totidem durare per annos. 100
 Non ego te, dis et mensis accepta secundis,
 Transierim, Rhodia, et tumidis, Bumaste, racemis.
 Sed neque, quam multae species, nec, nomina quae sint,
 Est numerus; neque enim numero comprehendere refert:
 Quem qui scire velit, Libyci velit aequoris idem 105
 Discere quam multae Zephyro turbentur arenae,
 Aut, ubi navigiis violentior incidit Eurus,
 Nosse, quot Ionii veniant ad litora fluctus.

Nec vero terrae ferre omnes omnia possunt.
 Fluminibus salices, crassisque paludibus alni 110
 Nascuntur, steriles saxosis montibus orni;
 Litora myrtefis laetissima; denique apertos
 Bacchus amat colles, Aquilonem et frigora taxi.
 Adspice et extremis domitum cultoribus orbem,
 Eoasque domos Arabum pictosque Gelonos: 115
 Divisae arboribus patriae. Sola India nigrum
 Fert ebum, solis est turea virga Sabaeis.
 Quid tibi odorato referam sudantia ligno
 Balsamaque et baccas semper frondentis acanthi?
 Quid nemora Aethiopum, molli canentia lana, 120
 Velleraque ut foliis despectant tenuia Seres;
 Aut quos Oceano propior gerit India lucos,
 Extremi sinus orbis, ubi aëra vincere summum
 Arboris haud ullae iactu potuere sagittae-
 Et gens illa quidem sumtis non tarda pharetris - ? 125
 Media fert tristes succos tardumque saporem
 Felicis mali, quo non praesentius ullum,
 Pocula si quando saevae infecere novercae
 Miscueruntque herbas et non innoxia verba,
 Auxilium venit, ac membris agit atra venena. 130
 Ipsa ingens arbos faciemque simillima lauro,
 Et, si non alium late iactaret odorem,
 Laurus erat; folia haud ullis labentia ventis,

Flos ad prima tenax: animas et olentia Medi
Ora foveant illo et senibus medicantur anhelis. 135

Sed neque Medorum, silvae ditissima, terra,
Nec pulcher Ganges atque auro turbidus Hermus
Laudibus Italiae certent, non Bactra, neque Indi
Totaque turiferis Panchaia pinguis arenis.

Haec loca non tauri spirantes naribus ignem 140
Invertere satis immanis dentibus hydri,

Nec galeis densisque virum seges horruit hastis;
Sed gravidae fruges et Bacchi Massicus humor
Implevere, tenent oleae armentaque laeta.

Hinc bellator equus campo sese arduus infert; 145

Hinc albi, Clitumne, greges et maxima taurus

Victima, saepe tuo perfusi flumine sacro,
Romanos ad templa deum duxere triumphos.

Hic ver assiduum atque alienis mensibus aestas,
Bis gravidae pecudes, bis pomis utilis arbor. 150

At rabidae tigres absunt et saeva leonum

Semina; nec miscros fallunt aconita legentes;

Nec rapit immensos orbes per humum, neque tanto
Squameus in spiram tractu se colligit anguis.

Adde tot egregias urbes operumque laborem, 155

Tot congesta manu praeruptis oppida saxis,

Fluminaque antiquos subterlabentia muros.

An mare, quod supra, memorem, quodque alluit infra?

Anne lacus tantos? te, Lari maxime, teque,

Fluctibus et fremitu assurgens Benace marino? 160

An memorem portus Lucrinoque addita claustra,

Atque indignatum magnis stridoribus aequor,

Iulia qua ponto longe sonat unda refuso,

Tyrrhenusque fretis immittitur aestus Avernis?

Haec eadem argenti rivos aerisque metalla 165

Ostendit venis, atque auro plurima fluxit.

Haec genus acre virum, Marsos pubemque Sabellam,

Adsuetumque malo Ligurem, Volscosque verutos,

Extulit; haec Decios, Marios magnosque Camillos,

Scipiadas duos bello, et te, maxime Caesar, 170

Qui nunc extremis Asiae iam victor in oris

Imbellem avertis Romanis arcibus Indum.
 Salve, magna parens frugum, Saturnia tellus,
 Magna virum: tibi res antiquae laudis et artis
 Ingredior, sanctos ausus recludere fontes, 175
 Ascræumque cano Romana per oppida carmen.
 Nunc locus arborum ingeniis: quae robora cuique,
 Quis color et quae sit rebus natura ferendis.
 Difficiles primum terrae collesque maligni,
 Tenuis ubi argilla et dumosis calculus arvis: 180
 Palladia gaudent silva vivacis olivæ.
 Indicio est tractu surgens oleaster eodem
 Plurimus, et strati baccis silvestribus agri.
 At quae pinguis humus dulcique uligine laeta,
 Quique frequens herbis et fertilis ubere campus- 185
 Qualem saepe cava montis convalle solemus
 Despicere: huc summis liquuntur rupibus amnes,
 Felicemque trahunt limum-, quique editus Austro,
 Et filicem curvis invisam pascit aratris;
 Hic tibi praevalidas olim multoque fluentes 190
 Sufficiet Baccho vites, hic fertilis uvæ,
 Hic laticis, qualem pateris libamus et auro,
 Inflavit quum pinguis ebur Tyrrhenus ad aras,
 Lancibus et pandis fumantia reddimus exta.
 Sin armenta magis studium vitulosque tueri, 195
 Aut fetus ovium, aut urentes culta capellas;
 Saltus et saturi petito longinqua Tarenti,
 Et qualem infelix amisit Mantua campum,
 Pascentem niveos herboso flumine cycnos:
 Non liquidi gregibus fontes, non gramina deerunt, 200
 Et quantum longis carpent armenta diebus,
 Exigua tantum gelidus ros nocte reponet.
 Nigra fere et presso pinguis sub vomere terra,
 Et cui putre solum-namque hoc imitatur arando-,
 Optima frumentis -: non ullo ex aequore cernes 205
 Plura domum tardis decedere plaustra iuvcnis-;
 Aut, unde iratus silvam devexit arator,
 Et nemora evertit multos ignava per annos,
 Antiquasque domos avium cum stirpibus imis

Eruit: — illae altum nidis petiere relictis, 210
 At rudis enituit impulso vomere campus.
 Nam iciuna quidem clivosi glarea ruris
 Vix humiles apibus casias roremque ministrat;
 Et tophus scaber et nigris exesa chelydris
 Creta negant alios aequae serpentibus agros 215
 Dulcem ferre cibum et curvas praebere latebras.
 Quae tenuem exhalat nebulam fumosque volucres,
 Et bibit humorem et, quum vult, ex se ipsa remittit;
 Quaeque suo semper viridi se gramine vestit,
 Nec scabie et salsa laedit robigine ferrum: 220
 Illa tibi laetis intexet vitibus ulmos,
 Illa ferax oleo est, illam experiere colendo
 Et facilem pecori et patientem vomeris unci.
 Talem dives arat Capua et vicina Vesevo
 Ora iugo, et vacuis Clanius non aequus Acerris. 225
 Nunc, quo quamque modo possis cognoscere, dicam.
 Rara sit an supra morem si densa requires-
 Altera frumentis quoniam favet, altera Baccho:
 Densa magis Cereri, rarissima quaeque Lyæo -;
 Ante locum capies oculis, alteque iubebis 230
 In solido puteum demitti, omnemque repones
 Rursus humum et pedibus summas aequabis arenas.
 Si deerunt, rarum, pecorique et vitibus almis
 Aptius uber erit; sin in sua posse negabunt
 Ire loca et scrobibus superabit terra repletis, 235
 Spissus ager: glebas cunctantes crassaque terga
 Expecta, et validis terram proscinde iuvencis.
 Salsa autem tellus et quae perhibetur amara -
 Frugibus infelix ea nec mansuescit arando,
 Nec Baccho genus aut pomis sua nomina servat - 240
 Tale dabit specimen: Tu spisso vimine qualos
 Colaue praelorum fumosis deripe tectis;
 Huc ager ille malus dulcesque a fontibus undae
 Ad plenum calcentur: aqua eluctabitur omnis
 Scilicet, et grandes ibunt per vimina guttae; 245
 At sapor indicium faciet, manifestus et ora
 Tristia tentantum sensu torquebit amaror.

Pinguis item quae sit tellus, hoc denique pacto
 Discimus: Haud umquam manibus iactata fatiscit,
 Sed picis in morem ad digitos lentescit habendo. 250
 Humida maiores herbas alit, ipsaque iusto
 Laetior. Ah nimium ne sit mihi fertilis illa,
 Neu se praevalidam primis ostendat aristis!
 Quae gravis est, ipso tacitam se pondere prodit, 254
 Quaeque levis. Promptum est oculis praediscere nigram,
 Et quis cui color. At sceleratum exquirere frigus 256
 Difficile est: piceae tantum taxique nocentes
 Interdum, aut hederæ pandunt vestigia nigrae.

His animadversis, terram multo ante memento
 Excoquere et magnos scrobibus concidere montes, 260
 Ante supinatas Aquiloni ostendere glebas,
 Quam laetum infodias vitis genus. Optima putri
 Arva solo: id venti curant gelidæque pruinae,
 Et labefacta movens robustus iugera fossor.
 At, si quos haud ulla viros vigilantia fugit, 265
 Ante locum similem exquirunt, ubi prima paretur
 Arboribus seges et quo mox digesta feratur,
 Mutatam ignorent subito ne semina matrem.
 Quin etiam coeli regionem in cortice signant,
 Ut, quo quaeque modo steterit, qua parte calores 270
 Austrinos tulerit, quae terga obverterit axi,
 Restituant: adeo in teneris consuescere multum est.

Collibus an plano melius sit ponere vitem,
 Quaere prius. Si pinguis agros metabere campi,
 Densa sere: in denso non segnior ubere Bacchus; 275
 Sin tumulis acclive solum collesque supinos,
 Indulge ordinibus; nec secius omnis, in unguem
 Arboribus positis, secto via limite quadret.
 Ut saepe ingenti bello quum longa cohortes
 Explicuit legio, et campo stetit agmen aperto, 280
 Directæque acies, ac late fluctuat omnis.
 Aere renidenti tellus, necdum horrida miscent
 Proelia, sed dubius mediis Mars errat in armis:
 Omnia sint paribus numeris dimensa viarum,
 Non animum modo uti pascat prospectus inanem, 285

Sed quia non aliter vires dabit omnibus aequas
Terra, neque in vacuum poterunt se extendere rami.

Forsitan et scrobibus quae sint fastigia, quaeras.
Ausim vel tenui vitem committere sulco;
Altior ac penitus terrae defigitur arbos, 290
Aesculus in primis, quae quantum vertice ad auras
Aetherias, tantum radice in Tartara tendit.
Ergo non hiemes illam, non flabra neque imbres
Convellunt; immota manet, multosque nepotes,
Multa virum volvens durando saecula vincit; 295
Tum fortes late ramos et brachia tendens
Huc illuc, media ipsa ingentem sustinet umbram.

Neve tibi ad solem vergant vineta cadentem,
Neve inter vites corulum sere; neve flagella
Summa pete aut summa destringe ex arbore plantas - 300
Tantus amor terrae -, neu ferro laede retuso
Semina; neve olea silvestres insere truncos:
Nam saepe incautis pastoribus excidit ignis,
Qui, furtim pingui primum sub cortice tectus,
Robora comprehendit, frondesque elapsus in altas 305
Ingentem coelo sonitum dedit, inde secutus
Per ramos victor perque alta cacumina regnat,
Et totum involvit flammis nemus, et ruit atram
Ad coelum picea crassus caligine nubem,
Praesertim si tempestas a vertice silvis 310
Incubuit glomeratque ferens incendia ventus.
Hoc ubi, non à stirpe valent caesaeque reverti
Possunt atque ima similes revirescere terra:
Infelix superat foliis oleaster amaris.

Nec tibi tam prudens quisquam persuadeat auctor, 315
Tellurem Borea rigidam spirante movere:
Rura gelu tum claudit hiems, nec semine iacto
Concretam patitur radicem affigere terrae.
Optima vinetis satio, quum vere rubenti
Candida venit avis, longis invisâ colubris, 320
Prima vel auctumni sub frigora, quum rapidus Sol
Nondum hiemem contingit equis, iam praeterit aestas.
Ver adeo frondi nemorum, ver utile silvis:

Vere tument terrae et genitalia semina poscunt.
 Tum pater omnipotens fecundis imbribus Aether 325
 Coniugis in gremium laetae descendit, et omnes
 Magnus alit, magno commixtus corpore, fetus.
 Avia tum resonant avibus virgulta canoris,
 Et Venerem certis repetunt armenta diebus;
 Parturit almus ager, Zephyrique tepentibus auris 330
 Laxant arva sinus; superat tener omnibus humor,
 Inque novos soles audent se germina tuto
 Credere, nec metuit surgentes pampinus Austros,
 Aut actum coelo magnis Aquilonibus imbrem,
 Sed trudit gemmas et frondes explicat omnes. 335
 Non alios prima crescentis origine mundi
 Illuxisse dies aliumve habuisse tenorem
 Crediderim: ver illud erat, ver magnus agebat
 Orbis, et hibernis parcebant flatibus Euri,
 Quum primae lucem pecudes hausere, virûmque 340
 Terrea progenies duris caput extulit arvis,
 Immissaeque ferae silvis et sidera coelo.
 Nec res hunc tenerae possent perferre laborem,
 Si non tanta quies iret frigusque caloremque
 Inter, et exciperet coeli indulgentia terras. 345
 Quod superest, quaecumque premes virgulta per agros,
 Sparge fimo pingui et multa memor occule terra,
 Aut lapidem bibulum aut squalentes infode conchas:
 Inter enim labentur aquae, tenuisque subibit
 Halitus, atque animos tollent sata. Iamque reperti, 350
 Qui saxo super atque ingentis pondere testae
 Urgerent: hoc effusos munimen ad imbres,
 Hoc, ubi hiulea siti findit canis aestifer arva.
 Seminibus positis, superest diducere terram
 Saepius ad capita, et duros iactare bidentes, 355
 Aut presso exercere solum sub vomere, et ipsa
 Flectere luctantes inter vineta iuencos;
 Tum leves calamos et rasae hastilia virgae
 Fraxineasque aptare sudes furcasque valentes,
 Viribus eniti quarum et contemnere ventos 360
 Adsuescant, summasque sequi tabulata per ulmos.

Ac dum prima novis adolescit frondibus aetas,
Parcendum teneris, et dum se laetus ad auras
Palmes agit, laxis per purum immissus habenis,
Ipsa acie nondum falcis tentanda, sed uncis 365
Carpendae manibus frondes interque legendae.
Inde ubi iam validis amplexae stirpibus ulmos
Exierint, tum stringe comas, tum brachia tonde-
Ante reformidant ferrum-, tum denique dura
Exerce imperia et ramos compesce fluentes. 370

Texendae sepes etiam et pecus omne tenendum,
Praecipue dum frons tenera imprudensque laborum,
Cui, super indignas hiemes solemque potentem,
Silvestres uri assidue capreaeque sequaces
Illudunt, pascuntur oves avidaeque iuvencae. 375
Frigora nec tantum cana concreta pruina,
Aut gravis incumbens scopulis arentibus aestas,
Quantum illi nocuere greges, durique venenum
Dentis et admorso signata in stirpe cicatrix.
Non aliam ob culpam Baccho caper omnibus aris 380
Caeditur, et veteres ineunt proscenia ludi,
Praemiaque ingeniis pagos et compita circum
Thesidae posuere, atque inter pocula laeti
Mollibus in pratis unctos saluere per utres.
Nec non Ausonii, Troia gens missa, coloni 385
Versibus incomtis ludunt risuque soluto,
Oraque corticibus sumunt horrenda cavatis,
Et te, Bacche, vocant per carmina laeta, tibi
Oscilla ex alta suspendunt mollia pinu.
Hinc omnis largo pubescit vinea fetu, 390
Complentur vallesque cavae saltusque profundi,
Et quocumque deus circum caput egit honestum.
Ergo rite suum Baccho dicemus honorem
Carminibus patriis, lancesque et liba feremus,
Et ductus cornu stabit sacer hircus ad aram, 395
Pinguiaque in veribus torrebimus exta columnis.

Est etiam ille labor curandis vitibus alter,
Cui numquam exhausti satis est: namque omne quotannis
Terque quaterque solum scindendum, glebaque versis

Aeternum frangenda bidentibus, omne levandum 400
 Fronde nemus. Redit agricolis labor actus in orbem,
 Atque in se sua per vestigia volvitur annus.

Ac iam olim, seras posuit quum vinea frondes,
 Frigidus et silvis Aquilo decussit honorem,
 Iam tum acer curas venientem extendit in annum 405
 Rusticus, et curvo Saturni dente relictam

Persequitur vitem attondens fingitque putando.
 Primus humum fodito, primus devecta cremato
 Sarmenta, et vallos primus sub tecta referto;
 Postremus metito. Bis vitibus ingruit umbra, 410

Bis segetem densis obducunt sentibus herbae:
 Durus uterque labor. Laudato ingentia rura;
 Exiguum colito. Nec non etiam aspera rusci
 Vimina per silvam, et ripis fluvialis arundo
 Caeditur, incultique exercet cura salicti. 415

Iam vinctae vites, iam falcem arbusta reponunt,
 Iam canit effectos extremus vinitor antes;
 Sollicitanda tamen tellus, pulvisque movendus,
 Et iam maturis metuendus Iupiter uvis.

Contra non ulla est oleis cultura, neque illae 420
 Procurvam exspectant falcem rastrosque tenaces,
 Quum semel haeserunt arvis aurasque tulerunt:
 Ipsa satis tellus, quum dente recluditur unco,
 Sufficit humorem, et gravidas, quum vomere, fruges.
 Hoc pinguem et placitam paci nutritor olivam. 425

Poma quoque, ut primum truncos sensere valentes
 Et vires habuere suas, ad sidera raptim
 Vi propria nituntur opisque haud indiga nostrae.
 Nec minus interea fetu nemus omne gravescit,
 Sanguineisque inculta rubent aviaria baccis. 430

Tondentur cytisi, taedas silva alta ministrat,
 Pascunturque ignes nocturni et lumina fundunt.
 Et dubitant homines serere atque impendere curam?
 Quid maiora sequar? - Salices humilesque genestae,
 Aut illae pecori frondem aut pastoribus umbras 435
 Sufficiunt, sepemque satis, et pabula melli. -

Et iuvat undantem buxo spectare Cytorum,

Naryciaeque picis lucos; iuvat arva videre
 Non rastris hominum, non ulli obnoxia curae.
 Ipsae Caucasio steriles in vertice silvae, 440
 Quas animosi Euri assidue franguntque feruntque,
 Dant alios aliae fetus; dant utile lignum
 Navigiis pinos, domibus cedrumque cupressosque.
 Hinc radios trivere rotis, hinc tympana plaustis
 Agricolae, et pandas ratibus posuere carinas. 445
 Viminibus salices fecundae, frondibus ulmi;
 At myrtus validis hastilibus, et bona bello
 Cornus; Ituraeos taxi torquentur in arcus.
 Nec tiliae leves aut torno rasile buxum
 Non formam accipiunt ferroque cavantur acuto; 450
 Nec non et torrentem undam levis innatat alnus,
 Missa Pado; nec non et apes examina condunt
 Corticibusque cavis vitiosaeque ilicis alveo.
 Quid memorandum aequae Baccheïa dona tulerunt?
 Bacchus et ad culpam causas dedit; ille furentes 455
 Centauros leto domuit, Rhoetumque Pholumque
 Et magno Hylaeum Lapithis cratere minantem.
 O fortunatos nimium, sua si bona norint,
 Agricolas, quibus ipsa, procul discordibus armis,
 Fundit humo facilem victum iustissima tellus! 460
 Si non ingentem foribus domus alta superbis
 Mane salutantum totis vomit aedibus undam,
 Nec varios inhiant pulchra testudine postes
 Illusasque auro vestes Ephyreïaque aera,
 Alba neque Assyrio fucatur lana veneno, 465
 Nec casia liquidi corrumpitur usus olivi;
 At secura quies et nescia fallere vita,
 Dives opum variarum, at latis otia fundis,
 Speluncae vivique lacus, at frigida Tempe
 Mugitusque boum mollesque sub arbore somni 470
 Non absunt. Illic saltus ac lustra ferarum,
 Et patiens operum parvoque adsueta iuventus,
 Sacra deùm, sanctique patres; extrema per illos
 Iustitia excedens terris vestigia fecit.
 Me vero primum dulces ante omnia Musae, 475

Quarum sacra fero ingenti percussus amore,
 Accipiant, coelique vias et sidera monstrent,
 Defectus solis varios lunaeque labores,
 Unde tremor terris, qua vi maria alta tumescant
 Obiicibus ruptis rursusque in se ipsa residant, 480
 Quid tantum Oceano properent se tingere soles
 Hiberni, vel quae tardis mora noctibus obstet.
 Sin, has ne possim naturae accedere partes,
 Frigidus obstiterit circum praecordia sanguis;
 Rura mihi et rigui placeant in vallibus amnes, 485
 Flumina amem silvasque inglorius. O, ubi campi,
 Spercheosque et virginibus bacchata Lacaenis
 Taygeta! o, qui me gelidis in vallibus Haemi
 Sistat, et ingenti ramorum protegat umbra!
 Felix, qui potuit rerum cognoscere causas, 490
 Atque metus omnes et inexorabile fatum
 Subiecit pedibus strepitumque Acherontis avari!
 Fortunatus et ille, deos qui novit agrestes,
 Panaque Silvanumque senem Nymphasque sorores!
 Illum non populi fasces, non purpura regum 495
 Flexit et infidos agitans discordia fratres,*
 Aut coniurato descendens Dacus ab Istro,
 Non res Romanae perituraque regna; neque ille
 Aut doluit miserans inopem, aut invidit habenti.
 Quos rami fructus, quos ipsa volentia rura 500
 Sponte tulere sua, carpsit, nec ferrea iura
 Insanumque forum aut populi tabularia vidit.
 Sollicitant alii remis freta caeca, ruuntque
 In ferrum, penetrant aulas et limina regum;
 Hic petit excidiis urbem miserosque Penates, 505
 Ut gemma bibat et Sarrano dormiat ostro;
 Condit opes alius, defossoque incubat auro;
 Hic stupet attonitus Rostris; hunc plausus hiantem
 Per cuneos - geminatus enim, plebisque patrumque -
 Corripuit; gaudent perfusi sanguine fratrum, 510
 Exsilioque domos et dulcia limina mutant,
 Atque alio patriam quaerunt sub sole iacentem.
 Agricola incurvo terram dimovit aratro:

Hinc anni labor, hinc patriam parvosque nepotes
 Sustinet, hinc armenta boum meritosque iuencos. 515
 Nec requies, quin aut pomis exuberet annus,
 Aut fetu pecorum, aut Cerealis mergite culmi,
 Proventuque oneret sulcos atque horrea vincat.
 Venit hiems: teritur Sicyonia bacca trapetis,
 Glande sues laeti redeunt, dant arbuta silvae, 520
 Et varios ponit fetus auctumnus, et alte
 Mitis in apricis coquitur vindemia saxis.
 Interea dulces pendent circum oscula nati,
 Casta pudicitiam servat domus, ubera vaccae
 Lactea demittunt, pinguesque in gramine laeto 525
 Inter se adversis luctantur cornibus haedi;
 Ipse dies agitat festos, fususque per herbam,
 Ignis ubi in medio et socii cratera coronant,
 Te, libans, Lenaeae, vocat, pecorisque magistris
 Velocis iaculi certamina ponit in ulmo, 530
 Corporaque agresti nudant praedura palaestrae.
 Hanc olim veteres vitam coluere Sabini,
 Hanc Remus et frater; sic fortis Etruria crevit
 Scilicet et rerum facta est pulcherrima Roma,
 Septemque una sibi muro circumdedit arces. 535
 Ante etiam sceptrum Dictaei regis, et ante
 Impia quam caesis gens est epulata iuencis,
 Aureus hanc vitam in terris Saturnus agebat;
 Necdum etiam audierant inflari classica, necdum
 Impositos duris crepitare incudibus enses. 540
 Sed nos immensum spatiis confecimus aequor,
 Et iam tempus equum fumantia solve colla.

P. VIRGILII MARONIS

G E O R G I C O N

LIBER TERTIUS.

Te quoque, magna Pales, et te memorande canemus
 Pastor ab Amphryso, vos, silvae amnesque Lycaeï.

Cetera, quae vacuas tenuissent carmine mentes,
Omnia iam vulgata. Quis aut Eurysthea durum,
Aut illaudati nescit Busiridis aras? 5
Cui non dictus Hylas puer, et Latonia Delos,
Hippodameque, humeroque Pelops insignis eburno,
Acer equis? Tentanda via est, qua me quoque possim
Tollere humo, victorque virum volitare per ora.
Primus ego in patriam mecum, modo vita supersit, 10
Aonio rediens deducam vertice Musas;
Primus Idumaeas referam tibi, Mantua, palmas,
Et viridi in campo templum de marmore ponam
Propter aquam, tardis ingens ubi flexibus errat
Mincius et tenera praetexit arundine ripas. 15
In medio mihi Caesar erit templumque tenebit:
Illi victor ego et Tyrio conspectus in ostro
Centum quadriugos agitabo ad flumina currus.
Cuncta mihi, Alpheum linquens lucosque Molorchi,
Cursibus et crudo decernet Graecia caestu; 20
Ipse, caput tonsae foliis ornatus olivae,
Dona feram. Iam nunc solemnes ducere pompas
Ad delubra iuvat, caesosque videre iuencos;
Vel scena ut versis discedat frontibus, utque
Purpurea intexti tollant aulaea Britanni. 25
In foribus pugnam ex auro solidoque elephanto
Gangaridum faciam, victorisque arma Quirini,
Atque hic undantem bello magnumque fluentem
Nilum, ac navali surgentes aere columnas.
Addam urbes Asiae domitas, pulsumque Niphaten, 30
Fidentemque fuga Parthum versisque sagittis,
Et duo rapta manu diverso ex hoste tropaea,
Bisque triumphatas utroque ab litore gentes.
Stabunt et Parii lapides, spirantia signa,
Assaraci proles, demissaeque ab Iove gentis 35
Nomina, Trosque parens et Troiae Cynthius auctor.
Invidia infelix Furias amnemque severum
Cocyti metuet, tortosque Ixionis angues
Immanemque rotam, et non exsuperabile saxum.
Interea Dryadum silvas saltusque sequamur 40

Intactos, tua, Maecenas, haud mollia iussa.
 Te sine nil altum mens inchoat: en, age, segnes
 Rumpe moras; vocat ingenti clamore Cithaeron,
 Taygetique canes, domitrixque Epidaurus equorum,
 Et vox assensu nemorum ingeminata remugit. 45
 Mox tamen ardentem accingar dicere pugnas
 Caesaris, et nomen fama tot ferre per annos,
 Tithoni prima quot abest ab origine Caesar.

Seu quis, Olympiacae miratus praemia palmae,
 Pascit equos, seu quis fortes ad aratra iuencos; 50
 Corpora praecipue matrum legat. Optima torvae
 Forma bovis, cui turpe caput, cui plurima cervix,
 Et crurum tenuis a mento palearia pendent;
 Tum longo nullus lateri modus; omnia magna,
 Pes etiam; et camuris hirtae sub cornibus aures. 55
 Nec mihi displiceat maculis insignis et albo,
 Aut iuga detrectans, interdumque aspera cornu,
 Et faciem tauro propior, quaeque ardua tota,
 Et gradiens ima verrit vestigia cauda.

Aetas Lucinam iustosque pati hymenaeos 60
 Desinit ante decem, post quatuor incipit annos;
 Cetera nec feturae habilis, nec fortis aratris.
 Interea, superat gregibus dum laeta iuventas,
 Solve mares, mitte in Venerem pecuaria primus,
 Atque aliam ex alia generando suffice prolem. 65
 Optima quaeque dies miseris mortalibus aevi
 Prima fugit; subeunt morbi tristisque senectus;
 Et labor et durae rapit inclementia mortis.
 Semper erunt, quarum mutari corpora malis:
 Semper enim refice, ac, ne post amissa requiras, 70
 Anteveni, et subolem armento sortire quotannis.

Nec non et pecori est idem delectus equino.
 Tu modo, quos in spem statues submittere gentis,
 Praecipuum iam inde a teneris impende laborem.
 Continuo pecoris generosi pullus in arvis 75
 Altius ingreditur, et mollia crura reponit,
 Primus et ire viam et fluvios tentare minaces
 Audet et ignoto sese committere ponti,

Nec vanos horret strepitus. Illi ardua cervix
 Argutumque caput, brevis alvus obesaque terga, 80
 Luxuriatque toris animosum pectus. Honesti
 Spadices glaucique, color deterrimus albis
 Et gilvo. Tum, si qua sonum procul arma dedere,
 Stare loco nescit, micat auribus et tremit artus,
 Collectumque fremens volvit sub naribus ignem. 85
 Densa iuba, et dextro iactata recumbit in armo;
 At duplex agitur per lumbos spina, cavatque
 Tellurem et solido graviter sonat ungula cornu.
 Talis Amyclaei domitus Pollucis habenis
 Cyllarus et, quorum Graii meminere poëtae, 90
 Martis equi biiuges, et magni currus Achilli;
 Talis et ipse iubam cervice effudit equina
 Coniugis adventu pernix Saturnus, et altum
 Pelion hinnitu fugiens implevit acuto. [annis

Hunc quoque, ubi aut morbo gravis aut iam segnior
 Deficit, abde domo, nec turpi ignosce senectae: 96
 Frigidus in Venerem senior, frustra que laborem
 Ingratum trahit, et, si quando ad proelia ventum est,
 Ut quondam in stipulis magnus sine viribus ignis,
 Incassum furit. Ergo animos aevumque notabis 100
 Praecipue; hinc alias artes, prolemque parentum;
 Et quis cuique dolor victo, quae gloria palmae.
 Nonne vides, quum praecipiti certamine campum
 Corripuere ruuntque effusi carcere currus,
 Quum spes arrectae iuvenum, exsultantiaque haurit 105
 Corda pavor pulsans: illi instant verbere torto,
 Et proni dant lora; volat vi fervidus axis;
 Iamque humiles, iamque elati sublime videntur
 Aëra per vacuum ferri atque assurgere in auras;
 Nec mora, nec requies; at fulvae nimbus arenae 110
 Tollitur; humescunt spumis flatuque sequentum:
 Tantus amor laudum, tantae est victoria curae.
 Primus Erichthonius currus et quatuor ausus
 Iungere equos, rapidusque rotis insistere victor.
 Frena Pelethronii Lapithae gyrosque dedere, 115
 Impositi dorso, atque equitem docuere sub armis

Insultare solo et gressus glomerare superbos.
 Aequus uterque labor; aequae iuvenemque magistri
 Exquirunt calidumque animis et cursibus acrem,
 Quamvis saepe fuga versos ille egerit hostes, 120
 Et patriam Epirum referat fortesque Mycenae,
 Neptunisque ipsa deducat origine gentem.

His animadversis instant sub tempus, et omnes
 Impendunt curas denso distendere pingui,
 Quem legere ducem et pecori dixere maritum, 125
 Florentesque secant herbas, fluviosque ministrant
 Farraque, ne blando nequeat superesse labori,
 Invalidisque patrum referant ieiunia nati.

Ipsa autem macie tenuant armenta volentes,
 Atque, ubi concubitus primos iam nota voluptas 130
 Sollicitat, frondesque negant et fontibus arcent;
 Saepe etiam cursu quatiunt et sole fatigant,
 Quum graviter tunsis gemit area frugibus, et quum
 Surgentem ad Zephyrum paleae iactantur inanes.
 Hoc faciunt, nimio ne luxu obtusior usus 135
 Sit genitali arvo et sulcos oblimet inertes,
 Sed rapiat sitiens Venerem interiusque recondat.

Rursus cura patrum cadere, et succedere matrum
 Incipit. Exactis gravidæ quum mensibus errant;
 Non illas gravibus quisquam iuga ducere plaustis, 140
 Non saltu superare viam sit passus et acri
 Carpere prata fuga fluviosque innare rapaces.
 Saltibus in vacuis pascunt et plena secundum.
 Flumina, muscus ubi et viridissima gramine ripa,
 Speluncaeque tegant et saxea procubet umbra. 145
 Est lucos Silari circa ilicibusque virentem
 Plurimus Alburnum volitans, cui nomen asilo
 Romanum est, oestrum Graii vertere vocantes,
 Asper, acerba sonans, quo tota exterrita silvis
 Diffugiunt armenta: furit mugitibus aether 150
 Concussus silvaeque et sicci ripa Tanagri.
 Hoc quondam monstro horribiles exercuit iras
 Inachiae Iuno pestem meditata iuvencae.
 Hunc quoque-nam mediis fervoribus acrior instat-

Arcebis gravido pecori, armentaque pasces 155
Sole recens orto aut noctem ducentibus astris.

Post partum cura in vitulos traducitur omnis;
Continuoque notas et nomina gentis inurunt,
Et, quos aut pecori malint submittere habendo,
Aut aris servare sacros, aut scindere terram 160
Et campum horrentem fractis invertere glebis.

Cetera pascuntur virides armenta per herbas.
Tu quos ad studium atque usum formabis agrestem,
Iam vitulos hortare, viamque insiste domandi,
Dum faciles animi iuvenum, dum mobilis aetas. 165

Ac primum laxos tenui de vimine circlos
Cervici subnecte; dehinc, ubi libera colla
Servitio adsuerint, ipsis e torquibus aptos
Iunge pares, et coge gradum conferre iuencos,
Atque illis iam saepe rotae ducantur inanes 170

Per terram, et summo vestigia pulvere signent;
Post valido nitens sub pondere faginus axis
Instrepat, et iunctos temo trahat aereus orbes.
Interea pubi indomitae non gramina tantum,
Nec vescas salicum frondes ulvamque palustrem, 175
Sed frumenta manu carpes sata. Nec tibi fetae
More patrum nivea implebunt multraria vaccae,
Sed tota in dulces consument ubera natos.

Sin ad bella magis studium turmasque feroces,
Aut Alphea rotis praelabi flumina Pisae, 180
Et Iovis in luco currus agitare volantes:
Primus equi labor est animos atque arma videre
Bellantum, lituosque pati, tractuque gementem
Ferre rotam et stabulo frenos audire sonantes;
Tum magis atque magis blandis gaudere magistri 185
Laudibus, et plausae sonitum cervicis amare.

Atque haec iam primo depulsus ab ubere matris
Audeat, inque vicem det mollibus ora capistris
Invalidus, etiamque tremens, etiam inscius aevi.
At tribus exactis ubi quarta acceperit aestas, 190
Carpere mox gyrum incipiat gradibusque sonare
Compositis, sinuetque alterna volumina crurum,

Sitque laboranti similis; tum cursibus auras,
 Tum vocet, ac per aperta volans, ceu liber habenis,
 Aequora, vix summa vestigia ponat arena: 195
 Qualis Hyperboreis Aquilo quum densus ab oris
 Incubuit, Scythiaeque hiemes atque arida differt
 Nubila: tum segetes altae campique natantes
 Lenibus horrescunt flabris, summaeque sonorem
 Dant silvae, longique urgent ad litora fluctus; 200
 Ille volat, simul arva fuga, simul aequora verrens.
 Hic vel ad Elei metas et maxima campi
 Sudabit spatia et spumas aget ore cruentas,
 Belgica vel molli melius feret esseda collo.
 Tum demum crassa magnum farragine corpus 205
 Crescere, iam domitis, sinito: namque ante domandum
 Ingentes tollent animos, prensique negabunt
 Verbera lenta pati et duris parere lupatis.
 Sed non ulla magis vires industria firmat,
 Quam Venerem et caeci stimulos avertere amoris, 210
 Sive boum sive est cui gratior usus equorum.
 Atque ideo tauros procul atque in sola relegant
 Pascua post montem oppositum et trans flumina lata,
 Aut intus clausos satura ad praesepia servant.
 Carpit enim vires paullatim uritque videndo 215
 Femina, nec nemorum patitur meminisse nec herbae
 Dulcibus illa quidem illecebris et saepe superbos
 Cornibus inter se subigit decernere amantes.
 Pascitur in magna Sila formosa iuvenca:
 Illi alternantes multa vi proelia miscent 220
 Vulneribus crebris; lavit ater corpora sanguis,
 Versaque in obnixos urgentur cornua vasto
 Cum gemitu; reboant silvaeque et longus Olympus.
 Nec mos bellantes una stabulare; sed alter
 Victus abit, longeque ignotis exsulat oris, 225
 Multa gemens ignominiam plagasque superbi
 Victoris, tum, quos amisit inultus, amores,
 Et stabula adspectans regnis excessit avitis.
 Ergo omni cura vires exercet et inter
 Dura iacet pernix instrato saxa cubili, 230

Frondibus hirsutis et carice pastus acuta,
 Et tentat sese, atque irasci in cornua discit
 Arboris obnixus trunco, ventosque lacessit
 Ictibus et sparsa ad pugnam proludit arena.
 Post, ubi collectum robur viresque refectae, 235
 Signa movet praecepsque oblitum fertur in hostem:
 Fluctus uti medio coepit quum albescere ponto,
 Longius ex altoque sinum trahit, utque, volutus
 Ad terras, immane sonat per saxa, neque ipso
 Monte minor procumbit; at ima exaestuatur unda 240
 Verticibus, nigramque alte subvectat arenam.

Omne adeo genus in terris hominumque ferarumque,
 Et genus aequoreum, pecudes pictaeque volucres,
 In furias ignemque ruunt: amor omnibus idem.
 Tempore non alio catulorum oblita leaena 245
 Saevior erravit campis, nec funera vulgo
 Tam multa informes ursi stragemque dedere
 Per silvas; tum saevus aper, tum pessima tigris:
 Heu, male tum Libyae solis erratur in agris.
 Nonne vides, ut tota tremor pertentet equorum 250
 Corpora, si tantum notas odor attulit auras?
 Ac neque eos iam frena virum neque verbera saeva,
 Non scopuli rupesque cavae atque obiecta retardant
 Flumina, correptosque unda torquentia montes.
 Ipse ruit dentesque Sabellicus exacuit sus, 255
 Et pede prosubigit terram, fricat arbore costas,
 Atque hinc atque illinc humeros ad vulnera durat.
 Quid iuvenis, magnum cui versat in ossibus ignem
 Durus amor? Nempe abruptis turbata procellis
 Nocte natat caeca serus freta; quem super ingens 260
 Porta tonat coeli et scopulis illisa reclamant
 Aequora, nec miseri possunt revocare parentes,
 Nec moritura super crudeli funere virgo.
 Quid lynces Bacchi variae et genus acre luporum
 Atque canum? quid, quae imbelles dant proelia cervi? 265
 Scilicet ante omnes furor est insignis equarum;
 Et mentem Venus ipsa dedit, quo tempore Glauci
 Potniades malis membra absumsere quadrigae.

Illas ducit amor trans Gargara transque sonantem
 Ascanium, superant montes et flumina tranant; 270
 Continuoque, avidis ubi subdita flamma medullis-
 Vere magis, quia vere calor redit ossibus-, illae
 Ore omnes versae in Zephyrum stant rupibus altis,
 Exceptantque leves auras, et saepe sine ullis
 Coniugiis, vento gravidae-mirabile dictu- 275
 Saxa per et scopulos et depressas convalles
 Diffugiunt, — non, Eure, tuos neque Solis ad ortus;
 In Borean Caurumque, aut unde nigerrimus Auster
 Nascitur et pluvio contristat frigore coelum.
 Hic demum, hippomanes vero quòd nomine dicunt 280
 Pastores, lentum destillat ab inguine virus,
 Hippomanes, quod saepe malae legere novercae,
 Miscueruntque herbas et non innoxia verba.
 Sed fugit interea, fugit irreparabile tempus,
 Singula dum capti circumvectamur amore. 285
 Hoc satis armentis: superat pars altera curae,
 Lanigeros agitare greges hirtasque capellas.
 Hic labor; hinc laudem fortes sperate coloni.
 Nec sum animi dubius, verbis ea vincere magnum
 Quam sit, et angustis hunc addere rebus honorem; 290
 Sed me Parnasi deserta per ardua dulcis
 Raptat amor, iuvat ire iugis, qua nulla priorum
 Castaliam molli devertitur orbita clivo.
 Nunc, veneranda Pales, magno nunc ore sonandum!
 Incipiens stabulis edico in mollibus herbam 295
 Carpere oves, dum mox frondosa reducitur aestas,
 Et multa duram stipula filicumque manipulis
 Sternere subter humum, glacies ne frigida laedat
 Molle pecus, scabiemque ferat turpesque podagras.
 Post hinc digressus iubeo frondentia capris 300
 Arbuta sufficere et fluvios praebere recentes,
 Et stabula a ventis hiberno opponere soli
 Ad medium conversa diem, dum frigidus olim
 Iam cadit extremoque irrorat Aquarius anno.
 Hae quoque non cura nobis levior tuendae, 305
 Nec minor usus erit: quamvis Milesia magno



Vellera mutantur Tyrios incocta rubores.
Densior hinc suboles; hinc largi copia lactis;
Quam magis exhausto spumaverit ubere mulctra,
Laeta magis pressis manabunt flumina mammis. 310
Nec minus interea barbas incanaque menta
Cinyphii tondent hirci setasque comantes,
Usum in castrorum et miseris velamina nautis.
Pascuntur vero silvas et summa Lycaeï,
Horrentesque rubos et amantes ardua dumos; 315
Atque ipsae memores redeunt in tecta, suosque
Ducunt, et gravido superant vix ubere limen.
Ergo omni studio glaciem ventosque nivales,
Quo minor est illis curae mortalis egestas,
Avertes, victumque feres et virgea laetus 320
Pabula, nec tota claudes foenilia bruma.

At vero Zephyris quum laeta vocantibus aestas
In saltus utrumque gregem atque in pascua mittet;
Luciferi primo cum sidere frigida rura
Carpamus, dum mane novum, dum gramina canent, 325
Et ros in tenera pecori gratissimus herba.
Inde ubi quarta sitim coeli collegerit hora
Et cantu querulae rumpent arbusta cicadae,
Ad puteos aut alta greges ad stagna iubeto
Currentem ilignis potare canalibus undam; 330
Aestibus at mediis umbrosam exquirere vallem,
Sicubi magna Iovis antiquo robore quercus
Ingentes tendat ramos, aut sicubi nigrum
Ilicibus crebris sacra nemus accubet umbra;
Tum tenues dare rursus aquas et pascere rursus 335
Solis ad occasum, quum frigidus aëra vesper
Temperat et saltus reficit iam roscida luna,
Litoraue halcyonen resonant, acalanthida dumi.

Quid tibi pastores Libyae, quid pascua versu
Prosequar, et raris habitata mapalia tectis? 340
Saepe diem noctemque et totum ex ordine mensem
Pascitur itque pecus longa in deserta sine ullis
Hospitiis: tantum campi iacet. Omnia secum
Armentarius Afer agit, tectumque laremque 344

Armaque Amyclaeumque canem Cressamque pharetram,
 Non secus ac patriis acer Romanus in armis 346
 Iniusto sub fasce viam quum carpit et hosti
 Ante expectatum positus stat in agmine castris.
 At non, qua Scythiae gentes Maeotiaque unda,
 Turbidus et torquens flaventes Ister arenas, 350
 Quaque redit medium Rhodope porrecta sub axem.
 Illic clausa tenent stabulis armenta, neque ullae
 Aut herbae campo apparent aut arbore frondes;
 Sed iacet aggeribus niveis informis et alto
 Terra gelu late, septemque assurgit in ulnas. 355
 Semper hiems, semper spirantes frigora Cauri.
 Tum sol pallentes haud umquam discutit umbras,
 Nec quum invectus equis altum petit aethera, nec quum
 Praecipitem Oceani rubro lavit aequore currum.
 Concrescunt subitae currenti in flumine crustae, 360
 Undaque iam tergo ferratos sustinet orbes,
 Puppibus illa prius, patulis nunc hospita plaustris;
 Aeraque dissiliunt vulgo, vestesque rigescunt
 Indutae, caeduntque securibus humida vina,
 Et totae solidam in glaciem vertere lacunae, 365
 Stiriaque impexis induruit horrida barbis.
 Interea toto non secius aëre ninguat:
 Intereunt pecudes, stant circumfusa pruinis
 Corpora magna boum, confertoque agmine cervi
 Torpent mole nova et summis vix cornibus exstant. 370
 Hos non immissis canibus, non cassibus ullis
 Puniceaeve agitant pavidos formidine pinnae;
 Sed frustra oppositum trudentes pectore montem
 Comminus obtruncant ferro, graviterque rudentes
 Caedunt et magno laeti clamore reportant. 375
 Ipsi in defossis specubus secura sub alta
 Otia agunt terra, congestaque robora totasque
 Advolvere focis ulmos ignique dedere.
 Hic noctem ludo ducunt et pocula laeti
 Fermento atque acidis imitantur vitea sorbis. 380
 Talis Hyperboreo Septem subiecta trioni
 Gens effrena virum Rhipaeo tunditur Euro,

Et pecudum fulvis velatur corpora setis.

Si tibi lanitium curae: primum aspera silva
Lappaeque tribulique absint, fuge pabula laeta, 385
Continuoque greges villis lege mollibus albos.
Illum autem, quamvis aries sit candidus ipse,
Nigra subest udo tantum cui lingua palato,
Reiice, ne maculis infuscet vellera pullis
Nascentum, plenoque alium circumspice campo. 390
Munere sic niveo lanae, si credere dignum est,
Pan deus Arcadiae captam te, Luna, fefellit,
In nemora alta vocans; nec tu aspernata vocantem.

At cui lactis amor, cytisum lotosque frequentes
Ipse manu salsasque ferat praesepibus herbas. 395
Hinc et amant fluvios magis, et magis ubera tendunt,
Et salis occultum referunt in lacte saporem.
Multi iam excretos prohibent a matribus haedos,
Primaque ferratis praefigunt ora capistris.
Quod surgente die mulsero horisque diurnis, 400
Nocte premunt; quod iam tenebris et sole cadente,
Sub lucem exportant calathis-ædit oppida pastor-,
Aut parco sale contingunt hiemique reponunt.

Nec tibi cura canum fuerit postrema, sed una
Veloces Spartae catulos acremque Molossum 405
Pasce sero pingui. Numquam custodibus illis
Nocturnum stabulis furem incursusque luporum,
Aut impacatos a tergo horrebis Iberos.
Saepe etiam cursu timidos agitabis onagros,
Et canibus leporem, canibus venabere damas; 410
Saepe volutabris pulsos silvestribus apros
Latratu turbabis agens, montesque per altos
Ingentem clamore premes ad retia cervum.

Disce et odoratam stabulis accendere cedrum,
Galbaneoque agitare graves nidore chelydros. 415
Saepe sub immotis praesepibus aut mala tactu
Vipera delituit coelumque exterrita fugit,
Aut tecto adsuetus coluber succedere et umbrae,
Pestis acerba boum, pecorique adspergere virus,
Fovit humum. Cape saxa manu, cape robora, pastor, 420

Tollentemque minas et sibila colla tumentem
 Deice; iamque fuga timidum caput abdedit alte,
 Quum medii nexus extremaeque agmina caudae
 Solvuntur, tardosque trahit sinus ultimus orbes.
 Est etiam ille malus Calabris in saltibus anguis, 425
 Squamea convolvens sublato pectore terga
 Atque notis longam maculosus grandibus alvum,
 Qui, dum amnes ulli rumpuntur fontibus et dum
 Vere madent udo terrae ac pluvialibus Austris,
 Stagna colit, ripisque habitans, hic piscibus atram 430
 Improbis ingluviem ranisque loquacibus explet;
 Postquam exusta palus terraeque ardore dehiscunt,
 Exsilit in siccum, et flammantia lumina torquens
 Saevit agris asperque siti atque exterritus aestu.
 Nec mihi tum molles sub divo carpere somnos, 435
 Neu dorso nemoris libeat iacuisse per herbas,
 Quum positis novus exuviis nitidusque iuventa
 Volvitur, aut catulos tectis aut ova relinquens,
 Arduus ad solem et linguis micat ore trisulcis.
 Morborum quoque te causas et signa docebo. 440
 Turpis oves tentat scabies, ubi frigidus imber
 Altius ad vivum persedit et horrida cano
 Bruma gelu, vel quum tonsis illotus adhaesit
 Sudor, et hirsuti secuerunt corpora vepres.
 Dulcibus idcirco fluviis pecus omne magistri 445
 Perfundunt, udisque aries in gurgite villis
 Mersatur, missusque secundo defluit amni;
 Aut tonsum tristi contingunt corpus amurca,
 Et spumas miscent argenti et sulfura viva,
 Idaeasque pices et pingues unguine ceras 450
 Scillamque elleborosque graves nigrumque bitumen.
 Non tamen ulla magis praesens fortuna laborum est,
 Quam si quis ferro potuit rescindere summum
 Ulceris os: alitur vitium vivitque tegendo,
 Dum medicas adhibere manus ad vulnera pastor 455
 Abnegat, aut meliora deos sedet omina poscens.
 Quin etiam, ima dolor balantum lapsus ad ossa
 Quum furit atque artus depascitur arida febris,

Profuit incensos aestus avertere et inter
 Ima ferire pedis salientem sanguine venam: 460
 Bisaltæ quo more solent acerque Gelonus,
 Quum fugit in Rhodopen atque in deserta Getarum,
 Et lac concretum cum sanguine potat equino.

Quam procul aut molli succedere saepius umbrae
 Videris, aut summas carpentem ignavius herbas, 465
 Extremamque sequi, aut medio procumbere campo
 Pascentem et serae solam decedere nocti;
 Continuo culpam ferro compesce, prius quam
 Dira per incautum serpent contagiâ vulgus.
 Non tam creber agens hiemem ruit aequore turbo, 470
 Quam multae pecudum pestes; nec singula morbi
 Corpora corripunt, sed tota aestiva repente [tem.
 Spemque gregemque simul cunctamque ab origine gen-
 Tum sciat, aërias Alpes et Norica si quis
 Castella in tumulis et Iapydis arva Timavi 475
 Nunc quoque post tanto videat desertaque regna
 Pastorum et longe saltus lateque vacantes.

Hic quondam morbo coeli miseranda coorta est
 Tempestas, totoque auctumni incanduit aestu,
 Et genus omne neci pecudum dedit, omne ferarum, 480
 Corruitque lacus, infecit pabula tabo.
 Nec via mortis erat simplex, sed ubi ignea venis
 Omnibus acta sitis miseros adduxerat artus,
 Rursus abundabat fluidus liquor, omniaque in se
 Ossa minutatim morbo collapsa trahebat. 485
 Saepe in honore deum medio stans hostia ad aram,
 Lanea dum nivea circumdatur infula vitta,
 Inter cunctantes cecidit moribunda ministros;
 Aut si quam ferro mactaverat ante sacerdos,
 Inde neque impositis ardent altaria fibris, 490
 Nec responsa potest consultus reddere vates;
 Ac vix suppositi tinguuntur sanguine cultri
 Summaque iciuna sanie infusatur arena.
 Hinc laetis vituli vulgo moriuntur in herbis,
 Et dulces animas plena ad praesepia reddunt; 495
 Hinc canibus blandis rabies venit, et quatit aegros

Tussis anhela sues ac faucibus angit obesis.
 Labitur, infelix studiorum atque immemor herbae,
 Victor equus, fontesque avertitur et pede terram
 Crebra ferit: demissae aures, incertus ibidem 500
 Sudor et ille quidem morituris frigidus, aret
 Pellis et ad tactum tractanti dura resistit.
 Haec ante exitium primis dant signa diebus;
 Sin in processu coepit crudescere morbus,
 Tum vero ardentes oculi atque attractus ab alto 505
 Spiritus, interdum gemitu gravis, imaque longo
 Ilia singultu tendunt, it naribus ater
 Sanguis, et obsessas fauces premit aspera lingua.
 Profuit inserto latices infundere cornu
 Lenaeos: ea visa salus morientibus una; 510
 Mox erat hoc ipsum exitio, furiisque relecti
 Ardebant, ipsique suos iam morte sub aegra-
 Dī meliora piis, erroremque hostibus illum! -
 Discissos nudis laniabant dentibus artus.
 Ecce autem duro fumans sub vomere taurus 515
 Concidit et mixtum spumis vomit ore cruorem,
 Extremosque ciet gemitus. It tristis arator,
 Maerentem abiungens fraterna morte iuvenum,
 Atque opere in medio defixa relinquit aratra.
 Non umbrae alterum nemorum, non mollia possunt 520
 Prata movere animum, non qui per saxa volutus
 Purior electo campum petit amnis; at ima
 Solvuntur latera, atque oculos stupor urget inertes,
 Ad terramque fluit devexo pondere cervix.
 Quid labor aut benefacta iuvant? quid vomere terras 525
 Invertisse graves? atqui non Massica Bacchi
 Munera, non illis epulae nocuere repostae:
 Frondibus et victu pascuntur simplicis herbae,
 Pocula sunt fontes liquidi atque exercita cursu
 Flumina, nec somnos abrumpit cura salubres. 530
 Tempore non alio dicunt regionibus illis
 Quaesitas ad sacra boves lunonis, et uris
 Imparibus ductos alta ad donaria currus.
 Ergo aegre rastris terram rimantur et ipsis

Unguibus infodiunt fruges, montesque per altos 535
Contenta cervice trahunt stridentia plaustra.
Non lupus insidias explorat ovilia circum,
Nec gregibus nocturnus obambulat-acrior illum
Cura domat-; timidi damae cervique fugaces
Nunc interque canes et circum tecta vagantur. 540
Iam maris immensi prolem et genus omne natantum
Litore in extremo, ceu naufraga corpora, fluctus
Proluit; insolitae fugiunt in flumina phocae.
Interit et curvis frustra defensa latebris
Vipera; et attoniti squamis adstantibus hydri. 545
Ipsis est aër avibus non aequus, et illae
Praecipites alta vitam sub nube relinquunt.
Praeterea iam nec mutari pabula refert,
Quaesitaeque nocent artes; cessere magistri,
Phillyrides Chiron Amythaoniusque Melampus. 550
Saevit et in lucem Stygiis emissa tenebris
Pallida Tisiphone Morbos agit ante Metumque,
Inque dies avidum surgens caput altius effert.
Balatu pecorum et crebris mugitibus amnes
Arentesque sonant ripae collesque supini. 555
Iamque catervatim dat stragem atque aggerat ipsis
In stabulis turpi dilapsa cadavera tabo,
Donec humo tegere ac foveis abscondere discunt.
Nam neque erat coriis usus, nec viscera quisquam
Aut undis abolere potest aut vincere flamma. 560
Ne tondere quidem morbo illuvieque peresa
Vellera nec telas possunt attingere putres;
Verum etiam invisos si quis tentarat amictus,
Ardentes papulae atque immundus olentia sudor
Membra sequebatur, nec longo deinde moranti 565
Tempore contactos artus sacer ignis edebat.

P. VIRGILII MARONIS
G E O R G I C O N
 LIBER QUARTUS.

Protenus aërii mellis coelestia dona
 Exsequar. Hanc etiam, Maecenas, adspice partem.
 Admiranda tibi levium spectacula rerum,
 Magnanimosque duces, totiusque ordine gentis
 Mores et studia et populos et proelia dicam. 5
 In tenui labor; at tenuis non gloria, si quem
 Numina laeva sinunt auditque vocatus Apollo.

Principio sedes apibus statioque petenda,
 Quo neque sit ventis aditus-nam pabula venti
 Ferre domum prohibent-, neque oves haedique petulci 10
 Floribus insultent, aut errans bucula campo
 Decutiat rorem et surgentes atterat herbas.
 Absint et picti squalentia terga lacerti
 Pinguibus a stabulis, meropesque aliaeque volucres,
 Et manibus Procne pectus signata cruentis: 15
 Omnia nam late vastant, ipsasque volantes
 Ore ferunt dulcem nidis immitibus escam.
 At liquidi fontes et stagna virentia musco
 Adsint et tenuis fugiens per gramina rivus,
 Palmaque vestibulum aut ingens oleaster inumbret, 20
 Ut, quum prima novi ducent examina reges:
 Vere suo ludetque favis emissa iuventus,
 Vicina invitet decedere ripa calori,
 Obviaque hospitii teneat frondentibus arbor.
 In medium, seu stabit iners seu profluet humor, 25
 Transversas salices et grandia coniice saxa,
 Pontibus ut crebris possint consistere et alas
 Pandere ad aestivum solem, si forte morantes
 Sparserit aut praeceps Neptuno immerserit Eurus.
 Haec circum casiae virides et olentia late 30
 Serpylla et graviter spirantis copia thymbrae
 Floreat, irriguumque bibant violaria fontem.

Ipsa autem, seu corticibus tibi suta cavatis

Seu lento fuerint alvearia vimine texta,
 Angustos habeant aditus: nam frigore mella 35
 Cogit hiems, eademque calor liquefacta remittit.
 Utraque vis apibus pariter metuenda; neque illae
 Nequidquam in tectis certatim tenuia cera
 Spiramenta linunt, fucoque et floribus oras
 Explent, collectumque haec ipsa ad munera gluten 40
 Et visco et Phrygiae servant pice lentius Idae.
 Saepe etiam effossis, si vera est fama, latebris
 Sub terra fovere larem, penitusque repertae
 Pumicibusque cavis exesaeque arboris antro.
 Tu tamen et levi rimosa cubilia limo 45
 Ungue fovens circum, et raras superiniice frondes;
 Neu propius tectis taxum sine, neve rubentes
 Ure foco canculos, altae neu crede paludi,
 Aut ubi odor coeni gravis, aut ubi concava pulsu
 Saxa sonant vocisque offensa resultat imago. 50

Quod superest, ubi pulsam hiemem sol aureus egit
 Sub terras coelumque aestiva luce reclusit,
 Illae continuo saltus silvasque peragrant,
 Purpureosque metunt flores, et flumina libant
 Summa leves. Hinc nescio qua dulcedine laetae 55
 Progeniem nidosque fovent, hinc arte recentes
 Excudunt ceras et mella tenacia fingunt.
 Hinc ubi iam emissum caveis ad sidera coeli
 Nare per aestatem liquidam suspexeris agmen,
 Obscuramque trahi vento mirabere nubem; 60
 Contemplator: aquas dulces et frondea semper
 Tecta petunt. Huc tu iussos adsperge saporis,
 Trita melisphylla et cerinthae ignobile gramen,
 Tinnitusque cie et Matris quate cymbala circum:
 Ipsae considant medicatis sedibus, ipsae 65
 Intima more suo sese in cunabula condent.

Sin autem ad pugnam exierint-nam saepe duobus
 Regibus incessit magno discordia motu;
 Continuoque animos vulgi et trepidantia bello:
 Corda licet longe praesciscere: namque morantes. 70
 Martius ille aeris rauci canor increpat, et vox

Auditur fractos sonitus imitata tubarum ;
 Tum trepidae inter se coeunt pennisque coruscant,
 Spiculaque exacuunt rostris, aptantque lacertos,
 Et circa regem atque ipsa praetoria densae 75
 Miscentur, magnisque vocant clamoribus hostem - ;
 Ergo ubi, ver nactae sudum camposque patentes,
 Erumpunt portis, concurritur, aethere in alto
 Fit sonitus, magnum mixtae glomerantur in orbem,
 Praecipitesque cadunt - non densior aëre grando, 80
 Nec de concussa tantum pluit ilice glandis - ;
 Ipsi per medias acies, insignibus alis,
 Ingentes animos angusto in pectore versant,
 Usque adeo obnixi non cedere, dum gravis aut hos
 Aut hos versa fuga victor dare terga subegit: 85
 Hi motus animorum atque haec certamina tanta
 Pulveris exigui iactu compressa quiescunt.
 Verum ubi ductores acie revocaveris ambo,
 Deterior qui visus, eum, ne prodigus obsit,
 Dede neci ; melior vacua sine regnet in aula. 90
 Alter erit maculis auro squalentibus ardens -
 Nam duo sunt genera - : hic melior, insignis et ore,
 Et rutilis clarus squamis ; ille horridus alter
 Desidia, latamque trahens inglorius alvum.
 Ut binae regum facies, ita corpora plebis: 95
 Namque aliae turpes horrent, ceu pulvere ab alto
 Quum venit et sicco terram sputat ore viator
 Aridus ; elucent aliae et fulgore coruscant,
 Ardentes auro et paribus lita corpora guttis.
 Haec potior suboles ; hinc coeli tempore certo 100
 Dulcia mella premes, nec tantum dulcia, quantum
 Et liquida et durum Bacchi domitura saporem.
 At quum incerta volant coeloque examina ludunt,
 Contemnuntque favos et frigida tecta relinquunt ;
 Instabiles animos ludo prohibebis inani. 105
 Nec magnus prohibere labor : tu regibus alas
 Eripe : non illis quisquam cunctantibus altum
 Ire iter aut castris audebit vellere signa.
 Invitent croceis halantes floribus horti.

Et custos furum atque avium cum falce saligna 110
Hellespontiaci servet tutela Priapi.

Ipse thymum pinosque ferens de montibus altis
Tecta serat late circum, cui talia curae;
Ipse labore manum duro terat, ipse feraces
Figat humo plantas et amicos irriget imbres. 115

Atque equidem, extremo ni iam sub fine laborum
Vela traham et terris festinem advertere proram,
Forsitan et, pingues hortos quae cura colendi
Ornaret, canerem, biferique rosaria Paesti,
Quoque modo potis gauderent intuba rivis 120

Et viridis apio ripae, tortusque per herbam
Cresceret in ventrem cucumis; nec sera comantem
Narcissum aut flexi tacuissem vimen acanthi
Pallentesque hederas et amantes litora myrtos.

Namque sub Oebaliae memini me turribus altis, 125
Qua niger humectat flaventia culta Galaesus,
Corycium vidisse senem, cui pauca relict

Iugera ruris erant, nec fertilis illa iuvencis,
Nec pecori opportuna seges, nec commoda Baccho.
Hic rarum tamen in dumis olus albaque circum 130

Lilia verbenasque premens vescumque papaver,
Regum aequabat opes animo, seraque revertens
Nocte domum dapibus mensas onerabat inemtis;

Primus vere rosam atque auctumno carpere poma,
Et quum tristis hiems etiamnum frigore saxa 135
Rumperet et glacie cursus frenaret aquarum,

Ille comam mollis iam tondebat hyacinthi,
Aestatem increpitans seram Zephyrosque morantes.

Ergo apibus fetis idem atque examine multo
Primus abundare, et spumantia cogere pressis 140
Mella favis; illi tiliae atque uberrima pinus;

Quotque in flore novo pomis se fertilis arbor
Induerat, totidem auctumno matura tenebat.
Ille etiam seras in versum distulit ulmos,

Eduramque pirum et spinos iam pruna ferentes, 145
Iamque ministrantem platanum potantibus umbras.
Verum haec ipse equidem spatiis exclusus iniquis

Praetereo atque aliis post me memoranda relinquo.

Nunc age, naturas apibus quas Iupiter ipse
 Addidit, expediam, pro qua mercede, canoros 150
 Curetum sonitus crepitantiaque aera secutae,
 Dictae coeli regem pavere sub antro.
 Solae communes natos, consortia tecta
 Urbis habent, magnisque agitant sub legibus aevum,
 Et patriam solae et certos novere Penates; 155
 Venturaeque hiemis memores aestate laborem
 Experiuntur et in medium quaesita reponunt.
 Namque aliae victu invigilant et foedere pacto
 Exercentur agris; pars intra septa domorum
 Narcissi lacrimam et lentum de cortice gluten 160
 Prima favis ponunt fundamina, deinde tenaces
 Suspendunt ceras; aliae spem gentis adultos
 Educunt fetus; aliae purissima mella
 Stipant et liquido distendunt nectare cellas.
 Sunt, quibus ad portas cecidit custodia sorti, 165
 Inque vicem speculantur aquas et nubila coeli,
 Aut onera accipiunt venientum, aut agmine facto
 Ignavum, fucos, pecus a praesepibus arcent.
 Fervet opus, redolentque thymo fragrantia mella;
 Ac veluti, lentis Cyclopes fulmina massis 170
 Quum properant, alii taurinis follibus auras
 Accipiunt redduntque, alii stridentia tinguunt
 Aera lacu - gemit impositis incudibus Aetna;
 Illi inter sese magna vi brachia tollunt
 In numerum, versantque tenaci forcipe ferrum - : 175
 Non aliter, si parva licet componere magnis,
 Cecropias innatus apes amor urget habendi,
 Munere quamque suo. Grandaevus oppida curae
 Et munire favos et daedala fingere tecta;
 At fessae multa referunt se nocte minores, 180
 Crura thymo plenae, pascuntur et arbuta passim
 Et glaucas salices casiamque crocumque rubentem
 Et pinguem tiliam et ferrugineos hyacinthos.
 Omnibus una quies operum, labor omnibus unus:
 Mane ruunt portis, nusquam mora; rursus easdem 185

1
 2
 3
 4
 5
 6
 7
 8
 9
 10
 11
 12
 13
 14
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525

Vesper ubi e pastu tandem decedere campis
 Admonuit, tum tecta petunt, tum corpora curant;
 Fit sonitus, mussantque oras et limina circum;
 Post, ubi iam thalamis se composuere, siletur
 In noctem, fessosque sopor suus occupat artus. 190
 Nec vero a stabulis pluvia impendente recedunt
 Longius, aut credunt coelo adventantibus Euris;
 Sed circum tutae sub moenibus urbis aquantur,
 Excursusque breves tentant, et saepe lapillos,
 Ut cymbae instabiles fluctu iactante saburram, 195
 Tollunt, his sese per inania nubila librant.
 Illum adeo placuisse apibus mirabere morem,
 Quod neque concubitu indulgent, nec corpora segnes
 In Venerem solvunt, aut fetus nixibus edunt;
 Verum ipsae e foliis natos et suavis herbis 200
 Ore legunt, ipsae regem parvosque Quirites
 Sufficiunt, aulasque et cerea regna refingunt.
 Saepe etiam duris errando in cotibus alas
 Attrivere, ultroque animam sub fasce dedere:
 Tantus amor florum, et generandi gloria mellis. 205
 Ergo ipsas quamvis angusti terminus aevi
 Excipiat: neque enim plus septima ducitur aestas - ,
 At genus immortale manet, multosque per annos
 Stat fortuna domus, et avi numerantur avorum.
 Praeterea regem non sic Aegyptos et ingens 210
 Lydia, nec populi Parthorum aut Medus Hydaspes
 Observant. Rege incolumi mens omnibus una est;
 Amisso rupere fidem, constructaque mella
 Diripuere ipsae et crates solvere favorum.
 Ille operum custos; illum admirantur et omnes 215
 Circumstant fremitu denso, stipantque frequentes,
 Et saepe attollunt humeris, et corpora bello
 Obiectant pulchramque petunt per vulnera mortem.

His quidam signis, atque haec exempla secuti,
 Esse apibus partem divinae mentis et haustus 220
 Aetherios dixere: deum namque ire per omnes
 Terrasque tractusque maris coelumque profundum;
 Hinc pecudes, armenta, viros, genus omne ferarum,

Quemque sibi tenues nascentem arcessere vitas :
 Scilicet huc reddi deinde ac resoluta referri 225
 Omnia, nec morti esse locum, sed viva volare
 Sideris in numerum atque alto succedere coelo.

Si quando sedem angustam servataque mella
 Thesauris relines ; prius haustu sparsus aquarum
 Ora fove, fumosque manu praetende sequaces. 230
 Bis gravidos cogunt fetus, duo tempora messis
 Taygete simul os terris ostendit honestum
 Plias et Oceani spretos pede repulit amnes ;
 Aut eadem sidus fugiens ubi Piscis aquosi
 Tristior hibernas coelo descendit in undas. 235

Illis ira modum supra est, laesaeque venenum
 Morsibus inspirant, et spicula caeca relinquunt
 Affixae venis, animasque in vulnere ponunt.
 Sin duram metues hiemem parcesque futuro,
 Contusosque animos et res miserabere fractas ; 240
 At suffire thymo cerasque recidere inanes
 Quis dubitet ? nam saepe favos ignotus adedit
 Stello, et lucifugis congesta cubilia blattis,
 Immunisque sedens aliena ad pabula fucus ;
 Aut asper crabro imparibus se immiscuit armis, 245
 Aut dirum, tineae, genus ; aut invisae Minervae
 Laxos in foribus suspendit aranea casses.

Quo magis exhaustae fuerint, hoc acrius omnes
 Incumbent generis lapsi sarcire ruinas,
 Complebuntque foros et floribus horrea texent. 250

Si vero, quoniam casus apibus quoque nostros
 Vita tulit, tristi languebant corpora morbo,
 Quod iam non dubiis poteris cognoscere signis -
 Continuo est aegris alius color ; horrida vultum
 Deformat macies ; tum corpora luce carentum 255
 Exportant tectis et tristia funera ducunt ;
 Aut illae pedibus connexae ad limina pendent,
 Aut intus clausis cunctantur in aedibus, omnes
 Ignavaeque fame et contracto frigore pigrae :
 Tum sonus auditur gravior, tractimque susurrant, 260
 Frigidus ut quondam silvis immurmurat Auster,



Ut mare sollicitum stridit refluentibus undis,
 Aestuat ut clausis rapidus fornacibus ignis -;
 Hic iam galbaneos suadebo incendere odores,
 Mellaque arundineis inferre canalibus, ultro 265
 Hortantem et fessas ad pabula nota vocantem.
 Proderit et lunsum gallae admiscere saporem
 Arentesque rosas, aut igni pingua multo
 Defruta, vel Psythia passós de vite racemos
 Cecropiumque thymum et grave olentia centaurea. 270
 Est etiam flos in pratis, cui nomen amello
 Fecere agricolae, facilis quaerentibus herba -
 Namque uno ingentem tollit de cespite silvam,
 Aureus ipse, sed in foliis, quae plurima circum
 Funduntur, violae subluet purpura nigrae; 275
 [Saepe deum nexis ornatae torquibus arae;]
 Asper in ore sapor; tonsis in vallibus illum
 Pastores et curva legunt prope flumina Mellae -:
 Huius odorato radices incoque Baccho,
 Pabulaque in foribus plenis appone canistris. 280

Sed si quem proles subito defecerit omnis,
 Nec, genus unde novae stirpis revocetur, habebit;
 Tempus et Arcadii memoranda inventa magistri
 Pandere, quoque modo caesis iam saepe iuven-
 Insincerus apes tulerit cruor. Altius omnem 285
 Expediam prima repetens ab origine famam.
 Nam qua Pellaei gens fortunata Canopi
 Accolit effuso stagnantem flumine Nilum,
 Et circum pictis vehitur sua rura faselis;
 Quaque pharetratae vicinia Persidis urget, 290
 Et diversa ruens septem discurrit in ora
 Usque coloratis amnis devexus ab Indis,
 Et viridem Aegyptum nigra foecundat arena;
 Omnis in hac certam regio iacit arte salutem.

Exiguus primum atque ipsos contractus ad usus 295
 Eligitur locus: hunc angustique imbrice tecti
 Parietibusque premunt artis, et quatuor addunt
 Quatuor a ventis obliqua luce fenestras.
 Tum vitulus bima curvans iam cornua fronte

Quaeritur: huic geminae nares et spiritus oris 300
 Multa reluctanti obstruitur, plagisque peremto
 Tunsæ per integram solvuntur viscera pellem.
 Sic positum in clauso linquunt, et ramea costis
 Subiiciunt fragmenta, thymum casiasque recentes.
 Hoc geritur, Zephyris primum impellentibus undas, 305
 Ante novis rubeant quam prata coloribus, ante
 Garrula quam tignis nidum suspendat hirundo.
 Interea teneris tepefactus in ossibus humor
 Aestuat, et visenda modis animalia miris,
 Trunca pedum primo, mox et stridentia pennis, 310
 Miscentur, tenuemque magis magis aëra carpunt,
 Donec, ut aestivis effusus nubibus imber,
 Erupere, aut ut, nervo pulsante, sagittae,
 Prima leves ineunt si quando proelia Parthi.

Quis deus hanc, Musae, quis nobis extudit artem? 315
 Unde nova ingressus hominum experientia cepit?
 Pastor Aristaeus fugiens Peneia Tempe,
 Amissis, ut fama, apibus morboque fameque,
 Tristis ad extremi sacrum caput adstitit amnis,
 Multa querens atque hac affatus voce parentem: 320
 „Mater, Cyrene mater, quae gurgitis huius
 „Ima tenes, quid me praeclara stirpe deorum -
 „Si modo, quem perhibes, pater est Thymbraeus Apollo-
 „Invisum fatis genuisti, aut quo tibi nostri
 „Pulsus amor? quid me coelum sperare iubebas? 325
 „En etiam hunc ipsum vitae mortalis honorem,
 „Quem mihi vix frugum et pecudum custodia sollers
 „Omnia tentanti extuderat, te matre, relinquo.
 „Quin age, et ipsa manu felices erue silvas,
 „Fer stabulis inimicum ignem atque interfice messes, 330
 „Ure sata et validam in vites molire bipennem;
 „Tanta meae si te ceperunt taedia laudis.“
 At mater sonitum thalamo sub fluminis alti
 Sensit. Eam circum Milesia vellera Nymphae
 Carpebant, hyali saturo fucata colore, 335
 Drymoque, Xanthoque, Ligeaque, Phyllodoceque,
 Caesariem effusae nitidam per candida colla,

[Nesaeae, Spioque, Thaliaque, Cymodoceque,]
 Cydippeque et flava Lycorias, altera virgo,
 Altera tum primos Lucinae experta labores, 340
 Clioque et Beroë soror, Oceanitides ambae,
 Ambae auro, pictis incinctae pellibus ambae,
 Atque Ephyre, atque Opis, atque Asia Deïopea,
 Et tandem positis velox Arethusa sagittis.
 Inter quas curam Clymene narrabat inanem 345
 Vulcani, Martisque dolos et dulcia furta,
 Aque Chao densos divûm numerabat amores.
 Carmine quo captae dum fuis molliâ pensa
 Devolvunt, iterum maternas impulit aures
 Luctus Aristaei, vitreisque sedilibus omnes 350
 Obstupuere; sed ante alias Arethusa sorores
 Prospiciens summa flavum caput extulit unda,
 Et procul: „O gemitu non frustra exterrita tanto
 „Cyrene soror, ipse tibi, tua maxima cura,
 „Tristis Aristaeus Penei genitoris ad undam 355
 „Stat lacrimans et te crudelem nomine dicit.“
 Huic percussa nova mentem formidine mater
 „Duc, age, duc ad nos: fas illi limina divûm
 „Tangere!“ ait; simul alta iubet discedere late
 Flumina, qua iuvenis gressus inferret. At illum 360
 Curvata in montis faciem circumstetit unda,
 Accepitque sinu vasto misitque sub amnem.
 Iamque domum mirans genetricis et humida regna
 Speluncisque lacus clausos lucosque sonantes,
 Ibat et, ingenti motu stupefactus aquarum, 365
 Omnia sub magna labentia flumina terra
 Spectabat diversa locis, Phasimque, Lycumque,
 Et caput, unde altus primum se erumpit Enipeus,
 Unde pater Tiberinus et unde Aniena fluentia,
 Saxosusque sonans Hypanis, Mysusque Caicus, 370
 Et gemina auratus taurino cornua vultu
 Eridanus, quo non alius per pingua culta
 In mare purpureum violentior effluit amnis.
 Postquam est in thalami pendentia pumice tecta
 Perventum et nati fletus cognovit inanes 375

Cyrene: maribus liquidis iam ordine limes
 Germaniae: missisque ferunt mantella villis:
 Pars epulis aeternam mensas et plena pepinam:
 Potula Pantheis adolescant ignibus arae:
 Et iacet „Cape Maerim cathedra Britann: 380
 Oceanus „veniamus iam. Sima ipsa premunt
 Oceanique patrem rerum Nymphasque sorores.
 Centum quae silvis. centum quae flumina servant.
 Ter liquido ardorem per. in nemore Vestam.
 Ter flamma ad summum tecti sollicita reluit: 385
 Omne quo firmans animam sic incolit ipsa:
 „Et in Carpathio Neptuni gurgite vates.
 „Caeruleus Proteus. magnum qui piscibus aequat
 „Et iuncto bipedum curru melitur equeorum.
 „Hic nunc Emathiae portus patriamque revisit: 390
 „Palladem; hunc et Nymphae veneramur. et ipse
 „Grandaevis Nereus: novit namque omnia vates.
 „Quae sint. quae fuerint. quae mox ventura trahantur.
 „Quippe ita Neptuno visum est. immenia cuius
 „Armenta et turpes pascit sub gurgite pascas. 395
 „Hic tibi. nate. prius vinculis capiendus. ut omnem
 „Expediat morbi causam. eventusque secundet:
 „Nam sine vi non ulla dabit praecepta. neque illum
 „Orando flectes: vim duram et vincula capto
 „Tende; doli circum haec demum frangentur inanes. 400
 „Ipsa ego te. medios quum sol accenderit: aestus.
 „Quum sitiunt herbae et pecori iam gravior umbra est.
 „In secreta senis ducam. quo fessus ab undis
 „Se recipit. facile ut somno aggrediare iacentem.
 „Verum ubi correptum manibus vinculisque tenebis. 405
 „Tum variae eludent species atque ora ferarum:
 „Fiet enim subito sus horridus atraque tigris
 „Squamosusque draco et fulva cervice leaena.
 „Aut acrem flammae sonitum dabit atque ita vinculis
 „Excidet. aut in aquas tenues dilapsus abibit. 410
 „Sed quanto ille magis formas se vertet in omnes.
 „Tanto. nate. magis contende tenacia vincla.
 „Donec talis erit mutato corpore. qualem

„Videris, incepto tegeret quum lumina somno.“
 Haec ait, et liquidum ambrosiae diffundit odorem, 415
 Quo totum nati corpus perduxit; at illi
 Dulcis compositis spiravit crinibus aura,
 Atque habilis membris venit vigor. Est specus ingens
 Exesi latere in montis, quo plurima vento
 Cogitur inque sinus scindit sese unda reductos, 420
 Deprensus olim statio tutissima nautis;
 Intus se vasti Proteus tegit obice saxi.
 Hic iuvenem in latebris aversum a lumine Nympha
 Collocat; ipsa procul nebulis obscura resistit.
 Iam rapidus torrens sitientes Sirius Indos 425
 Ardebat, coelo et medium sol igneus orbem
 Hauserat, arebant herbae, et cava flumina siccis
 Faucibus ad limum radii tepefacta coquebant:
 Quum Proteus consueta petens e fluctibus antra
 Ibat; eum vasti circum gens humida ponti 430
 Exsultans rorem late dispersit amarum.
 Sternunt se somno diversae in litore phocae;
 Ipse, velut stabuli custos in montibus olim,
 Vesper ubi e pastu vitulos ad tecta reducit
 Auditisque lupos acuunt balatibus agni, 435
 Considit scopulo medius numerumque recenset.
 Cuius Aristaeo quoniam est oblata facultas;
 Vix defessa senem passus componere membra,
 Cum clamore ruit magno manicisque iacentem
 Occupat. Ille suae contra non immemor artis, 440
 Omnia transformat sese in miracula rerum,
 Ignemque, horribilemque feram, fluviumque liquentem.
 Verum ubi nulla fugam reperit fallacia; victus
 In sese redit, atque hominis tandem ore locutus,
 „Nam quis te, iuvenum confidentissime, nostras 445
 „Iussit adire domos? quidve hinc petis?“ inquit. At ille:
 „Scis, Proteu, scis ipse, neque est te fallere quidquam;
 „Sed tu desine velle. Deum praecepta secuti
 „Venimus, hinc lapsis quaesitum oracula rebus.“
 Tantum effatus. Ad haec vates vi denique multa 450
 Ardentes oculos intorsit lumine glauco,

Et graviter frendens sic fatis ora resolvit:

- „Non te nullius exercent numinis irae;
 „Magna luis commissa: tibi has miserabilis Orpheus
 „Haudquaquam ob meritum poenas, ni fata resistant, 455
 „Suscitāt, et raptā graviter pro coniuge saevit.
 „Illa quidem, dum te fugeret per flumina praeceps,
 „Immanem ante pedes hydrum moritura puella
 „Servantem ripas alta non vidit in herba.
 „At chorus aequalis Dryadum clamore supremos 460
 „Implerunt montes; flerunt Rhodopeiae arces,
 „Altaque Pangaea et Rhesi Mavortia tellus,
 „Atque Getae, atque Hebrus et Actias Orithyia.
 „Ipse, cava solans aegrum testudine amorem,
 „Te, dulcis coniux, te solo in litore secum, 465
 „Te veniente die, te decedente canebat.
 „Taenarias etiam fauces, alta ostia Ditis,
 „Et caligantem nigra formidine lucum
 „Ingressus, Manesque adiit regemque tremendum,
 „Nesciaque humanis precibus mansuescere corda. 470
 „At cantu commotae Erebi de sedibus imis
 „Umbrae ibant tenues simulacraque luce carentum,
 „Quam multa in foliis avium se millia condunt.
 „Vesper ubi aut hibernus agit de montibus imber,
 „Matres atque viri, defunctaque corpora vita 475
 „Magnanimū heroum, pueri innuptaeque puellae,
 „Impositique rogis iuvenes ante ora parentum;
 „Quos circum limus niger et deformis arundo
 „Cocyti tardaque palus inamabilis unda
 „Alligat, et novies Styx interfusa coërcet. 480
 „Quin ipsae stupuere domus atque intima Leti
 „Tartara, caeruleosque implexae crinibus angues
 „Eumenides, tenuitque inhians tria Cerberus ora,
 „Atque Ixionii vento rota constitit orbis.
 „Iamque pedem referens casus evaserat omnes, 485
 „Redditaque Eurydice superas veniebat ad auras,
 „Pone sequens-namque hanc dederat Proserpina legem-,
 „Quum subita incautum dementia cepit amantem,
 „Ignoscenda quidem, scirent si ignoscere Manes:
 „Restitit, Eurydicenque suam, iam luce sub ipsa, 490



„Immemor, heu, victusque animi respexit. Ibi omnis
 „Effusus labor atque immitis rupta tyranni
 „Foedera, terque fragor stagnis auditus Avernis.
 „Illa „Quis et me“ inquit „miseram et te perdidit, Orpheu,
 „„Quis tantus furor? En iterum crudelia retro 495
 „„Fata vocant, conditque natantia lumina somnus.
 „„Iamque vale: feror ingenti circumdata nocte,
 „„Invalidasque tibi tendens, heu non tua, palmas!“
 „Dixit, et ex oculis subito, ceu fumus in auras
 „Commixtus tenues, fugit diversa, neque illum, 500
 „Prensantem nequidquam umbras et multa volentem
 „Dicere, praeterea vidit, nec portitor Orci
 „Amplius obiectam passus transire paludem.
 „Quid faceret? quo se rapta bis coniuge ferret?
 „Quo fletu Manes, qua Numina voce moveret? 505
 „Illa quidem Stygia nabat iam frigida cymba.
 „Septem illum totos perhibent ex ordine menses
 „Rupe sub aëria deserti ad Strymonis undam
 „Flevisse et gelidis haec evolvisse sub antris,
 „Mulcentem tigres et agentem carmine quercus: 510
 „Qualis populea maerens philomela sub umbra
 „Amissos queritur fetus, quos durus arator
 „Observans nido implumes detraxit; at illa
 „Flet noctem, ramoque sedens miserabile carmen
 „Integrat et maestis late loca questibus implet. 515
 „Nulla Venus, non ulli animum flexere Hymenaei;
 „Solus Hyperboreas glacies Tanaimque nivalem
 „Arvaque Rhipaeis numquam viduata pruinis
 „Lustrabat, raptam Eurydicen atque irrita Ditis
 „Dona querens: spretae Ciconum quo munere matres 520
 „Inter sacra deum nocturnique orgia Bacchi
 „Discerptum latos iuvenem sparsere per agros.
 „Tum quoque, marmorea caput a cervice revulsum
 „Gurgite quum medio portans Oeagrius Hebrus
 „Volveret, Eurydicen vox ipsa et frigida lingua, 525
 „Ah miseram Eurydicen, anima fugiente vocabat;
 „Eurydicen toto referebant flumine ripae.“
 Haec Proteus, et se iactu dedit aequor in altum,

Quaque dedit spumantem undam sub verice torsit.
 At non Cyrene: namque ulro affata timentem: 530
 „Nate, licet tristes animo depolere curas.
 „Haec omnis morbi causa; hinc miserabile Nymphae,
 „Cum quibus illa choros lucis agitabat in aëis,
 „Exitium misere apibus. Tu munera supplex
 „Tende. petens pacem. et faciles venerare Napaeas: 535
 „Namque dabunt veniam votis. irasque remittent.
 „Sed, modus orandi qui sit, prius ordine dicam.
 „Quatuor eximios praestanti corpore tauros.
 „Qui tibi nunc viridis depascunt summa Lycae.
 „Delige. et intacta totidem cervice iuvenças. 540
 „Quatuor his aras alta ad delubra dearum
 „Constitu. et sacrum iugulis demitte cruorem.
 „Corporaque ipsa boum frondoso desere loco.
 „Post, ubi nona suos Aurora ostenderit ortus.
 „Inferias Orphei Lethaea papavera mittes 545
 „Et nigram mactabis ovem, lucumque revises.
 „Placatam Eurydicen vitula venerabere caesa.“
 Haud mora: continuo matris praecepta facessit.
 Ad delubra venit, monstratas excitat aras,
 Quatuor eximio praestanti corpore tauros 550
 Ducit, et intacta totidem cervice iuvenças.
 Post, ubi nona suos Aurora induxerat ortus,
 Inferias Orphei mittit, lucumque revisit.
 Hic vero subitum ac dictu mirabile monstrum
 Adspiciunt, liquefacta boum per viscera toto 555
 Stridere apes utero et ruptis effervere costis,
 Immensasque trahi nubes, iamque arbore summa
 Confluere et lentis uvam demittere ramis.
 Haec super arborum cultu pecorumque canebam
 Et super arboribus, Caesar dum magnus ad altum 560
 Fulminat Euphraten bello, victorque volentes
 Per populos dat iura, viamque affectat Olympo.
 Illo Virgilium me tempore dulcis aiebat
 Parthenope, studiis florentem ignobilis oti,
 Carmina qui lusi pastorum, audaxque iuventa, 565
 Tityre, te patulae cecini sub tegmine fagi.

P. VIRGILII MARONIS
AENEIDOS
LIBER PRIMUS.

*[Ille ego, qui quondam gracili modulatus avena
Carmen, et, egressus silvis, vicina coëgi
Ut quamvis avido parerent arva colono,
Gratum opus agricolis, at nunc horrentia Martis]*

Arma virumque cano, Troiae qui primus ab oris
Italiam fato profugus Lavinaque venit
Litora, multum ille et terris iactatus et alto
Vi superùm saevae memorem Iunonis ob iram,
Multa quoque et bello passus, dum conderet urbem 5
Inferretque deos Latio: genus unde Latinum
Albanique patres atque altae moenia Romae.

Musa, mihi causas memora, quo numine laeso,
Quidve dolens regina deùm tot volvere casus
Insignem pietate virum, tot adire labores 10
Impulerit. Tantaene animis coelestibus irae?

Urbs antiqua fuit-Tyrii tenuere coloni-,
Carthago, Italiam contra Tiberinaque longe
Ostia, dives opum studiisque asperrima belli,
Quam Iuno fertur terris magis omnibus unam 15
Posthabita coluisse Samo: hic illius arma,
Hic currus fuit; hoc regnum dea gentibus esse,
Si qua fata sinant, iam tum tenditque fovetque.
Progeniem sed enim Troiano a sanguine duci
Audierat, Tyrias olim quae verteret arces; 20
Hinc populum late regem belloque superbum
Venturum excidio Libyae: sic volvere Parcas.

Id metuens veterisque memor Saturnia belli,
Prima quod ad Troiam pro caris gesserat Argis...
Nec dum etiam causae irarum saevique dolores 25
Exciderant animo; manet alta mente repostum
Iudicium Paridis spretæque iniuria formae,
Et genus invisum, et rapti Ganymedis honores

His accensa super, iactatos aequore toto
 Troas, reliquias Danaum atque immitis Achilli, 30
 Arcebat longe Latio; multosque per annos
 Errabant acti fatis maria omnia circum.
 Istantae molis erat Romanam condere gentem.
 Vix e conspectu Siculae telluris in altum
 Vela dabant laeti et spumas salis aere ruebant, 35
 Quum Iuno, aeternum servans sub pectore vulnus;
 Haec secum: „Mene incepto desistere victam,
 „Nec posse Italia Teucrorum avertere regem?
 „Quippe vetor fatis. Pallasne exurere classem
 „Argivum atque ipsos potuit submergere ponto 40
 „Unius ob noxam et furias Aiacis Oilei?
 „Ipsa, Iovis rapidum iaculata e nubibus ignem,
 „Disiecitque rates evertitque aequora ventis;
 „Illum exspirantem transfixo pectore flammam
 „Turbine corripuit, scopuloque infixit acuto. 45
 „Ast ego, quae divum incedo regina, Iovisque
 „Et soror et coniux, una cum gente tot annos
 „Bella gero? Et quisquam numen Iunonis adorat
 „Praeterca, aut supplex aris imponet honorem?“
 Talia flammato secum dea corde volutans 50
 Nimborum in patriam, loca feta furentibus Austris,
 Aeoliam venit. Hic vasto rex Aeolus antro
 Luctantes ventos tempestatesque sonoras
 Imperio premit, ac vinclis et carcere frenat.
 Illi indignantes, magno cum murmure montis, 55
 Circum claustra fremunt; celsa sedet Aeolus arce,
 Sceptra tenens, mollitque animos et temperat iras:
 Ni faciat, maria ac terras coelumque profundum
 Quippe ferant rapidi secum verrantque per auras.
 Sed pater omnipotens speluncis abdidit atris, 60
 Hoc metuens, molemque et montes insuper altos
 Imposuit, regemque dedit, qui foedere certo
 Et premere et laxas sciret dare iussus habenas.
 Ad quem tum Iuno supplex his vocibus usa est:
 „Aeole-namque tibi divum pater atque hominum rex 65
 „Et mulcere dedit fluctus et tollere vento-,

„Gens inimica mihi Tyrrhenum navigat aequor,
 „Ilium in Italiam portans victosque Penates:
 „Incute vim ventis submersasque obrue puppes,
 „Aut age diversos et disiice corpora ponto. 70
 „Sunt mihi his septem praestanti corpore Nymphae,
 „Quarum, quae forma pulcherrima Deïopea,
 „Connubio iungam stabili propriamque dicabo,
 „Omnes ut tecum meritis pro talibus annos
 „Exigat et pulchra faciat te prole parentem.“ 75
 Aeolus haec contra: „Tuus, o regina, quid optes,
 „Explorare labor, mihi iussa capessere fas est.
 „Tu mihi, quodcumque hoc regni, tu sceptrâ Iovemque
 „Conciliâs, tu das epulis accumbere divum,
 „Nimborumque facis tempestatumque potentem.“ 80
 Haec ubi dicta, cavum conversa cuspide montem
 Impulit in latus, ac venti, velut agmine facto,
 Qua data porta, ruunt et terras turbine perflant.
 Incubuerunt mari, totumque e sedibus imis
 Una Eurûsque Notusque ruunt creberque procellis 85
 Africus, et vastos volvunt ad litora fluctus.
 Insequitur clamorque virum stridorque rudentum.
 Eripiunt subito nubes coelumque diemque
 Teucrorum ex oculis: ponto nox incubat atra;
 Intonuere poli, et crebris micat ignibus aether, 90
 Praesentemque viris intentant omnia mortem.
 Extemplo Aeneae solvuntur frigore membra;
 Ingemit et, duplices tendens ad sidera palmas,
 Talia voce refert: „O terque quaterque beati,
 „Quis ante ora patrum Troiae sub moenibus altis 95
 „Contigit oppetere! O Danaum fortissime gentis,
 „Tydide, mense Iliacis occumbere campis
 „Non potuisse, tuaque animam hanc effundere dextra:
 „Saevus ubi Aeacidae telo iacet Hector, ubi ingens
 „Sarpedon, ubi tot Simois correpta sub undis 100
 „Scuta virum galeasque et fortia corpora volvit?“
 Talia iactanti stridens Aquilone procella
 Velum adversa ferit, fluctusque ad sidera tollit.
 Franguntur remi; tum proram avertit et undis

Dat latus, insequitur cumulo praeruptus aquae mons. 105
 Hi summo in fluctu pendent, his unda dehiscens
 Terram inter fluctus aperit, furit aestus arenis.
 Tres Notus abreptas in saxa latentia torquet-
 Saxa vocant Itali, mediis quae in fluctibus, *Aras*.
 Dorsum immane mari summo-; tres Eurus ab alto 110
 In brevia et Syrtes urget-miserabile visu-,
 Illiditque vadis atque aggere cingit arenae.
 Unam, quae Lycios fidumque vehebat Oronten,
 Ipsius ante oculos ingens a vertice pontus
 In puppim ferit: excutitur pronusque magister 115
 Volvitur in caput, ast illam ter fluctus ibidem
 Torquet agens circum et rapidus vorat aequore vertex;
 Apparent rari nantes in gurgite vasto,
 Arma virum tabulaeque et Troia gaza per undas.
 Iam validam Ilionei navem, iam fortis Achatae, 120
 Et qua vectus Abas, et qua grandaevus Aletes,
 Vicit hiems: laxis laterum compagibus omnes
 Accipiunt inimicum imbrem rimisque fatiscunt.
 Interea magno misceri murmure pontum,
 Emissamque hiemem sensit Neptunus et imis 125
 Stagna refusa vadis, graviter commotus; et alto
 Prospiciens, summa placidum caput extulit unda.
 Disiectam Aeneae toto videt aequore classem,
 Fluctibus oppressos Troas coelique ruina;
 Nec latuere doli fratrem Iunonis et irae. 130
 Eurum ad se Zephyrumque vocat, dehinc talia fatur:
 „Tantane vos generis tenuit fiducia vestri?
 „Iam coelum terramque meo sine numine, Venti,
 „Miscere et tantas audetis tollere moles?
 „Quos ego...! Sed motos praestat componere fluctus; 135
 „Post mihi non simili poena commissa luetis.
 „Maturate fugam, regique haec dicite vestro,
 „Non illi imperium pelagi saevumque tridentem,
 „Sed mihi sorte datum. Tenet ille inmania saxa,
 „Vestras, Eure, domos: illa se iactet in aula 140
 „Aeolus, et clauso ventorum carcere regnet.“
 Sic ait, et dicto citius tumida aequora placat,

Collectasque fugat nubes solemque reducit.
 Cymothoë simul et Triton annixus acuto
 Detrudunt naves scopulo; levat ipse tridenti, 145
 Et vastas aperit Syrtes, et temperat aequor,
 Atque rotis summas levibus perlabitur undas.
 Ac veluti magno in populo quum saepe coorta est
 Seditio, saevitque animis ignobile vulgus,
 Iamque faces et saxa volant, furor arma ministrat; 150
 Tum, pietate gravem ac meritis si forte virum quem
 Conspectere, silent arrectisque auribus adstant,
 Ille regit dictis animos, et pectora mulcet:
 Sic cunctus pelagi cecidit fragor, aequora postquam
 Prospiciens genitor, coeloque invectus aperto, 155
 Flecit equos, curruque volans dat lora secundo.
 Defessi Aeneadae, quae proxima litora, cursu
 Contendunt petere, et Libyae vertuntur ad oras.
 Est in secëssu longo locus: insula portum
 Efficit obiectu laterum, quibus omnis ab alto 160
 Frangitur inque sinus scindit sese unda reductos.
 Hinc atque hinc vastae rupes geminique minantur
 In coelum scopuli, quorum sub vertice late
 Aequora tuta silent; tum silvis scena coruscis
 Desuper horrentique atrum nemus imminet umbra. 165
 Fronte sub adversa scopulis pendentibus antrum;
 Intus aquae dulces vivoque sedilia saxo,
 Nympharum domus. Hic fessas non vincula naves
 Ulla tenent, unco non alligat ancora. morsu.
 Huc septem Aeneas collectis navibus omni 170
 Ex numero subit, ac magno telluris amore
 Egressi optata potiuntur Troes arena,
 Et sale tabentes artus in litore ponunt.
 Ac primum silici scintillam excudit Achates,
 Suscepitque ignem foliis, atque arida circum 175
 Nutrimenta dedit, rapuitque in fomite flammam;
 Tum Cererem corruptam undis Cerealiaque arma
 Expediunt fessi rerum, frugesque receptas
 Et torrere parant flammis et frangere saxo.
 Aeneas scopulum interea conscendit et omnem 180

Prospectum late pelago petit, Anthea si quem
 lactatum vento videat Phrygiasque biremes,
 Aut Capyn, aut celsis in puppibus arma Caici.
 Navem in conspectu nullam, tres litore cervos
 Prospicit errantes; hos tota armenta sequuntur 185
 A tergo, et longum per valles pascitur agmen.
 Constitit hic, arcumque manu celeresque sagittas
 Corripuit, fidus quae tela gerebat Achates,
 Ductoresque ipsos primum, capita alta ferentes
 Cornibus arboreis, sternit, tum vulgus, et omnem 190
 Miscet agens telis nemora inter frondea turbam;
 Nec prius absistit, quam septem ingentia victor
 Corpora fundat humi et numerum cum navibus aequet.
 Hinc portum petit, et socios partitur in omnes.
 Vina bonus quae deinde cadis onerarat Acestes 195
 Litore Trinacrio dederatque abeuntibus heros,
 Dividit, et dictis maerentia pectora mulcet:
 „O socii-neque enim ignari sumus ante malorum-
 „O passi graviores, dabit deus his quoque finem.
 „Vos et Scyllaeam rabiem penitusque sonantes 200
 „Accestis scopulos, vos et Cyclopia saxa
 „Experti. Revocate animos, maestumque timorem
 „Mittite: forsán et haec olim meminisse iuvabit.
 „Per varios casus, per tot discrimina rerum
 „Tendimus in Latium, sedes ubi fata quietas 205
 „Ostendunt: illic fas regna resurgere Troiae.
 „Durate, et vosmet rebus servate secundis.“
 Talia voce refert; curisque ingentibus aeger
 Spem vultu simulat, premit altum corde dolorem,
 Illi se praedae accingunt dapibusque futuris: 210
 Tergora deripiunt costis et viscera nudant;
 Pars in frusta secant veribusque trementia figunt,
 Litore aëna locant alii flammisque ministrant;
 Tum victu revocant vires, fusique per herbam
 Implentur veteris Bacchi pinguisque ferinae. 215
 Postquam exemta fames epulis, mensaeque remotae;
 Amisos longo socios sermone requirunt,
 Spemque metumque inter dubii, seu vivere credant,

Sive extrema pati nec iam exaudire vocatos.
 Praecipue pius Aeneas nunc acris Oronti, 220
 Nunc Amyci casum gemit et crudelia secum
 Fata Lyci, fortemque Gyan, fortemque Cloanthum.
 Et iam finis erat, quum Iupiter, aethere summo
 Despiciens mare velivolum terrasque iacentes
 Litoraue et latos populos, sic vertice coeli 225
 Constitit et Libyae defixit lumina regnis.
 Atque illum, tales iactantem pectore curas,
 Tristior et lacrimis oculos suffusa nitentes
 Alloquitur Venus: „O qui res hominumque deûmque
 „Aeternis regis imperiis et fulmine terres, 230
 „Quid meus Aeneas in te committere tantum,
 „Quid Troes potuere, quibus, tot funera passis,
 „Cunctus ob Italiam terrarum clauditur orbis?
 „Certe hinc Romanos olim, volventibus annis,
 „Hinc fore ductores, revocato a sanguine Teucri, 235
 „Qui mare, qui terras omni ditione tenerent,
 „Pollicitus, quae te, genitor, sententia vertit?
 „Hoc equidem occasum Troiae tristesque ruinas
 „Solabar, fatis contraria fata rependens;
 „Nunc eadem fortuna viros tot casibus actos 240
 „Insequitur. Quem das finem, rex magne, laborum?
 „Antenor potuit, mediis elapsus Achivis,
 „Illyricos penetrare sinus atque intima tutus
 „Regna Liburnorum, et fontem superare Timavi,
 „Unde per ora novem vasto cum murmure montis 245
 „It mare proruptum et pelago premit arva sonanti.
 „Hic tamen ille urbem Patavi sedesque locavit
 „Teucrorum; et genti nomen dedit armaque fixit
 „Troia, nunc placida compostus pace quiescit;
 „Nos, tua progenies, coeli quibus annuis arcem, 250
 „Navibus-infandum! - amissis, unius ob iram
 „Prodimur, atque Italis longe disiungimur oris.
 „Hic pietatis honos? Sic nos in sceptris reponis?“
 Olli subridens hominum sator atque deorum
 Vultu, quo coelum tempestatesque serenat, 255
 Oscula libavit natae, dehinc talia fatur:

„Parce metu, Cytherea: manent immota tuorum
 „Fata tibi; cernes urbem et promissa Lavini
 „Moenia, sublimemque feres ad sidera coeli
 „Magnanimum Aenean, neque me sententia vertit. 260
 „Hic-tibi fabor enim, quando haec te cura remordet,
 „Longius et volvens fatorum arcana movebo-
 „Bellum ingens geret Italia, populosque feroces
 „Contundet, moresque viris et moenia ponet,
 „Tertia dum Latio regnantem viderit aestas, 265
 „Ternaque transierint Rutulis hiberna subactis.
 „At puer Ascanius, cui nunc cognomen Iulo
 „Additur-Ilus erat, dum res stetit Ilia regno-,
 „Triginta magnos volvendis mensibus orbes
 „Imperio explebit, regnumque ab sede Lavini 270
 „Transferet, et Longam multa vi muniet Albam.
 „Hic iam ter centum totos regnabitur annos
 „Gente sub Hectorea, donec regina sacerdos
 „Marte gravis geminam partu dabit Ilia prolem.
 „Inde lupae fulvo nutricis tegmine laetus 275
 „Romulus excipiet gentem, et Mavortia condet
 „Moenia, Romanosque suo de nomine dicet.
 „His ego nec metas rerum nec tempora pono:
 „Imperium sine fine dedi. Quin aspera Iuno,
 „Quae mare nunc terrasque metu coelumque fatigat, 280
 „Consilia in melius referet, mecumque fovebit
 „Romanos, rerum dominos gentemque togatam.
 „Sic placitum. Veniet lustris labentibus aetas,
 „Quum domus Assaraci Phthiam clarasque Mycenae
 „Servitio premet ac victis dominabitur Argis. 285
 „Nascetur pulchra Troianus origine Caesar,
 „Imperium Oceano, famam qui terminet astris,
 „Iulius, a magno demissum nomen Iulo:
 „Hunc tu olim coelo, spoliis Orientis onustum,
 „Accipies securus; vocabitur hic quoque votis. 290
 „Aspera tum positae mitescent secula bellis;
 „Cana Fides, et Vesta, Remo cum fratre Quirinus,
 „Iura dabunt; dirae ferro et compagibus artis
 „Claudentur Belli portae; Furor impius intus,

„Saeva sedens super arma, et centum vinctus aënis 295

„Post tergum nodis, fremet horridus ore cruento.“

Haec ait, et Maia genitum demittit ab alto,

Ut terrae, utque novae pateant Carthagini arces

Hospitio Teucris, ne fati nescia Dido

Finibus arceret. Volat ille per aëra magnum 300

Remigio alarum, ac Libyae citus adstitit oris;

Et iam iussa facit, ponuntque ferocia Poeni

Corda volente deo; in primis regina quietum

Accipit in Teucros animum mentemque benignam.

At pius Aeneas, per noctem plurima volvens, 305

Ut primum lux alma data est, exire locosque

Explorare novos, quas vento accesserit oras,

Qui teneant-nam inculta videt-, hominesne feraene,

Quaerere constituit, sociisque exacta referre.

Classeni in convexo nemorum sub rupe cavata 310

Arboribus clausam circum atque horrentibus umbris

Occulit, ipse uno graditur comitatus Achate,

Bina manu lato crispans hastilia ferro.

Cui mater media sese tulit obvia silva,

Virginis os habitumque gerens et virginis arma 315

Spartanae, vel qualis equos Threïssa fatigat

Harpalyce volucremque fuga praevertitur Hebrum:

Namque humeris de moreabilem suspenderat arcum

Venatrix, dederatque comam diffundere ventis,

Nuda genu, nodoque sinus collecta fluentes. 320

Ac prior „Heus“ inquit „iuvenes, monstrate, mearum

„Vidistis si quam hic errantem forte sororum,

„Succinctam pharetra et maculosae tegmine lyncis,

„Aut spumantis apri cursum clamore prementem.“

Sic Venus, et Veneris contra sic filius orsus: 325

„Nulla tuarum audita mihi neque visa sororum, [tus

„O — quam te memorem, virgo? namque haud tibi vul

„Mortalis, nec vox hominem sonat. O dea certe;

„An Phoebi soror? an Nympharum sanguinis una?

„Sis felix, nostrumque leves, quaecumque, laborem, 330

„Et, quo sub coelo tandem, quibus orbis in oris

„Iactemur, doceas: ignari hominumque locorumque

„Erramus, vento huc vastis et fluctibus acti.
 „Multa tibi ante aras nostra cadet hostia dextra.“
 Tum Venus: „Haud equidem tali me dignor honore: 335
 „Virginibus Tyriis mos est gestare pharetram,
 „Purpureoque alte suras vincere cothurno.
 „Punica regna vides, Tyrios et Agenoris urbem;
 „Sed fines Libyci, genus intractabile bello.
 „Imperium Dido Tyria regit urbe profecta, 340
 „Germanum fugiens. Longa est iniuria, longae
 „Ambages; sed summa sequar fastigia rerum.
 „Huic coniux Sychaeus erat, ditissimus agri
 „Phoenicum et magno miserae dilectus amore,
 „Cui pater intactam dederat primisque iugarat 345
 „Ominibus. Sed regna Tyri germanus habebat
 „Pygmalion, scelere ante alios immanior omnes.
 „Quos inter medius venit furor: ille Sychaeum
 „Impius ante aras atque auri caecus amore
 „Clam ferro incautum superat, securus amorum 350
 „Germanae, factumque diu celavit et aegram,
 „Multa malus simulans, vana spe lusit amantem.
 „Ipsa sed in somnis inhumati venit imago
 „Coniugis, ora modis attollens pallida miris,
 „Crudeles aras traiectaque pectora ferro 355
 „Nudavit, caecumque domus scelus omne retexit;
 „Tum celerare fugam patriaue excedere suadet,
 „Auxiliumque viae veteres tellure recludit
 „Thesaurus, ignotum argenti pondus et auri.
 „His commota fugam Dido sociosque parabat. 360
 „Conveniunt, quibus aut odium crudele tyranni
 „Aut metus acer erat; naves, quae forte paratae,
 „Corripiunt onerantque auro: portantur avari
 „Pygmalionis opes pelago; dux foemina facti.
 „Devenere locos, ubi nunc ingentia cernis 365
 „Moenia surgentemque novae Carthaginis arcem,
 „Mercatique solum, facti de nomine Byrsam,
 „Taurino quantum possent circumdare tergo...
 „Sed vos qui tandem, quibus aut venistis ab oris,
 „Quove tenetis iter?“ Quaerenti talibus ille 370

Suspirans imoque trahens a pectore vocem :
 „O dea, si prima repetens ab origine pergam,
 „Et vacet annales nostrorum audire laborum,
 „Ante diem clauso componet Vesper Olympo.
 „Nos Troia antiqua, si vestras forte per aures 375
 „Troiae nomen iit, diversa per aequora vectos
 „Forte sua Libycis tempestas appulit oris.
 „Sum pius Aeneas, raptos qui ex hoste Penates
 „Classe veho mecum, fama super aethera notus;
 „Italiam quaero patriam et genus ab Iove summo. 380
 „Bis denis Phrygium conscendi navibus aequor,
 „Matre dea monstrante viam, data fata secutus;
 „Vix septem convulsae undis Euroque supersunt.
 „Ipse ignotus, egens, Libyae deserta peragro,
 „Europa atque Asia pulsus.“ Nec plura querentem 385
 Passa Venus medio sic interfata dolore est :
 „Quisquis es, haud, credo, invisus coelestibus auras
 „Vitales carpis, Tyriam qui adveneris urbem.
 „Perge modo, atque hinc te reginae ad limina perfer.
 „Namque tibi reduces socios classemque relata 390
 „Nuntio et in tutum versis Aquilonibus actam,
 „Ni frustra augurium vani docuere parentes.
 „Adspice bis senos laetantes agmine cycnos,
 „Aetheria quos lapsa plaga Iovis ales aperto
 „Turbabat coelo; nunc terras ordine longo 395
 „Aut capere aut captas iam despectare videntur.
 „Ut reduces illi ludunt stridentibus alis,
 „Et coetu cinxere polum, cantusque dedere;
 „Haud aliter puppesque tuae pubesque tuorum
 „Aut portum tenet, aut pleno subit ostia velo. 400
 „Perge modo et, qua te ducit via, dirige gressum.“
 Dixit, et avertens rosea cervice refulsit,
 Ambrosiaeque comae divinum vertice odorem
 Spiravere; pedes vestis defluxit ad imos;
 Et vera incessu patuit dea. Ille ubi matrem 405
 Agnovit, tali fugientem est voce secutus :
 „Quid natum toties, crudelis tu quoque, falsis
 „Ludis imaginibus? Cur dextrae iungere dextram

„Non datur, ac veras audire et reddere voces?“

Talibus incusat, gressumque ad moenia tendit; 410

At Venus obscuro gradientes aëre sepsit,
Et multo nebulae circum dea fudit amictu,
Cernere ne quis eos, neu quis contingere posset,
Molirive moram, aut veniendi poscere causas.

Ipsa Paphum sublimis abit, sedesque revisit 415

Laeta suas, ubi templum illi, centumque Sabaeo
Ture calent arae sertisque recentibus halant.

Corripuere viam interea, qua semita monstrat;
Iamque adscendebant collem, qui plurimus urbi
Imminet, adversasque adspectat desuper arces. 420

Miratur molem Aeneas, magalia quondam,
Miratur portas strepitumque et strata viarum.
Instant ardentes Tyrii, pars ducere muros
Molirique arcem et manibus subvolvere saxa,
Pars optare locum tecto et concludere sulco; 425

Iura magistratusque legunt sanctumque senatum;
Hic portus alii effodiunt; hic alta theatri
Fundamenta locant alii, immanesque columnas
Rupibus excidunt, scenis decora alta futuris:
Qualis apes aestate nova per florea rura 430

Exercet sub sole labor, quum gentis adultos
Educunt fetus, aut quum liquentia mella
Stipant et dulci distendunt nectare cellas,
Aut onera accipiunt venientum, aut agmine facto
Ignavum fucos pecus a praesepebus arcent; 435
Fervet opus, redolentque thymo fragrantia mella.

„O fortunati, quorum iam moenia surgunt!“

Aeneas ait, et fastigia suspicit urbis.
Infert se septus nebula-mirabile dictu-
Per medios, miscetque viris, neque cernitur ulli. 440

Lucus in urbe fuit media, laetissimus umbra,
Quo primum, iactati undis et turbine, Poeni
Effodere loco signum, quod regia Iuno
Monstrarat, caput acris equi: sic nam fore bello
Egregiam et facilem victu per saecula gentem. 445
Hic templum Iunoni ingens Sidonia Dido

Condebat, donis opulentum et numine divae,
 Aerea cui gradibus surgebant limina, nexaeque
 Aere trabes, foribus cardo stridebat ahenis.
 Hoc primum in luco nova res oblata timorem 450
 Leniit, hic primum Aeneas sperare salutem
 Ausus, et afflictis melius confidere rebus:
 Namque sub ingenti lustrat dum singula templo,
 Regiam opperiens, dum, quae fortuna sit urbi,
 Artificumque manus inter se operumque laborem 455
 Miratur, videt Iliacas ex ordine pugnas
 Bellaque iam fama totum vulgata per orbem,
 Atridas Priamumque et saevum ambobus Achillen.
 Constitit et lacrimans „Quis iam locus“ inquit „Achate,
 „Quae regio in terris nostri non plena laboris? 460
 „En Priamus! Sunt hic etiam sua praemia laudi;
 „Sunt lacrimae rerum, et mentem mortalia tangunt.
 „Solve metus: feret haec aliquam tibi fama salutem.“
 Sic ait, atque animum pictura pascit inani,
 Multa gemens, largoque humectat flumine vultum. 465
 Namque videbat, uti bellantes Pergama circum
 Hac fugerent Graii, premeret Troiana iuventus;
 Hac Phryges, instaret curru cristatus Achilles.
 Nec procul hinc Rhesi niveis tentoria velis
 Agnoscit lacrimans, primo quae prodita somno 470
 Tydides multa vastabat caede cruentus,
 Ardentesque avertit equos in castra, priusquam
 Pabula gustassent Troiae Xanthumque bibissent.
 Parte alia fugiens amissis Troilus armis,
 Infelix puer atque impar congressus Achilli, 475
 Fertur equis, curruque haeret resupinus inani,
 Lora tenens tamen: huic cervixque comaeque trahuntur
 Per terram, et versa pulvis inscribitur hasta.
 Interea ad templum non aequae Palladis ibant
 Crinibus Iliades passis, peplumque ferebant, 480
 Suppliciter tristes et tunsae pectora palmis;
 Diva solo fixos oculos aversa tenebat.
 Ter circum Iliacos raptaverat Hectora muros
 Exanimumque auro corpus vendebat Achilles,

Tum vero ingentem gemitum dat pectore ab imo, 485
 Ut spolia, ut currus, utque ipsum corpus amici,
 Tendentemque manus Priamum conspexit inermes.
 Se quoque principibus permixtum agnovit Achivis,
 Eoasque acies et nigri Memnonis arma.

Ducit Amazonidum lunatis agmina peltis 490
 Penthesilea furens, mediisque in millibus ardet,
 Aurea subnectens exsertae cingula mammae,
 Bellatrix, audetque viris concurrere virgo.

Haec dum Dardanio Aeneae miranda videntur,
 Dum stupet obtutuque haeret defixus in uno; 495
 Regina ad templum, forma pulcherrima Dido,
 Incessit, magna iuvenum stipante caterva.

Qualis in Eurotae ripis aut per iuga Cynthi
 Exercet Diana choros, quam mille secutae
 Hinc atque hinc glomerantur Oreades-illa pharetram 500
 Fert humero, gradiensque deas supereminet omnes;
 Latonae tacitum pertendant gaudia pectus-;

Talis erat Dido, talem se laeta ferebat
 Per medios, instans operi regnisque futuris.
 Tum foribus divae, media testudine templi, 505
 Septa armis, solioque alte subnixa, resedit.

Iura dabat legesque viris, operumque laborem
 Partibus aequabat iustis aut sorte trahebat:

Quum subito Aeneas concursu accédere magno
 Anthea Sergestumque videt fortemque Cloanthum 510
 Teucrorumque alios, ater quos aequore turbo
 Dispulerat penitusque alias avexerat oras.

Obstupuit simul ipse, simul percussus Achates
 Laetitiaque metuque: avidi coniungere dextras
 Ardebant; sed res animos incognita turbat. 515

Dissimulant, et nube cava speculantur amicti,
 Quae fortuna viris, classem quo litore linqunt,
 Quid veniant cuncti: nam lecti navibus ibant,
 Orantes veniam, et templum clamore petebant.

Postquam introgressi et coram data copia fandi; 520
 Maximus Ilioneus placido sic pectore coepit:
 „O regina, novam cui condere Iupiter urbem

„Iustitiaque dedit gentes frenare superbas,
 „Troes te miseri, ventis maria omnia vecti,
 „Oramus: prohibe infandos a navibus ignes, 525
 „Parce pio generi et propius res adspice nostras.
 „Non nos aut ferro Libykos populare Penates
 „Venimus, aut raptas ad litora vertere praedas:
 „Non ea vis animo, nec tanta superbia victis.
 „Est locus, Hesperiam Graii cognomine dicunt, 530
 „Terra antiqua, potens armis atque ubere glebae-
 „Oenotri coluere viri; nunc fama, minores
 „Italiam dixisse ducis de nomine gentem-:
 „Hic cursus fuit,
 „Quum subito assurgens fluctu nimbosus Orion 535
 „In vada caeca tulit, penitusque procacibus Austris
 „Perque undas, superante salo, perque invia saxa
 „Dispulit: huc pauci vestris annavimus oris. [morem
 „Quod genus hoc hominum? quaeve hunc tam barbara
 „Permittit patria? Hospitio prohibemur arenae; 540
 „Bella cient, primaque vetant consistere terra!
 „Si genus humanum et mortalia temnitis arma;
 „At sperate deos memores fandi atque nefandi.
 „Rex erat Aeneas nobis, quo iustior alter,
 „Nec pietate fuit nec bello maior et armis: 545
 „Quem si fata virum servant, si vescitur aura
 „Aetheria neque adhuc crudelibus occubat umbris:
 „Non metus, officio nec te certasse priorem
 „Poeniteat. Sunt et Siculo regionibus urbes
 „Arvaque, Troianoque a sanguine clarus Acestes. 550
 „Quassatam ventis liceat subducere classem,
 „Et silvis aptare trabes et stringere remos:
 „Si datur Italiam sociis et rege recepto
 „Tendere, ut Italiam laeti Latiumque petamus;
 „Sin absumta salus, et te, pater optime Teucrûm, 555
 „Pontus habet Libyae, nec spes iam restat Iuli,
 „At freta Sicaniae saltem sedesque paratas,
 „Unde huc advecti, regemque petamus Acesten.“
 Talibus Ilioneus; cuncti simul ore fremebant
 Dardanidae. 560

Tum breviter Dido, vultum demissa, profatur:
 „Solvite corde metum, Teucri, secludite curas.
 „Res dura et regni novitas me talia cogunt
 „Moliri et late fines custode tueri.
 „Quis genus Aeneadum, quis Troiae nesciat urbem 565
 „Virtutesque virosque aut tanti incendia belli?
 „Non obtusa adeo gestamus pectora Poeni,
 „Nec tam aversus equos Tyria Sol iungit ab urbe.
 „Seu vos Hesperiam magnam Saturniaque arva,
 „Sive Erycis fines regemque optatis Acesten; 570
 „Auxilio tutos dimittam opibusque iuvabo.
 „Vultis et his mecum pariter considerare regnis:
 „Urbem quam statuo, vestra est: subducite naves;
 „Tros Tyriusque mihi nullo discrimine agetur.
 „Atque utinam rex ipse Noto compulsus eodem 575
 „Afforet Aeneas! Equidem per litora certos
 „Dimittam et Libyae lustrare extrema iubebo,
 „Si quibus eiectus silvis aut urbibus errat.“
 His animum arrecti dictis, et fortis Achates
 Et pater Aeneas iamdudum erumpere nubem 580
 Ardebant. Prior Aenean compellat Achates:
 „Nate dea, quae nunc animo sententia surgit?
 „Omnia tuta vides, classem sociosque receptos;
 „Unus abest, medio in fluctu quem vidimus ipsi
 „Submersum; dictis respondent cetera matris.“ 585
 Vix ea fatus erat, quum circumfusa repente
 Scindit se nubes et in aethera purgat apertum.
 Restitit Aeneas, claraque in luce refulsit,
 Os humerosque deo similis: namque ipsa decoram
 Caesariem nato genetrix lumenque iuventae 590
 Purpureum et laetos oculis afflarat honores,
 Quale manus addunt ebori decus, aut ubi flavo
 Argentum Pariusve lapis circumdatur auro. .
 Tum sic reginam alloquitur, cunctisque repente
 Improvisus ait: „Coram, quem quaeritis, adsum, 595
 „Troius Aeneas, Libycis ereptus ab undis.
 „O sola infandos Troiae miserata labores,
 „Quae nos, reliquias Danaûm, terraeque marisque

„Omnibus exhaustos iam casibus, omnium egenos,
 „Urbe, domo, socias: grates persolvere dignas 600
 „Non opis est nostrae, Dido, nec quidquid ubique est
 „Gentis Dardaniae, magnum quae sparsa per orbem.
 „Dî tibi, si qua pios respectant numina, si quid
 „Usquam iustitia est et mens sibi conscia recti,
 „Praemia digna ferant. Quae te tam laeta tulerunt 605
 „Saecula? qui tanti talem genuere parentes?
 „In freta dum fluvii current, dum montibus umbrae
 „Lustrabunt convexa, polus dum sidera pascet:
 „Semper honos nomenque tuum laudesque manebunt,
 „Quae me cumque vocant terrae.“ Sic fatus, amicum 610
 Ilionea petit dextra, laevaue Serestum,
 Post alios, fortemque Gyan, fortemque Cloanthum.
 Obstupuit primo adspectu Sidonia Dido,
 Casu deinde viri tanto, et sic ore locuta est:
 „Quis te, nate dea, per tanta pericula casus 615
 „Insequitur? quae vis immanibus applicat oris?
 „Tune ille Aeneas, quem Dardanio Anchisae
 „Alma Venus Phrygii genuit Simoentis ad undam?
 „Atque equidem Teucrum memini Sidona venire
 „Finibus expulsum patriis, nova regna petentem 620
 „Auxilio Beli; genitor tum Belus opimam
 „Vastabat Cyprum, et victor dicione tenebat.
 „Tempore iam ex illo casus mihi cognitus urbis
 „Troianae, nomenque tuum, regesque Pelasgi.
 „Ipse hostis Teucros insigni laude ferebat, 625
 „Seque ortum antiqua Teucrorum ab stirpe volebat.
 „Quare agite, o tectis iuvenes succedite nostris.
 „Me quoque per multos similis fortuna labores
 „Iactatam hac demum voluit consistere terra:
 „Non ignara mali miseris succurrere disco.“ 630
 Sic memorat, simul Aenean in regia ducit
 Tecta, simul divum templis indicit honorem.
 Nec minus interea sociis ad litora mittit
 Viginti tauros, magnorum horrentia centum
 Terga suum, pingues centum cum matribus agnos, 635
 Munera laetitiamque dii.

At domus interior regali splendida luxu
 Instruitur, mediisque parant convivia tectis:
 Arte laboratae vestes ostroque superbo,
 Ingens argentum mensis, caelataque in auro 640
 Fortia facta patrum, series longissima rerum
 Per tot ducta viros antiquae ab origine gentis.
 Aeneas-neque enim patrius consistere mentem
 Passus amor-rapidum ad naves praemittit Achaten,
 Ascanio ferat haec, ipsumque ad moenia ducat: 645
 Omnis in Ascanio cari stat cura parentis.
 Munera praeterea Iliacis erepta ruinis
 Ferre iubet, pallam signis auroque rigentem,
 Et circumtextum croceo velamen acantho,
 Ornatus Argivae Helenae, quos illa Mycenis, 650
 Pergama quum peteret inconcessosque Hymenaeos,
 Extulerat, matris Ledaе mirabile donum;
 Praeterea sceptrum, Ilione quod gesserat olim,
 Maxima natarum Priami, colloque monile
 Baccatum, et duplicem gemmis auroque coronam. 655
 Haec celerans iter ad naves tendebat Achates.

At Cytherea novas artes, nova pectore versat
 Consilia, ut faciem mutatus et ora Cupido
 Pro dulci Ascanio veniat, donisque furentem
 Incendat reginam atque ossibus implicet ignem: 660
 Quippe domum timet ambiguam Tyriosque bilingues.
 Urit atrox Iuno, et sub noctem cura recursat.
 Ergo his aligerum dictis affatur Amorem:
 „Nate, meae vires, mea magna potentia, solus,
 „Nate, patris summi qui tela Typhoia temnis, 665
 „Ad te confugio et supplex tua numina posco.
 „Frater ut Aeneas pelago tuus omnia circum
 „Litora iactetur odiis Iunonis iniquae,
 „Nota tibi, et nostro doluisti saepe dolore.
 „Hunc Phoenissa tenet Dido blandisque moratur 670
 „Vocibus, et vereor, quo se Iunonia vertant
 „Hospitia: haud tanto cessabit cardine rerum.
 „Quocirca capere ante dolis et cingere flamma
 „Reginam meditor, ne quo se numine mutet,

•

•

„Sed magno Aeneae mecum teneatur amore. 675
 „Qua facere id possis, nostram nunc accipe mentem:
 „Regius accitu cari genitoris ad urbem
 „Sidoniam puer ire parat, mea maxima cura,
 „Dona ferens pelago et flammis restantia Troiae:
 „Hunc ego sopitum somno super alta Cythera 680
 „Aut super Idalium sacrata sede recondam,
 „Ne qua scire dolos mediusve occurrere possit;
 „Tu faciem illius noctem non amplius unam
 „Falle dolo, et notos pueri puer indue vultus,
 „Ut, quum te gremio accipiet laetissima Dido 685
 „Regales inter mensas laticemque Lyaeum,
 „Quum dabit amplexus atque oscula dulcia figet,
 „Occultum inspires ignem fallasque veneno.“
 Paret Amor dictis carae genetricis, et alas
 Exuit, et gressu gaudens incedit Iuli. 690
 At Venus Ascanio placidam per membra quietem
 Irrigat, et fotum gremio dea tollit in altos
 Idaliae lucos, ubi mollis amaracus illum
 Floribus et dulci adspirans complectitur umbra.
 Iamque ibat, dicto parens, et dona Cupido 695
 Regia portabat Tyriis, duce laetus Achate.
 Quum venit, aulaeis iam se regina superbis
 Aurea composuit sponda mediamque locavit;
 Iam pater Aeneas et iam Troiana iuventus
 Conveniunt, stratoque super discumbitur ostro. 700
 Dant manibus famuli lymphas, Cereremque canistris
 Expediunt, tonsisque ferunt mantelia villis.
 Quinquaginta intus famulae, quibus ordine longo
 Cura penum struere et flammis adolere Penates;
 Centum aliae totidemque pares aetate ministri, 705
 Qui dapibus mensas onerent et pocula ponant.
 Nec non et Tyrii per limina laeta frequentes
 Convenere, toris iussi discumbere pictis.
 Mirantur dona Aeneae, mirantur Iulum,
 Flagrantesque dei vultus simulataque verba 710
 Pallamque et pictum croceo velamen acantho.
 Praecipue infelix, pesti devota futurae,

Expleri mentem nequit ardescitque tuendo
 Phoenissa, et pariter puero donisque movetur.
 Ille ubi complexu Aeneae colloque pependit, 715
 Et magnum falsi implevit genitoris amorem;
 Reginam petit. Haec oculis, haec pectore toto
 Haeret et interdum gremio foveat, inscia Dido,
 Insideat quantus miserae deus. At memor ille
 Matris Acidaliae, paullatim abolere Sychaeum 720
 Incipit, et vivo tentat praevertere amore
 Iam pridem resides animos desuetaque corda.
 Postquam prima quies epulis mensaeque remotae;
 Crateras magnos statuunt et vina coronant.
 Fit strepitus tectis, vocemque per ampla volutant 725
 Atria; dependent lychni laquearibus aureis
 Incensi, et noctem flammis funalia vincunt.
 Hic regina gravem gemmis auroque poposcit
 Implevitque mero pateram, quam Belus et omnes
 A Belo soliti; tum facta silentia tectis: 730
 „Iupiter-hospitibus nam te dare iura loquuntur-,
 „Hunc laetum Tyriisque diem Troiaque profectis
 „Esse velis, nostrosque huius meminisse minores!
 „Adsit laetitiae Bacchus dator, et bona Iuno!
 „Et vos, o, coetum, Tyrii, celebrate faventes!“ 735
 Dixit, et in mensam laticum libavit honorem,
 Primaque, libato, summo tenuis attigit ore,
 Tum Bitiae dedit increpitans; ille impiger hausit
 Spumantem pateram, et pleno se proluit auro;
 Post alii procures. Cithara crinitus Iopas 740
 Personat aurata, docuit quem maximus Atlas.
 Hic canit errantem lunam solisque labores,
 Unde hominum genus et pecudes, unde imber et ignes,
 Arcturum pluviasque Hyadas geminosque Triones,
 Quid tantum oceano properent se tingere soles 745
 Hiberni, vel quae tardis mora noctibus obstet.
 Ingeminant plausu Tyrii, Troesque sequuntur.
 Nec non et vario noctem sermone trahebat
 Infelix Dido, longumque bibebat amorem,
 Multa super Priamo rogicans, super Hectore multa; 750

Nunc, quibus Aurorae venisset filius armis,
 Nunc, quales Diomedis equi, nunc, quantus Achilles.
 „Imo age et a prima dic, hospes, origine nobis
 „Insidias“ inquit „Danaùm, casusque tuorum,
 „Erroresque tuos: nam te iam septima portat
 „Omnibus errantem terris et fluctibus aestas.“

755

P. VIRGILII MARONIS
 A E N E I D O S
 LIBER SECUNDUS.

Conticuere omnes, intentique ora tenebant.
 Inde toro pater Aeneas sic orsus ab alto:
 „Infandum, regina, iubes renovare dolorem,
 Troianas ut opes et lamentabile regnum
 Eruerint Danaï; quaeque ipse miserrima vidi,
 Et quorum pars magna fui. Quis talia fando
 Myrmidonum Dolopumve aut duri miles Ulixi
 Temperet a lacrimis? et iam nox humida coelo
 Praecipitat, suadentque cadentia sidera somnos.
 Sed si tantus amor casus cognoscere nostros
 Et breviter Troiae supremum audire laborem;
 Quamquam animus meminisse horret luctuque refugit,
 Incipiam. Fracti bello fatisque repulsi
 Ductores Danaùm, tot iam labentibus annis,
 Instar montis equum divina Palladis arte
 Aedificant, sectaque intexunt abiete costas;
 Votum pro rege simulant: ea fama vagatur.
 Huc delecta virùm sortiti corpora furtim
 Includunt caeco lateri, penitusque cavernas
 Ingentes uterumque armato milite complent.
 Est in conspectu Tenedos, notissima fama
 Insula, dives opum, Priami dum regna manebant,
 Nunc tantum sinus et statio male fida carinis:
 Huc se provecti deserto in litore condunt.
 Nos abiisse rati et vento petiisse Mycenae.

5

10

15

20

25

Ergo omnis longo solvit se Teucria luctu;
 Panduntur portae: iuvat ire et Dorica castra
 Desertosque videre locos litusque relictum.
 Hic Dolopum manus, hic saevus tendebat Achilles;
 Classibus hic locus, hic acie certare solebant. 30
 Pars stupet innuptae donum exitiale Minervae,
 Et molem mirantur equi. Primusque Thymoetes
 Duci intra muros hortatur et arce locari,
 Sive dolo, seu iam Troiae sic fata ferebant.
 At Capys, et quorum melior sententia menti, 35
 Aut pelago Danaûm insidias suspectaque dona
 Praecipitare iubent subiectisque urere flammis,
 Aut terebrare cavas uteri et tentare latebras.
 Scinditur incertum studia in contraria vulgus.
 Primus ibi ante omnes, magna comitante caterva, 40
 Laocoon ardens summa decurrit ab arce,
 Et procul: „O miseri, quae tanta insania, cives?
 „Creditis avectos hostes, aut ulla putatis
 „Dona carere dolis Danaûm? sic notus Ulixes?
 „Aut hoc inclusi ligno occultantur Achivi, 45
 „Aut haec in nostros fabricata est machina muros,
 „Inspectura domos venturaque desuper urbi,
 „Aut aliquis latet error. Equo ne credite, Teucri.
 „Quidquid id est, timeo Danaos et dona ferentes.“
 Sic fatus, validis ingentem viribus hastam 50
 In latus inque feri curvam compagibus alvum
 Contorsit. Stetit illa tremens, uteroque recusso
 Insonuere cavae gemitumque dedere cavernae;
 Et, si fata deûm, si mens non laeva fuisset,
 Impulerat ferro Argolicas foedare latebras. 55
 Troiaque nunc stares Priamique arx alta maneres!

Ecce, manus iuvenem interea post terga revinctum
 Pastores magno ad regem clamore trahebant
 Dardanidae, qui se ignotum venientibus ultro,
 Hoc ipsum ut strueret Troiamque aperiret Achivis, 60
 Obtulerat, fidens animi atque in utrumque paratus,
 Seu versare dolos seu certae occumbere morti.
 Undique visendi studio Troiana iuventus

Circumfusa ruit, certantque illudere capto.

Accipe nunc Danaûm insidias, et crimine ab uno 65

Disce omnes.

Namque ut conspectu in medio turbatus, inermis,
Constitit atque oculis Phrygia agmina circumspexit;

„Heu, quae nunc tellus“ inquit, „quae me aequora possunt

„Accipere, aut quid iam misero mihi denique restat, 70

„Cui neque apud Danaos usquam locus, et super ipsi

„Dardanidae infensi poenas cum sanguine poscunt?“

Quo gemitu conversi animi, compressus et omnis

Impetus. Hortamur fari, quo sanguine cretus,

Quidve ferat; memoret, quae sit fiducia capto. 75

Ille haec, deposita tandem formidine, fatur:

„Cuncta equidem tibi, rex, fuerit quodcumque, fatebor

„Vera“ inquit, „neque me Argolica de gente negabo:

„Hoc primum; nec, si miserum Fortuna Sinonem

„Finxit, vanum etiam mendacemque improba finget. 80

„Fando aliquod si forte tuas pervenit ad aures

„Belidae nomen Palamedis et inclyta fama

„Gloria, quem falsa sub prodicione Pelasgi

„Insontem infando indicio, quia bella vetabat,

„Demisere neci, nunc cassum lumine lugent: 85

„Illi me comitem et consanguinitate propinquum

„Pauper in arma pater primis huc misit ab annis.

„Dum stabat regno incolumis regumque vigeat

„Conciliis; et nos aliquod nomenque decusque

„Gessimus. Invidia postquam pellacis Ulixi- 90

„Haud ignota loquor-superis concessit ab oris;

„Afflictus vitam in tenebris luctuque trahebam,

„Et casum insontis mecum indignabar amici.

„Nec tacui demens, et me, fors si qua tulisset,

„Si patrios umquam remeassem victor ad Argos, 95

„Promisi ultorem, et verbis odia aspera movi.

„Hinc mihi prima mali labes; hinc semper Ulixes

„Criminibus terrere novis, hinc spargere voces

„In vulgum ambiguas, et quaerere conscius arma.

„Nec requievit enim, donec Calchante ministro... 100

„Sed quid ego haec autem nequidquam ingrata revolve?

„Quidve moror, si omnes uno ordine habetis Achivos,
 „Idque audire sat est? Iam dudum sumite poenas:
 „Hoc Ithacus velit, et magno mercentur Atridae.“
 Tum vero ardemus scitari et quaerere causas, 105
 Ignari scelerum tantorum artisque Pelasgae.
 Prosequitur pavitans, et ficto pectore fatur:
 „Saepe fugam Danaï Troia cupiere relictā
 „Moliri et longo fessi discedere bello;
 „Fecissentque utinam! Saepe illos aspera ponti 110
 „Interclusit hiems, et terruit Auster euntes;
 „Praecipue, quum iam hic trabibus contextus acernis
 „Staret equus, toto sonuerunt aethere nimbi.
 „Suspensi Eurypylum scitantem oracula Phoebi
 „Mittimus; isque adytis haec tristia dicta reportat: 115
 „„Sanguine placastis ventos et virgine caesa,
 „„Quum primum Iliacas Danaï venistis ad oras:
 „„Sanguine quaerendi reditus, animaque litandum
 „„Argolica.“ Vulgi quae vox ut venit ad aures;
 „Obstupuere animi, gelidusque per ima cucurrit 120
 „Ossa tremor, cui fata parent, quem poscat Apollo.
 „Hic Ithacus vatem magno Calchanta tumultu
 „Protrahit in medios; quae sint ea numina divūm,
 „Flagitat: et mihi iam multi crudele canebant
 „Artificis scelus, et taciti ventura videbant. 125
 „Bis quinos silet ille dies, tectusque recusat
 „Prodere voce sua quemquam aut opponere morti;
 „Vix tandem magnis Ithaci clamoribus actus,
 „Composito rumpit vocem et me destinat arae.
 „Assensere omnes, et, quae sibi quisque timebat, 130
 „Unius in miseri exitium conversa tulere.
 „Iamque dies infanda aderat: mihi sacra parari,
 „Et salsae fruges, et circum tempora vittae.
 „Eripui-fateor-letō me et vincula rupi,
 „Limosoque lacu per noctem obscurus in ulva 135
 „Delitui, dum vela, darent si forte, dedissent.
 „Nec mihi iam patriam antiquam spes ulla videndi,
 „Nec dulces natos exoptatumque parentem.
 „Quos illi fors et poenas ob nostra reposcent

„Effugia, et culpam hanc miserorum morte piabunt. 140
 „Quod te per superos et conscia numina veri,
 „Per, si qua est, quae restet adhuc mortalibus usquam,
 „Intemerata fides, oro, miserere laborum
 „Tantum; miserere animi non digna ferentis.“
 His lacrimis vitam damus, et miserescimus ultro. 145
 Ipse viro primus manicas atque arta levare
 Vincula iubet Priamus, dictisque ita fatur amicis:
 „Quisquis es, amissos hinc iam obliviscere Graios:
 „Noster eris, mihiq; haec edissere vera roganti. 149
 „Quo molem hanc immanis equi statuere? quis auctor?
 „Quidve petunt? quae religio, aut quae machina belli?“
 Dixerat. Ille, dolis instructus et arte Pelasga,
 Sustulit exutas vinclis ad sidera palmas;
 „Vos, aeterni ignes, et non violabile vestrum
 „Testor numen“ ait, „vos, arae ensesque nefandi, 155
 „Quos fugi, vittaeque deum, quas hostia gessi:
 „Fas mihi Graiorum sacrata resolvere iura,
 „Fas odisse viros atque omnia ferre sub auras,
 „Si qua tegunt, teneor patriae nec legibus ullis.
 „Tu modo promissis maneat, servataque serves, 160
 „Troia, fidem, si vera feram, si magna rependam. —
 „Omnis spes Danaum et coepti fiducia belli
 „Palladis auxiliis semper stetit. Impius ex quo
 „Tydides sed enim scelerumque inventor Ulixes,
 „Fatale aggressi sacrato avellere templo 165
 „Palladium, caesis summae custodibus arcis,
 „Corripuere sacram effigiem, manibusque cruentis
 „Virgineas ausi divae contingere vittas;
 „Ex illo fluere ac retro sublapsa referri
 „Spes Danaum, fractae vires, aversa deae mens. 170
 „Nec dubiis ea signa dedit Tritonia monstris:
 „Vix positum castris simulacrum; arsere coruscae
 „Luminibus flammae arrectis, salsusque per artus
 „Sudor iit, terque ipsa solo-mirabile dictu-
 „Emicuit, parmamque ferens hastamque trementem. 175
 „Extemplo tentanda fuga canit aequora Calchas,
 „Nec posse Argolicis excindi Pergama telis,

„Omina ni repetant Argis, numenque reducant,
 „Quod pelago et curvis secum avexere carinis.
 „Et nunc quod patrias vento petiere Mycenās: 180
 „Arma deosque parant comites, pelagoque remenso
 „Improvisi aderunt. Ita digerit omina Calchas.
 „Hanc pro Palladio, moniti, pro numine laeso
 „Effigiem statuere, nefas quae triste piaret.
 „Hanc tamen immensam Calchas attollere molem 185
 „Roboribus textis coeloque educere iussit,
 „Ne recipi portis aut duci in moenia possit,
 „Neu populum antiqua sub religione tueri.
 „Nam si vestra manus violasset dona Minervae;
 „Tum magnum exitium - quod dī prius omen in ipsum 190
 „Convertant! - Priami imperio Phrygibusque futurum:
 „Sin manibus vestris vestram adscendisset in urbem;
 „Ultro Asiam magno Pelopea ad moenia bello
 „Venturam, et nostros ea fata manere nepotes.“
 Talibus insidiis periurique arte Sinonis 195
 Credita res, captique dolis lacrimisque coactis,
 Quos neque Tydides, nec Larissaeus Achilles,
 Non anni domuere decem, non mille carinae.
 Hic aliud maius miseris multoque tremendum
 Obiicitur magis, atque improvida pectora turbat. 200
 Laocoon, ductus Neptuno sorte sacerdos,
 Solemnes taurum ingentem mactabat ad aras.
 Ecce autem gemini a Tenedo tranquilla per alta -
 Horresco referens - immensis orbibus angues
 Incumbunt pelago, pariterque ad litora tendunt: 205
 Pectora quorum inter fluctus arrecta iubaeque
 Sanguineae superant undas, pars cetera pontum
 Pone legit sinuatque immensa volumine terga.
 Fit sonitus spumante salo. Iamque arva tenebant,
 Ardentesque oculos suffecti sanguine et igni, 210
 Sibila lambebant linguis vibrantibus ora.
 Diffugimus visu exsanguis. Illi agmine certo
 Laocoonta petunt, et primum parva duorum
 Corpora natōrum serpens amplexus uterque
Implicat, et miseros morsu depascitur artus; 215



Post ipsum auxilio subeuntem ac tela ferentem
 Corripiunt, spirisque ligant ingentibus, et iam
 Bis medium amplexi, bis collo squamea circum
 Terga dati, superant capite et cervicibus altis.
 Ille simul manibus tendit divellere nodos, 220

Perfusus sanie vittas atroque veneno,
 Clamores simul horrendos ad sidera tollit:
 Quales mugitus, fugit quum saucius aram
 Taurus et incertam excussit cervice securim.

At gemini lapsu delubra ad summa dracones 225
 Effugiunt, saevaeque petunt Tritonidis arcem,
 Sub pedibusque deae clipeique sub orbe teguntur.

Tum vero tremefacta novus per pectora cunctis
 Insinuat pavor; et scelus expendisse merentem
 Laocoonta ferunt, sacrum qui cuspide robur 230
 Laeserit et tergo sceleratam intorserit hastam.

Ducendum ad sedes simulacrum, orandaque divae
 Numina conclamant.

Dividimus muros et moenia pandimus urbis.
 Accingunt omnes operi, pedibusque rotarum 235

Subiiciunt lapsus, et stuppea vincula collo
 Intendunt. Scandit fatalis machina muros,
 Feta armis; pueri circum innuptaeque puellae
 Sacra canunt, funemque manu contingere gaudent;
 Illa subit, mediaeque minans illabitur urbi. 240

O patria, o divum domus Ilium, et inclyta bello
 Moenia Dardanidum! quater ipso in limine portae
 Substitit, atque utero sonitum quater arma dedere;
 Instamus tamen immemores caecique furore,
 Et monstrum infelix sacrata sistimus arce. 245

Tunc etiam fatis aperit Cassandra futuris
 Ora, dei iussu non umquam credita Teucris.
 Nos delubra deum miseri, quibus ultimus esset
 Ille dies, festa velamus fronde per urbem.

Vertitur interea coelum, et ruit oceano nox, 250
 Involvens umbra magna terramque polumque
 Myrmidonumque dolos; fusi per moenia Teucri
 Conticuere: sopor fessos complectitur artus.

Et iam Argiva phalanx instructis navibus ibat
 A Tenedo, tacitae per amica silentia lunae 255
 Litora nota petens, flammās quum regia puppis
 Extulerat, fatisque deūm defensūs iniquis
 Inclusos utero Danaos et pinea furtim
 Laxat claustra Sinon. Illos patefactus ad auras
 Reddit equus, laetique cavo se robore promunt 260
 Thessandrus Sthenelusque duces et dirus Ulixes,
 Demissum lapsi per funem, Acamasque Thoasque,
 Pelidesque Neoptolemus, primusque Machaon,
 Et Menelaus, et ipse doli fabricator Epeos.
 Invadunt urbem somno vinoque sepultam; 265
 Caeduntur vigiles, portisque patentibus omnes
 Accipiunt socios atque agmina conscia iungunt.
 Tempus erat, quo prima quies mortalibus aegris
 Incipit, et dono divūm gratissima serpit:
 In somnis, ecce, ante oculos maestissimus Hector 270
 Visus adesse mihi, largosque effundere fletus,
 Raptatus bigis, ut quondam, aterque cruento
 Pulvere, perque pedes traiectus lora tumentes.
 Hei mihi, qualis erat! quantum mutatus ab illo
 Hectore, qui redit exuvias indutus Achilli, 275
 Vel Danaūm Phrygios iaculatus puppibus ignes!
 Squalentem barbam et concretos sanguine crines,
 Vulneraque illa gerens, quae circum plurima muros
 Accepit patrios. Ultro flens ipse videbar
 Compellare virum et maestas expromere voces: 280
 „O lux Dardaniae, spes o fidissima Teucrūm,
 „Quae tantae tenuere morae? quibus Hector ab oris
 „Exspectate venis? ut te post multa tuorum
 „Funera, post varios hominumque urbisque labores
 „Defessi adspicimus? quae caussa indigna serenos 285
 „Foedavit vultus, aut cur haec vulnera cerno?“
 Ille nihil, nec me quaerentem vana moratur,
 Sed graviter gemitus imo de pectore ducens,
 „Heu fuge, nate dea, teque his“ ait „eripe flammis.
 „Hostis habet muros; ruit alta a culmine Troia. 290
 „Sat patriae Priamoque datum. Si Pergama dextra

„Defendi possent, etiam hac defensa fuissent.
 „Sacra suosque tibi commendat Troia Penates:
 „Hos cape fatorum comites, his moenia quaere,
 „Magna pererrato statues quae denique ponto.“ 295
 Sic ait, et manibus vittas Vestamque potentem
 Aeternumque adytis effert penetralibus ignem.

Diverso interea miscentur moenia luctu,
 Et magis atque magis, quainquam secreta parentis
 Anchisae domus arboribusque obtecta recessit, 300
 Claescent sonitus, armorumque ingruit horror.
 Excutor somno, et summi fastigia tecti
 Adscensu supero, atque arrectis auribus adsto:
 In segetem veluti quum flamma furentibus Austris
 Incidit, aut rapidus montano flumine torrens 305
 Sternit agros, sternit sata laeta boumque labores,
 Praecipitesque trahit silvas; stupet inscius alto
 Accipiens sonitum saxi de vertice pastor.
 Tum vero manifesta fides, Danaumque patescunt
 Insidiae: iam Deiphobi dedit ampla ruinam 310
 „Vulcano superante domus, iam proximus ardet
 Ucalegon, Sigea igni freta late relucet;
 Exoritur clamorque virum clangorque tubarum.
 Arma amens capio; nec sat rationis in armis,
 Sed glomerare manum bello et concurrere in arcem 315
 Cum sociis ardent animi: furor iraque mentem
 Praecipitant, pulchrumque mori succurrit in armis.
 Ecce autem telis Panthus elapsus Achivum,
 Panthus Othryades, arcis Phoebique sacerdos,
 Sacra manu victosque deos parvumque nepotem 320
 Ipse trahit, cursuque amens ad limina tendit.
 „Quo res summa loco, Panthu? quam prendimus arcem?“
 Vix ea fatus eram, gemitu quum talia reddit:
 „Venit summa dies et ineluctabile tempus
 „Dardaniae. Fuimus Troes, fuit Ilium et ingens 325
 „Gloria Teucrorum: feros omnia Iupiter Argos
 „Transtulit, incensa Danai dominantur in urbe.
 „Arduus armatos mediis in moenibus adsatus
 „Fundit equus, victorque Sinon incendia miscet

„Insultans; portis alii bipatientibus adsunt, 330
 „Millia quot magnis umquam venere Mycenis;
 „Obsedere alii telis angusta viarum
 „Oppositi; stat ferri acies mucrone corusco
 „Stricta, parata neci; vix primi proelia tentant
 „Portarum vigiles, et caeco Marte resistunt.“ 335
 Talibus Othryadae dictis et numine divum
 In flammās et in arma feror, quo tristis Erinys,
 Quo fremitus vocat et sublatus ad aethera clamor.
 Addunt se socios Rhipeus et maximus armis
 Epytus, oblatis per lunam, Hypanisque Dymasque, 340
 Et lateri agglomerant nostro, iuvenisque Coroebus
 Mygdonides - illis ad Troiam forte diebus
 Venerat, insano Cassandrae incensus amore,
 Et gener auxilium Priamo Phrygibusque ferebat,
 Infelix, qui non sponsae praecepta furentis 345
 Audierit - .
 Quos ubi confertos audere in proelia vidi;
 Incipio super his: „Iuvenes, fortissima frustra
 „Pectora, si vobis audentem extrema cupido
 „Certa sequi - quae sit rebus fortuna, videtis: 350
 „Excessere omnes adytis arisque relictis
 „Dī, quibus imperium hoc steterat; succurritis urbi
 „Incensae - ; moriamur et in media arma ruamus.
 „Una salus victis nullam sperare salutem.“
 Sic animis iuvenum furor additus: inde, lupi ceu 355
 Raptores atra in nebula, quos improba ventris
 Exegit caecos rabies, catulique relictī
 Faucibus exspectant siccis, per tela, per hostes
 Vadimus haud dubiam in mortem, mediaeque tenemus
 Urbis iter. Nox atra cava circumvolat umbra. 360
 Quis cladem illius noctis, quis funera fando
 Explicet, aut possit lacrimis aequare labores?
 Urbs antiqua ruit, multos dominata per annos;
 Plurima perque vias sternuntur inertia passim
 Corpora, perque domos et religiosa deorum 365
 Limina. Nec soli poenas dant sanguine Teucris;
 Quondam etiam victis redit in praecordia virtus,

Victoresque cadunt Danaï. Crudelis ubique
Luctus, ubique pavor et plurima mortis imago.

Primus se Danaûm, magna comitante caterva, 370

Androgeos obfert nobis, socia agmina credens
Inscius, atque ultro verbis compellat amicis:

„Festinate, viri! Nam quae tam sera moratur

„Segnities? Alii rapiunt incensa feruntque

„Pergama; vos celsis nunc primum a navibus itis?“ 375

Dixit, et extemplo - neque enim responsa dabantur

Fida satis - sensit medios delapsus in hostes.

Obstupuit, retroque pedem cum voce repressit.

Improvisum aspris veluti qui sentibus anguem

Pressit humi nitens, trepidusque repente refugit 380

Attollentem iras et caerula colla tumentem;

Haud secus Androgeos visu tremefactus abibat.

Irruimus densis et circumfundimur armis,

Ignarosque loci passim et formidine captos

Sternimus: adspirat primo fortuna labori. 385

Atque hic successu exsultans animisque Coroebus

„O socii, qua prima“ inquit „fortuna salutis

„Monstrat iter, quaque ostendit se dextra, sequamur.

„Mutemus clipeos, Danaûmque insignia nobis

„Aptemus. Dolus, an virtus, quis in hoste requirat? 390

„Arma dabunt ipsi.“ Sic fatus, deinde comantem

Androgei galeam clipeique insigne decorum

Induitur, laterique Argivum accommodat ensem.

Hoc Rhipeus, hoc ipse Dymas omnisque iuventus

Laeta facit: spoliis se quisque recentibus armat. 395

Vadimus immixti Danaïs haud numine nostro,

Multaque per caecam congressi proelia noctem

Conserimus, multos Danaûm demittimus Orco.

Diffugiunt alii ad naves, et litora cursu

Fida petunt; pars ingentem formidine turpi 400

Scandunt rursus equum, et nota conduntur in alvo.

Heu nihil invitis fas quemquam fidere divis!

Ecce trahebatur passis Priameïa virgo

Crinibus a templo Cassandra adytisque Minervae,

Ad coelum tendens ardentia lumina frustra,

405

Lumina, nam teneras arcebant vincula palmas.
 Non tulit hanc speciem furiata mente Coroebus,
 Et sese medium iniecit periturus in agmen:
 Consequimur cuncti et densis incurrimus armis.
 Hic primum ex alto delubri culmine telis 410
 Nostrorum obruimur, oriturque miserrima caedes
 Armorum facie et Graiarum errore iubarum.
 Tum Danaï gemitu atque ereptae virginis ira
 Undique collecti invadunt, acerrimus Ajax,
 Et gemini Atridae, Dolopumque exercitus omnis: 415
 Adversi rupto ceu quondam turbine venti
 Confligunt Zephyrusque Notusque et laetus Eois
 Eurus equis, stridunt silvae, saevitque tridenti
 Spumeus atque imo Nereus ciet aequora fundo.
 Illi etiam, si quos obscura nocte per umbram 420
 Fudimus insidiis totaque agitavimus urbe,
 Apparent, primi clipeos mentitaque tela
 Agnoscunt, atque ora sono discordia signant.
 Illicet obruimur numero; primusque Coroebus
 Penelei dextra divae armipotentis ad aram 425
 Procumbit; cadit et Rhipeus, iustissimus unus
 Qui fuit in Teucris et servantissimus aequi:
 Dīs aliter visum; pereunt Hypanisque Dymasque,
 Confixi a sociis, nec te tua plurima, Panthu,
 Labentem pietas nec Apollinis infula textit. 430
 Iliaci cineres et flamma extrema meorum,
 Testor, in occasu vestro nec tela nec ullas
 Vitavisse vices Danaūm, et, si fata fuissent,
 Ut caderem, meruisse manu. Divellimur inde:
 Iphitus et Pelias mecum, quorum Iphitus aevo 435
 Iam gravior, Pelias et vulnere tardus Ulixi;
 Protinus ad sedes Priami clamore vocati.

Hic vero ingentem pugnam, ceu cetera nusquam
 Bella forent, nulli tota morerentur in urbe,
 Sic Martem indomitum Danaosque ad tecta ruentes 440
 Cernimus, obsessumque acta testudine limen.
 Haerent parietibus scalae, postesque sub ipsos
 Nituntur gradibus, clipeosque adtela sinistris



Protecti obiiciunt, prensant fastigia dextris.
 Dardanidae contra turres ac tecta domorum 445
 Culmina convellunt: his se, quando ultima cernunt,
 Extrema iam in morte parant defendere telis,
 Auratasque trabes, veterum decora alta parentum,
 Devolvunt; alii strictis mucronibus imas
 Obsedere fores: has servant agmine denso. 450
 Instaurati animi, regis succurrere tectis,
 Auxilioque levare viros, vimque addere victis.
 Limen erat caecaeque fores et pervius usus
 Tectorum inter se Priami, postesque relict
 A tergo, infelix qua se, dum regna manebant, 455
 Saepius Andromache ferre incommitata solebat
 Ad soceros, et avo puerum Astyanacta trahebat.
 Evado ad summi fastigia culminis, unde
 Tela manu miseri iactabant irrita Teucri.
 Turrin, in praecipiti stantem summisque sub astra 460
 Eductam tectis, unde omnis Troia videri
 Et Danaum solitae naves et Achaica castra,
 Aggressi ferro circum, qua summa labantes
 Iuncturas tabulata dabant, convellimus altis
 Sedibus impulimusque: ea lapsa repente ruinam 465
 Cum sonitu trahit et Danaum super agmina late
 Incidit. Ast alii subeunt, nec saxa nec ullum
 Telorum interea cessat genus.
 Vestibulum ante ipsum primoque in limine Pyrrhus
 Exsultat, telis et luce coruscus athena: 470
 Qualis ubi in lucem coluber mala gramina pastus,
 Frigida sub terra tumidum quem bruma tegebat,
 Nunc positus novus exuviis nitidusque iuventa,
 Lubrica convolvit sublato pectore terga,
 Arduus ad solem, et linguis micat ore trisulcis. 475
 Una ingens Periphas et equorum agitator Achillis,
 Armiger Automedon, una omnia Scyria pubes
 Succedunt tecto, et flammās ad culmina iactant.
 Ipse inter primos correpta dura bipenni
 Limina perrumpit, postesque a cardine vellit 480
 Aeratos; iamque excisa trabe firma cavavit

Robora, et ingentem lato dedit ore fenestram.
 Apparet domus intus, et atria longa patescunt;
 Apparent Priami et veterum penetralia regum,
 Armatosque vident stantes in limine primo. 485
 At domus interior gemitu miseroque tumultu
 Miscetur, penitusque cavae plangoribus aedes
 Femineis ululant, ferit aurea sidera clamor;
 Tum pavidæ tectis matres ingentibus errant,
 Amplexæque tenent postes atque oscula figunt. 490
 • Instat vi patria Pyrrhus; nec claustra neque ipsi
 Custodes sufferre valent: labat ariete crebro
 Ianua, et emoti procumbunt cardine postes.
 Fit via vi: rumpunt aditus, primosque trucidant
 Immissi Danai, et late loca milite complent. 495
 Non sic, aggeribus ruptis quum spumeus amnis
 Exiit oppositasque evicit gurgite moles,
 Fertur in arva furens cumulo, camposque per omnes
 Cum stabulis armenta trahit. Vidi ipse furem
 Caede Neoptolemum geminosque in limine Atridas; 500
 Vidi Hecubam centumque nurus, Priamumque per aras
 Sanguine foedantem, quos ipse sacraverat, ignes.
 Quinquaginta illi thalami, spes tanta nepotum,
 Barbarico postes auro spoliisque superbi,
 Procubuere; tenent Danai, qua deficit ignis. 505
 Forsitan et, Priami fuerint quæ fata, requiras.
 Urbis uti captae casum convulsaque vidit
 Limina tectorum et medium in penetralibus hostem;
 Arma diu senior desueta trementibus aevo
 Circumdat nequidquam humeris, et inutile ferrum 510
 Cingitur, ac densos fertur moriturus in hostes.
 Aedibus in mediis nudoque sub ætheris axe
 Ingens ara fuit, iuxtaque veterrima laurus,
 Incumbens arae atque umbra complexa Penates:
 Hic Hecuba et natae nequidquam altaria circum, 515
 Praecipites atra ceu tempestate columbae,
 Condensae et divum amplexae simulacra sedebant.
 Ipsum autem sumtis Priamum iuvenalibus armis
 Ut vidit; „Quæ mens tam dira, miserrime coniux,



„Impulit his cingi telis, aut quo ruis?“ inquit. 520
 „Non tali auxilio nec defensoribus istis
 „Tempus eget; non, si ipse meus nunc afforet Hector.
 „Huc tandem concede: haec ara tuebitur omnes,
 „Aut moriere simul.“ Sic ore effata, recepit
 Ad sese et sacra longaevum in sede locavit. 525
 Ecce autem elapsus Pyrrhi de caede Polites,
 Unus natorum Priami, per tela, per hostes
 Porticibus longis fugit, et vacua atria lustrat
 Saucius; illum ardens infesto vulnere Pyrrhus
 Insequitur, iamiamque manu tenet et premit hasta; 530
 Ut tandem ante oculos evasit et ora parentum,
 Concidit ac multo vitam cum sanguine fudit.
 Hic Priamus, quamquam in media iam morte tenetur,
 Non tamen abstinuit, nec voci iraeque pepercit;
 „At tibi pro scelere,“ exclamat „pro talibus ausis 535
 „Dî, si qua est coelo pietas, quae talia curet,
 „Persolvant grates dignas et praemia reddant
 „Debita, qui nati coram me cernere letum
 „Fecisti et patrios foedasti funere vultus.
 „At non ille, satum quo te mentiris, Achilles 540
 „Talis in hoste fuit Priamo, sed iura fidemque
 „Supplicis erubuit, corpusque exsanguie sepulcro
 „Reddidit Hectoreum, meque in mea regna remisit.“
 Sic fatus senior, telumque imbelles sine ictu
 Coniecit, rauco quod protinus aere repulsum 545
 Et summo clipei nequidquam umbone pependit.
 Cui Pyrrhus: „Referes ergo haec et nuntius ibis
 „Pelidae genitori: illi mea tristia facta
 „Degeneremque Neoptoleum narrare memento.
 „Nunc morere.“ Hoc dicens, altaria ad ipsa trementem 550
 Traxit et in multo lapsantem sanguine nati,
 Implicuitque comam laeva, dextraque coruscum
 Extulit ac lateri capulo tenus abdidit ensem.
 Haec finis Priami fatorum; hic exitus illum
 Sorte tulit, Troiam incensam et prolapsa videntem 555
 Pergama, tot quondam populis terrisque superbum
 Regnatorem Asiae: lacet ingens litore truncus,

Avulsumque humeris caput et sine nomine corpus.

At me tum primum saevus circumstetit horror.

Obstupui: subiit cari genitoris imago, 560

Ut regem aequaevum crudeli vulnere vidi

Vitam exhalantem; subiit deserta Creüsa

Et direpta domus et parvi casus Iuli.

Respicio et, quae sit me circum copia, lustrō.

Deseruere omnes defessi, et corpora saltu 565

Ad terram misere aut ignibus aegra dedere.

[Iamque adeo super unus eram, quum limina Vestae

Servantem et tacitam secreta in sede latentem

Tyndarida adspicio: dant clara incendia lucem

Erranti passimque oculos per cuncta ferenti. 570

Illa sibi infestos eversa ob Pergama Teucros,

Et poenas Danaüm et deserti coniugis iras

Praemetuens, Troiae et patriae communis Erinys,

Abdiderat sese atque aris invisā sedebat.

Exarsere ignes animo, subit ira cadentem 575

Ulcisci patriam et sceleratas sumere poenas.

„Scilicet haec Spartam incolumis patriasque Mycenae

„Adspiciet, partoque ibit regina triumpho,

„Coniugiumque domumque patres natosque videbit,

„Iliadum turba et Phrygiis comitata ministris; 580

„Occiderit ferro Priamus, Troia arserit igni,

„Dardanium toties sudarit sanguine litus?

„Non ita: namque etsi nullum memorabile nomen

„Feminea in poena est nec habet victoria laudem,

„Exstinxisse nefas tamen et sumsisse merentis 585

„Laudabor poenas, animumque explesse iuvabit

„Ultricis flammae et cineres satiasse meorum.“

Talia iactabam et furiata mente ferebar;]

Quum mihi se, non ante oculis tam clara, videndam

Obtulit et pura per noctem in luce refulsit 590

Alma parens, confessa deam, qualisque videri

Coelicolis et quanta solet, dextraque prehensum

Continuit, roseoque haec insuper addidit ore:

„Nate, quis indomitas tantus dolor excitat iras?

„Quid furis, aut quonam nostri tibi cura recessit? 595

„Non prius adspicies, ubi fessum aetate parentem
 „Liqueris Anchisen, superet coniuxne Creüsa
 „Ascaniusque puer, quos omnes undique Graiae
 „Circum errant acies, et, ni mea cura resistat,
 „Iam flammae tulerint inimicus et hauserit ensis. . 600
 „Non tibi Tyndaridis facies invisä Lacaenae
 „Culpatusve Paris, divûm inclementia, divûm,
 „Has evertit opes sternitque a culmine Troiam.
 „Adspice - namque omnem, quae nunc obducta tuenti
 „Mortalis hebetat visus tibi et humida circum ' 605
 „Caligat, nubem eripiam: tu ne qua parentis
 „Iussa time, neu praeceptis parere recusa!-,
 „Hic ubi disiectas moles avulsaque saxis
 „Saxa vides mixtoque undantem pulvere fumum,
 „Neptunus muros magnoque emota tridenti 610
 „Fundamenta quatit, totamque a sedibus urbem
 „Eruit; hic Iuno Scaeas saevissima portas
 „Prima tenet, sociumque furens a navibus agmen
 „Ferro accincta vocat.
 „Iam summas arces Tritonia, respice, Pallas 615
 „Insedit, nimbo effulgens et Gorgone saeva;
 „Ipse pater Danaïs animos viresque secundas
 „Sufficit, ipse Deos in Dardana suscitât arma.
 „Eripe, nate, fugam, finemque impone labori.
 „Nusquam abero, et tutum patrio te limine sistam.“ 620
 Dixerat, et spissis noctis se condidit umbris;
 Apparent dirae facies inimicaeque Troiae
 Numina magna deûm.
 Tum vero omne mihi visum considerare in ignes
 Ilium et ex imo verti Neptunia Troia, 625
 Ac veluti summis antiquam in montibus ornum
 Quum ferro accisam crebrisque bipennibus instant
 Eruere agricolae certatim; illa usque minatur
 Et tremefacta comam concusso vertice nutat,
 Vulneribus donec paullatim evicta supremum 630
 Congemuit traxitque iugis avulsa ruinam.
 Descendo, ac ducente deo flammam inter et hostes
 Expedior: dant tela locum, flammaeque recedunt.

Atque ubi iam patriae perventum ad limina sedis
 Antiquasque domos; genitor, quem tollere in altos 635
 Optabam primum montes primumque petebam,
 Abnegat excisa vitam producere Troia
 Exsiliumque pati. „Vos o, quibus integer aevi
 „Sanguis“ ait „solidaeque suo stant robore vires,
 „Vos agitate fugam; 640
 „Me si coelicolae voluissent ducere vitam,
 „Has mihi servassent sedes. Satis una superque
 „Vidimus excidia et captae superavimus urbi.
 „Sic o, sic positum affati discedite corpus.
 „Ipse manu mortem inveniam; miserebitur hostis 645
 „Exuviasque petet. Facilis iactura sepulcri.
 „Iam pridem invisus divis et inutilis annos
 „Demoror, ex quo me divum pater atque hominum rex
 „Fulminis afflavit ventis et contigit igni.“
 Talia perstabat memorans, fixusque manebat; 650
 Nos contra effusi lacrimis coniuxque Creüsa
 Ascaniusque omnisque domus, ne vertere secum
 Cuncta pater fatoque urgenti incumbere vellet.
 Abnegat, inceptoque et sedibus haeret in isdem.
 Rursus in arma feror, mortemque miserrimus opto. 655
 Nam quod consilium aut quae iam fortuna dabatur?
 „Mene efferre pedem, genitor, te posse relicto
 „Sperasti, tantumque nefas patrio excidit ore?
 „Si nihil ex tanta superis placet urbe relinqui,
 „Et sedet hoc animo, perituraeque addere Troiae 660
 „Teque tuosque iuvat; patet isti ianua leto,
 „Iamque aderit multo Priani de sanguine Pyrrhus,
 „Gnatum ante ora patris, patrem qui obtruncat ad aras.
 „Hoc erat, alma parens, quod me per tela, per ignes
 „Eripis: ut mediis hostem in penetralibus, utque 665
 „Ascanium patremque meum iuxtaque Creüsam,
 „Alterum in alterius mactatos sanguine cernam?
 „Arma, viri, ferte arma: vocat lux ultima victos!
 „Reddite me Danaïs! sinite instaurata revisam
 „Proelia! Numquam omnes hodie moriemur inulti.“ 670
Hinc ferro accingor rursus, clipeoque sinistram

Insertabam aptans meque extra tecta ferebam;
 Ecce autem complexa pedes in limine coniux
 Haerebat, parvumque patri tendebat Iulum.
 „Si periturus abis, et nos rape in omnia tecum; 675
 „Sin aliquam expertus sumtis spem ponis in armis,
 „Hanc primum tutare domum. Cui parvus Iulus,
 „Cui pater et coniux quondam tua dicta relinquo?“
 Talia vociferans gemitu tectum omne replebat,
 Quum subitum dictuque oritur mirabile monstrum. 680
 Namque manus inter maestorumque ora parentum
 Ecce levis summo de vertice visus Iuli
 Fundere lumen apex, tactuque innoxia molles
 Lambere flamma comas et circum tempora pasci.
 Nos pavidi trepidare metu, crinemque flagrantem 685
 Excutere et sanctos restinguere fontibus ignes.
 At pater Anchises oculos ad sidera laetus
 Extulit, et coelo palmas cum voce tetendit:
 „Iupiter omnipotens, precibus si flecteris ullis,
 „Adspice nos: hoc tantum; et, si pietate meremur, 690
 „Da deinde auxilium, pater, atque haec omina firma.“
 Vix ea fatus erat senior, subitoque fragore
 Intonuit laevum, et de coelo lapsa per umbras
 Stella facem ducens multa cum luce cucurrit.
 Illam, summa super labentem culmina tecti, 695
 Cernimus Idaea claram se condere silva,
 Signantemque vias; tum longo limite sulcus
 Dat lucem, et late circum loca sulfure fumant.
 Hic vero victus genitor se tollit ad auras,
 Affaturque deos et sanctum sidus adorat. 700
 „Iam iam nulla mora est: sequor et, qua ducitis, adsum.
 „Dî patrii, servate domum, servate nepotem!
 „Vestrum hoc augurium, vestroque in numine Troia est.
 „Cedo equidem nec, nate, tibi comes ire recuso.“
 Dixerat ille, et iam per moenia clarior ignis 705
 Auditur, propiusque aestus incendia volvunt.
 „Ergo age, care pater, cervici imponere nostrae;
 „Ipse subibo humeris, nec me labor iste gravabit:
 „Quo res cumque cadent, unum et commune periculum,

„Una salus ambobus erit. Mihi parvus Iulus 710
 „Sit comes, et longe servet vestigia coniux.
 „Vos, famuli, quae dicam, animis advertite vestris.
 „Est urbe egressis tumulus templumque vetustum
 „Desertae Cereris, iuxtaque antiqua cupressus
 „Religione patrum multos servata per annos: 715
 „Hanc ex diverso sedem veniemus in unam.
 „Tu, genitor, cape sacra manu patriosque Penates:
 „Me bello e tanto digressum et caede recenti
 „Attrectare nefas, donec me flumine vivo
 „Abluero.“ 720

Haec fatus, latos humeros subiectaque colla
 Veste super fulvique insternor pelle leonis,
 Succedoque oneri; dextrae se parvus Iulus
 Implicuit sequiturque patrem non passibus aequis;
 Pone subit coniux. Ferimur per opaca locorum; 725
 Et me, quem dudum non ulla iniecta movebant
 Tela neque adverso glomerati ex agmine Graii,
 Nunc omnes terrent aerae, sonus excitat omnis
 Suspensum et pariter comitique onerique timentem.
 Iamque propinquabam portis omnemque videbar 730
 Evasisse viam, subito quum creber ad aures
 Visus adesse pedum sonitus, genitorque per umbram
 Prospiciens „Nate,“ exclamat „fuge, nate; propinquant:
 „Ardentes clipeos atque aera micantia cerno.“
 Hic mihi nescio quod trepido male numen amicum 735
 Confusam eripuit mentem: namque avia cursu
 Dum sequor et nota excedo regione viarum,
 Heu, misero coniux fatone erepta Creüsa
 Substitit, erravitne via, seu lassa resedit,
 Incertum; nec post oculis est reddita nostris; 740
 Nec prius amissam respexi animumve reflexi,
 Quam tumulum antiquae Cereris sedemque sacratam
 Venimus: hic demum collectis omnibus una
 Defuit, et comites natumque virumque fefellit.
 Quem non incusavi amens hominumque deorumque, 745
 Aut quid in eversa vidi crudelius urbe?
Ascanium Anchisenque patrem Teucrosque Penates



.

.

.

Commendo sociis, et curva valle recondo;
 Ipse urbem repeto, et cingor fulgentibus armis:
 Stat casus renovare omnes, omnemque reverti 750
 Per Troiam, et rursus caput obiectare periclis.
 Principio muros obscuraque limina portae,
 Qua gressum extuleram, repeto, et vestigia retro
 Observata sequor per noctem et lumine lustrō:
 Horror ubique animos, simul ipsa silentia terrent. 755
 Inde domum, si forte pedem, si forte, tulisset,
 Me refero: irruerant Danaï et tectum omne tenebant.
 Illicet ignis edax summa ad fastigia vento
 Volvitur; exsuperant flammæ, furit aestus ad auras.
 Procedo et Priami sedes arcemque reviso: 760
 Et iam porticibus vacuis Iunonis asylo
 Custodes lecti Phoenix et dirus Ulixes
 Praedam asservabant: huc undique Troia gaza
 Incensis erepta adytis, mensaeque deorum,
 Crateresque auro solidi, captivæque vestis 765
 Congeritur; pueri et pavidæ longo ordine matres
 Stant circum.
 Ausus quin etiam voces iactare per umbram,
 Implevi clamore vias, maestusque Creusam
 Nequidquam ingeminans iterumque iterumque vocavi. 770
 Quaerenti et tectis urbis sine fine furenti,
 Infelix simulacrum atque ipsius umbra Creusæ
 Visa mihi ante oculos et nota maior imago -
 Obstupui, steteruntque comæ et vox faucibus hæsit -,
 Tum sic affari et curas his demere dictis: 775
 „Quid tantum insano iuvat indulgere dolori,
 „O dulcis coniux? non hæc sine numine divum
 „Eveniunt; nec te comitem hinc portare Creusam
 „Fas, aut ille sinit superi regnator Olympi.
 „Longa tibi exsilia, et vastum maris æquor arandum; 780
 „Et terram Hesperiam venies, ubi Lydius arva
 „Inter opima virum leni fluit agmine Thybris.
 „Illic res lætæ regnumque et regia coniux
 „Parta tibi: lacrimas dilectæ pelle Creusæ.
 „Non ego Myrmidonum sedes Dolopumve superbas 785

„Adspiciam, aut Graiis servitum matribus ibo,
 „Dardanis et divae Veneris nurus;
 „Sed me magna deum Genetrix his detinet oris.
 „Iamque vale, et nati serva communis amorem.“
 Haec ubi dicta dedit, lacrimantem et multa volentem 790
 Dicere deseruit, tenuesque recessit in auras.
 Ter conatus ibi collo dare brachia circum,
 Ter frustra compressa manus effugit imago,
 Par levibus ventis volucrique simillima somno.
 Sic demum socios consumta nocte reviso. 795

Atque hic ingentem comitum affluxisse novorum
 Invenio admirans numerum, matresque virosque,
 Collectam exsilio pubem, miserabile vulgus.
 Undique convenere animis opibusque parati,
 In quascumque velim pelago deducere terras. 800
 Iamque iugis summae surgebat Lucifer Idae
 Ducebatque diem; Danaïque obsessa tenebant
 Limina portarum, nec spes opis ulla dabatur;
 Cessi et sublato montes genitore petivi.“

P. VIRGILII MARONIS
 A E N E I D O S
 LIBER TERTIUS.

„Postquam res Asiae Priamique evertere gentem
 Immeritam visum superis, ceciditque superbum
 Ilium et omnis humo fumat Neptunia Troia;
 Diversa exsilia et desertas quaerere terras
 Auguriis agimur divum, classemque sub ipsa 5
 Antandro et Phrygiae molimur montibus, Idae,
 Incerti, quo fata ferant, ubi sistere detur,
 Contrahimusque viros. Vix prima inceperat aestas,
 Et pater Anchises dare fati vela iubebat:
 Litora quum patriae lacrimans portusque relinquo 10
 Et campos, ubi Troia fuit. Feror exsul in altum
 Cum sociis gnatoque Penatibus et magnis dis.



Terra procul vastis colitur Mavortia campis -
 Thraces arant-, acri quondam regnata Lycurgo,
 Hospitium antiquum Troiae, sociique Penates, 15
 Dum fortuna fuit: feror huc, et litore curvo
 Moenia prima loco, fatis ingressus iniquis,
 Aeneadasque meo nomen de nomine fingo.
 Sacra Dionaee matri divisque ferebam
 Auspiciis coeptorum operum, superoque nitentem 20
 Coelicolum regi mactabam in litore taurum.
 Forte fuit iuxta tumulus, quo cornea summo
 Virgulta et densis hastilibus horrida myrtus.
 Accessi, viridemque ab humo convellere silvam
 Conatus, ramis tegerem ut frondentibus aras, 25
 Horrendum et dictu video mirabile monstrum.
 Nam quae prima solo ruptis radicibus arbor
 Vellitur, huic atro liquuntur sanguine guttae,
 Et terram tabo maculant. Mihi frigidus horror
 Membra quatit, gelidusque coit formidine sanguis. 30
 Rursus et alterius lentum convellere vimen
 Insequor, et causas penitus tentare latentes;
 Alter et alterius sequitur de cortice sanguis.
 Multa movens animo, Nymphas venerabar agrestes
 Gradivumque patrem, Geticis qui praesidet arvis, 35
 Rite secundarent visus omenque levarent.
 Tertia sed postquam maiore hastilia nisu
 Aggredior genibusque adversae obluctor arenae; -
 Eloquar, an sileam? - gemitus lacrimabilis imo
 Auditur tumulo, et vox reddita fertur ad aures: 40
 „Quid miserum, Aenea, laceras? Iam parce sepulto,
 „Parce pias scelerare manus: non me tibi Troia
 „Externum tulit, aut cruor hic de stipite manat.
 „Heu fuge crudeles terras, fuge litus avarum:
 „Nam Polydorus ego. Hic confixum ferrea textit 45
 „Telorum seges et iaculis increvit acutis.“
 Tum vero ancipiti mentem formidine pressus
 Obstupui, steteruntque comae et vox faucibus haesit.
 Hunc Polydorum auri quondam cum pondere magno
 Infelix Priamus furtim mandarat alendum 50

Threïcio regi, quum iam diffideret armis
 Dardaniae cingique urbem obsidione videret.
 Ille, ut opes fractae Teucrûm, et Fortuna recessit,
 Res Agamemnonias victriciaque arma secutus,
 Fas omne abrumpit, Polydorum obtruncat, et auro 55
 Vi potitur. Quid non mortalia pectora cogis,
 Auri sacra fames? Postquam pavor ossa reliquit;
 Delectos populi ad proceres primumque parentem
 Monstra deûm refero et, quae sit sententia, posco.
 Omnibus idem animus, scelerata excedere terra, 60
 Linqui pollutum hospitium et dare classibus austros.
 Ergo instauramus Polydoro funus, et ingens
 Aggeritur tumulo tellus: stant Manibus arae
 Caeruleis maestae vitiis atraque cupresso,
 Et circum Iliades crinem de more solutae; 65
 Inferimus tepido spumantia cymbia lacte
 Sanguinis et sacri pateras, animamque sepulcro
 Condimus, et magna supremum voce ciemus.
 Inde, ubi prima fides pelago, placataque venti
 Dant maria, et lenis crepitans vocat auster in altum, 70
 Deducunt socii naves et litora complent.
 Provehimur portu, terraeque urbesque recedunt.
 Sacra mari colitur medio gratissima tellus
 Nereïdum matri et Neptuno Aegæo,
 Quam pius Arcitenens, oras et litora circum 75
 Errantem, Mycono e celsa Gyaroque revinxit,
 Immotamque coli dedit et contemnere ventos:
 Huc feror; haec fessos tuto placidissima portu
 Accipit. Egressi veneramur Apollinis urbem.
 Rex Anius, rex idem hominum Phoebique sacerdos, 80
 Vittis et sacra redimitus tempora lauro,
 Occurrit, veterem Anchisen agnoscit amicum:
 Iungimus hospitio dextras, et tecta subimus.
 Templâ dei saxo venerabar structa vetusto:
 „Da propriam, Thymbraee, domum! Da moenia fessis 85
 „Et genus et mansuram urbem! Serva altera Troiae
 „Pergama, reliquias Danaûm atque immitis Achilli.
 „*Quem sequimur, quove ire iubes, ubi ponere sedes?*



„Da, pater, augurium, atque animis illabere nostris
 Vix ea fatus eram; tremere omnia visa repente, 90
 Liminaque laurusque dei, totusque moveri
 Mons circum, et mugire adytis cortina reclusis:
 Submissi petimus terram, et vox fertur ad aures:
 „Dardanidae duri, quae vos a stirpe parentum
 „Prima tulit tellus, eadem vos ubere laeto 95
 „Accipiet reduces: antiquam exquirite matrem.
 „Hic domus Aeneae cunctis dominabitur oris,
 „Et nati natorum, et qui nascentur ab illis.“
 Haec Phoebus, mixtoque ingens exorta tumultu
 Laetitia, et cuncti, quae sint ea moenia, quaerunt, . 100
 Quo Phoebus vocet errantes iubeatque reverti.
 Tum genitor, veterum volvens monumenta virorum,
 „Audite, o proceres,“ ait „et spes discite vestras.
 „Creta Iovis magni medio iacet insula ponto,
 „Mons Idaeus ubi et gentis cunabula nostrae; 105
 „Centum urbes habitant magnas, uberrima regna:
 „Maximus unde pater, si rite audita recordor,
 „Teucus Rhoeteas primum est advectus ad oras,
 „Optavitque locum regno. Nondum Ilium et arces
 „Pergameae steterant; habitabant vallibus imis. 110
 „Hinc mater cultrix Cybelae, Corybantiaque aera,
 „Idaeumque nemus; hinc fida silentia sacris,
 „Et iuncti currum dominae subiere leones.
 „Ergo agite et, divum ducunt qua iussa, sequamur,
 „Placemus ventos, et Gnosia regna petamus! 115
 „Nec longo distant cursu: modo Iupiter adsit,
 „Tertia lux classem Cretaeis sistet in oris.“
 Sic fatus, meritos aris mactavit honores,
 Taurum Neptuno, taurum tibi, pulcher Apollo,
 Nigram Hiemi pecudem, Zephyris felicibus albam. 120
 Fama volat, pulsum regnis cessisse paternis
 Idomenea ducem, desertaque litora Cretae,
 Hoste vacare domos, sedesque adstare relictas.
 Linquimus Ortygiae portus, pelagoque volamus,
 Bacchatamque iugis Naxon viridemque Donusam, 125
 Olearon niveamque Paron, sparsasque per aequor

Cyadas et crebris legimus freta concita terris.
 Nauticus exoritur vario certamine clamor,
 Hortantur socii, Cretam proavosque petamus;
 Prosequitur surgens a puppi ventus euntes, 130
 Et tandem antiquis Curetum allabimur oris.
 Ergo avidus muros optatae molior urbis,
 Pergameamque voco, et laetam cognomine gentem
 Hortor amare focos arcemque attollere tectis.
 Iamque fere sicco subductae litore puppes, 135
 Connubiis arvisque novis operata iuventus;
 Iura domosque dabam: subito quum tabida membris,
 Corrupto coeli tractu, miserandaque venit
 Arboribusque satisque lues et letifer annus.
 Linquebant dulces animas, aut aegra trahebant 140
 Corpora; tum steriles exurere Sirius agros;
 Arebant herbae et victum seges aegra negabat.
 Rursus ad oraclum Ortygiae Phoebumque remenso
 Hortatur pater ire mari, veniamque precari,
 Quam fessis finem rebus ferat, unde laborum 145
 Tentare auxilium iubeat, quo vertere cursus.
 Nox erat, et terris animalia somnus habebat:
 Effigies sacrae divum Phrygiique Penates,
 Quos mecum ab Troia mediisque ex ignibus urbis
 Extuleram, visi ante oculos adstare iacentis 150
 In somnis, multo manifesti lumine, qua se
 Plena per insertas fundebat luna fenestras;
 Tum sic affari et curas his demere dictis:
 „Quod tibi delato Ortygiam dicturus Apollo est,
 „Hic canit et tua nos en ultro ad limina mittit. 155
 „Nos te, Dardania incensa, tuaque arma secuti,
 „Nos tumidum sub te permensi classibus aequor,
 „Idem venturos tollemus in astra nepotes,
 „Imperiumque urbi dabimus: tu moenia magnis
 „Magna para, longumque fugae ne linque laborem. 160
 „Mutandae sedes: non haec tibi litora suasit
 „Delius, aut Cretae iussit considerare, Apollo.
 „Est locus, Hesperiam Graii cognomine dicunt,
 „Terra antiqua, potens armis atque ubere glebae:

„Oenotri coluere viri; nunc fama, minores 165
 „Italiam dixisse ducis de nomine gentem-:
 „Hae nobis propriae sedes; hinc Dardanus ortus
 „Iasiusque pater, genus a quo principe nostrum.
 „Surge age, et haec laetus longaevo dicta parenti
 „Haud dubitanda refer: Corythum terrasque requirat 170
 „Ausonias. Dictaea negat tibi Iupiter arva.“

Talibus attonitus visis ac voce deorum-
 Nec sopor illud erat, sed coram agnoscere vultus
 Velatasque comas praesentiaque ora videbar;
 Tum gelidus toto manabat corpore sudor-, 175
 Corripio e stratis corpus, tendoque supinas
 Ad coelum cum voce manus, et munera libo
 Intemerata focis. Perfecto laetus honore
 Anchisen facio certum, remque ordine pando.

Agnovit prolem ambiguum geminosque parentes, 180
 Seque novo veterum deceptum errore locorum.
 Turn memorat: „Nate, Iliacis exercite fati,
 „Sola mihi tales casus Cassandra canebat;
 „Nunc repeto haec generi portendere debita nostro,
 „Et saepe Hesperiam, saepe Itala regna vocare. 185
 „Sed quis ad Hesperiae venturos litora Teucros
 „Crederet, aut quem tum vates Cassandra moveret?
 „Cedamus Phoebos, et moniti meliora sequamur!“

Sic ait, et cuncti dicto paremus ovantes:
 Hanc quoque deserimus sedem, paucisque relictis 190
 Vela damus, vastumque cava trabe currimus aequor.

Postquam altum tenuere rates, nec iam amplius ullae
 Apparent terrae, coelum undique et undique pontus;
 Tum mihi caeruleus supra caput adstitit imber
 Noctem hiememque ferens, et inhorruit unda tenebris. 195
 Continuo venti volvunt mare magnaue surgunt
 Aequora: dispersi iactamur gurgite vasto.
 Involvere diem nimbi, et nox humida coelum
 Abstulit; ingeminant abruptis nubibus ignes:
 Excutimur cursu, et caecis erramus in undis. 200
 Ipse diem noctemque negat discernere coelo,
Nec meminisse viae media Palinurus in unda.

Tres adeo incertos caeca caligine soles
 Erramus pelago, totidem sine sidere noctes;
 Quarto terra die primum se attollere tandem 205
 Visa, aperire procul montes ac volvere fumum.
 Vela cadunt, remis insurgimus; haud mora, nautae
 Annixi torquent spumas et caerula verrunt.
 Servatum ex undis Strophadum me litora primum
 Accipiunt: Strophades Graio stant nomine dictae 210
 Insulae Ionio in magno, quas dira Celaeno
 Harpyiaeque colunt aliae, Phineïa postquam
 Clausa domus, mensasque metu liquere priores.
 Tristius haud illis monstrum, nec saevior ulla
 Pestis et ira deûm Stygiis sese extulit undis. 215
 Virginei volucrum vultus, foedissima ventris
 Proluvies, uncaeque manus, et pallida semper
 Ora fame.
 Huc ubi delati portus intravimus; ecce
 Laeta boum passim campis armenta videmus 220
 Caprigenumque pecus, nullo custode, per herbas.
 Irruimus ferro, et divos ipsumque vocamus
 In partem praedamque Iovem; tum litore curvo
 Exstruimusque toros, dapibusque epulamur opimis.
 At subitae horrifco lapsu de montibus adsunt 225
 Harpyiae et magnis quatiunt clangoribus alas,
 Diripiuntque dapes, contactuque omnia foedant
 Immundo; tum vox tetrum dira inter odorem.
 Rursum in secessu longo sub rupe cavata,
 Arboribus clausi circum atque horrentibus umbris, 230
 Instruimus mensas, arisque reponimus ignem;
 Rursum ex diverso coeli caecisque latebris
 Turba sonans praedam pedibus circumvolat uncis,
 Polluit ore dapes. Sociis tunc, arma capessant,
 Edico, et dira bellum cum gente gerendum. 235
 Haud secus ac iussi faciunt, tectosque per herbam
 Disponunt enses et scuta latentia condunt.
 Ergo ubi delapsae sonitum per curva dedere
 Litora; dat signum specula Misenus ab alta
 Aere cavo. Invadunt socii et nova proelia tentant, 240

.

.

.

.



.

Obscenas pelagi ferro foedare volucres.

Sed neque vim plumis ullam nec vulnera tergo

Accipiunt, celerique fuga sub sidera lapsae

Semiesam praedam et vestigia foeda relinquunt.

Una in praecelsa consedit rupe Celaeno,

245

Infelix vates, rumpitque hanc pectore vocem:

„Bellum etiam pro caede boum stratisque iuven-
cis,

„Laomedontiadae, bellumne inferre paratis,

„Et patrio Harpyias insontes pellere regno?

„Accipite ergo animis atque haec mea figite dicta,

250

„Quae Phoebus pater omnipotens, mihi Phoebus Apollo

„Praedixit, vobis Furiarum ego maxima pando.

„Italiam cursu petitis: ventisque vocatis

„Ibitis Italiam, portusque intrare licebit;

„Sed non ante datam cingetis moenibus urbem,

255

„Quam vos dira fames nostraeque iniuria caedis

„Ambesas subigat malis absumere mensas.“

Dixit, et in silvam pennis ablata refugit.

At sociis subita gelidus formidine sanguis

Deriguit, cecidere animi; nec iam amplius armis,

260

Sed votis precibusque iubent exposcere pacem,

Sive deae, seu sint dirae obscenaque volucres;

Et pater Anchises passis de litore palmis

Numina magna vocat, meritosque indicit honores:

„Dî, prohibete minas; dî, talem avertite casum,

265

„Et placidi servate pios!“; tum litore funem

Deripere, excussosque iubet laxare rudentes.

Tendunt vela Noti: fugimus spumantibus undis,

Qua cursum ventusque gubernatorque vocabat.

Iam medio apparet fluctu nemorosa Zacynthos,

270

Dulichiumque, Sameque, et Neritos ardua saxis.

Effugimus scopulos Ithacae, Laërtia regna,

Et terram altricem saevi exsecramur Ulixi.

Mox et Leucatae nimbose cacumina montis,

Et formidatus nautis aperitur Apollo.

275

Hunc petimus fessi, et parvae succedimus urbi;

Ancora de prora iacitur, stant litore puppes.

Ergo insperata tandem tellure potiti,

Lustramurque Iovi, votisque incendimus aras,
Actiaque Iliacis celebramus litora ludis. 280

Exercent patrias oleo labente palaestras
Nudati socii: iuvat evasisse tot urbes
Argolicas, mediosque fugam tenuisse per hostes.
Interea magnum sol circumvolvitur annum,
Et glacialis hiems aquilonibus asperat undas. 285

Aere cavò clipeum, magni gestamen Abantis,
Postibus adversis figo et rem carmine signo:
„*Aeneas haec de Danaïs victoribus arma*“;
Linquere tum portus iubeo et considerare transtris.

Certatim socii feriunt mare et aequora verrunt. 290
Protenus aërias Phaeacum abscondimus arces,
Litoraque Epiri legimus, portuque subimus
Chaonio et celsam Buthroti accedimus urbem.

Hic incredibilis rerum fama occupat aures,
Priamiden Helenum Graias regnare per urbes, 295
Coniugio Aeacidæ Pyrrhi sceptrisque potitum,
Et patrio Andromachen iterum cessisse marito.

Obstupui, miroque incensum pectus amore,
Compellare virum et casus cognoscere tantos.
Progredior portu, classes et litora linquens, 300
Solemnes quum forte dapes et tristia dona

Antè urbem in luco falsi Simoentis ad undam
Libabat cineri Andromache, Manesque vocabat
Hectoreum ad tumulum, viridi quem cespite inanem
Et geminas, causam lacrimis, sacraverat aras. 305

Ut me conspexit venientem et Troia circum
Arma amens vidit; magnis exterrita monstris
Deriguit visu in medio, calor ossa reliquit,
Labitur, et longo vix tandem tempore fatur:
„Verane te facies, verus mihi nuntius affers, 310
„Nate dea? vivisne? aut, si lux alma recessit,
„Hector ubi est?“ Dixit, lacrimasque effudit et omnem
Implevit clamore locum. Vix pauca furenti

Subiicio et raris turbatus vocibus hisco:
„Vivo equidem, vitamque extrema per omnia duco. 315
„Ne dubita: nam vera vides.



„Heu, quis te casus deiectam coniuge tanto
 „Excipit, aut quae digna satis fortuna revisit?
 „Hectoris Andromache Pyrrhin' connubia servas?“
 Deiecit vultum et demissa voce locuta est: 320
 „O felix una ante alias Priameia virgo,
 „Hostilem ad tumulum Troiae sub moenibus altis
 „Iussa mori, quae sortitus non pertulit ullos,
 „Nec victoris heri tetigit captiva cubile!
 „Nos, patria incensa, diversa per aequora vectae, 325
 „Stirpis Achilleae fastus iuvenemque superbum,
 „Servitio enixae, tulimus. Qui deinde, secutus
 „Ledaeam Hermionen Lacedaemoniosque hymenaeos,
 „Me famulo famulamque Heleno transmisit habendam.
 „Ast illum, ereptae magno inflammatus amore 330
 „Coniugis et scelerum Furiis agitated, Orestes
 „Excipit incautum, patriasque obtruncat ad aras.
 „Morte Neoptolemi regnorum reddita cessit
 „Pars Heleno, qui Chaonios cognomine campos,
 „Chaoniamque omnem Troiano a Chaone dixit, 335
 „Pergamaque Iliacamque iugis hanc addidit arcem.
 „Sed tibi qui cursum venti, quae fata dedere,
 „Aut quisnam ignarum nostris deus appulit oris?
 „Quid puer Ascanius? Superatne? et vescitur aura,
 „Quae tibi iam Troia.....? 340
 „Ecqua tamen puero est amissae cura parentis?
 „Ecquid in antiquam virtutem animosque viriles
 „Et pater Aeneas et avunculus excitat Hector?“
 Talia fundebat lacrimans longosque ciebat
 Incassum fletus, quum sese a moenibus heros 345
 Priamides multis Helenus comitantibus affert,
 Agnoscitque suos, laetusque ad limina ducit,
 Et multum lacrimas verba inter singula fundit.
 Procedo, et parvam Troiam simulataque magnis
 Pergama et arentem Xanthi cognomine rivum 350
 Agnosco, Scaaeaeque amplector limina portae.
 Nec non et Teucri socia simul urbe fruuntur:
 Illos porticibus rex accipiebat in amplis;
 Aulai medio libabant pocula Bacchi,

- Impositis auro dapibus, paterasque tenebant. 355
 Iamque dies alterque dies processit, et aurae
 Vela vocant, tumidoque inflatur carbasus austro:
 His vatem aggredior dictis ac talia quaeso:
 „Troiugena, interpretes divum, qui numina Phoebi,
 „Qui tripodas, Clarii laurus, qui sidera sentis 360
 „Et volucrum linguas et praepetis omina pennae,
 „Fare age-namque omnem cursum mihi prospera dixit
 „Religio, et cuncti suaserunt numine divi
 „Italiam petere et terras tentare repostas;
 „Sola novum, dictuque nefas, Harpyia Celaeno 365
 „Prodigium canit, et tristes denuntiat iras
 „Obscenamque famem-quae prima pericula vito,
 „Quidve sequens tantos possim superare labores?“
 Hic Helenus, caesis primum de more iuvenis,
 Exorat pacem divum, vittasque resolvit 370
 Sacra capitis, meque ad tua limina, Phoebe,
 Ipse manu multo suspensum numine ducit;
 Atque haec deinde canit divino ex ore sacerdos:
 „Nate dea-nam te maioribus ire per altum
 „Auspiciis manifesta fides: sic fata deum rex 375
 „Sortitur, volvitque vices; is vertitur ordo-,
 „Pauca tibi e multis, quo tutior hospita lustras
 „Aequora et Ausonio possis considerare portu,
 „Expediam dictis: prohibent nam cetera Parcae
 „Scire Helenum farique vetat Saturnia Iuno. 380
 „Principio Italiam, quam tu iam rere propinquam,
 „Vicinosque, ignare, paras invadere portus,
 „Longa procul longis via dividit invia terris:
 „Ante et Trinacria lentandus remus in unda,
 „Et salis Ausonii lustrandum navibus aequor, 385
 „Infernique lacus Aeaeaeque insula Circae,
 „Quam tuta possis urbem componere terra.
 „Signa tibi dicam: tu condita mente teneto.
 „Quum tibi sollicito secreti ad fluminis undam
 „Litoreis ingens inventa sub ilicibus sus, 390
 „Triginta capitem fetus enixa, iacebit,
 „Alba, solo recubans, albi circum ubera nati;

„Is locus urbis erit, requies ea certa laborum.
 „Nec tu mensarum morsus horresce futuros:
 „Fata viam invenient, aderitque vocatus Apollo. 395
 „Has autem terras Italique hanc litoris oram,
 „Proxima quae nostri perfunditur aequoris aestu,
 „Effuge: cuncta malis habitantur moenia Graiis.
 „Hic et Narycii posuerunt moenia Locri,
 „Et Sallentinos obsedit milite campos 400
 „Lyctius Idomeneus; hic illa ducis Meliboei
 „Parva Philoctetae subnixa Petelia muro.
 „Quin ubi transmissae steterint trans aequora classes,
 „Et positis aris iam vota in litore solves;
 „Purpureo velare comas adopertus amictu, 405
 „Ne qua inter sanctos ignes in honore deorum
 „Hostilis facies occurrat et omina turbet.
 „Hunc socii morem sacrorum, hunc ipse teneto;
 „Hac casti maneant in religione nepotes.
 „Ast ubi digressum Siculae te admoverit orae 410
 „Ventus, et angusti rarescent claustra Pelori;
 „Laeva tibi tellus et longo laeva petantur
 „Aequora circuitu, dextrum fuge litus et undas.
 „Haec loca vi quondam et vasta convulsa ruina-
 „Tantum aevi longinqua valet mutare vetustas- 415
 „Dissiluisse ferunt: quum protenus utraque tellus
 „Una foret; venit medio vi pontus, et undis
 „Hesperium Siculo latus abscidit, arvaeque et urbes
 „Litore diductas angusto interluit aestu.
 „Dextrum Scylla latus, laevum implacata Charybdis 420
 „Obsidet; atque imo barathri ter gurgite vastos
 „Sorbet in abruptum fluctus, rursusque sub auras
 „Erigit alternos et sidera verberat unda.
 „At Scyllam caecis cohibet spelunca latebris,
 „Ora exsertantem et naves in saxa trahentem: 425
 „Prima hominis facies et pulchro pectore virgo
 „Pube tenus; postrema immani corpore pistrix,
 „Delphinum caudas utero commissa luporum.
 „Praestat Trinacrii metas lustrare Pachyni
 „Cessantem, longos et circumflectere cursus, 430

„Quam semel informem vasto vidisse sub antro
 „Scyllam et caeruleis canibus resonantia saxa.
 „Praeterea, si qua est Heleno prudentia, vati
 „Si qua fides, animum si veris implet Apollo,
 „Unum illud tibi, nate dea, proque omnibus unum 435
 „Praedicam et repetens iterumque iterumque monebo:
 „Iunonis magnae primum prece numen adora;
 „Iunoni cane vota libens, dominamque potentem
 „Supplicibus supera donis: sic denique victor
 „Trinacria fines Italos mittere relictas. 440
 „Huc ubi delatus Cumaeam accesseris urbem
 „Divinosque lacus et Averno sonantia silvis;
 „Insanam vatem adspicies, quae rupe sub ima
 „Fata canit, foliisque notas et nomina mandat.
 „Quaecumque in foliis descripsit carmina virgo, 445
 „Digerit in numerum, atque antro seclusa relinquit;
 „Illa manent immota locis, neque ab ordine cedunt.
 „Verum eadem, verso tenuis quum cardine ventus
 „Impulit et teneras turbavit ianua frondes,
 „Numquam deinde cavo volitantia prendere saxo, 450
 „Nec revocare situs aut jungere carmina curat;
 „Inconsulti abeunt, sedemque odere Sibyllae.
 „Hic tibi ne qua morae fuerint dispendia tanti-
 „Quamvis increpitent socii, et vi cursus in altum
 „Vela vocet possisque sinus implere secundos-, 455
 „Quin adeas vatem, precibusque oracula poscas
 „Ipsa canat, vocemque volens atque ora resolvat.
 „Illa tibi Italiae populos venturaque bella,
 „Et quo quemque modo fugiasque ferasque laborem,
 „Expediet, cursusque dabit venerata secundos. 460
 „Haec sunt, quae nostra liceat te voce moneri.
 „Vade age, et ingentem factis fer ad aethera Troiam.“
 Quae postquam vates sic ore effatus amico est,
 Dona dehinc auro gravia sectoque elephanto
 Imperat ad naves ferri, stipatque carinis 465
 Ingens argentum Dodonaeosque lebetas,
 Loricam consertam hamis auroque trilicem,
 Et conum insignis galeae cristasque comantes,

Arma Neoptolemi. Sunt et sua dona parenti.

Addit equos, additque duces; 470

Remigium supplet; socios simul instruit armis.

Interea classem velis aptare iubebat

Anchises, fieret vento mora ne qua ferenti.

Quem Phoebi interpretes multo compellat honore:

„Coniugio Anchisa Veneris dignate superbo, 475

„Cura deum, bis Pergameis erepte ruinis,

„Ecce tibi Ausoniae tellus: hanc arripe velis.

„Et tamen hanc pelago praeterlabare necesse est:

„Ausoniae pars illa procul, quam pandit Apollo.

„Vade,“ ait „o felix nati pietate! Quid ultra 480

„Provehor, et fando surgentes demoror austros?“

Nec minus Andromache, digressu maesta supremo,

Fert picturatas auri subtemine vestes

Et Phrygiam Ascanio chlamydem, nec cedit honori,

Textilibusque onerat donis, ac talia fatur: 485

„Accipe, et haec, manuum tibi quae monumenta mearum

„Sint, puer, et longum Andromachae testentur amorem,

„Coniugis Hectoreae, cape dona extrema tuorum,

„O mihi sola mei super Astyanactis imago.

„Sic oculos, sic ille manus, sic ora ferebat, 490

„Et nunc aequali tecum pubesceret aevo.“

Hos ego digrediens lacrimis affabor obortis:

„Vivite felices, quibus est fortuna peracta

„Iam sua! Nos alia ex aliis in fata vocamur;

„Vobis parta quies: nullum maris aequor arandum, 495

„Arva neque Ausoniae semper cedentia retro

„Quaerenda; effigiem Xanthi Troiamque videtis,

„Quam vestrae fecere manus, — melioribus, opto,

„Auspiciis, et quae fuerit minus obvia Graiis.

„Si quando Thybrim vicinaque Thybridis arva 500

„Intraro, gentique meae data moenia cernam;

„Cognatas urbes olim populosque propinquos,

„Epiro, Hesperia, quibus idem Dardanus auctor

„Atque idem casus, unam faciemus utramque

„Troiam animis: maneat nostros ea cura nepotes.“ 505

Provehimur pelago vicina Ceraunia iuxta,

Unde iter Italiam cursusque brevissimus undis.
 Sol ruit interea et montes umbrantur opaci.
 Sternimur optatae gremio telluris ad undam,
 Sortiti remos, passimque in litore sicco 510
 Corpora curamus; fessos sopor irrigat artus.
 Necdum orbem medium nox horis acta subibat:
 Haud segnis strato surgit Palinurus, et omnes
 Explorat ventos, atque auribus aëra captat;
 Sidera cuncta notat tacito labentia coelo, 515
 Arcturum pluviasque Hyadas geminosque Triones,
 Armatumque auro circumspicit Oriona.
 Postquam cuncta videt coelo constare sereno,
 Dat clarum e puppi signum; nos castra movemus,
 Tentamusque viam et velorum pandimus alas. 520
 Iamque rubescebat stellis Aurora fugatis,
 Quum procul obscuros colles humilemque videmus
 Italiam. Italiam primus conclamat Achates,
 Italiam laeto socii clamore salutant.
 Tum pater Anchises magnum cratera corona 525
 Induit implevitque mero, divosque vocavit
 Stans celsa in puppi:
 „Di, maris et terrae tempestatumque potentes,
 „Ferte viam vento facilem, et spirate secundi.“
 Crebrescunt optatae aerae, portusque patescit 530
 Iam propior, templumque apparet in arce Minervae.
 Vela legunt socii, et proras ad litora torquent.
 Portus ab Euroo fluctu curvatus in arcum:
 Obiectae salsa spumant adspargine cautes,
 Ipse latet, gemino demittunt brachia muro 535
 Turriti scopuli, refugitque ab litore templum.
 Quatuor hie, primum omen, equos in gramine vidi
 Tondentes campum late, candore nivali.
 Et pater Anchises: „Bellum, o terra hospita, portas:
 „Bello armantur equi, bellum haec armenta minantur. 540
 „Sed tamen idem olim curru succedere sueti
 „Quadrupedes, et frena iugo concordia ferre,
 „Spes et pacis,” ait. Tum numina sancta precamur
 Palladis armisonae, quae prima accepit ovantes,



Et capita ante aras Phrygio velamur amictu; 545
 Praeceptisque Heleni, dederat quae maxima, rite
 Iunoni Argivae iussos adolemus honores.
 Haud mora: continuo perfectis ordine votis,
 Cornua velatarum obvertimus antennarum,
 Graiugenûmque domos suspectaque linquimus arva. 550
 Hinc sinus Herculei, si vera est fama, Tarenti
 Cernitur; attollit se diva Lacinia contra,
 Caulonisque arces et navifragum Scylaceum.
 Tum procul e fluctu Trinacria cernitur Aetna;
 Et gemitum ingentem pelagi pulsataque saxa 555
 Audimus longe, fractasque ad litora voces;
 Exsultantque vada, atque aestu miscentur arenae.
 Et pater Anchises: „Nimirum haec illa Charybdis;
 „Hos Helenus scopulos, haec saxa horrenda canebat:
 „Eripite, o socii, pariterque insurgite remis!“ 560
 Haud minus ac iussi faciunt; primusque rudentem
 Contorsit laevas proram Palinurus ad undas;
 Laevam cuncta cohors remis ventisque petivit.
 Tollimur in coelum curvato gurgite, et îdem
 Subducta ad Manes imos desedimus undâ; 565
 Ter scopuli clamorem inter cava saxa dedere,
 Ter spumam elisam et rorantia vidimus astra.
 Interea fessos ventus cum sole reliquit,
 Ignarique viae Cyclopum allabimur oris.
 Portus ab accessu ventorum immotus et ingens 570
 Ipse; sed horrificis iuxta tōnat Aetna ruinis:
 Interdumque atram prorumpit ad aethera nubem,
 Turbine fumantem piceo et candente favilla,
 Attollitque globos flammarum, et sidera lambit;
 Interdum scopulos avulsaque viscera montis 575
 Erigit eructans, liquefactaque saxa sub auras
 Cum gemitu glomerat, fundoque exaestuat imo.
 Fama est, Enceladi semiustum fulmine corpus
 Urgeri mole hac, ingentemque insuper Aetnam
 Impositam ruptis flammam exspirare caninis, 580
 Et, fessum quoties mutet latus, intremere omnem
Murmure Trinacriam et coelum subtexere fumo.

Noctem illam tecti silvis immania monstra
 Perferimus, nec, quae sonitum det causa, videmus:
 Nam neque erant astrorum ignes, nec lucidus aethra 585
 Siderea polus, obscuro sed nubila coelo,
 Et lunam in nimbo nox intempesta tenebat.
 Postera iamque dies primo surgebat Eoo,
 Humentemque Aurora polo dimoverat umbram:
 Quum subito e silvis, macie confecta suprema, 590
 Ignoti nova forma viri miserandaque cultu
 Procedit, supplexque manus ad litora tendit.
 Respicimus. Dira illuvies immissaque barba,
 Consertum tegumen spinis; at cetera Graius
 Et quondam patriis ad Troiam missus in armis. 595
 Isque ubi Dardanios habitus et Troia vidit
 Arma procul: paullum adspectu conterritus haesit,
 Continuitque gradum; mox sese ad litora praeceps
 Cum fletu precibusque tulit: „Per sidera testor,
 „Per superos atque hoc coeli spirabile lumen, 600
 „Tollite me, Teucri! quascumque abducite terras:
 „Hoc sat erit. Scio me Danais e classibus unum,
 „Et bello Iliacos fateor petiisse Penates.
 „Pro quo, si sceleris tanta est iniuria nostri,
 „Spargite me in fluctus vastoque immergite ponto: 605
 „Si pereo, hominum manibus periisse iuvabit.“
 Dixerat, et genua amplexus genibusque volutans
 Haerebat. Qui sit, fari, quo sanguine cretus,
 Hortamur; quae deinde agitet fortuna fateri.
 Ipse pater dextram Anchises, haud multa moratus, 610
 Dat iuveni, atque animum praesenti pignore firmat.
 Ille haec, deposita tandem formidine, fatur:
 „Sum patria ex Ithaca, comes infelicis Ulixi,
 „Nomen Achemenides, Troiam, genitore Adamasto
 „Paupere-mansissetque utinam fortuna! -, profectus. 615
 „Hic me, dum trepidi crudelia limina linquunt,
 „Immemores socii vasto Cyclopi in antro
 „Deseruere. Domus sanie dapibusque cruentis,
 „Intus opaca, ingens. Ipse arduus, altaque pulsat
 „Sidera-di, talem terris avertite pestem! -, 620

„Nec visu facilis nec dictu affabilis ulli.
 „Visceribus miserorum et sanguine vescitur atro.
 „Vidi egomet, duo de numero quum corpora nostro
 „Prensa manu magna medio resupinus in antro
 „Frangeret ad saxum, sanieque exspersa natarent 625
 „Limina; vidi, atro quum membra fluentia tabo
 „Manderet, et tepidi tremarent sub dentibus artus.
 „Haud impune quidem; nec talia passus Ulixes,
 „Oblitusve sui est Ithacus discrimine tanto.
 „Nam simul, expletus dapibus vinoque sepultus, 630
 „Cervicem inflexam posuit, iacuitque per antrum
 „Immensus, saniem eructans et frusta cruento
 „Per somnum commixta mero; nos, magna precati
 „Numina sortitique vices, una undique circum
 „Fundimur, et telo lumen terebramus acuto, 635
 „Ingens, quod torva solum sub fronte latebat,
 „Argolici clipei aut Phoebeae lampadis instar,
 „Et tandem laeti sociorum ulciscimur umbras.
 „Sed fugite, o miseri, fugite, atque ab litore funem
 „Rumpite: 640
 „Nam, qualis quantusque cavo Polyphemus in antro
 „Lanigeras claudit pecudes atque ubera pressat,
 „Centum alii curva haec habitant ad litora vulgo
 „Infandi Cyclopes et altis montibus errant.
 „Tertia iam Lunae se cornua lumine complent, 645
 „Quum vitam in silvis inter deserta ferarum
 „Lustra domosque traho, vastosque ab rupe Cyclopas
 „Prospicio, sonitumque pedum vocemque tremisco.
 „Victum infelicem, baccas lapidosaque corna,
 „Dant rami, et vulsis pascunt radicibus herbae. 650
 „Omnia collustrans, hanc primum ad litora classem
 „Conspexi venientem; huic me, quaecumque fuisset,
 „Addixi: satis est gentem effugisse nefandam.
 „Vos animam hanc potius quocumque absumite leto.“
 Vix ea fatus erat, summo quum monte videmus 655
 Ipsum inter pecudes vasta se mole moventem
 Pastorem Polyphemum et litora nota petentem, [tum.
 Monstrum horrendum, informe, ingens, cui lumen adem-

Trunca manu pinus regit et vestigia firmat;
 Lanigeræ comitantur oves: ea sola voluptas, 660
 Solamenque mali.
 Postquam altos tetigit fluctus et ad aequora venit;
 Luminis effossi fluidum lavit inde cruorem,
 Dentibus infrendens gemitu, graditurque per aequor
 Iam medium: necdum fluctus latera ardua tinxit. 665
 Nos procul inde fugam trepidi celerare, recepto
 Supplice sic merito, tacitæque incidere funem;
 Verrimus et proni certantibus aequora remis.
 Sensit et ad sonitum vocis vestigia torsit.
 Verum ubi nulla datur dextra affectare potestas, 670
 Nec potis Ionios fluctus aequare sequendo;
 Clamorem immensum tollit, quo pontus et omnes
 Intremuere undae, penitusque exterrita tellus
 Italiae, curvisque immugiit Aetna cavernis.
 At genus e silvis Cyclopum et montibus altis 675
 Excitum ruit ad portus, et litora complent.
 Cernimus adstantes nequidquam lumine torvo
 Aetnaeos fratres, coelo capita alta ferentes,
 Concilium horrendum: quales quum vertice celso
 Aëriæ quercus aut coniferae cyparissi 680
 Constiterunt, silva alta Iovis lucusve Dianae.
 Praecipites metus acer agit, quocumque rudentes
 Excutere et ventis intendere vela secundis;
 [Contra iussa monent Heleni, Scyllam atque Charybdim]
 [Inter utramque viam leti discrimine parvo,] 685
 [Ni teneant cursus. Certum est dare lintea retro.]
 Ecce autem Boreas angusta ab sede Pelori
 Missus adest. Vivo praetervehor ostia saxo
 Pantagiae Megarosque sinus Thapsumque iacentem.
 Talia monstrabat relegens errata retrorsus 690
 Litora Achemenides, comes infelicis Ulixi.
 Sicanio praetenta sinu iacet insula contra
 Plemvrium undosum; nomen dixere priores
 Ortygiam. Alpheum fama est huc Elidis amnem
 Occultas egisse vias subter mare, qui nunc 695
 Ore, Arethusa, tuo Siculis confunditur undis.

Iussi numina magna loci veneramur, et inde
 Exsupero praepingue solum stagnantis Helori.
 Hinc altas cautes proiectaque saxa Pachyni
 Radimus; et fatis numquam concessa moveri 700
 Apparet Camarina procul, campique Geloi,
 Immanisque Gela fluvii cognomine dicta.
 Arduus inde Acragas ostentat maxima longe
 Moenia, magnanimùm quondam generator equorum;
 Teque datis linquo ventis, palmosa Selinus, 705
 Et vada dura lego saxis Lilybeïa caecis.
 Hinc Drepani me portus et illaetabilis ora
 Accipit. Hic, pelagi tot tempestatibus actus,
 Heu genitorem, omnis curae casusque levamen,
 Amitto Anchisen. Hic me, pater optime, fessum 710
 Deseris, heu, tantis nequidquam erepte periclis!
 Nec vates Helenus, quum multa horrenda moneret,
 Hos mihi praedixit luctus, non dira Celaeno.
 Hic labor extremus, longarum haec meta viarum.
 Hinc me digressum vestris deus appulit oris. 715
 Sic pater Aeneas intentis omnibus unus
 Fata renarrabat divùm, cursusque docebat.
 Conticuit tandem, factoque hic fine quievit.

P. VIRGILII MARONIS
 A E N E I D O S
 LIBER QUARTUS.

At regina gravi iam dudum saucia cura
 Vulnus alit venis, et caeco carpitur igni.
 Multa viri virtus animo, multusque recursat
 Gentis honos; haerent infixi pectore vultus
 Verbaque, nec placidam membris dat cura quietem. 5
 Postera Phoebea lustrabat lampade terras
 Humentemque Aurora polo dimoverat umbram,
 Quum sic unanimam alloquitur male sana sororem:
 „Anna soror, quae me suspensam insomnia terrent?

- „Quis novus hic nostris successit sedibus hospes? 10
 „Quem sese ore ferens! quam forti pectore et armis!
 „Credo equidem, nec vana fides, genus esse deorum:
 „Degeneres animos timor arguit. Heu, quibus ille
 „lactatus fatis! quae bella exhausta canebat!
 „Si mihi non animo fixum immotumque sederet, 15
 „Ne cui me vinclo vellem sociare iugali,
 „Postquam primus amor deceptam morte fefellit;
 „Si non pertaesum thalami taedaeque fuisset:
 „Huic uni forsán potui succumbere culpae.
 „Anna-fatebor enim-, miseri post fata Sychaei 20
 „Coniugis et sparsos fraterna caede Penates
 „Solutus hic inflexit sensus, animumque labantem
 „Impulit: agnosco veteris vestigia flammae.
 „Sed mihi vel tellus optem prius ima dehiscat,
 „Vel pater omnipotens adigat me fulmine ad umbras, 25
 „Pallentes umbras Erebi noctemque profundam,
 „Ante, Pudor, quam te violó aut tua iura resolvo.
 „Ille meos, primus qui me sibi iunxit, amores
 „Abstulit: ille habeat secum servetque sepulcro.“
 Sic effata, sinum lacrimis implevit obortis. 30
 Anna refert: „O luce magis dilecta sorori,
 „Solane perpetua maerens carpere iuventa,
 „Nec dulces natos, Veneris nec praemia noris?
 „Id cinerem aut Manes credis curare sepultos?
 „Esto: aegram nulli quondam flexere mariti, 35
 „Non Libyae, non ante Tyro; despectus Iarbas
 „Ductoresque alii, quos Africa terra triumphis
 „Dives alit: placitone etiam pugnabis amorí?
 „Nec venit in mentem, quorum consederis arvis?
 „Hinc Gaetulae urbes, genus insuperabile bello, 40
 „Et Numidae infreni cingunt et inhospita Syrtis;
 „Hinc deserta siti regio, lateque furentes
 „Barcaeí. Quid bella Tyro surgentia dicam,
 „Germanique minas?
 „Dis equidem auspiciis reor et Iunone secunda 45
 „Hunc cursum Iliacas vento tenuisse carinas.
 „Quam tu urbem, soror, hanc cernes, quae surgere regna

„Coniugio tali! Teucrûm comitantibus armis,
 „Punica se quantis attollet gloria rebus!
 „Tu modo posce deos veniam, sacrisque litatis. 50
 „Indulge hospitio, causasque innecte morandi,
 „Dum pelago desaevit hiems et aquosus Orion,
 „Quassataeque rates, dum non tractabile coelum.“
 His dictis incensum animum inflammavit amore,
 Spemque dedit dubiae menti, solvitque pudorem. 55
 Principio delubra adeunt, pacemque per aras
 Exquirunt; mactant lectas de more bidentes
 Legiferae Cereri Phoeboque patrique Lyaeo,
 Iunoni ante omnes, cui vincla iugalia curae.
 Ipsa tenens dextra pateram pulcherrima Dido 60
 Candentis vaccae media inter cornua fundit,
 Aut ante ora deûm pingues spatiat ad aras,
 Instauratque diem donis, pecudumque reclusis
 Pectoribus inhians spirantia consulit exta.
 Heu vatum ignarae mentes! quid vota furentem, 65
 Quid delubra iuvant? Est mollis flamma medullas
 Interea, et tacitum vivit sub pectore vulnus.
 Uritur infelix Dido totaque vagatur
 Urbe furens, qualis coniecta cerva sagitta,
 Quam procul incautam nemora inter Cresia fixit 70
 Pastor agens telis, liquitque volatile ferrum
 Nescius; illa fuga silvas saltusque peragrat
 Dictaeos, haeret lateri letalis arundo.
 Nunc media Aenean secum per moenia ducit,
 Sidoniasque ostentat opes urbemque paratam, 75
 Incipit effari mediaque in voce resistit;
 Nunc eadem labente die convivia quaerit,
 Iliacosque iterum demens audire labores
 Exposcit, pendetque iterum narrantis ab ore.
 Post, ubi digressi, lumenque obscura vicissim 80
 Luna premit suadentque cadentia sidera somnos,
 Sola domo maeret vacua, stratisque relictis
 Incubat. Illum absens absentem auditque videtque;
 Aut gremio Ascanium, genitoris imagine capta,
 Detinet, infandum si fallere possit amorem. 85

Non coeptae assurgunt turre, non arma iuventus
 Exercet, portusve aut propugnacula bello
 Tuta parant; pendent opera interrupta minaeque
 Murorum ingentes aequataque machina coelo.

Quam simul ac tali persensit peste teneri 90
 Cara Iovis coniux, nec famam obstare furori;
 Talibus aggreditur Venerem Saturnia dictis:
 „Egregiam verò laudem et spolia ampla refertis
 „Tuque puerque tuus; magnum et memorabile numen
 „Una dolo divum si femina victa duorum est. 95
 „Nec me adeo fallit, veritam te moenia nostra,
 „Suspectas habuisse domos Carthagini altae.
 „Sed quis erit modus, aut quo nunc certamine tanto?
 „Quin potius pacem aeternam pactosque Hymenaeos
 „Exercemus? Habes, tota quod mente petisti: 100
 „Ardet amans Dido traxitque per ossa furorem.
 „Communem hunc ergo populum paribusque regamus
 „Auspiciis; liceat Phrygio servire marito,
 „Dotaesque tuae Tyrios permittere dextrae“.
 Olli-sensit enim simulata mente locutam, 105
 Quo regnum Italiae Libycas averteret oras.
 Sic contra est ingressa Venus: „Quis talia demens
 „Abnuat, aut tecum malit contendere bello?
 „Si modo, quod memoras, factum fortuna sequatur.
 „Sed fatis incerta feror, si Iupiter unam 110
 „Esse velit Tyriis urbem Troiaque profectis,
 „Miserive probet populos, aut foedera iungi.
 „Tu coniux: tibi fas animum tentare precando.
 „Perge; sequar.“ Tum sic excepit regia Iuno:
 „Mecum erit iste labor. Nunc qua ratione, quod instat, 115
 „Conferi possit, paucis-adverte-docebo.
 „Venatum Aeneas unaque miserrima Dido
 „In nemus ire parant, ubi primos crastinus ortus
 „Extulerit Titan radiisque retexerit orbem:
 „His ego nigrantem commixta grandine nimbum, 120
 „Dum trepidant alae saltusque indagine cingunt,
 „Desuper infundam, et tonitru coelum omne ciebo.
 „Diffugient comites, et nocte tegentur opaca;

„Speluncam Dido dux et Troianus eandem
 „Devenient. Adero et, tua si mihi certa voluntas, 125
 „Connubio iungam stabili propriamque dicabo:
 „Hic Hymenaeus erit.“ Non adversata petenti
 Annuit, atque dolis risit Cytherea repertis.

Oceanum interea surgens Aurora relinquit.
 It portis, iubare exorto, delecta iuventus; 130
 Retia rara, lagae, lato venabula ferro,
 Massylique ruunt equites et odora canum vis.
 Reginam thalamo cunctantem ad limina primi
 Poenorum expectant; ostroque insignis et auro
 Stat sonipes ac frena ferox spumantia mandit. 135
 Tandem progreditur, magna stipante caterva,
 Sidoniam picto chlamydem circumdata limbo:
 Cui pharetra ex auro, crines nodantur in aurum,
 Aurea purpuream subnectit fibula vestem.
 Nec non et Phrygii comites et laetus Iulus 140
 Incedunt; ipse ante alios pulcherrimus omnes
 Infert se socium Aeneas atque agmina iungit.
 Qualis ubi hibernam Lyciam Xanthique fluenta
 Deserit ac Delum maternam invisit Apollo,
 Instauratque choros, mixtique altaria circum 145
 Cretesque Dryopesque fremunt pictique Agathyrsi;
 Ipse iugis Cynthi graditur, mollique fluentem
 Fronde premit crinem fingens atque implicat auro,
 Tela sonant humeris: haud illo segnior ibat
 Aeneas; tantum egregio decus enitet ore. 150
 Postquam altos ventum in montes atque invia lustra,
 Ecce ferae, saxi deiectae vertice, caprae
 Decurrere iugis; alia de parte patentes
 Transmittunt cursu campos atque agmina cervi
 Pulverulenta fuga glomerant, montesque relinquunt. 155
 At puer Ascanius mediis in vallibus acri
 Gaudet equo, iamque hos cursu, iam praeterit illos,
 Spumantemque dari pecora inter inertia votis
 Optat aprum, aut fulvum descendere monte leonem.
 Interea magno misceri murmure coelum 160
Incipit; insequitur commixta grandine nimbus:

Et Tyrii comites passim et Troiana iuventus
 Dardaniusque nepos Veneris diversa per agros
 Tecta metu petiere; ruunt de montibus amnes.
 Speluncam Dido dux et Troianus eandem 165
 Deveniunt. Prima et Tellus et pronuba Iuno
 Dant signum; fulsere ignes et conscius aether
 Connubiis, summoque ulularunt vertice Nymphae.
 Ille dies primus leti primusque malorum
 Causa fuit: neque enim specie famave movetur, 170
 Nec iam furtivum Dido meditatur amorem;
 Coniugium vocat: hoc praetexit nomine culpam.
 Extemplo Libyae magnas it Fama per urbes,
 Fama malum, qua non aliud velocius ullum
 Mobilitate viget, viresque acquirit eundo: 175
 Parva metu primo, mox sese attollit in auras,
 Ingrediturque solo et caput inter nubila condit.
 Illam Terra parens, ira irritata deorum,
 Extremam, ut perhibent, Coeo Enceladoque sororem
 Progeniit pedibus celerem et pernicipibus alis, 180
 Monstrum horrendum, ingens, cui, quot sunt corpore plu-
 Tot vigiles oculi subter-mirabile dictu-, [mae,
 Tot linguae, totidem ora sonant, tot subrigit aures.
 Nocte volat coeli medio terraeque per umbram
 Stridens, nec dulci declinat lumina somno; 185
 Luce sedet custos aut summi culmine tecti,
 Turribus aut altis, et magnas territat urbes,
 Tam ficti pravique tenax quam nuntia veri.
 Haec tum multiplici populos sermone replebat
 Gaudens, et pariter facta atque infecta canebat: 190
 Venisse Aenean, Troiano sanguine cretum,
 Cui se pulchra viro dignetur iungere Dido;
 Nunc hiemem inter se luxu, quam longa, fovere,
 Regnorum immemores turpique cupidine captos.
 Haec passim dea foeda virum diffundit in ora. 195
 Protenus ad regem cursus detorquet Iarban,
 Incenditque animum dictis atque aggerat iras.
 Hic Ammone satus, rapta Garamantide Nympha,
Templa Iovi centum latis immania regnis

Centum aras posuit; vigilemque sacraverat ignem, 200
 Excubias divum aeternas; pecudumque cruore
 Pingue solum et variis florentia lumina sertis.
 Isque amens animi et rumore accensus amaro
 Dicitur ante aras media inter numina divum
 Multa Iovem manibus supplex orasse supinis: 205
 „Iupiter omnipotens, cui nunc Maurusia pictis
 „Gens epulata toris Lenaeum libat honorem,
 „Adspicis haec? an te, genitor, quum fulmina torques,
 „Nequidquam horremus, caecique in nubibus ignes
 „Terrificant animos et inania murmura miscent? 210
 „Femina, quae nostris errans in finibus urbem
 „Exiguam pretio posuit, cui litus arandum,
 „Cuique loci leges dedimus, connubia nostra
 „Repulit, ac dominum Aenean in regna recepit.
 „Et nunc ille Paris cum semiviro comitatu, 215
 „Maeonia mentum mitra crinemque madentem
 „Subnixus, raptu potitur; nos munera templis
 „Quippe tuis ferimus, famamque fovemus inanem!“
 Talibus orantem dictis arasque tenentem.
 Audiit omnipotens, oculosque ad moenia torsit 220
 Regia et oblitos famae melioris amantes.
 Tum sic Mercurium alloquitur ac talia mandat:
 „Vade age, nate, voca Zephyros et labere pennis,
 „Dardaniumque ducem, Tyria Carthagine qui nunc
 „Exspectat fatisque datas non respicit urbes, 225
 „Alloquere, et celeres defer mea dicta per auras.
 „Non illum nobis genetrix pulcherrima talem
 „Promisit, Graiumque ideo bis vindicat armis;
 „Sed fore, qui gravidam imperiis belloque frementem
 „Italiam regeret, genus alto a sanguine Teucri 230
 „Proderet, ac totum sub leges mitteret orbem.
 „Si nulla accendit tantarum gloria rerum,
 „Nec super ipse sua molitur laude laborem;
 „Ascanione pater Romanas invidet arces?
 „Quid struit, aut qua spe inimica in gente moratur, 235
 „Nec prolem Ausoniam et Lavinia respicit arva?
 „Naviget! Haec summa est; hic nostri nuntius esto.“

Dixerat; ille patris magni parere parabat
 Imperio, et primum pedibus talaria nectit
 Aurea, quae sublimem alis, sive aequora supra, 240
 Seu terram, rapido pariter cum flamine portant,
 Tum virgam capit-hac animas ille evocat Orco
 Pallentes, alias sub Tartara tristia mittit,
 Dat somnos adimitque, et lumina morte resignat-
 Illa fretus agit ventos, et turbida tranat 245
 Nubila. Iamque volans apicem et latera ardua cernit
 Atlantis duri, coelum qui vertice fulcit,
 Atlantis, cinctum assidue cui nubibus atris
 Piniferum caput et vento pulsatur et imbri,
 Nix humeros infusa tegit: tum flumina mento 250
 Praecipitant senis, et glacie riget horrida barba.
 Hic primum paribus nitens Cyllenius alis
 Constitit; hinc toto praeceps se corpore ad undas
 Misit, avi similis, quae circum litora, circum
 Piscosos scopulos humilis volat aequora iuxta. 255
 Haud aliter terras inter coelumque volabat
 Litus arenosum ad Libyae, ventosque secabat
 Materno veniens ab avo Cyllenia proles.
 Ut primum alatis tetigit magalia plantis;
 Aenean fundantem arces ac tecta novantem 260
 Conspicit: atque illi stellatus iaspide fulva
 Ensis erat, Tyrioque ardebat murice laena
 Demissa ex humeris, dives quae munera Dido
 Fecerat et tenui telas discreverat auro-
 Continuo invadit: „Tu nunc Carthaginis altae 265
 „Fundamenta locas, pulchramque uxorius urbem
 „Exstruis, heu regni rerumque oblite tuarum?
 „Ipse deum tibi me claro demittit Olympo
 „Regnator, coelum et terras qui numine torquet;
 „Ipse haec ferre iubet celeres mandata per auras: 270
 „Quid struis, aut qua spe Libycis teris otia terris?
 „Si te nulla movet tantarum gloria rerum,
 „Nec super ipse tua moliris laude laborem;
 „Ascanium surgentem et spes heredis Iuli
 „Respice, cui regnum Italiae Romanaque tellus 275

„Debentur.“ Tali Cyllenius ore locutus
 Mortales visus medio sermone reliquit,
 Et procul in tenuem ex oculis evanuit auram.
 At vero Aeneas adspectu obmutuit amens,
 Arrectaeque horrore comae, et vox faucibus haesit. 280
 Ardet abire, fuga dulcesque relinquere terras,
 Attonitus tanto monitu imperioque deorum.
 Heu quid agat? quo nunc reginam ambire furem
 Audeat affatu? quae prima exordia sumat?
 Atque animum nunc huc celerem, nunc dividit illuc, 285
 In partesque rapit varias, perque omnia versat.
 Haec alternanti potior sententia visa est:
 Mnesthea Sergestumque vocat fortemque Serestum:
 Classem aptent taciti sociosque ad litora cogant,
 Arma parent et, quae rebus sit causa novandis, 290
 Dissimulent; sese interea, quando optima Dido
 Nesciat et tantos rumpi non speret amores,
 Tentaturum aditus et, quae mollissima fandi
 Tempora, quis rebus dexter modus. Ocius omnes
 Imperio laeti parent ac iussa facessunt. 295

At regina dolos - quis fallere possit amantem? -
 Praesensit, motusque excepit prima futuros,
 Omnia tuta timens: eadem impia Fama furenti
 Detulit, armari classem cursumque parari.
 Saevit inops animi, totamque incensa per urbem 300
 Bacchatur, qualis commotis excita sacris
 Thyias, ubi audito stimulant trieterica Baccho
 Orgia nocturnusque vocat clamore Cithaeron.
 Tandem his Aenean compellat vocibus ultro:
 „Dissimulare etiam sperasti, perfide, tantum 305
 „Posse nefas, tacitusque mea decedere terra;
 „Nec te noster amor, nec te data dextera quondam,
 „Nec moritura tenet crudeli funere Dido?
 „Quin etiam hiberno moliris sidere classem,
 „Et mediis properas Aquilonibus ire per altum, 310
 „Crudelis? Quid, si non arva aliena domosque
 „Ignotas peteres, et Troia antiqua maneret,
 „Troia per undosum peteretur classibus aequor?

„Mene fugis? Per ego has lacrimas dextramque tuam te-
„Quando aliud mihi iam miserae nihil ipsa reliqui-, 315
„Per connubia nostra, per inceptos Hymenæeos,
„Si bene quid de te merui, fuit aut tibi quidquam
„Dulce meum, miserere domus labentis et istam,
„Oro, si quis adhuc precibus locus, exue mentem.
„Te propter Libycae gentes Nomadumque tyranni 320
„Odere, infensi Tyrii; te propter eundem
„Exstinctus pudor et, qua sola sidera adibam,
„Fama prior. Cui me moribundam deseris, hospes,
„Hoc solum nomen quoniam de coniuge restat?
„Quid moror? an, mea Pygmalion dum moenia frater 325
„Destruat, aut captam ducat Gaetulus Iarbas?
„Saltem si qua mihi de te suscepta fuisset
„Ante fugam suboles, si quis mihi parvulus aula
„Luderet Aeneas, qui te tamen ore referret;
„Non equidem omnino capta ac deserta viderer.“ 330
Dixerat; ille Iovis monitis immota tenebat
Lumina, et obnixus curam sub corde premebat.
Tandem pauca refert: „Ego te, quae plurima fando
„Enumerare vales, numquam, regina, negabo
„Promeritam, nec me meminisse pigebit Elissae, 335
„Dum memor ipse mei, dum spiritus hos regit artus.
„Pro re pauca loquar. Neque ego hanc abscondere furto
„Speravi - ne finge - fugam, nec coniugis umquam
„Praetendi taedas, aut haec in foedera veni.
„Me si fata meis paterentur ducere vitam 340
„Auspiciis et sponte mea componere curas;
„Urbem Troianam primum dulcesque meorum
„Reliquias colerem, Priami tecta alta manerent,
„Et recidiva manu posuissem Pergama victis.
„Sed nunc Italiam magnam Gryneus Apollo, 345
„Italiam Lyciae iussere capessere sortes:
„Hic amor, haec patria est. Si te Carthaginis arces,
„Phoenissam, Libycaeque adspectus detinet urbis:
„Quae tandem, Ausonia Teucros considerare terra,
„Invidia est? Et nos fas extera quaerere regna. 350
„*Me patris Anchisae, quoties humentibus umbris*

„Nox operit terras, quoties astra ignea surgunt,
 „Admonet in somnis et turbida terret imago;
 „Me puer Ascanius capitisque iniuria cari,
 „Quem regno Hesperiae fraudo et fatalibus arvis. 355
 „Nunc etiam interpret divum, Iove missus ab ipso -
 „Testor utrumque caput-, celeres mandata per auras
 „Detulit: ipse deum manifesto in lumine vidi
 „Intrantem muros, vocemque his auribus hausi.
 „Desine meque tuis incendere teque querelis: 360
 „Italiam non sponte sequor.“
 Talia dicentem iamdudum aversa tuetur,
 Huc illuc volvens oculos, totumque pererrat
 Luminibus tacitis, et sic accensa profatur:
 „Nec tibi diva parens, generis nec Dardanus auctor, 365
 „Perfide; sed duris genuit te cautibus horrens
 „Caucasus, Hyrcanaeque admorunt ubera tigres.
 „Nam quid dissimulo, aut quae me ad maiora reservo?
 „Num fletu ingemuit nostro? num lumina flexit? 369
 „Num lacrimas victus dedit, aut miseratus amantem est?
 „Quae quibus anteferam? Iam iam nec maxima Iuno, 371
 „Nec Saturnius haec oculis pater adspicit aequis.
 „Nusquam tuta fides. Eiectum litore, egentem
 „Excepi et regni demens in parte locavi;
 „Amissam classem, socios a morte reduxi:- 375
 „Heu furiis incensa feror! - nunc augur Apollo,
 „Nunc Lyciae sortes, nunc et Iove missus ab ipso
 „Interpres divum fert horrida iussa per auras.
 „Scilicet is superis labor est, ea cura quietos
 „Sollicitat. Neque te teneo, neque dicta refello. 380
 „I, sequere Italiam ventis! pete regna per undas!
 „Spero equidem mediis, si quid pia numina possunt,
 „Supplicia hausurum scopulis, et nomine Dido
 „Saepe vocaturum. Sequar atris ignibus absens,
 „Et, quum frigida mors anima seduxerit artus, 385
 „Omnibus umbra locis adero. Dabis, improbe, poenas.
 „Audiam, et haec Manes veniet mihi fama sub imos.“
 His medium dictis sermonem abrumpit, et auras
 Aegra fugit, seque ex oculis avertit et aufert,

Linquens multa metu cunctantem et multa parantem 390
 Dicere. Suscipiunt famulae, collapsaque membra
 Marmoreo referunt thalamo stratisque reponunt.

At pius Aeneas, quamquam lenire dolentem
 Solando cupit et dictis avertere curas,
 Multa gemens magnoque animum labefactus amore, 395
 Iussa tamen divum exsequitur, classemque revisit.
 Tum vero Teucri incumbunt, et litore celsas
 Deducunt toto naves. Natat uncta carina,
 Frondentesque ferunt remos et robora silvis
 Infabricata, fugae studio. 400

Migrantes cernas totaque ex urbe ruentes,
 Ac velut ingentem formicae farris acervum
 Quum populant, hiemis memores, tectoque reponunt:
 It nigrum campis agmen praedamque per herbas
 Convectant calle angusto, pars grandia trudunt 405
 Obnixae frumenta humeris, pars agmina cogunt
 Castigantque moras; opere omnis semita fervet.
 Quis tibi tunc, Dido, cernenti talia sensus?
 Quosve dabas gemitus, quum litora fervere late
 Prospiceres arce ex summa, totumque videres 410
 Misceri ante oculos tantis clamoribus aequor?
 Improbe amor, quid non mortalia pectora cogis?
 Ire iterum in lacrimas, iterum tentare precando
 Cogitur et supplex animos submittere amanti,
 Ne quid inexpertum frustra moritura relinquat. 415

„Anna, vides toto properari litore? Circum
 „Undique convenere; vocat iam carbasus auras,
 „Puppibus et laeti nautae imposuere coronas.
 „Hunc ego si potui tantum sperare dolorem,
 „Et perferre, soror, potero. Miserae hoc tamen unum 420
 „Exsequere, Anna, mihi - solam nam perfidus ille
 „Te colere, arcanos etiam tibi credere sensus;
 „Sola viri molles aditus et tempora noras - :
 „I, soror, atque hostem supplex affare superbum.
 „Non ego cum Danaïs Troianam exscindere gentem 425
 „Aulide iuravi, classemve ad Pergama misi,
 „Nec patris Anchisae cinerem Manesve revelli:

1

2

3

4

„Cur mea dicta negat duras demittere in aures?
 „Quo ruit? Extremum hoc miserae det munus amanti:
 „Exspectet facilemque fugam ventosque ferentes. 430
 „Non iam coniugium antiquum, quod prodidit, oro,
 „Nec, pulchro ut Latio careat regnumque relinquat;
 „Tempus inane peto, requiem spatiumque furori,
 „Dum mea me victam doceat fortuna dolere.
 „Extremam hanc oro veniam - miserere sororis -; 435
 „Quam mihi quum dederis, cumulatam morte remittam.“
 Talibus orabat, talesque miserrima fletus
 Fertque refertque soror; sed nullis ille movetur
 Fletibus, aut voces ullas tractabilis audit:
 Fata obstant, placidasque viri deus obstruit aures. 440
 Ac velut annoso validam quum robore quercum
 Alpini Boreae nunc hinc nunc flatibus illinc
 Eruere inter se certant; it stridor et altae
 Consternunt terram concusso stipite frondes;
 Ipsa haeret scopulis et, quantum vertice ad auras 445
 Aetherias, tantum radice in Tartara tendit:
 Haud secus assiduis hinc atque hinc vocibus heros
 Tunditur, et magno persentit pectore curas;
 Mens immota manet, lacrimae volvuntur inanes.
 Tum vero infelix fatis exterrita Dido 450
 Mortem orat: taedet coeli convexa tueri.
 Quo magis inceptum peragat lucemque relinquat,
 Vidit, turicremis quum dona imponeret aris,-
 Horrendum dictu - latices nigrescere sacros,
 Fusaque in obscenum se vertere vina cruorem. 455
 Hoc visum nulli, non ipsi effata sorori.
 Praeterea fuit in tectis de marmore templum
 Coniugis antiqui, miro quod honore colebat,
 Velleribus niveis et festa fronde revinctum:
 Hinc exaudiri voces et verba vocantis 460
 Visa viri, nox quum terras obscura teneret;
 Solaque culminibus ferali carmine bubo
 Saepe queri et longas in fletum ducere voces.
 Multaque praeterea vatum praedicta priorum
 Terribili monitu horrificant. Agit ipse furem 465


In somnis ferus Aeneas, semperque relinqui
 Sola sibi, semper longam incomitata videtur
 Ire viam et Tyrios deserta quaerere terra:
 Eumenidum veluti demens videt agmina Pentheus,
 Et solem geminum et duplices se ostendere Thebas; 470
 Aut Agamemnonius scenis agitatus Orestes,
 Armatam facibus matrem et serpentibus atris
 Quum fugit, ultricesque sedent in limine Dirae.
 Ergo ubi concepit furias, evicta dolore,
 Decrevitque mori; tempus secum ipsa modumque 475
 Exigit et, maestam dictis aggressa sororem,
 Consilium vultu tegit ac spem fronte serenat:
 „Inveni, germana, viam - gratare sorori - ,
 „Quae mihi reddat eum, vel eo me solvat amantem.
 „Oceani finem iuxta solemque cadentem 480
 „Ultimus Aethiopum locus est, ubi maximus Atlas
 „Axem humero torquet stellis ardentibus aptum:
 „Hinc mihi Massylae gentis monstrata sacerdos,
 „Hesperidum templi custos, epulasque draconi
 „Quae dabat et sacros servabat in arbore ramos, 485
 „Spargens humida mella soporiferumque papaver.
 „Haec se carminibus promittit solvere mentes,
 „Quas velit, ast aliis duras immittere curas,
 „Sistere aquam fluviis et vertere sidera retro,
 „Nocturnosque ciet Manes; mugire videbis 490
 „Sub pedibus terram et descendere montibus ornos.
 „Testor, cara, deos et te, germana, tuumque
 „Dulce caput, magicas invitam accingier artes.
 „Tu secreta pyram tecto interiore sub auras
 „Erige, et arma viri, thalamo quae fixa reliquit 495
 „Impius, exuviasque omnes lectumque iugalem,
 „Quo perii, superimponas: abolere nefandi
 „Cuncta viri monumenta iuvat, monstratque sacerdos.“
 Haec effata silet, pallor simul occupat ora.
 Non tamen Anna novis praetexere funera sacris 500
 Germanam credit, nec tantos mente furores
 Concipit, aut graviora timet, quam morte Sychaei.
 Ergo iussa parat.

9

At regina, pyra penetrali in sede sub auras
 Erecta ingenti taedis atque ilice secta, 505
 Intenditque locum sertis et fronde coronat
 Funerea; super exuvias ensemque relictum
 Effigiemque toro locat, haud ignara futuri.
 Stant arae circum, et crines effusa sacerdos
 Ter centum tonat ore deos, Erebumque Chaosque 510
 Tergeminamque Hecaten, tria virginis ora Dianae.
 Sparserat et latices simulatos fontis Avernī;
 Falcibus et messae ad lunam quaeruntur aënis
 Pubentes herbae nigri cum lacte veneni;
 Quaeritur et nascentis equi de fronte revulsus 515
 Et matri praereptus amor.
 Ipsa mola manibusque piis altaria iuxta,
 Unum exuta pedem vinclis, in veste recincta,
 Testatur moritura deos et conscia fati
 Sidera; tum, si quod non aequo foedere amantes 520
 Curae numen habet iustumque memorque, precatur.
 Nox erat, et placidum carpebant fessa soporem
 Corpora per terras, silvaeque et saeva quierant
 Aequora, quum medio volvuntur sidera lapsu,
 Quum tacet omnis ager; pecudes pictaeque volucres, 525
 Quaeque lacus late liquidos, quaeque aspera dumis
 Rura tenent, somno positae sub nocte silenti,
 [Lenibant curas et corda oblita laborum.]
 At non infelix animi Phoenissa, nec umquam
 Solvitur in somnos, oculisve aut pectore noctem 530
 Accipit: ingeminant curae, rursusque resurgens
 Saevit amor magnoque irarum fluctuat aestu.
 Sic adeo insistit, secumque ita corde volutat:
 „En, quid ago? Rursusne procos irrisa priores
 „Experiar, Nomadumque petam connubia supplex, 535
 „Quos ego sim toties iam dedignata maritos? —
 „Iliacas igitur classes atque ultima Teucrūm
 „Iussa sequar? quiane auxilio iuvat ante levatos,
 „Et bene apud memores veteris stat gratia facti? —
 „Quis me autem-fac velle-sinet, ratibusque superbis 540
 „Invisam accipiet? nescis, heu, perdita, necdum

„Laomedonteae sentis periuria gentis?
 „Quid tum? Sola fuga nautas comitabor ovantes,
 „An Tyriis omnique manu stipata meorum
 „Inferar et, quos Sidonia vix urbe revelli, 545
 „Rursus agam pelago et ventis dare vela iubebo? —
 „Quin morere, ut merita es, ferroque averte dolorem!
 „Tu, lacrimis evicta meis, tu prima furem
 „His, germana, malis oneras, atque obiicis hosti.
 „Non licuit thalami expertem sine crimine vitam 550
 „Degere, more ferae, tales nec tangere curas!
 „Non servata fides, cineri promissa Sychaeo!“
 Tantos illa suo rumpebat pectore questus.

Aeneas celsa in puppi, iam certus eundi,
 Carpebat somnos, rebus iam rite paratis. 555
 Huic se forma dei vultu redeuntis eodem
 Obtulit in somnis, rursusque ita visa monere est,
 Omnia Mercurio similis, vocemque coloremque
 Et crines flavos et membra decora iuventa:
 „Nate dea, potes hoc sub casu ducere somnos, 560
 „Nec, quae te circum stent deinde pericula, cernis,
 „Demens, nec Zephyros audis spirare secundos?
 „Illa dolos dirumque nefas in pectore versat,
 „Certa mori, varioque irarum fluctuat aestu.
 „Non fugis hinc praeceps, dum praecipitare potestas? 565
 „Iam mare turbari trabibus saevasque videbis
 „Collucere faces, iam fervere litora flammis,
 „Si te his attigerit terris Aurora morantem.
 „Eia age, rumpe moras: varium et mutabile semper
 „Femina.“ Sic fatus nocti se immiscuit atrae. 570
 Tum vero Aeneas, subitis exterritus umbris,
 Corripit e somno corpus sociosque fatigat:
 „Praecipites vigilate, viri, et considite transtris;
 „Solvite vela citi! Deus aethere missus ab alto
 „Festinare fugam tortosque incidere funes 575
 „Ecce iterum stimulat. Sequimur te, sancte deorum,
 „Quisquis es, imperioque iterum paremus ovantes.
 „Adsis o placidusque iuves, et sidera coelo
 „Dextra feras.“ Dixit, vaginaque eripit ensem



Fulmineum, strictoque ferit retinacula ferro. 580
 Idem omnes simul ardor habet, rapiuntque ruuntque;
 Litora deseruere; latet sub classibus aequor;
 Annixi torquent spumas et caerula verrunt.
 Et iam prima novo spargebat lumine terras
 Tithoni croceum linquens Aurora cubile. 585
 Regina e speculis ut primum albescere lucem
 Vidit et aequatis classem procedere velis,
 Litoraue et vacuos sensit sine remige portus;
 Terque quaterque manu pectus percussa decorum,
 Flaventesque abscissa comas, „Pro Iupiter, ibit 590
 „Hic,“ ait, „et nostris illuserit advena regnis?
 „Non arma expedient, totaque ex urbe sequentur,
 „Deripientque rates alii navalibus? Ite,
 „Ferte citi flammās, date tela, impellite remōs! — 594
 „Quid loquor, aut ubi sum? Quae mentem insania mutat?
 „Infelix Dido, nunc te facta impia tangunt? 596
 „Tunc decuit, quum sceptrā dabas. — En dextra fidesque,
 „Quem secum patrios aiunt portare Penates,
 „Quem subiisse humeris confectum aetate parentem! —
 „Non potui abreptum divellere corpus et undis 600
 „Spargere? non socios, non ipsum absumere ferro
 „Ascanium, patriisque epulandum ponere mensis? —
 „Verum anceps pugnae fuerat fortuna. — Fuisset:
 „Quem metui moritura? Faces in castra tulissem,
 „Implessemque foros flammis, natumque patremque 605
 „Cum genere exstinxem, memet super ipsa dedissem. —
 „Sol, qui terrarum flammis opera omnia lustras,
 „Tuque harum interpretēs curarum et conscia Iuno,
 „Nocturnisque Hecate triviis ululata per urbes,
 „Et Dirae ultrices, et dī morientis Elissae, 610
 „Accipite haec, meritumque malis advertite numen,
 „Et nostras audite preces. Si tangere portus
 „Infandum caput ac terris adnare necesse est,
 „Et sic fata Iovis poscunt, hic terminus haeret;
 „At bello audacis populi vexatus et armis, 615
 „Finibus extorris, complexu avulsus Iuli,
 „Auxilium imploret, videatque indigna suorum

„Funera, nec, quum se sub leges pacis iniquae
 „Tradiderit, regno aut optata luce fruatur,
 „Sed cadat ante diem mediaque inhumatus arena. 620
 „Haec precor, hanc vocem extremam cum sanguine fundo.
 „Tum vos, o Tyrii, stirpem et genus omne futurum
 „Exercete odiis, cinerique haec mittite nostro
 „Munera. Nullus amor populis, nec foedera sunt.
 „Exoriare aliquis nostris ex ossibus ultor, 625
 „Qui face Dardanios ferroque sequare colonos,
 „Nunc, olim, quocumque dabunt se tempore vires.
 „Litora litoribus contraria, fluctibus undas
 „Imprecor, arma armis; pugnent ipsique nepotesque!“
 Haec ait, et partes animum versabat in omnes, 630
 Invisam quaerens quam primum abrumpere lucem.
 Tum breviter Barcen nutricem affata Sychaei:
 Namque suam patria antiqua cinis ater habebat:
 „Annam cara mihi nutrix huc siste sororem;
 „Dic, corpus properet fluviali spargere lympa, 635
 „Et pecudes secum et monstrata piacula ducat.
 „Sic veniat; tuque ipsa pia tege tempora vitta.
 „Sacra Iovi Stygio, quae rite incepta paravi,
 „Perficere est animus, finemque imponere curis,
 „Dardaniique rogam capitis permittere flammae.“ 640
 Sic ait; illa gradum studio celerabat anilem.
 At trepida et coeptis immanibus efferat Dido,
 Sanguineam volvens aciem maculisque trementes
 Interfusa genas et pallida morte futura,
 Interiora domus irrumpit limina, et altos 645
 Conscondit furibunda rogos, enseque recludit
 Dardanium, non hos quaesitum munus in usus.
 Hic postquam Iliacas vestes notumque cubile
 Conspexit, paullum lacrimis et mente morata,
 Incubuitque toro, dixitque novissima verba: 650
 „Dulces exuviae, dum fata deusque sinebat,
 „Accipite hanc animam, meque his exsolve curis.
 „Vixi et, quem dederat cursum fortuna, peregi,
 „Et nunc magna mei sub terras ibit imago.
 „Urbem praeclaram statui, mea moenia vidi; 655

„Ulta virum, poenas inimico a fratre recepi:
 „Felix, heu nimium felix, si litora tantum
 „Numquam Dardaniae tetigissent nostra carinae!“
 Dixit et, os impressa toro, „Moriemur inultae;
 „Sed moriamur!“ ait: „sic, sic iuvat ire sub umbras. 660
 „Hauriat hunc oculis ignem crudelis ab alto
 „Dardanus, et nostrae secum ferat omina mortis.“
 Dixerat; atque illam media inter talia ferro
 Collapsam adspiciunt comites, ensemque cruore
 Spumantem sparsasque manus. It clamor ad alta 665
 Atria; concussam bacchatur fama per urbem;
 Lamentis gemituque et femineo ululatu
 Tecta fremunt; resonat magnis plangoribus aether,
 Non aliter, quam si immissis ruat hostibus omnis
 Carthago aut antiqua Tyros, flammaeque furentes 670
 Culmina perque hominum volvantur perque deorum.
 Audiit exanimis, trepidoque exterrita cursu,
 Unguibus ora soror foedans et pectora pugnīs,
 Per medios ruit, ac morientem nomine clamat:
 „Hoc illud, germana, fuit? me fraude petebas? 675
 „Hoc rogos iste mihi, hoc ignes araeque parabant?
 „Quid primum deserta querar? comitemne sororem
 „Sprevisti moriens? Eadem me ad fata vocasses;
 „Idem ambas ferro dolor atque eadem hora tulisset!
 „His etiam struxi manibus, patriosque vocavi 680
 „Voce deos, sic te ut posita, crudelis, abessem?
 „Exstincti te meque, soror, populunique patresque
 „Sidonios urbemque tuam. Date, vulnera lymphis
 „Abluam, et, extremus si quis super halitus errat,
 „Ore legam.“ Sic fata gradus evaserat altos, 685
 Semianimemque sinu germanam amplexa fovebat
 Cum gemitu, atque atros siccabat veste cruores.
 Illa, graves oculos conata attollere, rursus
 Deficit; infixum stridit sub pectore vulnus.
 Ter sese attollens cubitoque annixa levavit; 690
 Ter revoluta toro est, oculisque errantibus alto
 Quaesivit coelo lucem, ingemuitque reperta.
 Tum Iuno omnipotens, longum miserata dolorem

Difficilesque obitus, Irim demisit Olympo,
 Quae luctantem animam nexosque resolveret artus. 695
 Nam quia nec fato merita nec morte peribat,
 Sed misera ante diem subitoque accensa furore,
 Nondum illi flavum Proserpina vertice crinem
 Abstulerat, Stygioque caput damnaverat Orco.
 Ergo Iris croceis per coelum roscida pennis, 700
 Mille trahens varios adverso sole colores,
 Devolat, et supra caput adstitit: „Hunc ego Diti
 „Sacrum iussa fero, teque isto corpore solvo.“
 Sic ait, et dextra crinem secat: omnis et una
 Dilapsus calor, atque in ventos vita recessit. 705

P. VIRGILII MARONIS

A E N E I D O S

LIBER QUINTUS.

Interea medium Aeneas iam classe tenebat
 Certus iter, fluctusque atros Aquilone secabat,
 Moenia respiciens, quae iam infelicis Elissae
 Collucent flammis. Quae tantum accenderit ignem,
 Causa latet! duri magno sed amore dolores 5
 Polluto, notumque, furens quid femina possit,
 Triste per augurium Teucrorum pectora ducunt.
 Ut pelagus tenuere rates, nec iam amplius ulla
 Occurrit tellus, maria undique et undique coelum;
 Olli caeruleus supra caput adstitit imber, 10
 Noctem hiememque ferens, et inhorruit unda tenebris.
 Ipse gubernator puppi Palinurus ab alta:
 „Heu, quianam tanti cinxerunt aethera nimbi?
 „Quidve, pater Neptune, paras?“ Sic deinde locutus
 Colligere arma iubet validisque incumbere remis, 15
 Obliquatque sinus in ventum, ac talia fatur:
 „Magnanime Aenea, non, si mihi Iupiter auctor
 „Spondeat, hoc sperem Italiam contingere coelo.
 „Mutati transversa fremunt et vespere ab atro

„Consurgunt venti, atque in nubem cogitur aër; 20
„Nec nos obniti contra nec tendere tantum
„Sufficimus. Superat quoniam Fortuna, sequamur,
„Quoque vocat, vertamus iter. Nec litora longe
„Fida reor fraterna Erycis portusque Sicanos,
„Si modo rite memor servata remetior astra.“ 25
Tum pius Aeneas; „Equidem sic poscere ventos
„Iamdudum et frustra cerno te tendere contra:
„Flecte viam velis. An sit mihi gratior ulla,
„Quove magis fessas optem demittere naves,
„Quam quae Dardanium tellus mihi servat Acesten, 30
„Et patris Anchisae gremio complectitur ossa?“
Haec ubi dicta; petunt portus, et vela secundi
Intendunt Zephyri: fertur cita gurgite classis,
Et tandem laeti notae advertuntur arenae.

At procul excelso miratus vertice montis 35
Adventum sociasque rates, occurrit Acestes,
Horridus in iaculis et pelle Libystidis ursae,
Troia Crimiso conceptum flumine mater
Quem genuit. Veterum non immemor ille parentum,
Gratatur reduces et gaza laetus agresti 40
Excipit, ac fessos opibus solatur amicis.
Postera quum primo stellas Oriente fugarat
Clara dies; socios in coetum litore ab omni
Advocat Aeneas tumulique ex aggere fatur:
„Dardanidae magni, genus alto a sanguine divum, 45
„Annus exactis completur mensibus orbis,
„Ex quo reliquias divinique ossa parentis
„Condidimus terra maestasque sacravimus aras,
„Iamque dies, nisi fallor, adest, quem semper acerbum,
„Semper honoratum - sic dī voluistis - habebo. 50
„Hunc ego Gaetulis agerem si Syrtibus exsul,
„Argolicove mari deprensus et urbe Mycenae;
„Annua vota tamen solemnesque ordine pompas
„Exsequerer, strueremque suis altaria donis.
„Nunc ultro ad cineres ipsius et ossa parentis, 55
„Haud equidem sine mentē reor, sine numine divum,
„Adsumus, et portus delati intramus amicos:

„Ergo agite et laetum cuncti celebremus honorem ;
 „Poscamus ventos, atque haec me sacra quotannis
 „Urbe velit posita templis sibi ferre dicatis. 60
 „Bina boum vobis Troia generatus Acestes
 „Dat numero capita in naves : adhibete Penates
 „Et patrios epulis et quos colit hospes Acestes.
 „Praeterea, si nona diem mortalibus alnum
 „Aurora extulerit radiisque retexerit orbem, 65
 „Prima citae Teucris ponam certamina classis ;
 „Quique pedum cursu valet, et qui viribus audax
 „Aut iaculo incedit melior levibusque sagittis,
 „Seu crudo fidit pugnam committere cestu :
 „Cuncti adsint, meritaque expectent praemia palmae. 70
 „Ore favete omnes et cingite tempora ramis.“
 Sic fatus, velat materna tempora myrto.
 Hoc Helymus facit, hoc aevi maturus Acestes,
 Hoc puer Ascanius, sequitur quos cetera pubes.
 Ille e concilio multis cum millibus ibat 75
 Ad tumulum, magna medius comitante caterva.
 Hic duo rite mero libans carchesia Baccho
 Fundit humi, duo lacte novo, duo sanguine sacro,
 Purpureosque iacit flores, ac talia fatur :
 „Salve, sancte parens ; iterum salvete, recepti 80
 „Nequidquam cineres animaeque umbraeque paternae !
 „Non licuit fines Italos fataliaque arva,
 „Nec tecum Ausonium, quicumque est, quaerere Thybrim.“
 Dixerat haec, adytis quum lubricus anguis ab imis
 Septem ingens gyros, septena volumina traxit, 85
 Amplexus placide tumulum, lapsusque per aras,
 Caeruleae cui terga notae, maculosus et auro
 Squamam incendebat fulgor, ceu nubibus arcus
 Mille iacit varios adverso sole colores.
 Obstupuit visu Aeneas. Ille agmine longo 90
 Tandem inter pateras et levia pocula serpens
 Libavitque dapes, rursusque innoxius imo
 Successit tumulo et depasta altaria liquit.
 Hoc magis inceptos genitori instaurat honores,
 Incertus, Geniumne loci famulumne parentis 95



Esse putet; caedit binas de more bidentes
 Totque sues totidemque nigrantes terga iuencos.
 Vinaque fundebat pateris, animamque vocabat
 Anchisae magni Manesque Acheronte remissos.
 Nec non et socii, quae cuique est copia, laeti
 Dona ferunt: onerant aras mactantque iuencos;
 Ordine aëna locant alii, fusique per herbam
 Subiiciunt veribus prunas et viscera torrent.

100

Exspectata dies aderat nonamque serena
 Auroram Phaëthontis equi iam luce vehebant,
 Famaque finitimos et clari nomen Acestae
 Excierat: laeto complerant litora coetu,
 Visuri Aeneadas, pars et certare parati.

105

Munera principio ante oculos circoque locantur
 In medio, sacri tripodes viridesque coronae
 Et palmae, pretium victoribus, armaque et ostro
 Perfusae vestes, argenti aurique talentum;
 Et tuba commissos medio canit aggere ludos.

110

Prima pares ineunt gravibus certamina remis
 Quatuor ex omni delectae classe carinae.

115

Velocem Mnestheus agit acri remige Pristim,
 Mox Italus Mnestheus, genus a quo nomine Memmî;
 Ingentemque Gyas ingenti mole Chimaeram,
 Urbis opus, triplici pubes quam Dardana versu
 Impellunt, terno consurgunt ordine remi;
 Sergestusque, domus tenet a quo Sergia nomen,
 Centauro invehitur magna; Scyllaque Cloanthus
 Caerulea, genus unde tibi, Romane Cluenti.

120


Est procul in pelago saxum spumantia contra
 Litora, quod tumidis submersum tunditur olim
 Fluctibus, hiberni condunt ubi sidera Cori;
 Tranquillo silet, immotaque attollitur unda
 Campus et apricis statio gratissima mergis:
 Hic viridem Aeneas frondenti ex ilice metam
 Constituit signum nautis pater, unde reverti
 Scirent et longos ubi circumflectere cursus.

125

130

Tum loca sorte legunt, ipsique in puppibus auro
 Ductores longe effulgent ostroque decori;

Cetera populea velatur fronde iuventus,
Nudatosque humeros oleo perfusa nitescit. 135
Considunt transtris, intentaque brachia remis:
Intenti exspectant signum, exsultantiaque haurit
Corda pavor pulsans laudumque arrecta cupido.
Inde, ubi clara dedit sonitum tuba, finibus omnes -
Haud mora - prosiluire suis: ferit aethera clamor 140
Nauticus, adductis spumant freta versa lacertis;
Infindunt pariter sulcos, totumque dehiscit
Convulsum remis rostrisque tridentibus aequor.
Non tam praecipites biugo certamine campum
Corripuere ruuntque effusi carcere currus, 145
Nec sic immissis aurigae undantia lora
Concussere iugis, pronique in verbera pendent.
Tum plausu fremituque virum studiisque faventum
Consonat omne nemus, vocemque inclusa volutant
Litora, pulsati colles clamore resultant. 150
Effugit ante alios primisque elabitur undis
Turbam inter fremitumque Gyas, quem deinde Cloanthus
Consequitur, melior remis, sed pondere pinus
Tarda tenet. Post hos aequo discrimine Pristis
Centaurusque locum tendunt superare priorem, 155
Et nunc Pristis habet, nunc victam praeterit ingens
Centaurus, nunc una ambae iunctisque feruntur
Frontibus et longa sulcant vada salsa carina.
Iamque propinquabant scopulo metamque tenebant,
Cum princeps medioque Gyas in gurgite victor 160
Rectorem navis compellat voce Menoeten:
„Quo tantum mihi dexter abis? Huc dirige gressum!
„Litus ama, et laevas stringat, sine, palmula cautes;
„Altum alii teneant!“ Dixit; sed caeca Menoetes
Saxa timens, proram pelagi detorquet ad undas. 165
„Quo diversus abis?“ iterum „Pete saxa, Menoete!“
Cum clamore Gyas revocabat, et ecce Cloanthum
Respicit instantem tergo et propiora tenentem.
Ille inter navemque Gyae scopulosque sonantes
Radit iter laevum interior, subitoque priorem 170
Praeterit, et metis tenet aequora tuta relictis.



Tum vero exarsit iuveni dolor ossibus ingens,
 Nec lacrimis caruere genae, segnemque Menoeten,
 Oblitus decorisque sui sociûmque salutis,
 In mare praecipitem puppi deturbat ab alta; 175
 Ipse gubernaclo rector subit, ipse magister,
 Hortaturque viros, clavumque ad litora torquet.
 At gravis, ut fundo vix tandem redditus imo est.
 Iam senior, madidaque fluens in veste, Menoetes
 Summa petit scopuli, siccaque in rupe resedit. 180
 Illum et labentem Teucris et risere natantem,
 Et salsos rident revomentem pectore fluctus.
 Hic laeta extremis spes est accensa duobus, •
 Sergesto Mnestheique, Gyan superare morantem.
 Sergestus capit ante locum, scopuloque propinquat, 185
 Nec tota tamen ille prior praeceunte carina:
 Parte prior, partem rostro premit aemula Pristis.
 At media socios incedens nave per ipsos
 Hortatur Mnestheus: „Nunc, nunc insurgite remis,
 „Hectorei socii, Troiae quos sorte suprema 190
 „Delegi comites; nunc illas promite vires,
 „Nunc animos, quibus in Gaetulis syrtibus usi
 „Ionioque mari Maleaeque sequacibus undis.
 „Non iam prima peto Mnestheus, neque vincere certo-
 „Quamquam o ... Sed superent, quibus hoc, Neptune, 195
 „Extremos pudeat rediisse. Hoc vincite, cives, [dedisti-;
 „Et prohibete nefas.“ Olli certamine summo
 Procumbunt: vastis tremit ictibus aerea puppis,
 Subtrahiturque solum; tum creber anhelitus artus
 Aridaque ora quatit, sudor fluit undique rivis. 200
 Attulit ipse viris optatum casus honorem:
 Namque furens animi dum proram ad saxa suburguet
 Interior spatioque subit Sergestus iniquo,
 Infelix saxis in procurrentibus haesit.
 Concussae cautes, et acuto in murice remi 205
 Obnixi crepuere, illisaeque prora pependit.
 Consurgunt nautae et magno clamore morantur,
 Ferratasque trudes et acuta cuspide contos
 Expediunt, fractosque legunt in gurgite remos.

At laetus Mnestheus, successuque acrior ipso, 210
 Agmine remorum celeri ventisque vocatis
 Prona petit maria et pelago decurrit aperto.
 Qualis spelunca subito commota columba,
 Cui domus et dulces latebroso in pumice nidi,
 Fertur in arva volans plausumque exterrita pennis 215
 Dat tecto ingentem, mox aëre lapsa quieto
 Radit iter liquidum, celeres neque commovet alas :
 Sic Mnestheus, sic ipsa fugat secat ultima Pristis
 Aequora, sic illam fert inpetus ipse volantem.
 Et primum in scopulo luctantem deserit alto 220
 Sergestum brevibusque vadis, frustraue vocantem
 Auxilia et fractis discentem currere remis.
 Inde Gyan ipsamque ingenti mole Chimaeram
 Consequitur: cedit, quoniam spoliata magistro est.
 Solus iamque ipso superest in fine Cloanthus: 225
 Quem petit et summis annixus viribus urguet.
 Tum vero ingeminat clamor, cunctique sequentem
 Instigant studiis, resonatque fragoribus aether.
 Hi proprium decus et partum indignantur honorem
 Ni teneant, vitamque volunt pro laude pacisci; 230
 Hos successus alit: possunt, quia posse videntur.
 Et fors aequatis cepissent praemia rostris,
 Ni palmas ponto tendens utrasque Cloanthus
 Fudissetque preces, divosque in vota vocasset.
 „Dî, quibus imperium est pelagi, quorum aequora curro,
 „Vobis laetus ego hoc candentem in litore taurum 236
 „Constituam ante aras, voti reus, extaque salsos
 „Porriciam in fluctus et vina liquentia fundam!“
 Dixit, eumque imis sub fluctibus audiit omnis
 Nereïdum Phorcique chorus Panopeaque virgo, 240
 Et pater ipse manu magna Portunus euntem .
 Impulit: illa Noto citius volucrique sagitta
 Ad terram fugit, et portu se condidit alto.
 Tum satus Anchisa, cunctis ex more vocatis,
 Victorem magna praeconis voce Cloanthum 245
 Declarat, viridique advelat tempora lauro,
 Muneraque in naves ternos optare iuvenco.



10200



Vinaque, et argenti magnum dat ferre talentum.
 Ipsis praecipuos ductoribus addit honores:
 Victori chlamydem auratam: quam plurima circum 250
 Purpura Maeandro duplici Meliboea cucurrit;
 Intextusque puer frondosa regius Ida
 Veloces iaculo cervos cursuque fatigat,
 Acer, anhelanti similis, quem praepes ab Ida
 Sublimem pedibus rapuit Iovis armiger uncis; 255
 Longaevi palmas nequidquam ad sidera tendunt
 Custodes, saevitque canum latratus in auras.
 At qui deinde locum tenuit virtute secundum,
 Levibus huic hamis consertam auroque trilicem
 Loricam, quam Demoleo detraxerat ipse 260
 Victor apud rapidum Simoënta sub Ilio alto,
 Donat habere viro, decus et tutamen in armis.
 Vix illam famuli Phegeus Sagarisque ferebant
 Multiplicem, connixi humeris; indutus at olim
 Demoleos cursu palantes Troas agebat. 265
 Tertia dona facit geminos ex aere lebetas,
 Cymbiaque argento perfecta atque aspera signis.
 Iamque adeo donati omnes opibusque superbi
 Puniceis ibant evincti tempora taeniis,
 Quum saevo e scopulo multa vix arte revulsus, 270
 Amissis remis atque ordine debilis uno,
 Irrisam sine honore ratem Sergestus agebat.
 Qualis saepe viae deprensus in aggere serpens,
 Aerea quem obliquum rota transiit aut gravis ictu
 Seminecem liquit saxo lacerumque viator, 275
 Nequidquam longos fugiens dat corpore tortus,
 Parte ferox ardensque oculis et sibila colla
 Arduus attollens, pars vulnere clauda retentat
 Nixantem nodis seque in sua membra plicantem:
 Tali remigio navis se tarda movebat, 280
 Vela facit tamen et velis subit ostia plenis.
 Sergestum Aeneas promisso munere donat,
 Servatam ob navem laetus sociosque reductos.
 Olli serva datur operum haud ignara Minervae,
 Cressa genus, *Pholoë*, geminique sub ubere nati. 285

Hoc pius Aeneas misso certamine tendit
Gramineum in campum, quem collibus undique curvis
Cingebant silvae, mediaque in valle theatri
Circus erat: quo se multis cum millibus heros
Consessu medium tulit exstructoque resedit. 29
Hic, qui forte velint rapido contendere cursu,
Invitat pretiis animos, et praemia ponit.
Undique conveniunt Teuceri mixtique Sicani:
Nisus et Euryalus primi,
Euryalus forma insignis viridique iuventa, 29
Nisus amore pio pueri. Quos deinde secutus
Regius egregia Priami de stirpe Diores;
Hunc Salius simul et Patron, quorum alter Acarnan,
Alter ab Arcadio Tegeaeae sanguine gentis;
Tum duo Trinacrii iuvenes, Helymus Panopesque, 30
Assueti silvis, comites senioris Acestae;
Multi praeterea, quos fama obscura recondit.
Aeneas quibus in mediis sic deinde locutus:
„Accipite haec animis, laetasque advertite mentes.
„Nemo ex hoc numero mihi non donatus abibit. 30
„Gnosia bina dabo levato lucida ferro
„Spicula caelatamque argento ferre bipennem:
„Omnibus hic erit unus honos. Tres praemia primi
„Accipient, flavaque caput nectentur oliva:
„Primus equum phaleris insignem victor habeto; 31
„Alter Amazoniam pharetram plenamque sagittis
„Threïciis, lato quam circumplectitur auro
„Balteus, et tereti subnectit fibula gemma;
„Tertius Argolica hac galea contentus abito.“
Haec ubi dicta, locum capiunt, signoque repente 31
Corripiunt spatia audito, limenque relinquunt,
Effusi nimbo similes; simul ultima signant.
Primus abit longeque ante omnia corpora Nisus
Emicat, et ventis et fulminis ocior alis;
Proximus huic, longo sed proximus intervallo, 32
Insequitur Salius; spatio post deinde relicto
Tertius Euryalus;
Euryalumque Helymus sequitur; quo deinde sub ipso

Ecce volat, calcemque terit iam calce Dióres,
 Incumbens humero; spatia et si plura supersint, 325
 Transeat elapsus prior, ambiguumve relinquat.
 Iamque fere spatio extremo fessique sub ipsam
 Finem adventabant, levi cum sanguine Nisus
 Labitur infelix, caesis ut forte iuvenis
 Fusus humum viridesque super madefecerat herbas. 330
 Hic iuvenis iam victor ovans vestigia presso
 Haud tenuit titubata solo, sed pronus in ipso
 Concidit immundoque fimo sacroque cruore.
 Non tamen Euryali, non ille oblitus amorum:
 Nam sese opposuit Salio per lubrica surgens; 335
 Ille autem spissa iacuit revolutus arena.
 Emicat Euryalus, et munere victor amici
 Prima tenet, plausuque volat fremituque secundo.
 Post Helymus subit, et nunc tertia palma Dióres.
 Hic totum caveae consessum ingentis et ora 340
 Prima patrum magnis Salius clamoribus implet,
 Ereptumque dolo reddi sibi poscit honorem.
 Tutatur favor Euryalum, lacrimaeque decorae,
 Grator et pulchro veniens in corpore virtus;
 Adiuvat et magna proclamat voce Dióres, 345
 Qui subiit palmae, frustra ad praemia venit
 Ultima, si primi Salio reddantur honores.
 Tum pater Aeneas „Vestra“ inquit „munera vobis
 „Certa manent, pueri, et palmam movet ordine nemo;
 „Me liceat casus miserari insontis amici.“ 350
 Sic fatus, tergum Gaetuli immane leonis
 Dat Salio, villis onerosum atque unguibus aureis.
 Hic Nisus „Si tanta“ inquit „sunt praemia victis,
 „Et te lapsorum miseret: quae munera Niso
 „Digna dabis, primam merui qui laude coronam, 355
 „Ni me, quae et Salium, fortuna inimica tulisset?“
 Et simul his dictis faciem ostentabat et udo
 Turpia membra fimo. Risit pater optimus olli,
 Et clipeum efferri iussit, Didymaonis artes,
 Neptuni sacro Danaïs de poste refixum. 360
 Hoc iuvenem egregium praestanti munere donat.

Post, ubi confecti cursus, et dona peregit:
 „Nunc, si cui virtus animusque in pectore praesens,
 „Adsit et evinctis attollat brachia palmis.“
 Sic ait, et geminum pugnae proponit honorem: 365
 Victori velatum auro vittisque iuvenum;
 Ensem atque insignem galeam solatia victo.
 Nec mora; continuo vastis cum viribus effert
 Ora Dares magnoque virum se murmure tollit,
 Solus qui Paridem solitus contendere contra, 370
 Idemque ad tumulum, quo maximus occubat Hector,
 Victorem Buten immani corpore, qui se
 Bebrycia veniens Amyci de gente ferebat,
 Perculit et fulva moribundum extendit arena.
 Talis prima Dares caput altum in proelia tollit, 375
 Ostenditque humeros latos, alternaque iactat
 Brachia protendens, et verberat ictibus auras.
 Quaeritur huic alius, nec quisquam ex agmine tanto
 Audet adire virum manibusque inducere cestus.
 Ergo alacris, cunctosque putans excedere palma 380
 Aeneae stetit ante pedes, nec plura moratus;
 Tum laeva taurum cornu tenet, atque ita fatur:
 „Nate dea, si nemo audet se credere pugnae,
 „Quae finis standi? quo me decet usque teneri?
 „Ducere dona iube.“ Cuncti simul ore fremebant 385
 Dardanidae, reddique viro promissa iubebant.
 Hic gravis Entellum dictis castigat Acestes,
 Proximus ut viridante toro consederat herbae:
 „Entelle, heroum quondam fortissime frustra,
 „Tantane tam patiens nullo certamine tolli 390
 „Dona sines? Ubi nunc nobis deus ille magister,
 „Nequidquam memoratus Eryx? ubi fama per omnem
 „Trinacriam, et spolia illa tuis pendentia tectis?“
 Ille sub haec: „Non laudis amor, nec gloria cessit
 „Pulsa metu; sed enim gelidus tardante senecta 395
 „Sanguis hebet, frigentque effetae in corpore vires.
 „Si mihi, quae quondam fuerat, quaque improbus iste
 „Exsultat fidens, si nunc foret illa iuventas;
 „Haud equidem pretio inductus pulchroque iuvenco



„Venissem: nec dona moror.“ Sic deinde locutus 400
In medium geminos immani pondere cestus
Proiecit, quibus acer Eryx in proelia suetus
Ferre manum duroque intendere brachia tergo.
Obstupuere animi: tantorum ingentia septem
Terga bouum plumbo insuto ferroque rigeant. 405
Ante omnes stupet ipse Dares, longeque recusat;
Magnanimusque Anchisiades et pondus et ipsa
Huc illuc vincolorum immensa volumina versat.
Tum senior tales referebat pectore voces:
„Quid, si quis cestus ipsius et Herculis arma 410
„Vidisset, tristemque hoc ipso in litore pugnam?
„Haec germanus Eryx quondam tuus arma gerebat-
„Sanguine cernis adhuc sparsoque infecta cerebro-
„His magnum Alciden contra stetit; his ego suetus,
„Dum melior vires sanguis dabat, aemula necdum 415
„Temporibus geminis canebat sparsa senectus.
„Sed si nostra Dares haec Troïus arma recusat,
„Idque pio sedet Aeneae, probat auctor Acestes;
„Aequemus pugnas: Erycis tibi terga remitto-
„Solve metus-, et tu Troianos exue cestus.“ 420
Haec fatus duplicem ex humeris reiecit amictum,
Et magnos membrorum artus, magna ossa lacertosque
Exuit, atque ingens media consistit arena.
Tum satus Anchisa cestus pater extulit aequos,
Et paribus palmas amborum innexuit armis. 425
Constitit in digitos extemplo arrectus uterque,
Brachiaque ad superas interritus extulit auras.
Abduxere retro longe capita ardua ab ictu,
Immiscentque manus manibus, pugnamque lacesunt,
Ille pedum melior motu fretusque iuventa, 430
Hic membris et mole valens; sed tarda trementi
Genua labant, vastos quatit aeger anhelitus artus.
Multa viri nequidquam inter se vulnera iactant,
Multa cavo lateri ingeminant, et pectore vastos
Dant sonitus, erratque aures et tempora circum 435
Crebra manus, duro crepitant sub vulnere malae.
Stat gravis Entellus, nisuque immotus eodem

Corpore tela modo atque oculis vigilantibus exit;
Ille, velut celsam oppugnat qui molibus urbem
Aut montana sedet circum castella sub armis, 440
Nunc hos nunc illos aditus omnemque pererrat
Arte locum, et variis assultibus irritus urget.
Ostendit dextram insurgens Entellus et alte
Extulit; ille ictum venientem a vertice velox
Praevидit, celerique elapsus corpore cessit: 445
Entellus vires in ventum effudit, et ultro
Ipse gravis graviterque ad terram pondere vasto
Concidit, ut quondam cava concidit aut Erymantho
Aut Ida in magna radicibus eruta pinus.
Consurgunt studiis Teucris et Trinacria pubes; 450
It clamor coelo, primusque accurrit Acestes,
Aequaevumque ab humo miserans attollit amicum.
At non tardatus casu neque territus heros
Acrior ad pugnam redit, ac vim suscitatur ira.
Tum pudor incendit vires et conscia virtus, 455
Praecipitemque Daren ardens agit aequore toto,
Nunc dextra ingeminans ictus nunc ille sinistra.
Nec mora, nec requies: quam multa grandine nimbi
Culminibus crepitant; sic densis ictibus heros
Creber utraque manu pulsat versatque Dareta. 460
Tum pater Aeneas procedere longius iras
Et saevire animis Entellum haud passus acerbis;
Sed finem imposuit pugnae, fessumque Dareta
Eripuit, mulcens dictis, ac talia fatur:
„Infelix, quae tanta animum dementia cepit? 465
„Non vires alias conversa numina sentis?
„Cede deo!“ Dixitque, et proelia voce diremit.
Ast illum fidi aequales, genua aegra trahentem,
Iactantemque utroque caput, crassumque cruorem
Ore eiectantem mixtosque in sanguine dentes, 470
Ducunt ad naves, galeamque ensemque vocati
Accipiunt; palmam Entello taurumque relinquunt.
Hic victor, superans animis tauroque superbus,
„Nate dea, vosque haec“ inquit „cognoscite, Teucris,
„Et mihi quae fuerint iuvenali in corpore vires, 475



„Et qua servelis revocatum a morte Dareta.“

Dixit, et adversi contra stetit ora iuveni,
Qui donum adstabat pugnae, durosque reducta
Libravit dextra media inter cornua cestus,
Arduus, effractoque illisit in ossa cerebro. 480

Sternitur exanimisque tremens procumbit humi bos.
Ille super tales effundit pectore voces:

„Hanc tibi, Eryx, meliorem animam pro morte Daretis
„Persolvo: hic victor cestus artemque repono.“

Protenus Aeneas celeri certare sagitta 485
Invitat, qui forte velint, et praemia ponit,
Ingentique manu malum de nave Seresti
Erigit, et volucrem traiecto in fune columbam,
Quo tendant ferrum, malo suspendit ab alto.
Convenere viri, deiectamque aerea sortem 490

Accepit galea; et primus clamore secundo
Hyrtacidae ante omnes exit locus Hippocoontis;.
Quem modo navali Mnestheus certamine victor
Consequitur, viridi Mnestheus evinctus oliva.
Tertius Eurytion, tuus, o clarissime, frater, 495

Pandare, qui quondam, iussus confundere foedus,
In medios telum torsisti primus Achivos;
Extremus galeaque ima subsidit Acestes,
Ausus et ipse manu iuvenum tentare laborem.

Tum validis flexos incurvant viribus arcus 500
Pro se quisque viri, et depromunt tela pharetris.

Primaque per coelum nervo stridente sagitta
Hyrtacidae iuvenis volucres diverberat auras,
Et venit adversique infigitur arbore mali.

Intremuit malus, timuitque exterrita pennis 505
Ales, et ingenti sonuerunt omnia plausu.

Post acer Mnestheus adducto constitit arcu.
Alta petens, pariterque oculos telumque tetendit;

Ast ipsam miserandus avem contingere ferro
Non valuit, nodos et vincula linea rupit, 510

Quis innexa pedem malo pendebat ab alto:
Illa Notos atque atra volans in nubila fugit.

Tum rapidus, iamdudum arcu contenta parato

Tela tenens, fratrem Eurytion in vota vocavit,
Iam vacuo laetam coelo speculatus; et alis 515
Plaudentem nigra figit sub nube columbam.
Decidit exanimis, vitamque reliquit in astris
Aetheriis, fixamque refert delapsa sagittam.
Amissa solus palma superabat Acestes,
Qui tamen aërias telum contendit in auras, 520
Ostentans artemque pater arcumque sonantem.
Hic oculis subitum obiicitur magnoque futurum
Augurio monstrum-docuit post exitus ingens,
Seraque terrifici cecinerunt omina vates-:
Namque volans liquidis in nubibus arsit arundo, 525
Signavitque viam flammis, tenuesque recessit
Consumta in ventos, coelo ceu saepe refixa
Transcurrunt crinemque volantia sidera ducunt.
Attonitis haesere animis, Superosque precati
Trinacrii Teucrique viri; nec maximus omen 530
Abnuat Aeneas, sed laetum amplexus Acesten
Muneribus cumulat magnis, ac talia fatur:
„Sume pater: nam te voluit rex magnus Olympi
„Talibus auspiciis exsortem ducere honorem.
„Ipsius Anchisae longaevi hoc munus habebis, 535
„Cratera impressum signis, quem Thracius olim
„Anchisae genitori in magno munere Cisseus
„Ferre sui dederat monumentum et pignus amoris.“
Sic fatus cingit viridanti tempora lauro,
Et primum ante omnes victorem appellat Acesten. 540
Nec bonus Eurytion praelato invidit honori,
Quamvis solus avem coelo deiecit ab alto.
Proximus ingreditur donis, qui vincula rupit;
Extremus, volucris qui fixit arundine malum.
At pater Aeneas, nondum certamine misso, 545
Custodem ad sese comitemque impubis Iuli,
Epytiden, vocat et fidam sic fatur ad aurem:
„Vade, age, et Ascanio, si iam puerile paratum
„Agmen habet secum cursusque instruxit equorum,
„Ducat avo turmas et sese ostendat in armis, 550
„Dic,“ ait. Ipse omnem longo decedere circo



sum. populum et campos iubet esse patentes.
 lunt pueri, pariterque ante ora parentum
 atis lucent in equis, quos omnis euntes
 acriae mirata fremit Troiaequae iuventus. 555
 ibus in morem tonsa coma pressa corona.
 ea bina ferunt praefixa hastilia ferro,
 leves humero pharetras; it pectore summo
 ilis obtorti per collum circulus auri.
 equitum numero turmae, ternique vagantur 560
 ores: pueri bis seni quemque secuti
 ine partito fulgent paribusque magistris.
 acies iuvenum, duxit quam parvus ovantem
 en avi referens Priamus, tua clara, Polite,
 enies, auctura Italos: quem Thracius albis 565
 ut equus bicolor maculis, vestigia primi
 pedis frontemque ostentans arduus albam.
 Atys, genus unde Atii duxere Latini,
 us Atys pueroque puer dilectus Iulo.
 emus formaque ante omnes pulcher Iulus 570
 nio est invectus equo, quem candida Dido
 sui dederat monumentum et pignus amoris.
 a Trinacriis pubes senioris Acestae
 ur equis.
 piunt plausu pavidos, gaudentque tuentes 575
 anidae, veterumque agnoscunt ora parentum.
 quam omnem laeti consessum oculosque suorum
 ravere in equis; signum clamore paratis
 ides longe dedit, insonuitque flagello.
 discurrere pares atque agmina terni 580
 ctis solvere choris, rursusque vocati
 ertere vias infestaque tela tulere.
 alios ineunt cursus aliosque recursus
 rsis spatiis, alternosque orbibus orbes
 diunt, pugnaeque cient simulacra sub armis; 585
 ne terga fuga nudant, nunc spicula vertunt
 si, facta pariter nunc pace feruntur.
 nondam Creta fertur Labyrinthus in alta
 libus *textum* caesis iter, ancipitemque

Mille viis habuisse dolum, qua signa sequendi 590
 Falleret indepressus et irremeabilis error:
 Haud alio Teucrûm nati vestigia cursu
 Impediunt, texuntque fugas et proelia ludo,
 Delphinum similes, qui per maria humida nando
 Carpathium Libycumque secant, [luduntque per undas.]
 Hunc morem cursus atque haec certamina primus 596
 Ascanius, Longam muris quum cingeret Albam,
 Retulit, et priscos docuit celebrare Latinos,
 Quo puer ipse modo, secum quo Troïa pubes.
 Albani docuere suos: hinc maxima porro 600
 Accepit Roma et patrium servavit honorem;
 Troiaque nunc pueri Troianum dicitur agmen.
 Hac celebrata tenus sancto certamina patri.
 Hic primum Fortuna fidem mutata novavit.
 Dum variis tumulo referunt solemnia ludis; 605
 Irim de coelo misit Saturnia Iuno
 Iliacam ad classem, ventosque adspirat eunti,
 Multa movens, necdum antiquum saturata dolorem.
 Illa, viam celerans per mille coloribus arcum,
 Nulli visa, cito decurrit tramite virgo. 610
 Conspicit ingentem concursum, et litora lustrat,
 Desertosque videt portus classemque relictam.
 At procul in sola secretae Troades acta
 Amissum Anchisen flebant, cunctaeque profundum
 Pontum adspectabant flentes. Heu tot vada fessis 615
 Et tantum superesse maris, vox omnibus una.
 Urbem orant: taedet pelagi perferre laborem.
 Ergo inter medias sese haud ignara nocendi
 Coniicit, et faciemque deae vestemque reponit:
 Fit Beroë, Tmarii coniux longaeva Dorycli, 620
 Cui genus et quondam nomen natiue fuissent;
 Ac sic Dardanidum mediam se matribus infert.
 „O miserae, quas non manus“ inquit „Achaica bello
 „Traxerit ad letum patriae sub moenibus! o gens
 „Infelix, cui te exitio Fortuna reservat? 625
 „Septima post Troiae excidium iam vertitur aestas,
 „Quum freta, quum terras omnes, tot inhospita saxa

„Sideraque emensae ferimur, dum per mare magnum
 „Italiam sequimur fugientem, et volvitur undis.
 „Hic Erycis fines fraterni atque hospes Acestes: 630
 „Quod prohibet, muros iacere et dare civibus urbem?
 „O patria et rapti nequidquam ex hoste Penates,
 „Nullane iam Troiae dicentur moeniâ? nusquam
 „Hectoreos amnes, Xanthum et Simoënta, videbo?
 „Quin agite, et mecum infaustas exurite puppes: 635
 „Nam mihi Cassandrae per somnum vatis imago
 „Arduentes dare visa faces. „Hic quaerite Troiam;
 „„Hic domus est“ inquit „vobis.“ Iam tempus agi res,
 „Nec tantis mora prodigiis. En quatuor arae
 „Neptuno: deus ipse faces animumque ministrat.“ 640
 Haec memorans, prima infensum vi corripit ignem,
 Sublataque procul dextra connixa coruscat
 Et iacit. Arrectae mentes stupefactaque corda
 Iliadum. Hic una e multis, quae maxima natus,
 Pyrgo, tot Priami natorum regia nutrix: 645
 „Non Beroë vobis, non haec Rhoeteia, matres,
 „Est Dorycli coniux: divini signa decoris
 „Arduentesque notate oculos, qui spiritus illi,
 „Qui vultus, vocisque sonus, et gressus eunti.
 „Ipsa egomet dudum Beroën digressa reliqui 650
 „Aegram, indignantem, tali quod sola careret
 „Munere, nec meritos Anchisae inferret honores.“
 Haec effata.
 At matres primo ancipites oculisque malignis
 Ambiguae spectare rates miserum inter amorem 655
 Praesentis terrae fatisque vocantia regna:
 Quum dea se paribus per coelum sustulit alis,
 Ingentemque fuga secuit sub nubibus arcum.
 Tum vero attonitae monstris actaeque furore
 Conclamant, rapiuntque focis penetralibus ignem; 660
 Pars spoliant aras, frondem ac virgulta facesque
 Coniiciunt. Furit immissis Vulcanus habenis
 Transtra per et remos et pictas abiete puppes.
 Nuntius Anchisae ad tumulum cuneosque theatri
Incensas perfert naves Eumelus, et ipsi 665

Respiciunt atram in nimbo volitare favillam;
 Primus et Ascanius, cursus ut laetus equestres
 Ducebat, sic acer equo turbata petivit
 Castra, nec exanimes possunt retinere magistri.
 „Quis furor iste novus? quo nunc, quo tenditis“ inquit,
 „Heu miserae cives? non hostem inimicaque castra 671
 „Argivum, vestras spes uritis. En, ego vester
 „Ascanius!“ Galeam ante pedes proiecit inanem,
 Qua ludo indutus belli simulacra ciebat.
 Accelerat simul Aeneas, simul agmina Teucrûm. 675
 Ast illae diversa metu per litora passim
 Diffugiunt, silvasque, et sicubi concava furtim
 Saxa, petunt: piget incepti, lucisque; suosque
 Mutatae agnoscunt, excussaue pectore Iuno est
 Sed non idcirco flammae atque incendia vires 680
 Indomitas posuere: udo sub robore vivit
 Stuppa vomens tardum fumum, lentusque carinas
 Est vapor, et toto descendit corpore pestis;
 Nec vires heroum infusaue flumina prosunt.
 Tum pius Aeneas humeris abscindere vestem, 685
 Auxilioque vocare deos, et tendere palmas:
 „Iupiter omnipotens, si nondum exosus ad unum
 „Troianos, si quid pietas antiqua labores
 „Respicit humanos, da flammam evadere classi
 „Nunc, pater, et tenues Teucrûm res eripe leto; 690
 „Vel tu, quod superest, infesto fulmine morti,
 „Si mereor, demitte, tuaque hic obrue dextra.“
 Vix haec ediderat, quum effusis imbribus atra
 Tempestas sine more furit, tonitruque tremiscunt
 Ardua terrarum et campi; ruit aethere toto 695
 Turbidus imber aqua densisque nigerrimus Austris,
 Implenturque super puppes, semiusta madescunt
 Robora; restinctus donec vapor omnis, et omnes,
 Quatuor amissis, servatae a peste carinae.
 At pater Aeneas, casu concussus acerbo, 700
 Nunc huc ingentes nunc illuc pectore curas
 Mutabat versans, Siculo resideret arvis,
 Oblitus fatorum, Italasne capesseret oras.



Tum senior Nautes, unum Tritonia Pallas
 Quem docuit multaque insignem reddidit arte, 705
 Haec responsa dabat, vel quae portenderet ira
 Magna deûm, vel quae fatorum posceret ordo.
 Isque his Aeneam solatus vocibus infit:
 „Nate dea, quo fata trahunt retrahuntque, sequamur;
 „Quidquid erit, superanda omnis fortuna ferendo est. 710
 „Est tibi Dardanius divinae stirpis Acestes:
 „Hunc cape consiliis socium et coniunge volentem.
 „Huic trade, amissis superant qui navibus, et quos
 „Pertaesum magni incepti rerumque tuarum est;
 „Longaevosque senes ac fessas aequore matres, 715
 „Et quidquid tecum invalidum metuensque pericli est,
 „Delige, et his habeant terris sine moenia fessi:
 „Urbem appellabunt permisso nomine Acestam.“
 Talibus incensus dictis senioris amici;
 Tum vero in curas animo diducitur omnes. 720
 Et nox atra polum bigis subvecta tenebat:
 Visa dehinc coelo facies delapsa parentis
 Anchisae subito tales effundere voces:
 „Nate, mihi vita quondam, dum vita manebat,
 „Care magis, nate Iliacis exercite fati, 725
 „Imperio Iovis huc venio, qui classibus ignem
 „Depulit, et coelo tandem miseratus ab alto est.
 „Consiliis pare, quae nunc pulcherrima Nautes
 „Dat senior; lectos iuvenes, fortissima corda,
 „Defer in Italiam: gens dura atque aspera cultu 730
 „Debellanda tibi Latio est. Ditis tamen ante
 „Infernas accede domos, et Averno per alta
 „Congressus pete, nate, meos-non me impia namque
 „Tartara habent tristesque umbrae, sed amoena piorum
 „Concilia Elysiumque colo-; huc casta Sibylla 735
 „Nigrarum multo pecudum te sanguine ducet.
 „Tum genus omne tuum et, quae dentur moenia, disces.
 „Iamque vale: torquet medios nox humida cursus,
 „Et me saevus equis Oriens afflavit anhelis.“
 Dixerat, et tenues fugit, ceu fumus, in auras. 740
 Aeneas „Quo“ deinde „ruis? quo proripis?“ inquit

„Quem fugis, aut quis te nostris complexibus arcet?“
 Haec memorans cinerem et sopitos suscitatur ignes,
 Pergameumque Larem et canae penetralia Vestae
 Farre pio et plena supplex veneratur acerra. 745

Extemplo socios primumque arcessit Acesten,
 Et Iovis imperium et cari praecepta parentis
 Edocet, et quae nunc animo sententia constet.
 Haud mora consiliis, nec iussa recusat Acestes.
 Transscribunt urbi matres, populumque volentem 750
 Deponunt, animos nil magnae laudis egentes.
 Ipsi transtra novant, flammisque ambesa reponunt
 Robora navigiis, aptant remosque rudentesque,
 Exigui numero, sed bello vivida virtus.

Interea Aeneas urbem designat aratro, 755
 Sortiturque domos; hoc Ilium et haec loca Troiam
 Esse iubet. Gaudet regno Troianus Acestes,
 Indicitque forum et patribus dat iura vocatis.
 Tum vicina astris Erycino in vertice sedes
 Fundatur Veneri Idaliae, tumuloque sacerdos 760
 Ac lucus late sacer additur Anchiseo.

Iamque dies epulata novem gens omnis, et aris
 Factus honos; placidi straverunt aequora venti,
 Creber et adspirans rursus vocal Auster in altum.
 Exoritur procurva ingens per litora fletus, 765

Complexi inter se noctemque diemque morantur.
 Ipsae iam matres, ipsi, quibus aspera quondam.
 Visa maris facies et non tolerabile nomen,
 Ire volunt omnemque fugae perferre laborem.
 Quos bonus Aeneas dictis solatur amicis, 770

Et consanguineo lacrimans commendat Acestae.
 Tres Eryci vitulos, et Tempestatibus agnam
 Caedere deinde iubet, solvique ex ordine funem.
 Ipse, caput tonsae foliis evinctus olivae,
 Stans procul in prora pateram tenet, extaque salsos 775
 Porricit in fluctus, ac vina liquentia fundit.

Prosequitur surgens a puppi ventus euntes;
 Certatim socii feriunt mare et aequora verrunt.

At Venus interea Neptunum exercita curis



Alloquitur, talesque effundit pectore questus: 780
 „Iunonis gravis ira nec exsaturabile pectus
 „Cogunt me, Neptune, preces descendere in omnes
 „Quam nec longa dies, pietas nec mitigat ulla;
 „Nec Iovis imperio fatisque infracta quiescit.
 „Non media de gente Phrygum exedissee nefandis 785
 „Urbem odiis satis est, nec poenam traxe per omnem;
 „Reliquias Troiae, cineres atque ossa peremtae
 „Insequitur: causas tanti sciat illa furoris.
 „Ipse mihi nuper Libycis tu testis in undis,
 „Quam molem subito excierit: maria omnia coelo 790
 „Miscuit, Aeoliis nequidquam freta procellis,
 „In regnis hoc ausa tuis.
 „Per scelus ecce etiam Troianis matribus actis
 „Exussit foede puppes, et classe subegit
 „Amissa socios ignotae linquere terrae. 795
 „Quod superest, oro, liceat dare tuta per undas
 „Vela tibi, liceat Laurentem attingere Thybrim,
 „Si concessa peto, si dant ea moenia Parcae.“
 Tum Saturnius haec domitor maris edidit alti:
 „Fas omne est, Cytherea, meis te fidere regnis, 800
 „Unde genus ducis. Merui quoque: saepe furores
 „Compressi et rabiem tantam coelique marisque;
 „Nec minor in terris - Xanthum Simoëntaque testor -
 „Aeneae mihi cura tui. Quum Troia Achilles
 „Exanimata sequens impingeret agmina muris, 805
 „Millia multa daret leto, gemerentque repleti
 „Amnes, nec reperire viam atque evolvere posset
 „In mare se Xanthus; Pelidae tunc ego forti
 „Congressum Aenean, nec dīs nec viribus aequis,
 „Nube cava rapui, cuperem quum vertere ab imo 810
 „Structa meis manibus periurae moenia Troiae.
 „Nunc quoque mens eadem perstat mihi: pelle timorem:
 „Tutus, quos optas, portus accedet Averni.
 „Unus erit tantum; amissum quem gurgite quaeret:
 „Unum pro multis dabitur caput.“ 815
 His ubi laeta deae permulsit pectora dictis;
 Iungit equos auro genitor, spumantiaque addit

Frena feris, manibusque omnes effundit habenas.
 Caeruleo per summa levis volat aequora curru:
 Subsident undae, tumidumque sub axe tonanti 820
 Sternitur aequor aquis, fugiunt vasto aethere nimbi.
 Tum variae comitum facies, immania cete,
 Et senior Glauci chorus, Inousque Palaemon,
 Tritonesque citi, Phorcique exercitus omnis;
 Laeva tenet Thetis, et Melite, Panopeaque virgo, 825
 Nesaeae, Spioque, Thaliaque Cymodoceque.
 Hic patris Aeneae suspensam blanda vicissim
 Gaudia pertentant mentem: iubet ocios omnes
 Attolli malos, intendi brachia velis.
 Una omnes fecere pedem, pariterque sinistros, 830
 Nunc dextros solvere sinus; una ardua torquent
 Cornua detorquentque: ferunt sua flamina classem.
 Princeps ante omnes densum Palinurus agebat
 Agmen: ad hunc alii cursum contendere iussi.
 Iamque fere mediam coeli nox humida metam 835
 Contigerat, placida laxabant membra quiete
 Sub remis fusi per dura sedilia nautae:
 Quum levis aetheriis delapsus Somnus ab astris
 Aëra dimovit tenebrosum et dispulit umbras,
 Te, Palinure, petens, tibi somnia tristia portans 840
 Insoniti; puppique deus consedit in alta,
 Phorbanti similis, funditque has ore loquelas:
 „Iaside Palinure, ferunt ipsa aequora classem,
 „Aequatae spirant aerae, datur hora quieti:
 „Pone caput, fessosque oculos furare labori; 845
 „Ipse ego paullisper pro te tua munera inibo.“
 Cui vix attollens Palinurus lumina fatur:
 „Mene salis placidi vultum fluctusque quietos
 „Ignorare iubes? mene huic confidere monstro?
 „Aenean credam quid enim, fallacibus auris 850
 „Et coeli toties deceptus fraude sereni?“
 Talia dicta dabat, clavumque affixus et haerens
 Nusquam amittebat, oculosque sub astra tenebat.
 Ecce deus ramum Lethaeo rore madentem
 Vique soporatum Stygia super utraque quassat 855



Tempora, cunctantique natantia lumina solvit.
 Vix primos inopina quies laxaverat artus;
 Et super incumbens, cum puppis parte revulsa
 Cumque gubernaclo, liquidas proiecit in undas
 Praecipitem, ac socios nequidquam saepe vocantem. 860
 Ipse volans tenues se sustulit ales ad auras.
 Currit iter tutum non secius aequore classis,
 Promissisque patris Neptuni interrita fertur.
 Iamque adeo scopulos Sirenum advecta subibat,
 Difficiles quondam multorumque ossibus albos, 865
 Tum rauca adsiduo longe sale saxa sonabant:
 Quum pater amisso fluitantem errare magistro
 Sensit, et ipse ratem nocturnis rexit in undis,
 Multa gemens, casuque animum concussus amici.
 „O nimium coelo et pelago confise sereno, 870
 „Nudus in ignota, Palinure, iacebis arena.“

P. VIRGILII MARONIS
 A E N E I D O S
 LIBER SEXTUS.

Sic fatur lacrimans, classique immittit habenas,
 Et tandem Euboïcis Cumarum allabitur oris.
 Obvertunt pelago proras; tum dente tenaci
 Ancora fundabat naves, et litora curvae
 Praetexunt puppes. Iuvenum manus emicat ardens 5
 Litus in Hesperium: quaerit pars semina flammae
 Abstrusa in venis silicis; pars densa ferarum
 Tecta rapit, silvas, inventaque flumina monstrat.
 At pius Aeneas arces, quibus altus Apollo
 Praesidet, horrendaeque procul secreta Sibyllae, 10
 Antrum immane, petit, magnam cui mentem animumque
 Delius inspirat vates aperitque futura.
 Iam subeunt Triviae lucos atque aurea tecta.
 Daedalus, ut fama est, fugiens Minoïa regna,
 Praepetibus pennis ausus se credere coelo, 15

Insuetum per iter gelidas enavit ad Arctos,
 Chalcidicaque levis tandem super adstitit arce.
 Redditus his primum terris, tibi, Phoebe, sacravit
 Remigium alarum, posuitque immania templa.
 In foribus letum Androgeo; tum pendere poenas 20
 Cecropidae iussi-miserum! - septena quotannis
 Corpora natorum: stat ductis sortibus urna.
 Contra elata mari respondet Gnosia tellus:
 Hic crudelis amor tauri, suppostaque furto
 Pasiphaë, mixtumque genus prolesque biformis, 25
 Minotaurus, inest, Veneris monumenta nefandae;
 Hic labor ille domus, et inextricabilis error;
 Magnum reginae sed enim miseratus amorem
 Daedalus, ipse dolos tecti ambagesque resolvit,
 Caeca regens filo vestigia. Tu quoque magnam 30
 Partem opere in tanto, sineret dolor, Icare, haberes:
 Bis conatus erat casus effingere in auro;
 Bis patriae cecidere manus. Quin protenus omnia
 Perlegerent oculis, ni iam praemissus Achates
 Afforet, atque una Phoebi Triviaeque sacerdos, 35
 Deiphobe Glauci, fatur quae talia regi:
 „Non hoc ista sibi tempus spectacula poscit;
 „Nunc grege de intacto septem mactare iuencos
 „Praestiterit, totidem lectas de more bidentes.“
 Talibus affata Aenean - nec sacra morantur 40
 Iussa viri - Teucros vocat alta in templa sacerdos, -
 Excisum Euboicae latus ingens rupis in antrum:
 Quo lati ducunt aditus centum, ostia centum;
 Unde ruunt totidem voces, responsa Sibyllae.-
 Ventum erat ad limen, quum virgo „Poscere fata 45
 „Tempus“ ait: „deus, ecce, deus!“ Cui, talia fanti
 Ante fores, subito non vultus, non color unus,
 Non comtae mansere comae; sed pectus anhelum,
 Et rabie fera corda tument, maiorque videri,
 Nec mortale sonans: afflata est numine quando 50
 Iam proprio de dei. „Cessas in vota precesque,
 „Tros“ ait „Aenea? cessas? neque enim ante dehiscunt
 „Attonitae magna ora domus;“ et talia fata



Conticuit. Gelidus Teucris per dura cucurrit
 Ossa, tremor, funditque preces rex pectore ab imo: 55
 „Phoebe, graves Troiae semper miserate labores,
 „Dardana qui Paridis direxti tela manusque
 „Corpus in Aeacidae, magnas obeuntia terras
 „Tot maria intravi duce te, penitusque repostas
 „Massylûm gentes praetentaque Syrtibus arva; 60
 „Iam tandem Italiae fugientis prendimus oras:
 „Hac Troiana tenuis fuerit fortuna secuta!
 „Vos quoque Pergameae iam fas est parcere genti,
 „Dîque deaeque omnes, quibus obstitit Ilium et ingens
 „Gloria Dardaniae. Tuque, o sanctissima vates, 65
 „Praescia ventûri, da - non indebita posco
 „Regna meis fatis - Latio considerare Teucros
 „Errantesque deos agitataque numina Troiae.
 „Tum Phoebo et Triviae solido de marmore templum
 „Instituam festosque dies de nomine Phoebi. 70
 „Te quoque magna manent regnis penetralia nostris:
 „Hic ego namque tuas sortes arcanaque fata,
 „Dicta meae genti, ponam, lectosque sacrabo,
 „Alma, viros. Foliis tantum ne carmina manda,
 „Ne turbata volent rapidis ludibria ventis; 75
 „Ipsa canas oro“ Finem dedit ore loquendi.
 At, Phoebi nondum patiens, immanis in antro
 Bacchatur vates, magnum si pectore possit
 Excussisse deum: tanto magis ille fatigat
 Os rabidum, fera corda domans, fingitque premendo. 80
 Ostia iamque domus patuere ingentia centum
 Sponte sua, vatisque ferunt responsa per auras:
 „O tandem magnis pelagi defuncte periclis -
 „Sed terrae graviora manent -, in regna Lavinî
 „Dardanidae venient: mitte hanc de pectore curam; 85
 „Sed non et venisse volent. Bella, horrida bella,
 „Et Thybrim multo spumantem sanguine cerno.
 „Non Simois tibi nec Xanthus nec Dorica castra
 „Defuerint: alius Latio iam partus Achilles,
 „Natus et ipse dea; nec Teucris addita Iuno 90
 „Usquam aberit, quum tu supplex in rebus egenis

„Quas gentes Italûm aut quas non oraveris urbes!
 „Causa mali tanti coniux iterum hospita Teucris,
 „Externique iterum thalami.
 „Tu ne cede malis, sed contra audentior ito, 95
 „Quam tua te Fortuna sinet. Via prima salutis,
 „Quod minime reris, Graia pandetur ab urbe.“
 Talibus ex adyto dictis Cumaea Sibylla
 Horrendas canit ambages, antroque remugit,
 Obscuris vera involvens: ea frena furenti 100
 Concutit et stimulos sub pectore vertit Apollo.
 Ut primum cessit furor et rabida ora quierunt;
 Incipit Aeneas heros: „Non ulla laborum,
 „O virgo, nova mî facies inopinave surgit:
 „Omnia praecepi atque animo mecum ante peregi. 105
 „Unum oro: quando hic inferni ianua regis
 „Dicitur et tenebrosa palus Acheronte refuso;
 „Ire ad conspectum cari genitoris et ora
 „Contingat: doceas iter, et sacra ostia pandas.
 „Illum ego per flammās et mille sequentia tela 110
 „Eripui his humeris, medioque ex hoste recepi;
 „Ille, meum comitatus iter, maria omnia mecum
 „Atque omnes pelagique minas coelique ferebat,
 „Invalidus, vires ultra sortemque senectae;
 „Quin, ut te supplex peterem et tua limina adirem, 115
 „Idem orans mandata dabat. Gnatique patrisque,
 „Alma, precor, miserere -: potes namque omnia, nec te
 „Nequidquam lucis Hecate praefecit Avernis -:
 „Si potuit Manes arcessere coniugis Orpheus,
 „Threïcia fretus cithara fidibusque canoris; 120
 „Si fratrem Pollux alterna morte redemit,
 „Itque reditque viam toties. Quid Thesea magnum,
 „Quid memorem Alciden? Et mî genus ab Iove summo.“
 Talibus orabat dictis, arasque tenebat,
 Quum sic orsa loqui vates: „Sate sanguine divûm, 125
 „Tros Anchisiade, facilis descensus Averno:
 „Noctes atque dies patet atri ianua Ditis;
 „Sed revocare gradum superasque evadere ad auras,
 „Hoc opus, hic labor est: pauci, quos aequus amavit



„Iupiter aut ardens evexit ad aethera virtus, 130
 „Dīs geniti potuere. Tenent media omnia silvae,
 „Cocytosque sinu labens circumvenit atro.
 „Quod si tantus amor menti, si tanta cupido est
 „Bis Stygios innare lacus, bis nigra videre
 „Tartara, et insano iuvat indulgere lābori; 135
 „Accipe, quae peragenda prius. Latet arbore opaca
 „Aureus et foliis et lento vimine ramus,
 „Iunoni infernae dictus sacer; hunc tegit omnis
 „Lucus, et obscuris claudunt convallibus umbrae.
 „Sed non ante datur telluris operta subire, 140
 „Auricomos quam qui decerpserit arbore fetus:
 „Hoc sibi pulchra suum ferri Proserpina munus
 „Instituit. Primo avulso non deficit alter
 „Aureus, et simili frondescit virga metallo.
 „Ergo alte vestiga oculis, et rite repertum 145
 „Carpe manu: namque ipse volens facilisque sequetur,
 „Si te fata vocant; aliter non viribus ullis
 „Vincere, nec duro poteris convellere ferro.
 „Praeterea iacet exanimum tibi corpus amici -
 „Heu nescis! -, totamque incestat funere classem, 150
 „Dum consulta petis nostroque in limine pendes.
 „Sedibus hunc refer ante suis et conde sepulcro.
 „Duc nigras pecudes: ea prima piaculo sunt.
 „Sic demum lucos Stygis et regna invia vivis
 „Adspicies.“ Dixit, pressoque obmutuit ore. 155

Aeneas maesto defixus lumina vultu
 Ingreditur, linquens antrum, caecosque volutat
 Eventus animo secum. Cui fidus Achates
 It comes et paribus curis vestigia figit.
 Multa inter sese vario sermone serebant, 160
 Quem socium exanimum vates, quod corpus humandum
 Diceret. Atque illi Misenum in litore sicco,
 Ut venere, vident indigna morte peremtum,
 Misenum Aeoliden, quo non praestantior alter
 Aere ciere viros, Martemque accendere cantu. 165
 Hectoris hic magni fuerat comes; Hectora circum
 Et lituo pugnās insignis obibat et hasta.

Postquam illum vita victor spoliavit Achilles;
 Dardanio Aeneae sese fortissimus heros
 Addiderat socium, non inferiora secutus. 170
 Sed tum, forte cava dum personat aequora concha,
 Demens, et cantu vocat in certamina divos,
 Aemulus exceptum Triton - si credere dignum est -
 Inter saxa virum spumosa immerserat unda.
 Ergo omnes magno circum clamore fremebant, 175
 Praecipue pius Aeneas; tum iussa Sibyllae -
 Haud mora - festinant flentes, aramque sepulcri
 Congerere arboribus coeloque educere certant.
 Itur in antiquam silvam, stabula alta ferarum:
 Procumbunt piceae; sonat icta securibus ilex, 180
 Fraxineaeque trabes cuneis et fissile robur
 Scinditur, advolvunt ingentes montibus ornos.
 Nec non Aeneas opera inter talia primus
 Hortatur socios, paribusque accingitur armis,
 Atque haec ipse suo tristi cum corde volutat, 185
 Adspectans silvam immensam, et sic forte precatur.
 „Si nunc se nobis ille aureus arbore ramus
 „Ostendat nemore in tanto: quando omnia vere
 „Heu nimium de te vates, Misene, locuta est.“
 Vix ea fatus erat, geminae quum forte columbae 190
 Ipsa sub ora viri coelo venere volantes,
 Et viridi sedere solo. Tum maximus heros
 Maternas agnoscit aves, laetusque precatur:
 „Este duces, o, si qua via est, cursumque per auras
 „Dirigite in lucos, ubi pinguem dives opacat 195
 „Ramus humum. Tuque, o, dubiis ne defice rebus,
 „Diva parens!“ Sic effatus vestigia pressit,
 Observans, quae signa ferant, quo tendere pergant.
 Pascentes illae tantum prodire volando,
 Quantum acie possent oculi servare sequentum. 200
 Inde ubi venere ad fauces graveolentis Averni,
 Tollunt se celeres, liquidumque per aëra lapsae
 Sedibus optatis gemina super arbore sidunt,
 Discolor unde auri per ramos aura refulsit.
 Quale solet silvis brumali frigore viscum 205

Fronde virere nova, quod non sua seminat arbos,
 Et croceo fetu teretes circumdare truncos:
 Talis erat species auri frondentis opaca
 Ilice, sic leni crepitabat bractea vento.

Corripit Aeneas extemplo, avidusque refringit 210
 Cunctantem, et vatis portat sub tecta Sibyllae.

Nec minus interea Misenum in litore Teucri
 Flebant, et cineri ingrato suprema ferebant.
 Principio pinguem taedis et robore secto
 Ingentem struxere pyram, cui frondibus atris 215
 Intexunt latera, et ferales ante cupressos
 Constituunt, decorantque super fulgentibus armis.

Pars calidos latices et athena undantia flammis
 Expediunt, corpusque lavant frigentis et unguunt.
 Fit gemitus; tum membra toro defleta reponunt, 220
 Purpureasque super vestes, velamina nota,
 Coniiciunt. Pars ingenti subiere feretro -

Triste ministerium -, et subiectam more parentum
 Aversi tenuere facem. Congesta cremantur
 Turea dona, dapes, fuso crateres olivo. 225

Postquam collapsi cineres, et flamma quievit;
 Reliquias vino et bibulam lavere favillam,
 Ossaque lecta cado texit Corynaeus atheno.
 Idem ter socios pura circumtulit unda,
 Spargens rore levi et ramo felicis olivae, 230
 Lustravitque viros, dixitque novissima verba.

At pius Aeneas ingenti mole sepulcrum
 Imponit, suaque arma viro, remumque tubamque,
 Monte sub aërio, qui nunc Misenus ab illo
 Dicitur, aeternumque tenet per saecula nomen. 235

His actis propere exsequitur praecepta Sibyllae.
 Spelunca alta fuit vastoque immanis hiatu,
 Scrupea, tuta lacu nigro nemorumque tenebris,
 Quam super haud ullae poterant impune volantes
 Tendere iter pennis: talis sese halitus atris 240
 Faucibus effundens supera ad convexa ferebat;
 [Unde locum Graii dixerunt nomine Aornon.]
 Quatuor hic primum nigrantes terga iuvenecos

Constituit, frontique invergit vina sacerdos,
 Et, summas carpens media inter cornua setas, 245
 Ignibus imponit sacris, libamina prima,
 Voce vocans Hecaten coeloque Ereboque potentem.
 Supponunt alii cultros, tepidumque cruorem
 Suscipiunt pateris. Ipse atri velleris agnam
 Aeneas matri Eumenidum magnaeque sorori 250
 Ense ferit, sterilemque tibi, Proserpina, vaccam;
 Tum Stygio regi nocturnas inchoat aras,
 Et solida imponit taurorum viscera flammis,
 Pingue super oleum infundens ardentibus extis.
 Ecce autem, primi sub lumina solis et ortus, 255
 Sub pedibus mugire solum et iuga coepta moveri
 Silvarum, visaeque canes ululare per umbram,
 Adventante dea. „Procul o, procul este, profani,“
 Conclamat vates „totoque absistite luco;
 „Tuque invade viam, vaginaque eripe ferrum: 260
 „Nunc animis opus, Aenea, nunc pectore firmo.“
 Tantum effata, furens antro se immisit aperto;
 Ille ducem haud timidis vadentem passibus aequat.
 Dî, quibus imperium est animarum, Umbraeque silentes,
 Et Chaos et Phlegethon, loca nocte tacentia late, 265
 Sit mihi fas audita loqui; sit numine vestro
 Pandere res alta terra et caligine mersas.
 Ibant obscuri sola sub nocte per umbram,
 Perque domos Ditis vacuas et inania regna:
 Quale per incertam lunam sub luce maligna 270
 Est iter in silvis, ubi coelum condidit umbra
 Iupiter, et rebus nox abstulit atra colorem.
 Vestibulum ante ipsum primisque in faucibus Orci
 Luctus et ultrices posuere cubilia Curae,
 Pallentesque habitant Morbi tristisque Senectus, 275
 Et Metus et malesuada Fames ac turpis Egestas,
 Terribiles visu formae, Letumque Labosque;
 Tum consanguineus Leti Sopor, et mala mentis
 Gaudia, mortiferumque adverso in limine Bellum,
 Ferreique Eumenidum thalami, et Discordia demens, 280
 Vipereum crinem vittis innexa cruentis.



In medio ramos annosaque brachia pandit
 Ulnus opaca, ingens, quam sedem Somnia vulgo
 Vana tenere ferunt, foliisque sub omnibus haerent.
 Multaque praeterea variarum monstra ferarum, 285
 Centauri, in foribus stabulant, Scyllaeque biformes,
 Et centumgeminus Briareus, ac bellua Lœnae
 Horrendum stridens, flammisque armata Chimaera,
 Gorgones Harpyiaeque et forma tricarporis umbrae.
 Corripit hic subita trepidus formidine ferrum 290
 Aeneas, strictamque aciem venientibus offert;
 Et, ni docta comes tenues sine corpore vitas
 Admoneat volitare cava sub imagine formae,
 Irruat et frustra ferro diverberet umbras.

Hinc via, Tartarei quae fert Acherontis ad undas. 295
 Turbidus hic coeno vastaque voragine gurgēs
 Aestuat atque omnem Cocyto eructat arenam.
 Portitor has horrendus aquas et flumina servat
 Terribili squalore Charon, cui plurima mento
 Canities inculta iacet, stant lumina flamma, 300
 Sordidus ex humeris nodo dependet amictus;
 Ipse ratem conto subigit velisque ministrat,
 Et ferruginea subvectat corpora cymba,
 Iam senior, sed cruda deo viridisque senectus.
 Huc omnis turba ad ripas effusa ruebat, 305
 Matres atque viri, defunctaque corpora vita
 Magnanimū heroum, pueri innuptaeque puellae,
 Impositique rogis iuvenes ante ora parentum:
 Quam multa in silvis auctumni frigore primo
 Lapsa cadunt folia, aut ad terram gurgite ab alto 310
 Quam multae glomerantur aves, ubi frigidus annus
 Trans pontum fugat et terris immittit apricis.
 Stabant orantes primi transmittere cursum,
 Tendebantque manus ripae ulterioris amore;
 Navita sed tristis nunc hos, nunc accipit illos, 315
 Ast alios longe submotos arcet arena.
 Aeneas - miratus enim motusque tumultu -
 „Dic“ ait „o virgo, quid vult concursus ad amnem;
 „Quidve petunt animae, vel quo discrimine ripas

- „Hae linquunt, illae remis vada livida verrunt?“ 320
 Olli sic breviter fata est longaeva sacerdos:
 „Anchisa generate, deum certissima proles,
 „Cocyti stagna alta vides Stygiamque paludem,
 „Dì cuius iurare timent et fallere numen. 324
 „Haec omnis, quam cernis, inops inhumataque turba est;
 „Portitor ille Charon: hi, quos vehit unda, sepulti; 326
 „Nec ripas datur horrendas et rauca fluenta
 „Transportare prius, quam sedibus ossa quierunt.
 „Centum errant annos volitantque haec litora circum;
 „Tum demum admissi stagna exoptata revisunt.“ 330
 Constitit Anchisa satus et vestigia pressit,
 Multa putans, sortemque animo miseratus iniquam:
 Cernit ibi maestos et mortis honore carentes
 Leucaspim et Lyciae ductorem classis Oronten,
 Quos, simul a Troia ventosa per aequora vectos, 336
 Obruit Auster, aqua involvens navemque virosque.
 Ecce gubernator sese Palinurus agebat,
 Qui Libyco nuper cursu, dum sidera servat,
 Exciderat puppi mediis effusus in undis.
 Hunc ubi vix multa maestum cognovit in umbra; 340
 Sic prior alloquitur: „Quis te, Palinure, deorum
 „Eripuit nobis, medioque sub aequore mersit?
 „Dic age: namque mihi, fallax haud ante repertus,
 „Hoc uno responso animum delusit Apollo,
 „Qui fore te ponto incolumem, finesque canebat 346
 „Venturum Ausonios. En haec promissa fides est!“
 Ille autem: „Neque te Phoebi cortina fefellit,
 „Dux Anchisiade, nec me deus aequore mersit:
 „Namque gubernaculum multa vi forte revulsum,
 „Cui datus haerebam custos cursusque regebam, 350
 „Praecipitans traxi mecum. Maria aspera iuro,
 „Non ullum pro me tantum cepisse timorem,
 „Quam tua ne spoliata armis, excussa magistro,
 „Deficeret tantis navis surgentibus undis.
 „Tres Notus hibernas immensa per aequora noctes 356
 „Vexit me violentus aqua; vix lumine quarto
 „Prespexi Italiam summa sublimis ab unda.



1

2

3

4

„Paullatim adnabam terrae; iam tuta tenebam,
 „Ni gens crudelis madida cum veste gravatum,
 „Prensantemque uncis manibus capita aspera montis, 360
 „Ferro invasisset, praedamque ignara putasset.
 „Nunc me fluctus habet, versantque in litore venti.
 „Quod te per coeli iucundum lumen et auras,
 „Per genitorem oro, per spes surgentis Iuli;
 „Eripe me his, invicte, malis: aut tu mihi terram 365
 „Iniice - namque potes -, portusque require Velinos;
 „Aut tu, si qua via est, si quam tibi diva creatrix
 „Ostendit - neque enim, credo, sine numine divum
 „Flumina tanta paras Stygiamque innare paludem -,
 „Da dextram misero, et tecum me tolle per undas, 370
 „Sedibus ut saltem placidis in morte quiescam.“

Talia fatus erat, coepit quum talia vates:

„Unde haec, o Palinure, tibi tam dira cupido?
 „Tu Stygias inhumatus aquas amnemque severum
 „Eumenidum adspicies, ripamve iniussus adibis? 375
 „Desine fata deum flecti sperare precando;
 „Sed cape dicta memor, duri solatia casus.
 „Nam tua finitimi longe lateque per urbes,
 „Prodigiis acti coelestibus, ossa piabunt,
 „Et statuent tumulum, et tumulo solemnia mittent, 380
 „Aeternumque locus Palinuri nomen habebit.“
 „His dictis curae emotae, pulsusque parumper
 Corde dolor tristi: gaudet cognomine terra.

Ergo iter inceptum peragunt, fluvioque propinquant.
 Navita quos iam inde ut Stygia prospexit ab unda 385
 Per tacitum nemus ire pedemque advertere ripae;
 Sic prior aggreditur dictis atque increpat ultro:
 „Quisquis es, armatus qui nostra ad flumina tendis,
 „Fare age, quid venias, iam istinc, et comprime gressum.
 „Umbrarum hic locus est, Somni Noctisque soporae: 390
 „Corpora viva nefas Stygia vectare carina.
 „Nec vero Alciden me sum laetatus euntem
 „Accepisse lacu, nec Thesea Pirithoumque,
 „Dis quamquam geniti atque invicti viribus essent.
 „Tartareum ille manu custodem in vincla petivit 395

„Ipsius a solio regis, traxitque trementem;
 „Hi dominam Ditis thalamo deducere adorti.“
 Quae contra breviter fata est Amphraysia vates:
 „Nullae hic insidiae tales - absiste moveri - ,
 „Nec vim tela ferunt: licet ingens ianitor antro
 „Aeternum latrans exsanguis terreat umbras;
 „Casta licet patrui servet Proserpina limen.
 „Troïus Aeneas, pietate insignis et armis,
 „Ad genitorem imas Erebi descendit ad umbras.
 „Si te nulla movet tantae pietatis imago;
 „At ramum hunc“ - aperit ramum, qui veste latebat -
 „Agnoscas.“ Tumida ex ira tum corda residunt.
 Nec plura his. Ille admirans venerabile donum
 Fatalis virgae, longo post tempore visum,
 Caeruleam advertit puppim ripaeque propinquat.
 Inde alias animas, quae per iuga longa sedebant,
 Deturbat, laxatque foros; simul accipit alveo
 Ingentem Aenean. Gemuit sub pondere cymba
 Sutilis, et multam accepit rimosa paludem.
 Tandem trans fluvium incolumis vatemque virumque
 Informi limo glaucaque exponit in ulva.
 Cerberus haec ingens latratu regna trifauci
 Personat, adverso recubans immanis in antro.
 Cui vates, horrere videns iam colla colubris,
 Melle soporata et medicatis frugibus offam
 Obiicit; ille fame rabida tria guttura pandens
 Corripit obiectam, atque immania terga resolvit
 Fusus humi, totoque ingens extenditur antro.
 Occupat Aeneas aditum custode sepulto,
 Evaditque celer ripam irremeabilis undae.
 Continuo auditae voces, vagitus et ingens,
 Infantumque animae flentes, in limine primo,
 Quos dulcis vitae exsortes et ab ubere raptos
 Abstulit atra dies et funere mersit acerbo.
 Hos iuxta falso damnati crimine mortis.
 Nec vero hae sine sorte datae, sine iudice, sedes:
 Quaesitor Minos urnam movet; ille Silentum
 Conciliumque vocat, vitasque et crimina discit.

Proxima deinde tenent maesti loca, qui sibi letum
 Insontes peperere manu, lucemque perosi 435
 Proiecere animas. Quam vellent aethere in alto
 Nunc et pauperiem et duros perferre labores!
 Fas obstat, tristisque palus inamabilis unda
 Alligat, et novies Styx interfusa coërcet.

Nec procul hinc partem fusi monstrantur in omnem 440
 Lugentes campi: sic illos nomine dicunt.

Hic, quos durus amor crudeli tabe peredit,
 Secreti celant calles, et myrtea circum
 Silva tegit: curae non ipsa in morte relinquunt. 444

His Phaedram Procrimque locis maestamque Eriphylen,
 Crudelis nati monstrantem vulnera, cernit, 446

Evadnenque et Pasiphaën; his Laodamia
 It comes, et iuvenis quondam, nunc femina, Caeneus,
 Rursus et in veterem fato revoluta figuram.

Inter quas Phoenissa recens a vulnere Dido 450
 Errabat silva in magna: quam Troïus heros.

Ut primum iuxta stetit agnovitque per umbram
 Obscuram, qualem primo qui surgere mense
 Aut videt aut vidisse putat per nubila lunam;
 Demisit lacrimas, dulcique affatus amore est: 455

„Infelix Dido, verus mihi nuntius ergo
 „Venerat extinctam ferroque extrema secutam?
 „Funeris heu tibi causa fui? Per sidera iuro,
 „Per superos, et si qua fides tellure sub ima est:
 „Invitus, regina, tuo de litore cessi; 460

„Sed me iussa deum, quae nunc has ire per umbras,
 „Per loca senta situ cogunt noctemque profundam,
 „Imperiis egere suis, nec credere quivi
 „Hunc tantum tibi me discessu ferre dolorem.
 „Siste gradum, teque adspectu ne subtrahe nostro. 465

„Quem fugis? extremum, fato quod te alloquor, hoc est.“

Talibus Aeneas ardentem et torva tuentem
 Lenibat dictis animum, lacrimasque ciebat;
 Illa solo fixos oculos aversa tenebat,
 Nec magis incepto vultum sermone movetur, 470
 Quam si dura silex aut stet Marpesia cautes.

Tandem corripuit sese, atque inimica refugit
 In nemus umbriferum, coniux ubi pristinus illi
 Respondet curis aequatque Sychaeus amorem.
 Nec minus Aeneas, casu percussus iniquo,
 Prosequitur lacrimans longe et miseratur euntem.

475

Inde datum molitur iter. Iamque arva tenebant
 Ultima, quae bello clari secreta frequentant.
 Hic illi occurrit Tydeus, hic inclytus armis
 Parthenopaeus et Adrasti pallentis imago;
 Hic multum fleti ad superos belloque caduci
 Dardanidae, quos ille omnes longo ordine cernens
 Ingemuit, Glaucumque Medontaque Thersilochumque,
 Tres Antenoridas, Cererique sacrum Polyphoeten,
 Idaeumque, etiam currus, etiam arma tenentem.

480

485

Circumstant animae dextra laevaue frequentes.
 Nec vidisse semel satis est: iuvat usque morari,
 Et conferre gradum, et veniendi discere causas.
 At Danaûm proceres Agamemnoniaequae phalanges
 Ut videre virum fulgentiaque arma per umbras;
 Ingenti trepidare metu: pars vertere terga,
 Ceu quondam petiere rates; pars tollere vocem
 Exiguam: inceptus clamor frustratur hiantes.

490

Atque hic Priamiden laniatum corpore toto
 Deiphobum vidit, lacerum crudeliter ora,
 Ora manusque ambas, populataque tempora raptis
 Auribus, et truncas inhonesto vulnere nares.

495

Vix adeo agnovit pavitantem et dira tegentem
 Supplicia, et notis compellat vocibus ultro:

„Deiphobe armipotens, genus alto a sanguine Teucris, 500

„Quis tam crudeles optavit sumere poenas?

„Cui tantum de te licuit? Mihi fama suprema

„Nocte tulit fessum vasta te caede Pelasgûm

„Procubuisse super confusae stragis acervum.

„Tunc egomet tumulum Rhoeteo in litore inanem

505

„Constitui, et magna Manes ter voce vocavi.

„Nomen et arma locum servant; te, amice, nequivi

„Conspicere et patria decedens ponere terra.“

Ad quae Priamides: „Nihil o tibi amice relictum:



„Omnia Deiphobo solvisti et funeris umbris. 510
 „Sed me fata mea et scelus exitiale Lacaenae
 „His mersere malis; illa haec monumenta reliquit.
 „Namque ut supremam falsa inter gaudia noctem
 „Egerimus, nosti; et nimium meminisse necesse est.
 „Quum fatalis equus saltu super ardua venit 515
 „Pergama, et armatum peditem gravis attulit alvo;
 „Illa, chorum simulans, evantes orgia circum
 „Ducebat Phrygias, flammam media ipsa tenebat
 „Ingentem, et summa Danaos ex arce vocabat.
 „Tum me confectum curis somnoque gravatum 520
 „Infelix habuit thalamus, pressitque iacentem
 „Dulcis et alta quies, placidaeque simillima morti.
 „Egregia interea coniux arma omnia tectis
 „Amovet, et fidum capiti subduxerat ensem;
 „Intra tecta vocat Menelaum et limina pandit, 525
 „Scilicet id magnum sperans fore munus amanti,
 „Et famam exstingui veterum sic posse malorum.
 „Quid moror? Irrumpunt thalamo; comes additur una
 „Hortator scelerum Aeolides. Dî, talia Graiis
 „Instaurate, pio si poenas ore reposco! 530
 „Sed te qui vivum casus, age fare vicissim,
 „Attulerint. Pelagine venis erroribus actus,
 „An monitu divûm? an — quae te Fortuna fatigat,
 „Ut tristes sine sole domos, loca turbida, adires?“
 Hac vice sermonum roseis Aurora quadrigis 535
 Iam medium aethereo cursu traiecerat axem,
 Et fors omne datum traherent per talia tempus;
 Sed comes admonuit, breviterque affata Sibylla est:
 „Nox ruit, Aenea; nos flendo ducimus horas!
 „Hic locus est, partes ubi se via findit in ambas: 540
 „Dextera quae Ditis magni sub moenia tendit,
 „Hac iter Elysium nobis; at laeva malorum
 „Exercet poenas et ad impia Tartara mittit.“
 Deiphobus contra: „Ne saevi, magna sacerdos:
 „Discedam, explebo numerum, reddarque tenebris. 545
 „I decus, i, nostrum! melioribus utere fati!“
 Tantum effatus, et in verbo vestigia torsit.

Respicit Aeneas subito et sub rupe sinistra
 Moenia lata videt, triplici circumdata muro,
 Quae rapidus flammis ambit torrentibus amnis, 550
 Tartareus Phlegethon, torquetque sonantia saxa.
 Porta adversa, ingens, solidoque adamante columnae.
 Vis ut nulla virum, non ipsi excindere ferro
 Coelicolae valeant. Stat ferrea turris ad auras,
 Tisiphoneque sedens, palla succincta cruenta, 555
 Vestibulum exsomnis servat noctesque diesque.
 Hinc exaudiri gemitus et saeva sonare
 Verbera, tum stridor ferri tractaeque catenae.
 Constitit Aeneas, strepituque exterritus haesit.
 „Quae scelerum facies? o virgo, effare; quibusve 560
 „Urguentur poenis? qui tantus plangor ad auras?“
 Tum vates sic orsa loqui: „Dux inclyte Teucrùm,
 „Nulli fas casto sceleratum insistere limen;
 „Sed me quum lucis Hecate praefecit Avernis,
 „Ipsa deum poenas docuit perque omnia duxit. 565
 „Gnosius haec Rhadamanthus habet, durissima regna,
 „Castigatque auditque dolos, subigitque fateri,
 „Quae quis apud superos, furto laetatus inani,
 „Distulit in seram commissa piacula mortem.
 „Continuo sontes ultrix accincta flagello 570
 „Tisiphone quatit insultans, torvosque sinistra
 „Intentans angues, vocat agmina saeva sororum.
 „Tum demum horrissona stridentes cardine sacrae
 „Panduntur portae. Cernis, custodia qualis
 „Vestibulo sedeat, facies quae limina servet? 575
 „Quinquaginta atris immanis hiatibus Hydra
 „Saevior intus habet sedem; tum Tartarus ipse
 „Bis patet in praeceps tantum tenditque sub umbras,
 „Quantus ad aetherium coeli suspectus Olympum.
 „Hic genus antiquum Terrae, Titania pubes, 580
 „Fulmine deiecti fundo volvuntur in imo.
 „Hic et Aloidas geminos, immania vidi
 „Corpora, qui manibus magnum rescindere coelum
 „Aggressi, superisque Iovem detrudere regnis.
 „Vidi et crudeles dantem Salmonea poenas, 585

„Dum flammās Iovis et sonitus imitatur Olympi - :
 „Quatuor hic invectus equis et lampada quassans
 „Per Graiūm populos mediaeque per Elidis urbem
 „Ibat ovans, divūmque sibi poscebat honorem,
 „Demens, qui nimbos et non imitabile fulmen 590
 „Aere et cornipēdum pulsu simularet equorum.
 „At pater omnipotens densa inter nubila telum
 „Contorsit, non ille faces nec fumea taedis
 „Lumina, praecipitemque immani turbine adegit. -
 „Nec non et Tityon, Terrae omniparentis alumnum, 595
 „Cernere erat, per tota novem cui iugera corpus
 „Porrigitur, rostroque immanis vultur obunco
 „Immortale iecur tondens fecundaque poenis
 „Viscera rimaturque epulis, habitatque sub alto
 „Pectore, nec fibris requies datur ulla renatis. 600
 „Quid memorem Lapithas, Ixiona Pirithoumque - ,
 „Quos super atra silex iam iam lapsura cadentique
 „Imminet assimilis, lucent genialibus altis
 „Aurea fulcra toris, epulaeque ante ora paratae
 „Regifico luxu; Furiarum maxima iuxta 605
 „Accubat, et manibus prohibet contingere mensas,
 „Exsurgitque facem attollens, atque intonat ore - ?
 „Hic, quibus invisi fratres, dum vita manebat,
 „Pulsatusve parens, et fraus innexa clienti;
 „Aut qui divitiis soli incubuere repertis, 610
 „Nec partem posuere suis: quae maxima turba est;
 „Quique ob adulterium caesi; quique arma secuti
 „Impia, nec veriti dominorum fallere dextras,
 „Inclusi poenam expectant. Ne quaere doceri, 614
 „Quam poenam; aut quae forma viros fortunave mersit.
 „Saxum ingens volvunt alii, radiisque rotarum 616
 „Districti pendent: sedet aeternumque sedebit
 „Infelix Theseus; Phlegyasque miserrimus omnes
 „Admonet et magna testatur voce per umbras:
 „„Discite iustitiam moniti, et non temnere divos.““ 620
 „Vendidit hic auro patriam dominumque potentem
 „Imposuit, fixit leges pretio atque refixit;
 „Hic thalamum invasit natae vetitosque hymenaeos.

„Ausi omnes immane nefas ausoque potiti.
 „Non, mihi si linguae centum sint oraque centum, 625
 „Ferrea vox, omnes scelerum comprehendere formas,
 „Omnia poenarum percurrere nomina possim.“
 Haec ubi dicta dedit Phoebi longaeva sacerdos;
 „Sed iam age, carpe viam et susceptum perface munus!
 „Acceleremus!“ ait. „Cyclopum educta caminis 630
 „Moenia conspicio atque adverso fornice portas,
 „Haec ubi nos praecepta iubent deponere dona.“
 Dixerat, et pariter gressi per opaca viarum
 Corripiunt spatium medium, foribusque propinquant.
 Occupat Aeneas aditum, corpusque recenti 635
 Spargit aqua, ramumque adverso in limine figit.
 His demum exactis, perfecto munere divae,
 Devenere locos laetos et amoena vireta
 Fortunatorum nemorum sedesque beatas.
 Largior hic campos aether et lumine vestit 640
 Purpureo, solemque suum, sua sidera norunt.
 Pars in gramineis exercent membra palaestris,
 Contendunt ludo et fulva luctantur arena;
 Pars pedibus plaudunt choreas et carmina dicunt.
 Nec non Threïcius longa cum veste sacerdos 645
 Obloquitur numeris septem discrimina vocum,
 Iamque eadem digitis, iam pectine pulsat eburno.
 Hic genus antiquum Teucris, pulcherrima proles,
 Magnanimi heroes, nati melioribus annis,
 Ilusque Assaracusque et Troiae Dardanus auctor. 650
 Arma procul currusque virum miratur inanes;
 Stant terra defixae hastae, passimque soluti
 Per campum pascuntur equi: quae gratia curruum
 Armorumque fuit vivis, quae cura nitentes
 Pascere equos, eadem sequitur tellure repostos. 655
 Conspicit, ecce, alios dextra laevaue per herbam
 Vescentes laetumque choro Paeana canentes
 Inter odoratum lauri nemus, unde superne
 Plurimus Eridani per silvam volvitur amnis.
 Hic manus, ob patriam pugnando vulnera passi, 660
 Hicque sacerdotes casti, dum vita manebat,



.

.

Quique pii vates et Phoebos digna locuti,
 Inventas aut qui vitam excoluere per artes,
 Quique sui memores alios fecere merendo:
 Omnibus his nivea cinguntur tempora vitta. 665
 Quos circumfusus sic est affata Sibylla,
 Musaeum ante omnes - medium nam plurima turba
 Hunc habet, atque humeris exstantem suspicit altis -:
 „Dicite, felices animae, tuque, optime vates,
 „Quae regio Anchisen, quis habet locus? illius ergo 670
 „Venimus et magnos Erebi tranavimus amnes.“
 Atque huic responsum paucis ita reddidit heros:
 „Nulli certa domus; lucis habitamus opacis,
 „Riparumque toros et prata recentia rivis
 „Incolimus. Sed vos, si fert ita corde voluntas, 675
 „Hoc superate iugum; et facili iam tramite sistam.“
 Dixit, et ante tulit gressum, camposque nitentes
 Desuper ostentat; dehinc summa cacumina linquunt.
 At pater Anchises penitus convalle virenti
 Inclusas animas superumque ad lumen ituras 680
 Lustrabat studio recolens, omnemque suorum
 Forte recensebat numerum carosque nepotes,
 Fataque fortunasque virum moresque manusque.
 Isque ubi tendentem adversum per gramina vidit
 Aenean, alacris palmas utrasque tetendit, 685
 Effusaeque genis lacrimae, et vox excidit ore:
 „Venisti tandem, tuaque exspectata parenti
 „Vicit iter durum pietas? datur ora tueri,
 „Nate, tua, et notas audire et reddere voces?
 „Sic equidem ducebam animo rebarque futurum, 690
 „Tempora dinumerans, nec me mea cura fefellit.
 „Quas ego te terras et quanta per aequora vectum
 „Accipio! quantis iactatum, nate, periclis!
 „Quam metui, ne quid Libyae tibi regna nocerent!“
 Ille autem: „Tua me, genitor, tua tristis imago, 695
 „Saepius occurrens, haec limina tendere adegit.
 „Stant sale Thyrrheno classes. Da iungere dextram,
 „Da, genitor, teque amplexu ne subtrahe nostro.“
 Sic memorans largo fletu simul ora rigabat.

Ter conatus ibi collo dare brachia circum; 700
 Ter frustra comprehensa manus effugit imago,
 Par levibus ventis volucrique simillima somno.

Interea videt Aeneas in valle reducta
 Seclsum nemus et virgulta sonantia silvae,
 Lethaeumque, domos placidas qui praenatat, amnem. 705
 Hunc circum innumerae gentes populique volabant;

Ac velut in pratis ubi apes aestate serena
 Floribus insidunt variis et candida circum
 Lilia funduntur, strepit omnis murmure campus
 Horrescit visu subito causasque requirit 710

Inscius Aeneas, quae sint ea flumina porro,
 Quive viri tanto complerint agmine ripas.
 Tum pater Anchises: „Animae, quibus altera fato
 „Corpora debentur, Lethaei ad fluminis undam
 „Securos latices et longa obliviae potant. 715

„Has equidem memorare tibi atque ostendere coram,
 „Iampridem hanc prolem cupio enumerare meorum,
 „Quo magis Italia mecum lactere reperta.“ —
 „O pater, anne aliquas ad coelum hinc ire putandum est
 „Sublimes animas, iterumque ad tarda reverti 720

„Corpora? Quae lucis miseris tam dira cupido?“ —
 „Dicam equidem, nec te suspensum, nate, tenebo,“
 Suscipit Anchises, atque ordine singula pandit.

„Principio coelum ac terras camposque liquentes,
 „Lucentemque globum Lunae Titaniaque astra, 725
 „Spiritus intus alit, totamque infusa per artus
 „Mens agitat molem et magno se corpore miscet.

„Inde hominum pecudumque genus vitaeque volantum,
 „Et quae marmoreo fert monstra sub aequore pontus.
 „Igneus est ollis vigor et coelestis origo 730

„Seminibus, quantum non noxia corpora tardant,
 „Terrenique hebetant artus moribundaque membra.
 „Hinc metuunt cupiuntque, dolent gaudentque, neque
 „Dispiciunt clausae tenebris et carcere caeco. [auras

„Quin et supremo quum lumine vita reliquit, 735
 „Non tamen omne malum miseris nec funditus omnes
 „Corporeae excedunt pestes, penitusque necesse est





AENEIDOS LIB. VI.

207

„**Multa diu concreta modis inolescere miris.**
„**Ergo exercentur poenis, veterumque malorum**
„**Supplicia expendunt: aliae panduntur inanes** 740
„**Suspensae ad ventos, aliis sub gurgite vasto**
„**Infectum eluitur scelus, aut exurit igni.**
„**Quisque suos patimur Manes: exinde per amplum**
„**Mittimur Elysium, et pauci laeta arva tenemus;**
„**Donec longa dies, perfecto temporis orbe,** 745
„**Concretam exemit labem, purumque relinquit**
„**Aetherium sensum atque aurai simplicis ignem.**
„**Has omnes, ubi mille rotam volvere per annos,**
„**Lethaeum ad fluvium deus evocat agmine magno,**
„**Scilicet immemores supera ut convexa revisant,** 750
„**Rursus et incipiant in corpora vello reverti.“**
Dixerat Anchises, natumque unaque Sibyllam
Conventus trahit in medios turbamque sonantem,
Et tumultum capit, unde omnes longo ordine posset
Adversos legere et venientum discere vultus. 755
„**Nunc age, Dardaniam prolem quae deinde sequatur**
„**Gloria, qui maneant Itala de gente nepotes,**
„**Illustres animas nostrumque in nomen ituras,**
„**Expediam dictis, et te tua fata docebo.**
„**Ille, vides, pura iuvenis qui nititur hasta,** 760
„**Proxima sorte tenet lucis loca, primus ad auras**
„**Aetherias Italo commixtus sanguine surget,**
„**Silvius, Albanum nomen, tua postuma proles:**
„**Quem tibi longaevo serum Lavinia coniux**
„**Educet silvis regem regumque parentem:** 765
„**Unde genus Longa nostrum dominabitur Alba.**
„**Proximus ille Procas, Troianae gloria gentis,**
„**Et Capys et Numitor, et qui te nomine reddet**
„**Silvius Aeneas, pariter pietate vel armis**
„**Egregius, si umquam regnanda acceperit Albam.** 770
„**Qui iuvenes! Quantas ostentant, adspice, vires!**
„**Atque umbrata gerunt civili tempora quercu.**
„**Hi tibi Nomentum et Gabios urbemque Fidenam,**
„**Hi Collatinas imponent montibus arces,**
„**Pometios Castrumque Inui Bolamque Coramque:** 775

„Haec tum nomina erunt, nunc sunt sine nomine terrarum
„Quin et avo comitem sese Mavortius addet
„Romulus, Assaraci quem sanguinis Ilia mater
„Educet. Viden', ut geminae stant vertice cristae,
„Et pater ipse suo superum iam signat honore?
„En, huius, nate, auspiciis illa inclyta Roma
„Imperium terris, animos aequabit Olympo,
„Septemque una sibi muro circumdabit arces,
„Felix prole virum: qualis Berecynthia mater
„Invehitur curru Phrygias turrita per urbes,
„Laeta deum partu, centum complexa nepotes,
„Omnes coelicolas, omnes supera alta tenentes.
„Huc geminas nunc flecte acies, hanc adspice gentem
„Romanosque tuos. Hic Caesar et omnis Iuli
„Progenies, magnum coeli ventura sub axem.
„Hic vir, hic est, tibi quem promitti saepius audis,
„Augustus Caesar, Divi genus: aurea condet
„Saecula qui rursus Latio, regnata per arva
„Saturno quondam, super et Garamantas et Indos
„Proferet imperium; iacet extra sidera tellus,
„Extra anni Solisque vias, ubi coelifer Atlas
„Axem humero torquet stellis ardentibus aptum.
„Huius in adventum iam nunc et Caspia regna
„Responsis horrent divum et Maeotia tellus,
„Et septemgemini turbant trepida ostia Nili.
„Nec vero Alcides tantum telluris obivit,
„Fixerit aripedem cervam licet, aut Erymanthi
„Pacarit nemora et Lernam tremefecerit arcu;
„Nec, qui pampineis victor iuga flectit habenis,
„Liber, agens celso Nysae de vertice tigres.
„Et dubitamus adhuc virtutem extendere factis,
„Aut metus Ausonia prohibet consistere terra?
„Quis procul ille autem ramis insignis olivae,
„Sacra ferens? Nosco crines incanaque menta
„Regis Romani, primus qui legibus urbem
„Fundabit, Curibus parvis et paupere terra
„Missus in imperium magnum. Cui deinde subibit,
„Otia qui rumpet patriae, residesque movebit

„Tullus in arma viros et iam desueta triumphis
 „Agmina. Quem iuxta sequitur iactantior Ancus, 815
 „Nunc quoque iam nimium gaudens popularibus auris.
 „Vis et Tarquinius reges animamque superbam
 „Ultoris Bruti fascesque videre receptos?
 „Consulis imperium hic primus saevasque secures
 „Accipiet, natosque pater nova bella moventes 820
 „Ad poenam pulchra pro libertate vocabit,
 „Infelix! Utcumque ferent ea facta minores;
 „Vincet amor patriae laudumque immensa cupido.
 „Quin Decios Drusosque procul saevumque securi
 „Adspice Torquatum et referentem signa Camillum. 825
 „Illae autem, paribus quas fulgere cernis in armis,
 „Concordes animae nunc et dum nocte premuntur,
 „Heu quantum inter se bellum, si lumina vitae
 „Attigerint, quantas acies stragemque ciebuht,
 „Aggeribus socer Alpinis atque arce Monoeci 830
 „Descendens, gener adversis instructus Eois!
 „Ne, pueri, ne tanta animis adsuescite bella,
 „Neu patriae validas in viscera vertite vires;
 „Tuque prior, tu parce, genus qui ducis Olympo,
 „Proiice tela manu, sanguis meus! 835
 „Ille triumphata Capitolia ad alta Corinθο
 „Victor aget currum, caesis insignis Achivis.
 „Eruet ille Argos Agamemnoniasque Mycenae,
 „Ipsamque Aeaciden, genus armipotentis Achilli,
 „Ultus avos Troiae, templa et temerata Minervae. 840
 „Quis te, magne Cato, tacitum, aut te, Cosse, relinquat?
 „Quis Gracchi genus, aut geminos, duo fulmina belli,
 „Scipiadas, cladem Libyaе, parvoque potentem
 „Fabricium, vel te sulco, Serrane, serentem?
 „Quo fessum rapitis, Fabii? Tu Maximus ille es, 845
 „Unus qui nobis cunctando restituis rem.
 „Excudent alii spirantia mollius aera,
 „Credo equidem, vivos ducent de marmore vultus,
 „Orabunt causas melius, coelique meatus
 „Describent radio et surgentia sidera dicent; 850
 „Tu regere imperio populos, Romane, memento :

„Hae tibi erunt artes, pacisque imponere morem,
„Parcere subiectis, et debellare superbos.“
Sic pater Anchises, atque haec mirantibus addit:
„Adspice, ut insignis spoliis Marcellus opimis 855
„Ingreditur, victorque viros supereminet omnes!
„Hic rem Romanam, magno turbante tumultu,
„Sistet, eques sternet Poenos Gallumque rebellem,
„Tertiaque arma patri suspendet capta Quirino.“
Atque hic Aeneas - una namque ire videbat 860
Egregium forma iuvenem et fulgentibus armis,
Sed frons laeta parum, et deiecto lumina vultu -:
„Quis, pater, ille, virum qui sic comitatur euntem?
„Filius, ane aliquis magna de stirpe nepotum?
„Qui strepitus circa comitum! quantum instar in ipso! 865
„Sed nox atra caput tristi circumvolat umbra.“
Tum pater Anchises, lacrimis ingressus obortis:
„O gnate, ingentem luctum ne quaere tuorum.
„Ostendent terris hunc tantum fata, neque ultra
„Esse sinent. Nimum vobis Romana propago 870
„Visa potens, superi, propria hacc si dona fuissent.
„Quantos ille virum magnam Mavortis ad urbem
„Campus agel gemitus; vel quae, Tiberine, videbis
„Funera, quum tumulum praeterlabere recentem!
„Nec puer Iliaca quisquam de gente Latinos 875
„In tantum spe tollet avos, nec Romula quondam
„Ullo se tantum tellus iactabit alumno.
„Heu pietas, heu prisca fides, invictaque bello
„Dextera! non illi se quisquam impune tulisset
„Obvius armato, seu quum pedes iret in hostem, 880
„Seu spumantis equi foderet calcaribus armos.
„Heu, miserande puer, si qua fata aspera rumpas;
„Tu Marcellus eris. Manibus date lilia plenis;
„Purpureos spargam flores, animamque nepotis
„His saltem accumulem donis, et fungar inani 885
„Munere.“ Sic tota passim regione vagantur
Aëris in campis latis, atque omnia lustrant.
Quae postquam Anchises natum per singula duxit,
Incenditque animum famae venientis amore;



Exin bella viro memorat, quae deinde gerenda, 890
Laurentesque docet populos urbemque Latini,
Et quo quemque modo fugiatque feratque laborem.

Sunt geminae Somni portae, quarum altera fertur
Cornea, qua veris facilis datur exitus Umbris;
Altera candenti perfecta nitens elephanto, 895
Sed falsa ad coelum mittunt insomnia Manes.
His ubi tum natum Anchises unaque Sibyllam
Prosequitur dictis, portaque emittit eburna;
Ille viam secat ad naves sociosque revisit,
Tum se ad Caietae recto fert limite portum. 900
Ancora de prora iacitur; stant litore puppes.

P. VIRGILII MARONIS
A E N E I D O S
LIBER SEPTIMUS.

Tu quoque litoribus nostris, Aeneïa nutrix,
Aeternam moriens famam, Caieta, dedisti;
Et nunc servat honos sedem tuus, ossaque nomen
Hesperia in magna, si qua est ea gloria, signat.
At pius exsequiis Aeneas rite solutis, 5
Aggere composito tumuli, postquam alta quierunt
Aequora, tendit iter velis portumque relinquit.
Adspirant aerae in noctem, nec candida cursus
Luna negat, splendet tremulo sub lumine pontus.
Proxima Circaeae raduntur litora terrae, 10
Dives inaccessos ubi Solis filia lucos
Assiduo resonat cantu, tectisque superbis
Urit odoratam nocturna in lumina cedrum,
Arguto tenues percurrens pectine telas.
Hinc exaudiri gemitus iraeque leonum, 15
Vincla recusantum et sera sub nocte rudentum,
Setigerique sues atque in praesepibus ursi
Saevire, ac formae magnorum ululare luporum:
Quos hominum ex facie dea saeva potentibus herbis

Induerat Circe in vultus ac terga ferarum.
Quae ne monstra pii paterentur talia Troes,
Delati in portus, neu litora dira subirent,
Neptunus ventis implevit vela secundis,
Atque fugam dedit et praeter vada fervida vexit.
Iamque rubescebat radiis mare, et aethere ab altis
Aurora in roseis fulgebat lutea bigis:
Quum venti posuere, omnisque repente resedit
Flatus, et in lento luctantur marmore tonsae.
Atque hic Aeneas ingentem ex aequore lucum
Prospicit: hunc inter fluvio Tiberinus amoeno,
Verticibus rapidis et multa flavus arena,
In mare prorumpit; variae circumque supraque
Assuetae ripis volucres et fluminis alveo
Aethera mulcebant cantu, lucoque volabant.
Flectere iter sociis terraeque advertere proras
Imperat, et laetus fluvio succedit opaco.

Nunc age, qui reges, Erato, quae tempora rerum
Quis Latio antiquo fuerit status, advena classem
Quum primum Ausoniis exercitus appulit oris,
Expediam, et primae revocabo exordia pugnae:
Tu vatem, tu, diva, mone! Dicam horrida bella,
Dicam acies actosque animis in funera reges,
Tyrrhenamque manum totamque sub arma coactam
Hesperiam. Maior rerum mihi nascitur ordo;
Maius opus moveo. Rex arva Latinus et urbes
Iam senior longa placidas in pace regebat.
Hunc Fauno et nympha genitum Laurente Marica
Accipimus; Fauno Picus pater; isque parentem
Te, Saturne, refert; tu sanguinis ultimus auctor.
Filius huic, fato divum, prolesque virilis
Nulla fuit, primaque oriens crepta iuventa est.
Sola domum et tantas servabat filia sedes,
Iam matura viro, iam plenis nubilis annis.
Multi illam magno e Latio totaque petebant
Ausonia; petit ante alios pulcherrimus omnes
Turnus, avis atavisque potens: quem regia coniunctum
Adiungi generum miro properabat amore;



Sed variis portenta deum terroribus obstant.
Laurus erat tecti medio, in penetralibus altis,
Sacra comam, multosque metu servata per annos, 60
Quam pater inventam, primas quum conderet arces,
Ipse ferebatur Phoebos sacrasse Latinus,
Laurentesque ab ea nomen posuisse colonis.
Huius apes summum densae - mirabile dictu! -
Stridore ingenti liquidum trans aethera vectae, 65
Obsedere apicem, et, pedibus per mutua nexis,
Examen subitum ramo frondente pependit.
Continuo vates „Externum cernimus“ inquit
„Adventare virum, et partes petere agmen easdem
„Partibus ex isdem, et summa dominarier arce.“ 70
Praeterea, castis adolet dum altaria taedis,
Ut iuxta genitorem adstat Lavinia virgo,
Visa - nefas! - longis comprehendere crinibus ignem,
Atque omnem ornatum flamma crepitante cremari,
Regalesque accensa comas, accensa coronam, 75
Insignem gemmis; tum fumida lumine fulvo
Involvi, ac totis Vulcanum spargere tectis.
Id vero horrendum ac visu mirabile ferri:
Namque fore illustrem fama fatisque canebant
Ipsam, sed populo magnum portendere bellum. 80
At rex sollicitus monstris, oracula Fauni,
Fatidici genitoris, adit, lucosque sub alta
Consulit Albunea, nemorum quae maxima sacro
Fonte sonat, saevamque exhalat opaca mephitim
Hinc Italiae gentes omnisque Oenotria tellus 85
In dubiis responsa petunt. Huc dona sacerdos
Quum tulit, et caesarum ovium sub nocte silenti
Pellibus incubuit stratis, somnosque petivit;
Multa modis simulacra videt volitantia miris,
Et varias audit voces, fruiturque deorum 90
Colloquio, atque imis Acheronta affatur Avernis.
Hic et tunc pater ipse petens responsa Latinus
Centum lanigeras mactabat rite bidentes,
Atque harum effultus tergo stratisque iacebat
Velleribus: subita ex alto vox reddita luco est: 95

„Ne pete connubiis natam sociare Latinis,
„O mea progenies, thalamis neu crede paratis:
„Externi veniunt generi, qui sanguine nostrum
„Nomen in astra ferant, quorumque ab stirpe nepotes
„Omnia sub pedibus, qua Sol utrumque recurrens
„Adspicit Oceanum, vertique regique videbunt.“

Haec responsa patris Fauni monitusque silenti
Nocte datos non ipse suo premit ore Latinus;
Sed circum late volitans iam Fama per urbes
Ausonias tulerat, quum Laomedontia pubes
Gramineo ripae religavit ab aggere classem.

Aeneas primique duces et pulcher Iulus
Corpora sub ramis deponunt arboris altae,
Instituuntque dapes, et adorea liba per herbam
Subiiciunt epulis - sic Iupiter ipse monchat -,
Et Cereale solum pomis agrestibus augent.
Consumtis hic forte aliis, ut vertere morsus
Exiguam in Cererem penuria adegit edendi,
Et violare manu malisque audacibus orbem
Fatalis crusti, patulis nec parcere quadris;

„Heus! etiam mensas consumimus?“ inquit Iulus, —
Nec plura alludens. Ea vox audita laborum
Prima tulit finem, primamque loquentis ab ore
Eripuit pater ac stupefactus numine pressit.

Continuo „Salve fatis mihi debita tellus,
„Vosque“ ait „o fidi Troiae salvete Penates!
„Hic domus, haec patria est: genitor mihi talia - namque
„Nunc repeto - Anchises fatorum arcana reliquit.
„„Quum te, nate, fames ignota ad litora vectum
„„Accisis coget dapibus consumere mensas;
„„Tum sperare domos defessus, ibique memento
„„Prima locare manu molirique aggere tecta.““
„Haec erat illa fames; haec nos suprema manebat,
„Exiliis positura modum.

„Quare agite et primo laeti cum lumine solis,
„Quae loca, quive habeant homines, ubi moenia gentis
„Vestigemus, et a portu diversa petamus.
„Nunc pateras libate Iovi, precibusque vocale



„Anchisen genitorem, et vina reponite mensis.“

Sic deinde effatus frondenti tempora ramo 135

Implicat, et Geniumque loci primamque deorum

Tellurem nymphasque et adhuc ignota precatur

Flumina, tum Noctem Noctisque orientia signa

Idaeumque Iovem Phrygiamque ex ordine matrem

Invocat, et duplices Coeloque Ereboque parentes. 140

Hic pater omnipotens ter coelo clarus ab alto

Intonuit, radiisque ardentem lucis et auro

Ipse manu quatiens ostendit ab aethere nubem.

Diditur hic subito Troiana per agmina rumor,

Advenisse diem, quo debita moenia condant; 145

Certatim instaurant epulas, atque omine magno

Crateras laeti statuunt et vina coronant.

Postera quum prima lustrabat lampade terras

Orta dies; urbem et fines et litora gentis

Diversi explorant: haec fontis stagna Numicî, 150

Hunc Thybrim fluvium, hic fortes habitare Latinos.

Tum satus Anchisa delectos ordine ab omni

Centum oratores augusta ad moenia regis

• Ire iubet, ramis velatos Palladis omnes,

Donaque ferre viro, pacemque exposcere Teucris. 155

Haud mora, festinant iussi rapidisque feruntur

• Passibus. Ipse humili designat moenia fossa,

Moliturque locum, primasque in litore sedes

• Castrorum in morem pinnis atque aggere cingit.

Iamque iter emensi, turres ac tecta Latinorum 160

Ardua cernebant iuvenes, muroque subibant:

Ante urbem pueri et primaevo flore iuventus

Exercentur equis, domitantque in pulvere currus,

Aut acres tendunt arcus, aut lenta lacertis

Spicula contorquent, cursuque ictuque lacesunt; 165

Quum praevectus equo longaevi regis ad aures

Nuntius ingentes ignota in veste reportat


Advenisse viros. Ille intra tecta vocari

Imperat, et solio medius consedit avito.

Tectum augustum, ingens, centum sublime columnis, 170

Urbe fuit summa, Laurentis regia Pici,

Horrendum silvis et religione parentum.
 Hic sceptrā accipere et primos attollere fasces
 Regibus omen erat; hoc illis curia templum,
 Hae sacris sedes epulis; hic ariete caeso 175
 Perpetuis soliti patres considerare mensis.
 Quin etiam veterum effigies ex ordine avorum
 Antiqua e cedro, Italusque, paterque Sabinus,
 Vitisator curvam servans sub imagine falcem,
 Saturnusque senex, Ianique bifrontis imago, 180
 Vestibulo adstabant, aliique ab origine reges,
 Martia qui ob patriam pugnando vulnera passi.
 Multaque praeterea sacris in postibus arma,
 Captivi pendent currus, curvaeque secures
 Et cristae capitum, et portarum ingentia claustra, 185
 Spiculaque clipeique ereptaue rostra carinis.
 Ipse Quirinali lituo parvaque sedebat
 Succinctus trabea, laevaue ancile gerebat
 Picus, equum domitor, quem capta cupidine coniux,
 Aurea percussum virga versumque venenis, 190
 Fecit avem Circe, sparsitque coloribus alas.
 Tali intus templo divum patriaue Latinus
 Sede sedens Teucros ad sese in tecta vocavit,
 Atque haec ingressis placido prior edidit ore:
 „Dicite, Dardanidae - neque enim nescimus et urbem 195
 „Et genus, auditique advertitis aequore cursum - ,
 „Quid petitis? quae causa rates aut cuius egentes
 „Litus ad Ausonium tot per vada caerula vexit?
 „Sive errore viae, seu tempestatibus acti -
 „Qualia multa mari nautae patiuntur in alto - 200
 „Fluminis intrastis ripas portuque sedetis:
 „Ne fugite hospitium, neve ignorete Latinos
 „Saturni gentem, haud vinclo nec legibus acquam,
 „Sponte sua veterisque dei se more tenentem.
 „Atque equidem memini - fama est obscurior annis - 205
 „Auruncos ita ferre senes, his ortus ut agris
 „Dardanus Idaeas Phrygiae penetrarit ad urbes
 „Threïciamque Samon, quae nunc Samothracia fertur.
 „Hinc illum, Corythi Tyrrhena ab sede profectum,



na nunc solio stellantis regia coeli 210
 pit, et numerum divorum altaribus addit.
 at, et dicta Ilioneus sic voce secutus:
 genus egregium Fauni, nec fluctibus actos
 subegit hiems vestris succedere terris,
 sidus regione viae litusve fefellit; 215
 ilio hanc omnes animisque volentibus urbem
 rimur, pulsī regnis, quae maxima quondam
 emo veniens Sol adspiciebat Olympo.
 ove principium generis: Iove Dardana pubes
 let avo; rex ipse Iovis de gente suprema, 220
 us Aeneas, tua nos ad limina misit,
 ita per Idaeos saevis effusa Mycenis
 pestas ierit campos, quibus actus uterque
 opae atque Asiae fatis concurrerit orbis,
 iit, et si quem tellus extrema refuso 225
 novet Oceano, et si quem extenta plagarum
 uor in medio dirimit plaga solis iniqui.
 vio ex illo tot vasta per aequora vecti
 sedem exiguum patriis litusque rogamus
 cuum, et cunctis undamque auramque patentem. 230
 erimus regno indecores; nec vestra feretur
 a levis, tantique abolescet gratia facti;
 Troiam Ausonios gremio excepisse pigebit.
 per Aeneae iuro dextramque potentem,
 fide seu quis bello est expertus et armis: 235
 i nos populi, multae-ne temne, quod ultro
 ferimus manibus vittas ac verba precantia-
 etiere sibi et voluere adiungere gentes.
 nos fata deūm vestras exquirere terras
 riis egere suis. Hinc Dardanus ortus: 240
 repetit; iussisque ingentibus urget Apollo
 henum ad Thybrim et fontis vada sacra Numici.
 ibi praeterea fortunae parva prioris
 era, reliquias Troia ex ardente receptas.
 pater Anchises auro libabat ad aras; 245
 Priami gestamen erat, quum iura vocatis
 daret populis, sceptrumque, sacerque tiaras,

„Iliadumque labor vestes.“

Talibus Ilionei dictis defixa Latinus

Obtutu tenet ora, soloque immobilis haeret, 250

Intentos volvens oculos. Nec purpura regem

Picta movet, nec sceptrata movent Priameia tantum,

Quantum in connubio natae thalamoque moratur,

Et veteris Fauni volvit sub pectore sortem.

Hunc illum fatis externa ab sede profectum 255

Portendi generum, paribusque in regna vocari

Auspiciis; huic progeniem virtute futuram

Egregiam, et totum quae viribus occupet orbem.

Tandem laetus ait: „Di nostra incepta secudent

„Auguriumque suum! Dabitur, Troiane, quod optas, 260

„Munera nec sperno. Non vobis, rege Latino,

„Divitis uber agri Troiaeve opulentia decrit.

„Ipse modo Aeneas, nostri si tanta cupido est,

„Si iungi hospitio properat sociusque vocari,

„Adveniat, vultus neve exhorrescat amicos: 265

„Pars mihi pacis erit dextram tetigisse tyranni.

„Vos contra regi mea nunc mandata referte.

„Est mihi nata, viro gentis quam iungere nostrae

„Non patrio ex adyto sortes, non plurima coelo

„Monstra sinunt: generos externis affore ab oris, 270

„Hoc Latio restare canunt, qui sanguine nostrum

„Nomen in astra ferant. Hunc illum poscere fata

„Et reor et, si quid veri mens augurat, opto.“

Haec effatus, equos numero pater eligit omni-

Stabant ter centum nitidi in praeseptibus altis -: 275

Omnibus extemplo Teucris iubet ordine duci

Instratos ostro alipedes pictisque tapetis-

Aurea pectoribus demissa monilia pendent;

Tecti auro, fulvum mandunt sub dentibus aurum -;

Absenti Aeneae currum geminosque iugales 280

Semine ab aetherio, spirantes naribus ignem,

Illorum de gente, patri quos daedala Circe

Supposita de matre nothos furata creavit.

Talibus Aeneadae donis dictisque Latini

Sublimes in equis redeunt, pacemque reportant. 285

Ecce autem Inachiis sese referebat ab Argis
 Saeva Iovis coniux, aurasque invecta tenebat;
 Et laetum Aenean classemque ex aethere longe
 Dardaniam Siculo prospexit ab usque Pachyno.
 Moliri iam tecta videt, iam fidere terrae;
 Deseruisse rates. Stetit acri fixa dolore;
 Tum quassans caput, haec effundit pectore dicta:
 „Heu stirpem invisam et fatis contraria nostris
 „Fata Phrygum! num Sigeis occumbere campis,
 „Num capti potuere capi? num incensa cremavit
 „Troia viros? Medias acies mediosque per ignes
 „Invenere viam. At, credo, mea numina tandem
 „Fessa iacent, odiis aut exsaturata quievi. —
 „Quin etiam patria excussos infesta per undas
 „Ausa sequi, et profugis toto me opponere ponto.
 „Absumtae in Teucros vires coelique marisque.
 „Quid Syrtes aut Scylla mihi, quid vasta Charybdis.
 „Profuit? Optato conduntur Thybridis alveo,
 „Securi pelagi atque mei. Mars perdere gentem
 „Immanem Lapithum valuit; concessit in iras
 „Ipse deum antiquam genitor Calydona Dianae: [item?
 „Quod scelus aut Lapithas tantum, aut Calydona meren-
 „Ast ego, magna Iovis coniux, nil linquere inausum
 „Quae potui infelix, quae memet in omnia verti,
 „Vincor ab Aenea! Quod simea numina non sunt [quae est.
 „Magna satis; dubitem haud equidem implorare quod us-
 „Flectere si nequeo Superos; Acheronta movebo.
 „Non dabitur regnis, esto, prohibere Latinis,
 „Atque immota manet fatis Lavinia coniux;
 „At trahere atque moras tantis licet addere rebus,
 „At licet amborum populos exscindere regum.
 „Hac gener atque socer coeant mercede suorum.
 „Sanguine Troiano et Rutulo dotabere, virgo,
 „Et Bellona manet te pronuba. Nec face tantum
 „Cisseis praegnans ignes enixa iugales;
 „Quin idem Veneri partus suus et Paris alter,
 „Funestaeque iterum recidiva in Pergama taedae.“
 Haec ubi dicta dedit; terras horrenda petivit.

Luctificam Allecto dirarum ab sede dearum
 Infernisque ciet tenebris, cui tristia bella
 Iraeque insidiaeque et crimina noxia cordi.
 Odit et ipse pater Pluton, odere sorores
 Tartareae monstrum: tot sese vertit in ora,
 Tam saevae facies, tot pullulat atra colubris.
 Quam Iuno his acuit verbis, ac talia fatur:

„Hunc mihi da proprium, virgo sata Nocte, laborem
 „Hanc operam, ne noster honos infractave cedat
 „Fama loco, neu connubiis ambire Latinum
 „Aeneadae possint Italosve obsidere fines.
 „Tu potes unanimos armare in proelia fratres,
 „Atque odiis versare domos, tu verbera tectis
 „Funereasque inferre faces; tibi nomina mille,
 „Mille nocendi artes: fecundum concute pectus,
 „Disiice compositam pacem, sere crimina belli;
 „Arma velit poscatque simul rapiatque iuventus!“

Exin Gorgoneis Allecto infecta venenis
 Principio Latium et Laurentis tecta tyranni
 Celsa petit, tacitumque obsedit limen Amatae,
 Quam super adventu Teucrûm Turnique hymenaeis
 Femineae ardentem curaeque iraeque coquebant.
 Huic dea caeruleis unum de crinibus anguem
 Coniicit, inque sinum praecordia ad intima subdit,
 Quo furibunda domum monstro permisceat omnem.
 Ille, inter vestes et levia pectora lapsus,
 Volvitur attactu nullo fallitque furem,
 Vipeream inspirans animam: fit tortile collo
 Aurum ingens coluber, fit longae taenia vittae,
 Innectitque comas, et membris lubricus errat.
 Ac dum prima lues udo sublapsa veneno
 Pertentat sensus, atque ossibus implicat ignem,
 Necdum animus toto percepit pectore flammam;
 Mollius et solito matrum de more loquuta est,
 Multa super natae lacrimans Phrygiisque hymenaeis
 „Exsulibusne datur ducenda Lavinia Teucris,
 „O genitor, nec te miseret gnataeque tuique,
 Nec matris miseret, quam primo aquilone relinque



„Perfidus, alta petens abducta virgine praedo?
„At non sic Phrygius penetrat Lacedaemona pastor,
„Ledaeamque Helenam Troianas vexit ad urbes!
„Quid tua sancta fides? quid cura antiqua tuorum, 365
„Et consanguineo toties data dextera Turno?
„Si gener externa petitur de gente Latinis,
„Idque sedet, Faunisque premunt te iussa parentis:
„Omnem equidem sceptris terram quae libera nostris
„Dissidet, externam reor, et sic dicere divos, 370
„Et Turno, si prima domus repetatur origo,
„Inachus Acrisiusque patres mediaeque Mycenae.“
His ubi nequidquam dictis experta Latinum
Contra stare videt, penitusque in viscera lapsum
Serpentis furiale malum, totamque pererrat; 375
Tum vero infelix, ingentibus exorta monstribus,
Immensam sine more furit lymphata per urbem:
Ceu quondam torto volitans sub verbere turbo,
Quem pueri magno in gyro vacua atria circum
Intenti ludo exercent: ille actus habena 380
Curvatis fertur spatiis; stupet inscia supra
Impubesque manus, mirata volubile buxum;
Dant animos plagae. Non cursu segnior illo
Per medias urbes agitur populosque feroces.
Quin etiam in silvas, simulato numine Bacchi, 385
Maius adorta nefas maioremque orsa furorem,
Evolat, et natam frondosis montibus abdit,
Quo thalamum eripiat Teucris taedasque moretur,
Evoc Bacche fremens, solum te virgine dignum
Vociferans: etenim molles tibi sumere thyrsos, 390
Te lustrare choro, sacrum tibi pascere crinem.
Fama volat, furiisque accensas pectore matres
Idem omnes simul ardor agit nova quaerere tecta.
Deseruere domos; ventis dant colla comasque.
Ast aliae tremulis ululatibus aethera complent, 395
Pampineasque gerunt incinctae pellibus hastas.
Ipsa inter medias flagrantem fervida pinum
Sustinet, ac natae Turnique canit hymenaeos,
Sanguineam torquens aciem, torvumque repente

Clamat: „Io matres, audite, ubi quaeque, Latinae!
 „Si qua piis animis manet infelicis Amatae
 „Gratia, si iuris materni cura remordet;
 „Solvite crinales vittas, capite orgia mecum!“
 Talem inter silvas, inter deserta ferarum,
 Reginam Allecto stimulis agit undique Bacchi.

Postquam visa satis primos acuisse furores,
 Consiliumque omnemque domum vertisse Latini;
 Protenus hinc fuscis tristis dea tollitur alis
 Audacis Rutuli ad muros, - quam dicitur urbem
 Acrisioneis Danaë fundasse colonis, -
 Praecipiti delata Noto. Locus Ardea quondam
 Dictus avis: et nunc magnum manet Ardea nomen;
 Sed fortuna fuit. Tectis hic Turnus in altis
 Iam mediam nigra carpebat nocte quietem:
 Allecto torvam faciem et furialia membra
 Exuit; in vultus sese transformat aniles,
 Et frontem obscenam rugis arat; induit albos
 Cum vitta crines, tum ramum innectit olivae;
 Fit Calybe Iunonis anus templique sacerdos,
 Et iuveni ante oculos his se cum vocibus offert:
 „Turne, tot incassum fusos patiere labores,
 „Et tua Dardaniis transscribi sceptrum colonis?
 „Rex tibi coniugium et quaesitas sanguine dotes
 „Abnegat, externusque in regnum quaeritur heres.
 „I nunc, ingratis offer te, irrise, periclis;
 „Tyrrhenas, i, sterne acies; tege pace Latinos.
 „Haec adeo tibi me, placida quum nocte iaceres,
 „Ipsa palam fari omnipotens Saturnia iussit.
 „Quare age, et armari pubem portisque moveri
 „Laetus in arma para, et Phrygios, qui flumine pulchro
 „Consedere, duces pictasque exure carinas.
 „Coelestum vis magna iubet. Rex ipse Latinus,
 „Ni dare coniugium et dicto parere fatetur,
 „Sentiat et tandem Turnum experiatur in armis.“
 Hic iuvenis, vatem irridens, sic orsa vicissim
 Ore refert: „Classes invectas Thybridis undam,
 „Non, ut rere, meas effugit nuntius aures -



antos mihi finge metus -, nec regia Iuno
 emor est nostri;
 te victa situ verique effeta senectus, 440
 ater, curis nequidquam exercet, et arma
 um inter falsa vatem formidine ludit.
 tibi divum effigies et templa tueri;
 t viri pacemque gerant, quis bella gerenda."
 is Allecto dictis exarsit in iras. 445
 veni oranti subitus tremor occupat artus;
 uere oculi: tot Erinys sibilat hydris,
 que se facies aperit. Tum flammea torquens
 ia, cunctantem et quaerentem dicere plura
 lit, et geminos erexit crinibus angues, 450
 praque insonuit, rabidoque haec addidit ore:
 ego victa situ, quam veri effeta senectus
 a inter regum falsa formidine ludit -
 vice ad haec -, adsum dirarum ab sede sororum;
 t manu letumque gero." 455
 fata, facem iuveni coniecit, et atro
 ie fumantes fixit sub pectore taedas.
 omnum ingens rumpit pavor, ossaque et artus
 ndit toto proruptus corpore sudor.
 amens fremit, arma toro tectisque requirit. 460
 t amor ferri, et scelerata insania belli,
 per: magno veluti quum flamma sonore
 a suggeritur costis undantis aheni,
 tantque aestu latices, furit intus aquai
 dus atque alte spumis exuberat amnis, 465
 am se capit unda, volat vapor ater ad auras.
 iter ad regem polluta pace Latinum
 t primis iuvenum, et iubet arma parari,
 t Italiam, detrudere finibus hostem:
 tis ambobus Teucrisque venire Latinisque. 470
 ubi dicta dedit, divosque in vota vocavit;
 im sese Rutuli exhortantur in arma:
 decus egregium formae movet atque iuventae,
 atavi reges, hunc claris dextera factis.
 n Turnus Rutulos ahimis audacibus implet. 475

Allecto in Teucros Stygiis se concitat alis,
Arte nova speculata locum, quo litore pulcher
Insidiis cursuque feras agitabat Iulus.
Hic subitam canibus rabiem Cocytia virgo
Obiicit, et noto nares contingit odore,
Ut cervum ardentem agerent: quae prima laborum
Causa fuit, belloque animos accendit agrestes.
Cervus erat forma praestanti et cornibus ingens,
Tyrrhidae pueri quem matris ab ubere raptum
Nutribant Tyrrheusque pater, cui regia parent
Armenta et lati custodia credita campi.
Assuetum imperiis soror omni Silvia cura
Mollibus intexens ornabat cornua sertis,
Pectebatque ferum, puroque in fonte lavabat.
Ille, manum patiens mensaeque assuetus herili,
Errabat silvis, rursusque ad limina nota
Ipse domum sera quamvis se nocte ferebat.
Hunc procul errantem rabidae venantis Iuli
Commovere canes, fluvio quum forte secundo
Deflueret ripaque aestus viridante levaret.
Ipse etiam, eximiae laudis succensus amore,
Ascanius curvo direxit spicula cornu;
Nec dextrae erranti deus afuit, actaque multo
Perque uterum sonitu perque ilia venit arundo.
Saucius at quadrupes nota intra tecta refugit,
Successitque gemens stabulis, questuque cruentum
Atque imploranti similis tectum omne replebat.
Silvia prima soror, palmis percussa lacertos,
Auxilium vocat et duros conclamat agrestes.
Olli - pestis enim tacitis latet aspera silvis -
Improvisi adsunt, hic torre armatus obusto,
Stipitis hic gravidi nodis: quod cuique repertum
Rimanti, telum ira facit. Vocat agmina Tyrrheus
Quadrifidam quercum cuneis ut forte coactis
Scindebat, rapta spirans immane securi.
At saeva e speculis tempus dea nacta nocendi,
Ardua tecta petit stabuli, et de culmine summo
Pastorale canit signum, cornuque recurvo



iam intendit vocem: qua protenus omne
 multum nemus et silvae insonuere profundae; 515
 et Triviae longe lacus, audiit amnis
 Nar albus aqua, fontesque Velini;
 Idae matres pressere ad pectora natos.
 Iero ad vocem celeres, qua buccina signum
 dedit, raptis concurrunt undique telis 520
 et agricolae; nec non et Troia pubes
 pro auxilium castris effundit apertis.
 re acies. Non iam certamine agresti
 vis duris agitur sudibusve praeustis;
 pro ancipiti decernunt, atraque late 525
 cit strictis seges ensibus, aeraque fulgent
 cessita et lucem sub nubila iactant:
 uti primo coepit quum albescere ponto,
 im sese tollit mare et altius undas
 inde imo consurgit ad aethera fundo. 530
 venis primam ante aciem stridente sagitta,
 m Tyrrhei fuerat qui maximus, Almo
 ur: haesit enim sub gutture vulnus, et udae
 iter tenuemque inclusit sanguine vitam.
 a multa virum circa, seniorque Galaesus, 535
 aci medium se offert, iustissimus unus
 t Ausoniisque olim ditissimus arvis:
 le greges illi balantum, quina redibant
 ta, et terram centum vertebat aratris.
 le ea per campos aequo dum Marte geruntur, 540
 si dea facta potens, ubi sanguine bellum
 et primae commisit funera pugnae,
 Hesperiam, et, coeli conversa per auras,
 m victrix affatur voce superba:
 rfecta tibi bello discordia tristi! 545
 a amicitiam coeant et foedera iungant!
 loquidem Ausonio respersi sanguine Teucros,
 tiam his addam, tua si mihi certa voluntas:
 nas in bella feram rumoribus urbes,
 idamque animos insani Martis amore, 550
 ue ut auxilio veniant; spargam arma per agros."

Tum contra Iuno: „Terrorum et fraudis abunde est.
 „Stant belli causae; pugnatur comminus armis;
 „Quæ fors prima dedit, sanguis novus imbuit arma.
 „Talia coniugia et tales celebrent hymenaeos 555
 „Egregium Veneris genus et rex ipse Latinus.
 „Te super aetherias errare licentius auras,
 „Haud pater ille velit, summi regnator Olympi:
 „Cede locis. Ego, si qua super fortuna laborum est,
 „Ipsa regam.“ Tales dederat Saturnia voces; 560
 Illa autem attollit stridentes anguibus alas,
 Cocytique petit sedem, supera ardua linquens.
 Est locus Italiae medio sub montibus altis,
 Nobilis et fama multis memoratus in oris,
 Amsancti valles; densis hunc frondibus atrum 565
 Urget utrimque latus nemoris, medioque fragosus
 Dat sonitum saxis et torto vertice torrens.
 Hic specus horrendum et saevi spiracula Ditis
 Monstrantur, ruptoque ingens Acheronte vorago
 Pestiferas aperit fauces: quis condita Erinyes, 570
 Invisum numen, terras coelumque levabat.
 Nec minus interea extremam Saturnia bello
 Imponit regina manum. Ruit omnis in urbem
 Pastorum ex acie numerus, caesosque reportant
 Almonem puerum foedatque ora Galaesi, 575
 Implorantque deos, obtestanturque Latinum.
 Turnus adest, medioque in crimine caedis et igni
 Terrorem ingeminat: Teucros in regna vocari,
 Stirpem admisceri Phrygiam, se limine pelli.
 Tum, quorum attonitae Baccho nemora avia matres 580
 Insultant thiasis - neque enim leve nomen Amatae - ,
 Undique collecti coeunt, Martemque fatigant.
 Ilicet infandum cuncti contra omina bellum,
 Contra fata deum, perverso numine poscunt;
 Certatim regis circumstant tecta Latini. 585
 Ille, velut pelagi rupes immota, resistit,
 Ut pelagi rupes magno veniente fragore,
 Quæ sese, multis circum latrantibus undis,
 Mole tenet; scopuli nequidquam et spumea circum





remunt, laterique illisa refunditur alga. 590
 ubi nulla datur caecum exsuperare potestas
 um, et saevae nutu Iunonis eunt res;
 deos aurasque pater testatus inanes,
 imur heu fatis“ inquit „ferimurque procella!
 as sacrilego pendetis sanguine poenas, 595
 eri. Te, Turne, nefas, te triste manebit
 licium, votisque deos venerabere seris.
 mihi parta quies, omnisque in limine portus;
 e felici spolior.“ Nec plura locutus
 se tectis, rerumque reliquit habenas. 600
 erat Hesperio in Latio, quem protenus urbes
 te coluere sacrum, nunc maxima rerum
 colit, quum prima movent in proelia Martem,
 etis inferre manu lacrimabile bellum
 aisve Arabisve parant, seu tendere ad Indos 605
 umque sequi Parthosque reposcere signa.
 eminae Belli portae - sic nomine dicunt -
 ne sacrae et saevi formidine Martis;
 n aerei claudunt vectes aeternaque ferri
 a, nec custos absistit limine Ianus: 610
 bi certa sedet patribus sententia pugnae,
 iurinali trabea cinctuque Gabino
 s, reserat stridentia limina consul;
 ocat pugnas, sequitur tum cetera pubes,
 ue adsensu conspirant cornua rauco. 615
 tum Aeneadis indicare bella Latinus
 ubebatur, tristesque recludere portas.
 uit tactu pater, aversusque refugit
 ministeria, et caecis se condidit umbris.
 gina deum, coelo delapsa, morantes 620
 t ipsa manu portas, et cardine verso
 erratos rumpit Saturnia postes.
 inexcita Ausonia atque immobilis ante:
 edes ire parat campis, pars arduus altis
 ulentus equis furi; omnes arma requirunt 625
 ves clipeos et spicula lucida tergent
 pingui, subiguntque in cote secures;

Signaque ferre iuvat, sonitusque audire tubarum.
 Quinque adeo magnae positis incudibus urbes
 Tela novant, Atina potens, Tiburque superbum,
 Ardea, Crustumérique, et turrigeræ Antemnae.
 Tegmina tuta cavant caput, flectuntque salignas
 Umbonum crates; alii thoracas ahenos
 Aut leves ocreas lento ducunt argento:
 Vomeris huc et falcis honos, huc omnis aratri
 Cessit amor; recoquunt patrios fornacibus enses.
 Classica iamque sonant, it bello tessera signum.
 Hic galeam tectis trepidus rapit, ille frementes
 Ad iuga cogit equos, clipeumque auroque trilicem
 Loricam induitur, fidoque accingitur ense.

Pandite nunc Helicon, deae, cantusque move,te,
 Qui bello exciti reges, quae quemque secutæ
 Complerint campos acies, quibus Itala iam tum
 Floruerit terra alma viris, quibus arserit armis:
 Et meministis enim, divae, et memorare potestis;
 Ad nos vix tenuis famæ perlabitur aura.

Primus init bellum Tyrrhenis asper ab oris
 Contemtor divûm Mezentius, agminaque armat.
 Filius huic iuxta Lausus, quo pulchrior alter
 Non fuit excepto Laurentis corpore Turni;
 Lausus, equûm domitor debellatorque ferarum,
 Ducit Agyllina nequidquam ex urbe secutos
 Mille viros, dignus, patriis qui laetior esset
 Imperiis, et cui pater haud Mezentius esset.

Post hos insignem palma per gramina curram
 Victoresque ostentat equos satus Hercule pulchro
 Pulcher Aventinus, clipeoque insigne paternum
 Centum angues cinctamque gerit serpentibus Hydram:
 Collis Aventini silva quem Rhea sacerdos
 Furtivum partu sub luminis edidit oras,
 Mixta deo mulier, postquam Laurentia victor
 Geryone extincto Tirynthius attigit arva,
 Tyrrhenoque boves in flumine lavit Iberas.
 Pila manu saevosque gerunt in bella dolones,
 Et tereti pugnant mucrone veruque Sabello.




pedes, tegumen torquens immane leonis,
 bili impexum seta cum dentibus albis,
 tus capiti, sic regia tecta subibat,
 idus, Herculeoque humeros innexus amictu.
 m gemini fratres Tiburtia moenia linquunt, 670
 is Tiburti dictam cognomine gentem,
 lusque acerque Coras, Argiva iuventus,
 imam ante aciem densa inter tela feruntur,
 duo nubigenae quum vertice montis ab alto
 endunt Centauri, Homolen Othrymque nivalem 675
 uentes cursu rapido; dat euntibus ingens
 locum, et magno cedunt virgulta fragore.
 c Praenestinae fundator defuit urbis,
 ano genitum pecora inter agrestia regem
 ntumque focis omnis quem credidit aetas, 680
 ulus. Hunc legio late comitatur agrestis,
 ue altum Praeneste viri, quique arva Gabinae
 nis gelidumque Anienem et roscida rivis
 ica saxa colunt; quos dives Anagnia pascit,
 i, Amasene pater. Non illis omnibus arma 685
 clipei currusve sonant: pars maxima glandes
 atis plumbi spargit; pars spicula gestat
 manu; fulvosque lupi de pelle galeros
 nen habent capiti; vestigia nuda sinistri
 tuere pedis, crudus tegit altera pero. 690
 Messapus, equum domitor, Neptunia proles,
 n neque fas igni cuiquam nec sternere ferro,
 pridem resides populos desuetaque bello.
 ina in arma vocat subito, ferrumque retractat.
 escenninas acies Aequosque Faliscos, 695
 oractis habent arces Flaviniaque arva
 imini cum monte lacum lucosque Capenos.
 t aequati numero, regemque canebant:
 quondam nivei liquida inter nubila cycni,
 n sese e pastu referunt et longa canoros 700
 per colla modos; sonat amnis et Asia longe
 a palus.
 quisquam aeratas acies ex agmine tanto

Misceri putet, aëriam sed gurgite ab alto
Urgeri volucrum raucarum ad litora nubem. 705

Ecce Sabinorum prisco de sanguine magnum
Agmen agens Clausus, magnique ipse agminis instar,
Claudia nunc a quo diffunditur et tribus et gens
Per Latium, postquam in partem data Roma Sabinis.
Una ingens Amiterna cohors priscique Quirites, 710
Ereti manus omnis oliviferaeque Mutuscae,
Qui Nomentum urbem, qui Rosea rura Velini,
Qui Tetricae horrentes rupes montemque Severum
Casperiamquē colunt Forulosque et flumen Himellae,
Qui Thybrim Fabarimque bibunt, quos frigida misit 715
Nursia, et Hortinae classes populi Latini,
Quosque secans infaustum interluit Allia nomen :
Quam multi Libyco volvuntur marmore fluctus,
Saevus ubi Orion hibernis conditur undis,
Vel quum sole novo densae torrentur aristae 720
Aut Hermi campo aut Lyciae flaventibus arvis.
Scuta sofiant, pulsuque pedum conterrita tellus.

Hinc Agamemnonius, Troiani nominis hostis,
Curru iungit Halaesus equos, Turnoque feroces
Mille rapit populos, vertunt felicia Baccho 725
Massica qui rastris, et quos de collibus altis
Aurunci misere patres Sidicinaque iuxta.
Aequora, quique Cales linquunt, amnisque vadosi
Accola Vulturii, pariterque Saticulus asper
Oscorumque manus. Teretes sunt aclydes illis 730
Tela; sed haec lento mos est aptare flagello.
Laevas caetra tegit; falcati comminus enses.

Nec tu carminibus nostris indictus abibis,
Oebale, quem generasse Telon Sebethide nympa
Fertur, Teleboùm Capreas quum regna teneret, 735
Iam senior; patriis sed non et filius arvis
Contentus, late iam tum dicione premebat
Sarrastes populos, et quae rigat aequora Sarnus,
Quique Rufras Batulumque tenent atque arva Celennae,
Et quos maliferae despectant moenia Abellae: 740
Teutonico ritu soliti torquere cateias;



AENEIDOS LIB. VII.

231

Tegmina quis capitum raptus de subere cortex,
Aerataeque micant peltae, micat aereus ensis.

Et te montosae misere in proelia Nersae,
Ufens, insignem fama et felicibus armis: 745

Horrida praecipue cui gens assuetaque multo
Venatu nemorum, duris Aequicula glebis.

Armati terram exercent, semperque recentes
Convectare iuvat praedas et vivere rapto.

Quin et Marruvia venit de gente sacerdos, 750

Fronde super galeam et felici comtus oliva,

Archippi regis missu, fortissimus Umbro,

Vipereo generi et graviter spirantibus hydris

Spargere qui somnos cantuque manuque solebat,
Mulcebatque iras et morsus arte levabat. 755

Sed non Dardaniae medicari cuspidis ictum

Evaluit, neque eum iuvare in vulnera cantus

Somniferi et Marsis quaesitae montibus herbae.

Te nemo Anguitiae, vitrea te Fucinus unda,

Te liquidi flevere lacus. 760

Ibat et Hippolyti proles pulcherrima bello,

Virbius, insignem quem mater Aricia misit,

Eductum Egeriae lucis humentia circum

Litora, pinguis ubi et placabilis ara Dianae.

Namque ferunt fama Hippolytum, postquam arte novercae

Occiderit patriasque explerit sanguine poenas 766

Turbatis distractus equis, ad sidera rursus

Aetheria et superas coeli venisse sub auras,

Paeoniis revocatum herbis et amore Dianae.

Tum pater omnipotens, aliquem indignatus ab umbris 770

Mortalem infernis ad lumina surgere vitae,

Ipsa repertorem medicinae talis et artis

Fulmine Phoebigenam Stygias detrusit ad undas.

At Trivia Hippolytum secretis alma recondit

Sedibus, et nymphae Egeriae nemorique relegat, 775

Solus ubi in silvis Italis ignobilis aevum

Exigeret, versoque ubi nomine Virbius esset.


Unde etiam templo Triviae lucisque sacrae

Cornipedes arcentur equi, quod litore currum

Et iuvenem monstris pavidī effudere marinīs.
 Fīlius ardentēs haud secius aequore campī
 Exercebat equos, curruque in bella ruebat.

Ipse inter primos praestanti corpore Turnus
 Vertitur arma tenens, et toto vertice supra est:
 Cui triplici crinita iuba galea altā Chimaeram
 Sustinet, Aetnaeos efflantem faucibus ignes - :
 Tam magis illa fremens et tristibus effera flammis,
 Quam magis effuso crudescunt sanguine pugnae - ;
 At levem clipeum sublatis cornibus Io
 Auro insignibat, iam setis obsita, iam bos,
 Argumentum ingens, et custos virginis Argus,
 Caelataque amnem fundens pater Inachus urna.
 Insequitur nimbus peditum, clipeataque totis
 Agmina densentur campis, Argivaque pubes
 Auruncaeque manus, Rutuli, veteresque Sicani,
 Et Sacrae acies, et picti scuta Labici:
 Qui saltus, Tiberine, tuos sacrumque Numici
 Litus arant, Rutulosque exercent vomere colles
 Circaeumque iugum; quīs Iupiter Anxurus arvis
 Praesidet et viridi gaudens Feronia luco;
 Qua Saturae iacet atra palus, gelidusque per imas
 Quaerit iter valles atque in mare conditur Ufens.

Hos super advenit Volsca de gente Camilla,
 Agmen agens equitum et florentes aere catervas,
 Bellatrix, non illa colo calathisve Minervae
 Femineas assueta manus, sed proelia virgo
 Dura pati cursuque pedum praevertere ventos.
 Illa vel intactae segetis per summa volaret
 Gramina, nec teneras cursu laesisset aristas;
 Vel mare per medium, fluctu suspensa tumentī,
 Ferret iter, celeres nec tingeret aequore plantas.
 Illam omnis tectis agrisque effusa iuventus
 Turbaque miratur matrum et prospectat euntem,
 Attonitis inhians animis, ut regius ostro
 Velet honos leves humeros, ut fibula crinem
 Auro internectat, Lyciam ut gerat ipsa pharetram
 Et pastoraalem praefixa cuspide myrtum



P. VIRGILII MARONIS
A E N E I D O S
 LIBER OCTAVUS.

belli signum Laurenti Tarnus ab arce
 tulit, et rauco strepuerunt cornua cantu,
 que acres concussit equos, utque impulit arma;
 templo turbati animi, simul omne tumultu
 niurat trepido Latium, saevitque iuventus 5
 'era. Ductores primi, Messapus et Ufens
 ntemtorque deūm Mezentius, undique cogunt
 xilia, et latos vastant cultoribus agros.
 titur et magni Venulus Diomedis ad urbem,
 i petat auxilium, et, Latio consistere Teucros, 10
 lvectum Aenean classi victosque Penates
 'erre, et fatis regem se dicere posci,
 oceat, multasque viro se adiungere gentes
 rdanio, et late Latio increbrescere nomen.
 id struat his coeptis, quem, si Fortuna sequatur, 15
 entum pugnae cupiat, manifestius ipsi,
 am Turno regi aut regi apparere Latino.
 talia per Latium. Quae Laomedontius heros
 ncta videns magno curarum fluctuat aestu,
 que animum nunc huc celerem nunc dividit illuc, 20
 partesque rapit varias, perque omnia versat:
 ut aquae tremulum labris ubi lumen ahenis
 le repercussum, aut radiantis imagine Lunae,
 inia pervolitat late loca, iamque sub auras
 gitur summique ferit laquearia tecti. 25
 x erat, et terras animalia fessa per omnes
 tuum pecudumque genus sopor altus habebat:
 um pater in ripa gelidique sub aetheris axe
 neas, tristi turbatus pectora bello,
 ocubuit seramque dedit per membra quietem. 30
 ic deus ipse loci fluvio Tiberinus amoeno
 puleas inter senior se attollere frondes

Visus - eum tenuis glauco velabat amictu
 Carbasus, et crines umbrosa tegebat arundo -,
 Tum sic affari et curas his demere dictis :
 „O sate gente deûm, Troianam ex hostibus urbem
 „Qui revehis nobis, aeternaue Pergama servas,
 „Expectate solo Laurenti arvisque Latinis,
 „Hic tibi certa domus, certi, ne absiste, Penates,
 „Neu belli terrere minis: tumor omnis et irae
 „Concessere deûm;
 „Iamque tibi, ne vana putes haec fingere somnum,
 „Litoreis ingens inventa sub ilicibus sus,
 „Triginta caput fetus enixa, iacebit,
 „Alba, solo recubans, albi circum ubera nati.
 „Hic locus urbis erit, requies ea certa laborum:
 „Ex quo ter denis urbem redeuntibus annis
 „Ascanius clari condet cognominis Albam.
 „Haud incerta cano. Nunc qua ratione, quod instat,
 „Expeditas victor, paucis - adverte - docebo.
 „Arcades his oris, genus a Pallante profectum,
 „Qui regem Evandrum comites, qui signa secuti,
 „Delegere locum et posuere in montibus urbem,
 „Pallantis proavi de nomine Pallanteum:
 „Hi bellum assidue ducunt cum gente Latina:
 „Hos castris adhibe socios, et foedera iunge.
 „Ipse ego te ripis et recto flumine ducam,
 „Adversum remis superes subvectus ut amnem.
 „Surge age, nate dea, primisque cadentibus astris
 „Iunoni fer rite preces, iramque minasque
 „Supplicibus supera votis. Mihi victor honorem
 „Persolves. Ego sum, pleno quem flumine cernis
 „Stringentem ripas et pingua culta secantem,
 „Caeruleus Thybris, coelo gratissimus amnis.
 „Hic mihi magna domus, celsis caput urbibus, exit.“
 Dixit, deinde lacu Fluvius se condidit alto,
 Ima petens; nox Aenean somnusque reliquit.
 Surgit et, aetherii spectans orientia solis
 Lumina, rite cavis undam de flumine palmis
 Sustinet, ac tales effundit ad aethera voces:

•

.



phae, Laurentes nymphae, genus amnibus unde est,
 ie, o Thybri tuo genitor cum flumine sancto,
 pite Aenean et tandem arcete periclis!
 te cumque lacus miserantem incommoda nostra
 e tenet, quocumque solo pulcherrimus exis, 75
 per honore meo, semper celebrabere donis,
 iger Hesperidum fluvijs regnator aquarum.
 s o tantum, et propius tua numina firmes!“
 emorat, geminasque legit de classe biremes,
 ioque aptat; socios simul instruit armis. 80
 autem subitum atque oculis mirabile monstrum,
 da per silvam cum fetu concolor albo
 buit viridique in litore conspicitur sus:
 pius Aeneas tibi enim, tibi, maxima Iuno,
 t, sacra ferens, et cum grege sistit ad aram. 85
 is ea fluvium, quam longa est, nocte tumentem
 , et tacita refluens ita substitit unda,
 ut in morem stagni placidaeque paludis
 eret aequor aquis, remo ut luctamen abesset.
 iter inceptum celerant rumore secundo; 90
 ur uncta vadis abies, mirantur et undae,
 ur nemus insuetum fulgentia longe
 virum fluvio, pictasque innare carinas.
 migio noctemque diemque fatigant,
 gos superant flexus, variisque teguntur 95
 ibus, viridesque secant placido aequore silvas.
 edium coeli conscenderat igneus orbem,
 muros arcemque procul ac rara domorum
 vident, quae nunc Romana potentia coelo
 vvit, tunc res inopes Evandrus habebat. 100
 advertunt proras, urbique propinquant.
 te die solemnem illo rex Arcas honorem
 itryoniadae magno divisque ferebat
 urbem in luco. Pallas huic filius una,
 mnes iuvenum primi pauperque senatus 105
 labant, tepidusque cruor fumabat ad aras.
 sas videre rates, atque inter opacum
 nemus et tacitis incumbere remis;

Terrentur visu subito, cunctique relictis
Consurgunt mensis. Audax quos rumpere Pallas
Sacra vetat, raptoque volat telo obuius ipse,
Et procul e tumulo „Iuvenes, quae causa subegit
„Ignotas tentare vias? Quo tenditis?“ inquit.
„Qui genus? Unde domo? Pacemne huc fertis, an arm
Tum pater Aeneas puppi sic fatur ab alta,
Paciferaeque manu ramum praetendit olivae:
„Troiu genas ac tela vides inimica Latinis,
„Quos illi bello profugos egere superbo.
„Evandrum petimus. Ferte haec et dicite, lectos
„Dardaniae venisse duces, socia arma rogantes.“
Obstupuit tanto percussus nomine Pallas;
„Egredere o quicumque es“ ait „coramque parentem
„Alloquere, ac nostris succede penatibus hospes!“
Excepitque manu, dextramque amplexus inhaesit.
Progressi subeunt luco, fluviumque relinquunt.
Tum regem Aeneas dictis affatur amicis:
„Optime Graiugenum, cui me fortuna precari
„Et vitta comtos voluit praetendere ramos,
„Non equidem extimui, Danaum quod ductor et Arc
„Quodque ab stirpe fores geminis coniunctus Atridis;
„Sed mea me virtus et sancta oracula divum,
„Cognatique patres, tua terris didita fama,
„Coniunxere tibi, et fatis egere volentem.
„Dardanus, Iliacae primus pater urbis et auctor,
„Electra, ut Graii perhibent, Atlantide cretus,
„Advehitur Teucros; Electram maximus Atlas
„Edidit, aetherios humero qui sustinet orbes.
„Vobis Mercurius pater est, quem candida Maia
„Cyllenae gelido conceptum vertice fudit;
„At Maiam, auditis si quidquam credimus, Atlas,
„Idem Atlas generat, coeli qui sidera tollit.
„Sic genus amborum scindit se sanguine ab uno.
„His fretus, non legatos neque prima per artem
„Tentamenta tui pepigi; me, me ipse meumque
„Obieci caput, et supplex ad limina veni.
„Gens eadem, quae te, crudeli Daunia bello



„Insequitur: nos si pellant, nihil afore credunt,
 „Quin omnem Hesperiam penitus sua sub iuga mittant,
 „Et mare, quod supra, teneant, quodque alluit infra.
 „Accipe, daque fidem. Sunt nobis fortia bello 150
 „Pectora, sunt animi et rebus spectata iuventus.“
 Dixerat Aeneas. Ille os oculosque loquentis
 lam dudum et totum lustrabat lumine corpus;
 Tum sic pauca refert: „Ut te, fortissime Teucrûm,
 „Accipio agnoscoque libens! ut verba parentis 155
 „Et vocem Anchisae magni vultumque recordor!
 „Nam memini Hesionae visentem regna sororis
 „Laomedontiaden Priamum, Salamina petentem,
 „Protenus Arcadiae gelidos invisere fines.
 „Tum mihi prima genas vestibat flore iuventas, 160
 „Mirabarque duces Teucros, mirabar et ipsum
 „Laomedontiaden; sed cunctis altior ibat
 „Anchises. Mihi mens iuvenali ardebat amore
 „Compellare virum, et dextrae coniungere dextram.
 „Accessi, et cupidus Phenei sub moenia duxi. 165
 „Ille mihi insignem pharetram Lyciasque sagittas
 „Discedens chlamydemque auro dedit intertextam,
 „Frenaque bina, meus quae nunc habet, aurea, Pallas.
 „Ergo et, quam petitis, iuncta est mihi foedere dextra,
 „Et, lux quum primum terris se crastina reddet, 170
 „Auxilio laetos dimittam, opibusque iuvabo.
 „Interea sacra haec, quando huc venistis amici,
 „Annua, quae differre nefas, celebrate faventes
 „Nobiscum, et iam nunc sociorum assuescite mensis.“
 Haec ubi dicta, dapes iubet et sublata reponi 175
 Pocula, gramineoque viros locat ipse sedili,
 Praecipuumque toro et villosi pelle leonis
 Accipit Aenean solioque invitat acerno.
 Tum lecti iuvenes certatim araeque sacerdos
 Viscera tosta ferunt taurorum, onerantque canistris 180
 Dona laboratae Cereris, Bacchumque ministrant.
 Vescitur Aeneas, simul et Troiana iuventus,
 Perpetui tergo bovis et lustralibus extis.
 Postquam exempta fames et amor compressus edendi,


Rex Evandrus ait: „Non haec solennia nobis,
„Has ex more dapes, hanc tanti numinis aram
„Vana superstitio veterumque ignara deorum
„Imposuit; saevis, hospes Troiane, periclis
„Servati facimus, meritosque novamus hopores.
„Iam primum saxis suspensam hanc adspice rupem
„Disiectae procul ut moles, desertaque montis
„Stat domus, et scopuli ingentem traxere ruinam.
„Hic spelunca fuit, vasto submota recessu,
„Semihominis Caci facies quam dira tenebat,
„Solis inaccessam radiis; semperque recenti
„Caede tepebat humus, foribusque affixa superbis
„Ora virum tristi pendebant pallida tabo.
„Huic monstro Vulcanus erat pater: illius atros
„Ore vomens ignes, magna se mole ferebat.
„Attulit et nobis aliquando optantibus aetas
„Auxilium adventumque dei. Nam maximus ultor,
„Tergemini nece Geryonae spoliisque superbus,
„Alcides aderat, taurosque hac victor agebat
„Ingentes; vallemque boves amnemque tenebant.
„At furiis Caci mens effera, ne quid inausum
„Aut intractatum scelerisve doliye fuisset,
„Quatuor a stabulis praestanti corpore tauros
„Avertit, totidem forma superante iuvenças.
„Atque hos, ne qua forent pedibus vestigia rectis,
„Cauda in speluncam tractos versisque viarum
„Indiciis raptos, saxo occultabat opaco.
„Quaerenti nulla ad speluncam signa ferebant.
„Interea, quum iam stabulis saturata moveret
„Amphitryoniades armenta abitumque pararet,
„Discessu mugire boves, atque omne querelis
„Impleri nemus, et colles clamore relinqui.
„Reddidit una boum vocem, vastoque sub antro
„Mugit, et Caci spem custodita fefellit.
„Hic vero Alcidae furiis exarserat atro
„Felle dolor: rapit arma manu nodisque gravatum
„Robur, et aërii cursu petit ardua montis.
„Tum primum nostri Cacus videre timentem



„Turbatumque oculis. Fugit ilicet ocior Euro,
 „Speluncamque petit: pedibus timor addidit alas.
 „Ut sese inclusit, ruptisque immane catenis 225
 „Deiecit saxum, ferro quod et arte paterna
 „Pendebat, fultosque emuniit obiice postes;
 „Ecce furens animis aderat Tirynthius, omnemque
 „Accessum lustrans huc ora ferebat et illuc,
 „Dentibus infrendens. Ter totum fervidus ira 230
 „Lustrat Aventini montem, ter saxea tentat
 „Limina nequidquam, ter fessus valle resedit.
 „Stabat acuta silex, praecisis undique saxis
 „Speluncae dorso insurgens, altissima visu,
 „Dirarum nidis domus opportuna volucrum: 235
 „Hanc, ut prona iugo laevum incumbebat ad amnem,
 „Dexter in adversum nitens concussit, et imis
 „Avulsam solvit radicibus, inde repente
 „Impulit; impulsu quo maximus intonat aether,
 „Dissultant ripae refluitque exterritus amnis. 240
 „At specus et Caci detecta apparuit ingens
 „Regia, et umbrosae penitus patuere cavernae,
 „Non secus, ac si qua penitus vi terra dehiscens
 „Infernas reseret sedes et regna recludat
 „Pallida, dis invisae, superque immane barathrum 245
 „Cernatur, trepidentque immisso lumine Manes.
 „Ergo insperata deprensum in luce repente,
 „Inclusumque cavo saxo atque insueta rudentem,
 „Desuper Alcides telis premit, omniaque arma
 „Advocat, et ramis vastisque molaribus instat. 250
 „Ille autem - neque enim fuga iam super ulla pericli
 „Faucibus ingentem fumum - mirabile dictu -
 „Evomit, involvitque domum caligine caeca,
 „Prospectum eripiens oculis, glomeratque sub antro
 „Fumiferam noctem commixtis igne tenebris. 255
 „Non tulit Alcides animis, seque ipse per ignem
 „Praecipiti iecit saltu, qua plurimus undam
 „Fumus agit nebulaque ingens specus aestuat atra.
 „Hic Cacum in tenebris incendia vana vomentem
 „Corripit, in nodum complexus, et angit inhaerens 260

„Elisos oculos et siccum sanguine guttur.
„Panditur extemplo foribus domus atra revulsis,
„Abstractaeque boves abiurataeque rapinae
Coelo ostenduntur, pedibusque informe cadaver
Protrahitur. Nequeunt expleri corda tuendo
„Terribiles oculos, vultum villosaque setis
„Pectora semiferi, atque extinctos faucibus ignes.
„Ex illo celebratus honos, laetique minores
„Servavere diem; primusque Potitius auctor,
„Et domus Herculei custos Pinaria sacri
„Hanc aram luco statuit, quae Maxima semper
„Dicetur nobis, et erit quae maxima semper.
„Quare agite, o iuvenes, tantarum in munere laudum
„Cingite fronde comas et pocula porcite dextris,
„Communemque vocate deum, et date vina volentes.“
Dixerat, Herculea bicolor quum populus umbra
Velavitque comas foliisque innexa pependit,
Et sacer implevit dextram scyphus. Ocios omnes
In mensam laeti libant, divosque precantur.

Devexo interea propior fit Vesper Olympo,
Iamque sacerdotes primusque Potitius ibant,
Pellibus in morem cincti, flammisque ferebant.
Instaurant epulas, et mensae grata secundae
Dona ferunt, cumulantque oneratis lancibus aras.
Tum Salii ad cantus incensa altaria circum
Populeis adsunt evincti tempora ramis,
Hic iuvenum chorus, ille senum: qui carmine laudes
Herculeas et facta ferunt: ut prima novercae
Monstra manu geminosque premens eliserit angues;
Ut bello egregias idem disiecerit urbes,
Troiamque Oechaliamque, et duos mille labores
Rege sub Eurystheo fatis Iunonis iniquae
Pertulerit. Tu nubigenas, invicta, bimembres,
Hylaeumque Pholunque, manu, tu Cresia mactas
Prodigia et vastum Nemea sub rupe leonem,
Te Stygii tremuere lacus, te ianitor Orci
Ossa super recubans antro semiesa cruento.
Nec te ullae facies, non terruit ipse Typhoeus,



1

Arduus arma tenens, non te rationis egentem
 Lernaëus turba capitum circumstetit anguis. 300
 Salve, vera Iovis proles, decus addite divis,
 Et nos et tua dexter adi pede sacra secundo.
 Talia carminibus celebrant; super omnia Caci
 Speluncam adiiciunt spirantemque ignibus ipsum.
 Consonat omne nemus strepitu, collesque resultant. 305
 Exin se cuncti divinis rebus ad urbem
 Perfectis referunt. Ibat rex obsitus aevo,
 Et comitem Aenean iuxta natumque tenebat
 Ingrediens, varioque viam sermone levabat.
 Miratur facilesque oculos fert omnia circum 310
 Aeneas, capiturque locis, et singula laetus
 Exquiratque auditque virum monumenta priorum.
 Tum rex Evandrus, Romanae conditor arcis:
 „Haec nemora indigenae Fauni nymphaeque tenebant,
 „Gensque virum truncis et duro robore nata, 315
 „Quis neque mos neque cultus erat, nec iungere tauros
 „Aut componere opes norant, aut parcere parto;
 „Sed rami atque asper victu venatus alebat.
 „Primus ab aethereo venit Saturnus Olympo,
 „Arma Iovis fugiens et regnis exsul ademtis: 320
 „Is genus indocile ac dispersum montibus altis
 „Composuit, legesque dedit, Latiumque vocari
 „Maluit, his quoniam latuisset tutus in oris.
 „Aurea quae perhibent, illo sub rege fuere
 „Saecula: sic placida populos in pace regebat, 325
 „Deterior donec paullatim ac decolor aetas
 „Et belli rabies et amor successit habendi.
 „Tum manus Ausonia et gentes venere Sicanae,
 „Saepius et nomen posuit Saturnia tellus;
 „Tum reges, asperque immani corpore Thybris, 330
 „A quo post Itali fluvium cognomine Thybrim
 „Diximus: amisit verum vetus Albula nomen.
 „Me pulsum patria pelagique extrema sequentem
 „Fortuna omnipotens et ineluctabile fatum
 „His posuere locis, matrisque egere tremenda 335
 „Carmentis nymphae monita et deus auctor Apollo.“

Vix ea dicta; dehinc progressus, monstrat et arces
 Et Carmentalem Romani nomine portam
 Quam memorant, nymphae priscum Carmentis hoc
 Vatis fatidicae, cecinit quae prima futuros
 Aeneadas magnos et nobile Pallanteum.
 Hinc lucum ingentem, quem Romulus acer Asylum
 Retulit, et gelida monstrat sub rupe Lupercal,
 Parrhasio dictum Panos de more Lycaeï;
 Nec non et sacri monstrat nemus Argileti,
 Testaturque locum et letum docet hospitis Argi.
 Hinc ad Tarpeiam sedem et Capitolia ducit,
 Aurea nunc, olim silvestribus horrida dumis.
 Iam tum religio pavidos terrebat agrestes
 Dira loci; iam tum silvam saxumque tremebant.
 „Hoc nemus, hunc“ inquit „frondoso vertice collis
 „Quis deus, incertum est, habitat deus. Arcades
 „Credunt se vidisse Iovem, quum saepe nigrante
 „Aegida concuteret dextra, nimbosque cieret.
 „Haec duo praeterea disiectis oppida muris,
 „Reliquias veterumque vides monumenta virorum
 „Hanc Ianus pater, hanc Saturnus condidit arcem
 „Ianiculum huic, illi fuerat Saturnia nomen.“
 Talibus inter se dictis ad tecta subibant
 Pauperis Evandri, passimque armenta videbant
 Romanoque Foro et lautis mugire Carinis.
 Ut ventum ad sedes: „Haec“ inquit „limina victor
 „Alcides subiit, haec illum regia cepit:
 „Aude, hospes, contemnere opes, et te quoque
 „Finge deo, rebusque veni non asper egenis.“
 Dixit, et angusti subter fastigia tecti
 Ingentem Aenean duxit, stratisque locavit
 Effultum foliis et pelle Libystidis ursae.

Nox ruit et fuscis tellurem amplexitur alis.
 At Venus haud animo nequidquam exterrita mater
 Laurentumque minis et duro mota tumultu,
 Vulcanum alloquitur, thalamoque haec coniugis aethra
 Incipit, et dictis divinum adspirat amorem:
 „Dum bello Argolici vastabant Pergama reges



„Debita casurasque inimicis ignibus arces, 375
 „Non ullum auxilium miseris, non arma rogavi
 „Artis opisque tuae, nec te, carissime coniux,
 „Incassumve tuos volui exercere labores;
 „Quamvis et Priami deberem plurima natis,
 „Et durum Aeneae flevissem saepe laborem. 380
 „Nunc Iovis imperiis Rutulorum constitit oris:
 „Ergo eadem supplex venio, et sanctum mihi numen
 „Arma rogo, genetrix nato. Te filia Nerei,
 „Te potuit lacrimis Tithonia flectere coniux.
 „Adspice, qui coëant populi, quae moenia clausis 385
 „Ferrum acuant portis in me excidiumque meorum.“
 Dixerat, et niveis hinc atque hinc diva lacertis
 Cunctantem amplexu molli foveat. Ille repente
 Accepit solitam flammam, notusque medullas
 Intravit calor et labefacta per ossa cucurrit, 390
 Non secus atque olim, tonitru quum rupta corusco
 Ignea rima micans percurrit lumine nimbos.
 Sensit laeta dolis et formae conscia coniux.
 Tum pater aeterno fatur devinctus amore:
 „Quid causas petis ex alto? fiducia cessit 395
 „Quo tibi, diva, mei? Similis si cura fuisset;
 „Tum quoque fas nobis Teucros armare fuisset:
 „Nec pater omnipotens Troiam nec fata vetabant
 „Stare, decemque alios Priamum superesse per annos.
 „Et nunc, si bellare paras atque haec tibi mens est, 400
 „Quidquid in arte mea possum promittere curae,
 „Quod fieri ferro liquidove potest electro,
 „Quantum ignes animaeque valent, absiste precando
 „Viribus indubitare tuis.“ Ea verba locutus
 Optatos dedit amplexus, placidumque petivit 405
 Coniugis infusus gremio per membra soporem.
 Inde ubi prima quies medio iam noctis abactae
 Curriculo expulerat somnum, quum femina primum,
 Cui tolerare colo vitam tenuique Minerva
 Impositum, cinerem et sopitos suscitavit ignes, 410
 Noctem addens operi, famulasque ad lumina longo
 Exercet penso, castum ut servare cubile

Coniugis et possit parvos educere natos:
 Haud secus Ignipotens nec tempore segnior illi
 Mollibus e stratis opera ad fabrilia surgit.
 Insula Sicanium iuxta latus Aeoliamque
 Erigitur Liparen, fumantibus ardua saxis,
 Quam subter specus et Cyclopum exesa camini
 Antra Aetnaea tonant, validique Incudibus ictu
 Auditi referunt gemitum, striduntque cavernis
 Stricturae Chalybum, et fornacibus ignis anhela
 Vulcani domus et Vulcania nomine tellus.
 Hoc tunc Ignipotens coelo descendit ab alto.
 Ferrum exercebant vasto Cyclopes in antro,
 Brontesque Steropesque et nudus membra Pyrac
 His informatum manibus iam parte polita
 Fulmen erat; toto genitor quae plurima coelo
 Deiecit in terras; pars imperfecta manebat:
 Tres imbris torti radios, tres nubis aquosae
 Addiderant, rutili tres ignis et alitis Austri;
 Fulgores nunc terrificos sonitumque metumque
 Miscebant operi, flammisque sequacibus iras.
 Parte alia Marti currumque rotasque volucres
 Instabant, quibus ille viros, quibus excitat urbe
 Aegidaque horrifera, turbatae Palladis arma,
 Certatim squamis serpentum auroque polibant,
 Connexosque angues, ipsamque in pectore diva
 Gorgona, desecto vertentem lumina collo.
 „Tollite cuncta“ inquit „coeptosque auferte labi
 „Aetnaei Cyclopes, et huc advertite mentem.
 „Arma acri facienda viro. Nunc viribus usus,
 „Nunc manibus rapidis, omni nunc arte magistr
 „Praecipitate moras!“ Nec plura effatus, at illi
 Ocius incubuere omnes, pariterque laborem
 Sortiti. Fluit aes rivis aurique metallum,
 Vulnificusque chalybs vasta fornace liquescit.
 Ingentem clipeum informant, unum omnia contr
 Tela Latinorum, septenosque orbibus orbes
 Impediunt. Alii ventosis follibus auras
 Accipiunt redduntque; alii stridentia tinguunt



Aera lacu; gemit impositis incudibus antrum.

Illi inter sese multa vi brachia tollunt

In numerum, versantque tenaci forcipe massam.

Haec pater Aeoliis properat dum Lemnius oris,

Evandrum ex humili tecto lux suscitatur alma 455

Et matutini volucrum sub culmine cantus.

Consurgit senior, tunicaque inducitur artus,

Et Tyrrhena pedum circumdat vincula plantis;

Tum lateri atque humeris Tegeaeum subligat ensem,

Demissa ab laeva pantherae terga retorquens. 460

Nec non et gemini custodes limine ab alto

Praecedunt gressumque canes comitantur herilem.

Hospitis Aeneae sedem et secreta petebat,

Sermonum memor et promissi muneris, heros.

Nec minus Aeneas se matutinus agebat. 465

Filius huic Pallas, illi comes ibat Achates.

Congressi iungunt dextras, mediisque residunt

Aedibus, et licito tandem sermone fruuntur.

Rex prior haec:

„Maxime Teucrorum ductor, quo sospite numquam 470

„Res equidem Troiae victas aut regna fatebor,

„Nobis ad belli auxilium pro nomine tanto

„Exiguae vires: hinc Tusco claudimur amni,

„Hinc Rutulus premit et murum circumsonat armis.

„Sed tibi ego ingentes populos opulentaque regnis 475

„Iungere castra paro: quam fors inopina salutem

„Ostentat. Fatis huc te poscentibus affers.

„Haud procul hinc saxo incolitur fundata vetusto

„Urbis Agyllinae sedes, ubi Lydia quondam

„Gens, bello praeclara, iugis insedit Etruscis. 480

„Hanc multos florentem annos rex deinde superbo

„Imperio et saevis tenuit Mezentius armis.

„Quid memorem infandas caedes? quid facta tyranni

„Efferat? Di capiti ipsius generique reservent!


„Mortua quin etiam iungebat corpora vivis, 485

„Componens manibusque manus atque oribus ora -

„Tormenti genus-, et sanie taboque fluentes


„Complexu in misero longa sic morte necabat.

„At fessi tandem cives infanda furem
„Armati circumstant ipsumque domumque,
„Obtruncant socios, ignem ad fastigia iactant.
„Ille, inter caedem Rutulorum elapsus, in agros
„Confugere, et Turni defendier hospitibus armis.
„Ergo omnis furiis surrexit Etruria iustis:
„Regem ad supplicium praesenti Marte reposcunt.
„His ego te, Aenea, ductorem millibus addam.
„Toto namque fremunt condensae litore puppes,
„Signaque ferre iubent; retinet longaevus haruspe
„Fata canens: „O Maeoniae delecta iuventus,
„„Flos veterum virtusque virum, quos iustus in hoste
„„Fert dolor et merita accendit Mezentius ira,
„„Nulli fas Italo tantam subiungere gentem;
„„Externos optate duces.“ Tum Etrusca resedit
„Hoc acies campo, monitis exterrita divum.
„Ipse oratores ad me regnique coronam
„Cum sceptro misit, mandatque insignia Tarchon,
„Succedam castris, Tyrrhenaque regna capessam.
„Sed mihi tarda gelu saeculisque effeta senectus
„Invidet imperium, seraeque ad fortia vires.
„Gnatum exhortarer, ni mixtus matre Sabella
„Hinc partem patriae traheret. Tu, cuius et annis
„Et generi fata indulgent, quem numina poscunt,
„Ingredere, o Teucrum atque Italum fortissime ducem
„Hunc tibi praeterea, spes et solatia nostri,
„Pallanta adiungam: sub te tolerare magistro
„Militem et grave Martis opus, tua cernere facta
„Assuescat, primis et te miretur ab annis.
„Arcadas huic equites bis centum, robora pubis
„Lecta, dabo, totidemque suo tibi nomine Pallas.“
Vix ea fatus erat: defixique ora tenebant
Aeneas Anchisiades et fidus Achates;
Multaque dura suo tristi cum corde putabant,
Ni signum coelo Cytherea dedisset aperto.
Namque improvise vibratus ab aethere fulgor
Cum sonitu venit, et ruere omnia visa repente,
Tyrrhenusque tubae mugire per aethera clangor.



Suspiciunt; iterum atque iterum fragor increpat ingens.
Arma inter nubem coeli in regione serena
Per sudum rutilare vident et pulsa tonare.
Obstupuere animis alii; sed Troïus heros 530
Agnovit sonitum et divae promissa parentis.
Tum memorat: „Ne verò, hospes, ne quaere profecto,
 „Quem casum portenta ferant: ego poscor Olympo.
 „Hoc signum cecinit missuram diva creatrix,
 „Si bellum ingrueret, Vulcaniaque arma per auras 535
 „Laturam auxilio.
 „Heu quantae miseris caedes Laurentibus instant!
 „Quas poenas mihi, Turne, dabis! quam multa sub undas
 „Scuta virùm galeasque et fortia corpora volves,
 „Thybri pater! Poscant acies et foedera rumpant!“ 540
Haec ubi dicta dedit, solio se tollit ab alto,
Et primum Herculeis sopitas ignibus aras
Suscitat, hesternumque Larem parvosque Penates
Laetus adit; mactant lectas de more bidentes
Evandrus pariter, pariter Troiana iuventus. 545
Post hinc ad naves graditur, sociosque revisit.
Quorum de numero, qui sese in bella sequantur,
Praestantes virtute legit; pars cetera prona
Fertur aqua, segnisque secundo defluit amni,
Nuntia ventura Ascanio rerumque patrisque. 550
Dantur equi Teucris Tyrrhena petentibus arva;
Ducunt exsortem Aeneae, quem fulva leonis
Pellis obit totum, praefulgens unguibus aureis.
Fama volat parvam subito vulgata per urbem,
Ocius ire equites Tyrrheni ad litora regis; 555
Vota metu duplicant matres, propiusque periculo
It timor, et maior Martis iam apparet imago.
Tum pater Evandrus, dextram complexus euntis,
Haeret, inexpletus lacrimans, ac talia fatur:
 „O mihi praeteritos referat si Iupiter annos, 560
 „Qualis eram, quum primam aciem Praeneste sub ipsa
 „Stravi scutorumque incendi victor acervos,
 „Et regem hac Herilum dextra sub Tartara misi - ,
 „Nascenti cui tres animas Feronia mater

„(Horrendum dictu!) dederat, terna arma movem
„Ter leto sternendus erat; cui tunc tamen omnes
„Abstulit haec animas dextra et totidem exuit art
„Non ego nunc dulci amplexu divellerer usquam,
„Nate, tuo, neque finitimo Mezentius unquam
„Huic capiti insultans, tot ferro saeva dedisset
„Funera, tam multis viduasset civibus urbem.
„At vos, o superi, et divum tu maxime rector
„Iupiter, Arcadii quaeso miserescite regis,
„Et patrias audite preces: Si numina vestra
„Incolumem Pallanta mihi, si fata reservant,
„Si visurus eum vivo et venturus in unum:
„Vitam oro, patior quemvis durare laborem;
„Sin aliquem infandum casum, Fortuna, minaris:
„Nunc, nunc o liceat crudelem abrumpere vitam,
„Dum curae ambiguae, dum spes incerta futuri,
„Dum te, care puer, mea sola et sera voluptas,
„Complexus teneo; gravior neu nuntius aures
„Vulneret.“ Haec genitor digressu dicta supremo
Fundebat; famuli collapsum in tecta ferebant.
Iamque adeo exierat portis equitatus apertis,
Aeneas inter primos et fidus Achates,
Inde alii Troiae procures; ipse agmine Pallas
In medio, chlamyde et pictis conspectus in armis
Qualis ubi Oceani perfusus Lucifer unda,
Quem Venus ante alios astrorum diligit ignes,
Extulit os sacrum coelo tenebrasque resolvit.
Stant pavidæ in muris matres, oculisque sequunt
Pulvream nubem et fulgentes aere catervas.
Olli per dumos, qua proxima meta viarum,
Armati tendunt; it clamor, et agmine facto
Quadrupedante putrem sonitu quatit ungula camp
Est ingens gelidum lucus prope Caeritis amnem,
Religione patrum late sacer; undique colles
Inclusere cavi et nigra nemus abiete cingunt.
Silvano fama est veteres sacrasse Pelasgos,
Arvorum pecorisque deo, lucumque diemque,
Qui primi fines aliquando habuere Latinos.



Haud procul hinc Tarcho et Tyrrheni tuta tenebant
Castra locis, celsoque omnis de colle videri
Iam poterat legio, et latis tendebat in arvis. 606
Huc pater Aeneas et bello lecta iuventus
Succedunt, fessique et equos et corpora curant.

At Venus aetherios inter dea candida nimbos
Dona ferens aderat; natumque in valle reducta
Ut procul et gelido secretum flumine vidit, 610
Talibus affata est dictis, seque obtulit ultro:

„En perfecta mei promissa coniugis arte
„Munera, ne mox aut Laurentes, nate, superbos,
„Aut acrem dubites in proelia poscere Turnum.“
Dixit et amplexus nati Cytherea petivit; 615

Arma sub adversa posuit radiantia quercu.
Ille, deae donis et tanto laetus honore,
Expleri nequit atque oculos per singula volvit,
Miraturque interque manus et brachia versat
Terribilem cristis galeam flammisque vomentem, 620
Fatiferumque ensem, lorica ex aere rigentem,
Sanguineam, ingentem, qualis quum caerulea nubes
Solis inardescit radiis longeque refulget;

Tum leves ocreas electro auroque recocto,
Hastamque, et clipei non enarrabile textum. 625

Illic res Italas Romanorumque triumphos,
Haud vatum ignarus venturique inscius aevi,
Fecerat Ignipotens; illic genus omne futurae
Stirpis ab Ascanio pugnataque in ordine bella.
Fecerat et viridi fetam Mavortis in antro 630

Procubuisse lupam: geminos huic ubera circum
Ludere pendentes pueros, et lambere matrem
Impavidos; illam tereti cervice reflexam
Mulcere alternos, et corpora fingere lingua.

Nec procul hinc Romam et raptas sine more Sabinas 635
Consessu caveae, magnis Circensibus actis,
Addiderat, subitoque novum consurgere bellum
Romulidis Tatioque seni Curibusque severis.

Post idem, inter se posito certamine, reges
Armati Iovis ante aram paterasque tenentes 640

Stabant et caesa iungebant foedera porca.
Haud procul inde citae Metum in diversa quadri
Distulerant - at tu dictis, Albane, maneres! -,
Raptabatque viri mendacis viscera Tullus
Per silvam, et sparsi rorabant sanguine vepres.
Nec non Tarquinius eiectum Porsenna iubebat
Accipere, ingentique urbem obsidione premebat;
Aeneadae in ferrum pro libertate ruebant.
Illum indignanti similem similemque minanti
Adspiceres, pontem auderet quia vellere Cocles,
Et fluvium vinculis innaret Cloelia ruptis.
In summo custos Tarpeiae Manlius arcis
Stabat pro templo et Capitolia celsa tenebat,
Romuleoque recens horrebat regia culmo.
Atque hic auratis volitans argenteus anser
Porticibus Gallos in limine adesse canebat;
Galli per dumos aderant, arcemque tenebant,
Defensi tenebris et dono noctis opacae:
Aurea caesaries ollis atque aurea vestis;
Virgatis lucent sagulis; tum lactea colla
Auro innectuntur; duo quisque Alpina coruscant
Gaesa manu, scutis protecti corpora longis.
Hic exsultantes Salios nudosque Lupercos,
Lanigerosque apices et lapsa ancilia coelo
Extuderat; castae ducebant sacra per urbem
Pilentis matres in mollibus. Hinc procul addit
Tartareas etiam sedes, alta ostia Ditis,
Et scelerum poenas, et te, Catilina, minaci
Pendentem scopulo Furiarumque ora trementem;
Secretosque pios; his dantem iura Catonem.
Haec inter tumidi late maris ibat imago
Aurea; sed fluctu spumabant caerula cano,
Et circum argento clari delphines in orbem
Aequora verrebant caudis, aestumque secabant.
In medio classes aeratas, Actia bella,
Cernere erat; totumque instructo Marte videres
Fervere Leucaten, auroque effulgere fluctus.
Hinc Augustus agens Italos in proelia Caesar



Cum Patribus Populoque, Penatibus et magnis Dis,
 Stans celsa in puppi: geminas cui tempora flammās 680
 Laeta vomunt, patriumque aperitur vertice sidus;
 Parte alia ventis et dis Agrippa secundis
 Arduus agmen agens: cui, belli insigne superbum,
 Tempora navali fulgent rostrata corona.
 Hinc ope barbarica variisque Antonius armis, 685
 Victor ab Aurorae populis et litore rubro,
 Aegyptum viresque Orientis et ultima secum
 Bactra vehit; sequiturque - nefas! - Aegyptia coniux,
 Una omnes ruere, ac totum spumare reductis
 Convulsum remis rostrisque tridentibus aequor. 690
 Alta petunt: pelago credas innare revulsas
 Cycladas, aut montes concurrere montibus altos:
 Tanta mole viri turritis puppibus instant.
 Stuppea flamma manu telique volatile ferrum
 Spargitur; arva nova Neptunia caede rubescunt. 695
 Regina in mediis patrio vocat agmina sistro,
 Necdum etiam geminos a tergo respicit angues.
 Omnigenūmque deūm monstra et latrator Anubis
 Contra Neptunum et Venerem contraque Minervam
 Tela tenent. Saevit medio in certamine Mavors 700
 Caelatus ferro, tristesque ex aethere Dirae;
 Et scissa gaudens vadit Discordia palla,
 Quam cum sanguineo sequitur Bellona flagello.
 Actius haec cernens arcum intendebat Apollo
 Desuper: omnis eo terrore Aegyptus et Indi, 705
 Omnis Arabs, omnes vertebant terga Sabaei;
 Ipsa videbatur ventis regina vocatis
 Vela dare, et laxos iam iamque immittere funes.
 Illam inter caedes pallentem morte futura
 Fecerat ignipotens undis et Iapyge ferri; 710
 Contra autem magno maerentem corpore Nilum,
 Pandentemque sinus et tota veste vocantem
 Caeruleum in gremium latebrosaue flumina victos.
 At Caesar, triplici invectus Romana triumpho
 Moenia, dis Italis votum immortale sacrabat, 715
 Maxima tercentum totam delubra per Urbem.

Laetitia ludisque viae plausuque fremebant;
 Omnibus in templis matrum chorus, omnibus a
 Ante aras terram caesi stravere iuenci.
 Ipse, sedens niveo candentis limine Phoebi,
 Dona recognoscit populorum, aptatque superbi
 Postibus: incedunt victae longo ordine gentes,
 Quam variae linguis, habitu tam vestis et armis.
 Hic Nomadum genus et discinctos Mulciber Afr
 Hic Lelegas Carasque sagittiferosque Gelonos
 Finxerat; Euphrates ibat iam mollior undis,
 Extremique hominum Morini, Rhenusque bicorn
 Indomitique Dahae, et pontem indignatus Araxe
 Talia per clipeum Vulcani, dona parentis,
 Miratur, rerumque ignarus imagine gaudet,
 Attollens humero famamque et fata nepotum.


P. VIRGILII MARONIS
 A E N E I D O S
 LIBER NONUS.

Atque ea diversa penitus dum parte geruntur,
 Irim de coelo misit Saturnia Iuno
 Audacem ad Turnum. Luco tum forte parentis
 Piloni Turnus sacrata valle sedebat.
 Ad quem sic roseo Thaumantias ore locuta est:
 „Turne, quod optanti divum promittere nemo
 „Auderet, volvenda dies, en, attulit ultro.
 „Aeneas, urbe et sociis et classe relictis,
 „Sceptra Palatini sedemque petit Evandri;
 „Nec satis: extremas Corythi penetravit ad urbe
 „Lydorumque manum collectosque armat agrest
 „Quid dubitas? Nunc tempus equos, nunc poscere
 „Rumpe moras omnes et turbata arripe castra.“
 Dixit, et in coelum paribus se sustulit alis,
 Ingentemque fuga secuit sub nubibus arcum.
 Agnovit iuvenis, duplicesque ad sidera palmas



Sustulit ac tali fugientem est voce secutus :
„Iri, decus coeli, quis te mihi nubibus actam
„Detulit in terras? unde haec tam clara repente
„Tempestas? Medium video discedere coelum, 20
„Palantesque polo stellas. Sequor omina tanta,
„Quisquis in arma vocas.“ Et sic effatus ad undam
Processit, summoque hausit de gurgite lymphas,
Multa deos orans, oneravitque aethera votis.
Iamque omnis campis exercitus ibat apertis, 25
Dives equum, dives pictai vestis et auri: -
Messapus primas acies, postrema coërcent
Tyrrhidae iuvenes; medio dux agmine Turnus
[Vertitur arma tenens, et toto vertice supra est:] -
Ceus septem surgens sedatis amnibus altus 30
Per tacitum Ganges, aut pingui flumine Nilus
Quum refluit campis et iam se condidit alveo.
Hic subitam nigro glomerari pulvere nubem
Prospiciunt Teucri, ac tenebras insurgere campis.
Primus ab adversa conclamat mole Caïcus: 35
„Quis globus, o cives, caligine volvitur atra?
„Ferte citi ferrum, date tela, ascendite muros:
„Hostis adest, eia!“ Ingenti clamore per omnes
Condunt se Teucri portas, et moenia complent:
Namque ita discedens praeceperat optinus armis 40
Aeneas, si qua interea fortuna fuisset,
Neu struere auderent aciem, neu credere campo;
Castra modo et tutos servarent aggere muros.
Ergo etsi conferre manum pudor iraque monstrat,
Obiiciunt portas tamen, et praecepta facessunt, 45
Armatique cavis exspectant turribus hostem.
Turnus, ut ante volans tardum praecesserat agmen,
Viginti lectis equitum comitatus et urbi
Improvisus adest: maculis quem Thracius albis
Portat equus, cristaque tegit galea aurea rubra. 50
„Ecquis erit, mecum, iuvenes, qui primus in hostem...?
„En!“ ait, et iaculum attorquens emittit in auras,
Principium pugnae, et campo sese arduus infert.
Clamore excipiunt socii, fremituque sequuntur


Horrisono; Teucrùm mirantur inertia corda,
 Non aequo dare se campo, non obvia ferre
 Arma viros, sed castra fovere. Huc turbidus atq.
 Lustrat equo muros, aditumque per avia quaerit.
 Ac veluti pleno lupo insidiatus ovili
 Quum fremit ad caulas, ventos perpessus et imbr.
 Nocte super media: - tuti sub matribus agni
 Balatum exercent; ille asper et improbus ira
 Saevit in absentes: collecta fatigat edendi
 Ex longo rabies, et siccae sanguine fauces: -
 Haud aliter Rutulo muros et castra tuenti
 Ignescunt irae; duris dolor ossibus ardet,
 Qua tentet ratione aditus, et quae via clausos
 Excutiat Teucros vallo atque effundat in aequum.
 Classem, quae lateri castrorum adiuncta latebat,
 Aggeribus septam circum et fluvialibus undis,
 Invadit, sociosque incendia poscit ovantes,
 Atque manum pinu flagranti fervidus implet.
 Tum vero incumbunt: urget praesentia Turni;
 Atque omnis facibus pubes accingitur atris.
 Diripuerunt focos; piceum fert fumida lumen
 Taeda, et commixtam Vulcanus ad astra favillam
 Quis deus, o Musae, tam saeva incendia Teucr.
 Avertit? tantos ratibus quis depulit ignes?
 Dicite! Prisca fides facta, sed fama perennis.
 Tempore quo primum Phrygia formabat in Ida
 Aeneas classem et pelagi petere alta parabat,
 Ipsa deùm fertur genetrix Berecynthia magnum
 Vocibus his affata Iovem: „Da, nate, petenti,
 „Quod tua cara parens domito te poscit Olympo.
 „Pinea silva mihi, multos dilecta per annos;
 „Lucus in arce fuit summa, quo sacra ferebant,
 „Nigranti picea trabibusque obscurus acernis:
 „Has ego Dardanio iuveni, quum classis egeret,
 „Laeta dedi; nunc sollicitam timor anxius angit.
 „Solve metus, atque hoc precibus sine posse parenti
 „Neu cursu quassatae uilo, neu turbine venti
 „Vincantur; prosit nostris in montibus ortas.“



Filius huic contra, torquet qui sidera mundi:
 „O genetrix, quo fata vocas, aut quid petis istis?
 „Mortaline manu factae immortale carinae 95
 „Fas habeant, certusque incerta pericula lustret
 „Aeneas? Cui tanta deo permissa potestas?
 „Immo, ubi defunctae finem portusque tenebunt
 „Ausonios olim, quaecumque evaserit undis
 „Dardaniumque ducem Laurentia vexerit arva, 100
 „Mortalem eripiam formam, magnique iubebo
 „Aequoris esse deas, qualis Nereïa Doto
 „Et Galatea secant spumantem pectore pontum.“
 Dixerat, idque ratum Stygii per flumina fratris,
 Per pice torrentes atraque voragine ripas 105
 Annuit, et totum nutu tremefecit Olympum.
 Ergo aderat promissa dies, et tempora Parcae
 Debita complerant: quum Turni iniuria Matrem
 Admonuit ratibus sacris depellere taedas.
 Hic primum nova lux oculis offulsit, et ingens 110
 Visus ab Aurora coelum transcurrere nimbus,
 Idaeique chori; tum vox horrenda per auras
 Excidit et Troum Rutulorumque agmina complet:
 „Ne trepidate meas, Teucri, defendere naves,
 „Neve armate manus: maria ante exurere Turno, 115
 „Quam sacras dabitur pinus. Vos ite solutae,
 „Ite deae pelagi: genetrix iubet.“ Et sua quaeque
 Continuo puppes abrumpunt vincula ripis,
 Delphinumque modo demersis aequora rostris
 Ima petunt; hinc virgineae - mirabile monstrum! - 120
 Reddunt se totidem facies pontoque feruntur,
 [Quot prius aeratae steterant ad litora prorae.]
 Obstupuere animi Rutulis; conterritus ipse
 Turbatus Messapus equis; cunctatur et amnis
 Rauca sonans revocatque pedem Tiberinus ab alto. 125
 At non audaci Turno fiducia cessit;
 Ultro animos tollit dictis, atque increpat ultro:
 „Troianos haec monstra petunt, his Iupiter ipse
 „Auxilium solitum eripuit; non tela neque ignes
 „Exspectant Rutulos. Ergo maria invia Teucris, 130

„Nec spes ulla fugae: rerum pars altera adema
 „Terra autem in nostris manibus: tot millia, gen
 „Arma ferunt Italae. Nil me fatalia terrent,
 „Si qua Phryges prae se iactant, responsa deon
 „Sat fatis Venerique datum, tetigere quod arva
 „Fertilis Ausoniae Troes. Sunt et mea contra
 „Fata mihi, ferro sceleratam excindere gentem,
 „Coniuge praerepta; nec solos tangit Atridas
 „Iste dolor, solisque licet capere arma Mycenis.
 „Sed periisse semel satis est. Peccare fuisset
 „Ante satis, penitus modo non genus omne pero
 „Femineum; quibus haec medii fiducia vallii
 „Fossarumque morae, leti discrimina parva,
 „Dant animos. At non viderunt moenia Troiae
 „Neptuni fabricata manu considerare in ignes?
 „Sed vos, o lecti, ferro quis scindere vallum
 „Apparat et mecum invadit trepidantia castra?
 „Non armis mihi Vulcani, non mille carinis
 „Est opus in Teucros. Addant se protenus omni
 „Etrusci socios. Tenebras et inertia furti
 „Palladii, caesis summae custodibus arcis,
 „Ne timeant; nec equi caeca condemur in alvo:
 „Luce palam certum est igni circumdare muros.
 „Haud sibi cum Danaïs rem faxo et pube Pelasg
 „Esse putent, decimum quos distulit Hector in ani
 „Nunc adeo, melior quoniam pars acta diei,
 „Quod superest, laeti bene gestis corpora rebus
 „Procurate, viri, et pugnam sperate parari.“
 Interea vigilum excubiis obsidere portas
 Cura datur Messapo, et moenia cingere flammis.
 Bis septem Rutuli, muros qui milite servant,
 Delecti; ast illos centeni quemque sequuntur
 Purpurei cristis iuvenes auroque corusci.
 Discurrunt, variantque vices, fusique per herbar
 Indulgent vino, et vertunt crateras ahenos.
 Collucent ignes; noctem custodia ducit
 Insomnem ludo.


Haec super e vallo prospectant Troës et armis



.

Alta tenent, nec non trepidi formidine portas
 Explorant, pontesque et propugnacula iungunt, 170
 Tela gerunt. Instant Mnestheus acerque Serestus,
 Quos pater Aeneas, si quando adversa vocarent,
 Rectores iuvenum et rerum dedit esse magistros.
 Omnis per muros legio, sortita periculum,
 Excubat exercetque vices, quod cuique tuendum est. 175
 Nisus erat portae custos, acerrimus armis,
 Hyrtacides, comitem Aeneae quem miserat Ida
 Venatrix, iaculo celerem levibusque sagittis;
 Et iuxta comes Euryalus, quo pulchrior alter
 Non fuit Aeneadum, Troiana neque induit arma, 180
 Ora puer prima signans intonsa iuventa.
 His amor unus erat, pariterque in bella ruebant;
 Tum quoque communi portam statione tenebant.
 Nisus ait: „Dine hunc ardorem mentibus addunt,
 „Euryale, an sua cuique deus fit dira cupido? 185
 „Aut pugnam aut aliquid iam dudum invadere magnum
 „Mens agitat mihi, nec placida contenta quiete est.
 „Cernis, quae Rutulos habeat fiducia rerum.
 „Lumina rara micant, somno vinoque soluti
 „Procubuere, silent late loca. Percipe porro, 190
 „Quid dubitem, et quae nunc animo sententia surgat.
 „Aenean acciri omnes, populusque patresque,
 „Exposcunt, mittique viros, qui certa reportent.
 „Si, tibi quae posco, promittunt - nam mihi facti
 „Fama sat est -; tumulto videor reperire sub illo 195
 „Posse viam ad muros et moenia Pallantea.“
 Obstupuit magno laudum percussus amore
 Euryalus; simul his ardentem affatur amicum:
 „Mene igitur socium summis adiungere rebus,
 „Nisc, fugis? Solum te in tanta pericula mittam? 200
 „Non ita me genitor, bellis assuetus Opheltes,
 „Argolicum terrorem inter Troiaeque labores
 „Sublatum erudiit, nec tecum talia gessi,
 „Magnanimum Aenean et fata extrema secutus:
 „Est hic, est animus lucis contemtor, et istum 205
 „Qui vita bene credat emi, quo tendis, honorem.“

Nisus ad haec: „Equidem de te nil tale verebar;
 „Nec fas; non: ita me referat tibi magnus ovantem
 „Iupiter, aut quicumque oculis haec adspicit aequis.
 „Sed si quis - quae multa vides discrimine tali- 210
 „Si quis in adversum rapiat casusve deusve;
 „Te superesse velim: tua vita dignior aetas.
 „Sit, qui me raptum pugna pretiove redemptum
 „Mandet humo; solita aut si qua id fortuna vetabit,
 „Absentia ferat inferias decoretque sepulcro. 215
 „Neu matri miserae tanti sim causa doloris,
 „Quae te sola, puer, multis e matribus ausa,
 „Persequitur; magni nec moenia curat Acestae.“
 Ille autem „Causas nequidquam nectis inanes,
 „Nec mea iam mutata loco sententia cedit. 220
 „Acceleremus!“ ait; vigiles simul excitat. Illi
 Succedunt servantque vices; statione relicta
 Ipse comes Niso graditur, regemque requirunt.
 Cetera per terras omnes animalia somno
 Laxabant curas et corda oblita laborum; 225
 Ductores Teucrùm primi, delecta iuventus,
 Consilium summis regni de rebus habebant,
 Quid facerent, quisve Aeneae iam nuntius esset:
 Stant longis adnixa hastis et scuta tenentes
 Castrorum et campi medio. Tum Nisus et una 230
 Euryalus confestim alacres admittier orant:
 Rem magnam, pretiumque morae fore. Primus Iulus
 Accepit trepidos, ac Nisum dicere iussit.
 Tum sic Hyrtacides: „Audite o mentibus aequis,
 „Aeneadae, neve haec nostris spectentur ab annis, 235
 „Quae ferimus. Rutuli somno vinoque soluti
 „Conticuere; locum insidiis conspeximus ipsi,
 „Qui patet in bivio portae, quae proxima ponto;
 „Interrupti ignes, aterque ad sidera fumus
 „Erigitur: si fortuna permittitis uti, 240
 „Quacsitum Aenean et moenia Pallantea;
 „Mox hic cum spoliis, ingenti caede peracta,
 „Affore cernetis. Nec nos via fallit euntes:
 „Vidimus obscuris primam sub vallibus urbem



„Venatu assiduo et totum cognovimus amnem.“ 245
 Hic annis gravis atque animi maturus Aletes:
 „Dî patrii, quorum semper sub numine Troia est,
 „Non tamen omnino Teucros delere paratis,
 „Quum tales animos iuvenum et tam certa tulistis
 „Pectora.“ Sic memorans, humeros dextrasque tenebat 250
 Amborum, et vultum lacrimis atque ora rigabat:
 „Quae vobis, quae digna, viri, pro laudibus istis
 „Praemia posse rear solvi? Pulcherrima primum
 „Dî moresque dabunt vestri; tum cetera reddet
 „Actutum pius Aeneas, atque integer aevi 255
 „Ascanius, meriti tanti non immemor umquam.“....
 „Immo ego vos, cui sola salus genitore reducto,“
 Excipit Ascanius „per magnos, Nise, Penates
 „Assaracique Larem et canae penetralia Vestae
 „Obtestor: quaecumque mihi fortuna fidesque est, 260
 „In vestris pono gremiis: revoke parentem,
 „Reddite conspectum; nihil illo triste recepto.
 „Bina dabo argento perfecta atque aspera signis
 „Pocula, devicta genitor quae cepit Arisba,
 „Et tripodas geminos, auri duo magna talenta, 265
 „Cratera antiquum, quem dat Sidonia Dido.
 „Si vero capere Italiam sceptrisque potiri
 „Contigerit victori, et praedae dicere sortem:
 „Vidisti, quo Turnus equo, quibus ibat in armis
 „Aureus: ipsum illum, clipeum cristasque rubentes 270
 „Excipiam sorti, iam nunc tua praemia, Nise.
 „Praelerea bis sex genitor lectissima matrum
 „Corpora captivosque dabit, suaque omnibus arma;
 „Insuper his, campi quod rex habet ipse Latinus.
 „Te vero, mea quem spatiis propioribus aetas 275
 „Insequitur, venerande puer, iam pectore toto
 „Accipio et comitem casus complector in omnes.
 „Nulla meis sine te quaeretur gloria rebus:
 „Seu pacem seu bella geram, tibi maxima rerum
 „Verborumque fides.“ Contra quem talia satur 280
 Euryalus: „Me nulla dies tam fortibus ausis
 „Dissimilem arguerit: tantum fortuna secunda

„Haud adversa cadat. Sed te super omnia dona
 „Unum oro: genetrix Priami de gente vetusta
 „Est mihi, quam miseram tenuit non Ilia tellus
 „Mecum excedentem, non moenia regis Acestae:
 „Hanc ego nunc ignaram huius quodcumque periculi
 „Inque salutatam linquo, — Nox et tua testis
 „Dextera, quod nequeam lacrimas perferre parentis:
 „At tu, oro, solare inopem, et succurre relictæ.
 „Hanc sine me spem ferre tui: audentior ibo
 „In casus omnes.“ Percussa mente dedere
 Dardanidae lacrimas, ante omnes pulcher Iulus,
 Atque animum patriae strinxit pietatis imago.
 Tum sic effatur:

„Sponde digna tuis ingentibus omnia coeptis:
 „Namque erit ista mihi genetrix, nomenque Creusæ
 „Solum defuerit, nec partum gratia talem
 „Parva manet. Casus factum quicumque sequentur:
 „Per caput hoc iuro, per quod pater ante solebat:
 „Quæ tibi polliceor reduci rebusque secundis,
 „Haec eadem matrique tuæ generique manebunt.“
 Sic ait illacrimans; humero simul exiit ensem
 Auratum, mira quem fecerat arte Lycaon
 Gnosius atque habilem vagina aptarat eburna.
 Dat Niso Mnestheus pellem horrentisque leonis
 Exuvias; galeam fidus permutat Aletes.
 Protenus armati incedunt; quos omnis cunctes
 Primorum manus ad portas, iuvenumque senumque.
 Prosequitur votis. Nec non et pulcher Iulus,
 Ante annos animumque gerens curamque virilem,
 Multa patri mandata dabat portanda. Sed auræ
 Omnia discerpunt et nubibus irrita donant.

Egressi superant fossas, noctisque per umbram
 Castra inimica petunt, multis tamen ante futuri
 Exitio. Passim somno vinoque per herbam
 Corpora fusa vident, arrectos litore currus,
 Inter lora rotasque viros, simul arma iacere,
 Vina simul. Prior Hyrtacides sic ore locutus:
 „Euryale, audendum dextra: nunc ipsa vocat res.



„Hac iter est: tu, ne qua manus se attollere nobis
„A tergo possit, custodi et consule longe;
„Haec ego vasta dabo, et lato te limite ducam.“
Sic memorat, vocemque premit; simul ense superbum
Rhamnetem aggreditur, qui forte tapetibus altis 325
Exstructus toto proflabat pectore somnum,
Rex idem et regi Turno gratissimus augur;
Sed non augurio potuit depellere pestem.
Tres iuxta famulos, temere inter tela iacentes,
Armigerumque Remi premit aurigamque, sub ipsis 330
Nactus equis, ferroque secat pendentia colla.
Tum caput ipsi aufert domino, truncumque relinquit
Sanguine singultantem: atro tepefacta cruore
Terra torique madent. Nec non Lamyrumque Lamumque,
Et iuvenem Serranum, illa qui plurima nocte 335
Luserat, insignis facie, multoque iacebat
Membra deo victus: felix, si protenus illum
Aequasset nocti ludum in lucemque tulisset.
Impastus ceu plena leo per ovilia turbans -
Suadet enim vesana fames - manditque trahitque 340
Molle pecus mutumque metu, fremit ore cruento.
Nec minor Euryali cades: incensus et ipse
Perfurit, ac multam in medio sine nomine plebem,
Fadumque Herbesumque subit Rhoetumque Abarimque, -
Ignaros, Rhoetum vigilantem et cuncta videntem; 345
Sed magnum metuens se post cratera tegebat.
Pectore in adverso totum cui comminus ensem
Condidit assurgenti, et multa morte recepit.
Purpuream vomit ille animam, et cum sanguine mixta
Vina refert moriens. Hic furto fervidus instat; 350
Iamque ad Messapi socios tendebat, ubi ignem
Deficere extremum et religatos rite videbat
Carpere gramen equos: breviter quum talia Nisus -
Sensit enim nimia caede atque cupidine ferri -
„Absistamus:“ ait „nam lux inimica propinquat. 355
„Poenarum exhaustum satis est, via facta per hostes.“
Multa virum solido argento perfecta relinquunt
Armaque, craterasque simul, pulchrosque tapetas.

Euryalus phalerās Rhamnetis et aurea bullis
 Cingula, - Tiburti Remulo ditissimus olim
 Quae mittit dona, hospitio quum iungeret absens,
 Caedicus, ille suo moriens dat habere nepoti,
 Post mortem bello Rutuli pugnaque potiti, -
 Haec rapit atque humeris nequidquam fortibus aptat:
 Tum galeam Messapi habilem cristisque decoram
 Induit. Excedunt castris, et tuta capessunt.


Interea praemissi equites ex urbe Latina,
 Cetera dum legio campis instructa moratur,
 Ibant et Turno regi responsa ferebant,
 Tercentum, scutati omnes, Volscente magistro;
 Iamque propinquabant castris muroque subibant,
 Quum procul hos laevo flectentes limite cernunt,
 Et galea Euryalum sublustri noctis in umbra
 Prodidit immemorem radiisque adversa refulsit.
 Haud temere est visum: conclamat ab agmine Volscer:
 „State, viri! Quae causa viae, quive estis in armis,
 „Quove tenetis iter?“ Nihil illi tendere contra;
 Sed celerare fugam in silvas et fidere nocti.
 Obiiciunt equites sese ad divortia nota
 Hinc atque hinc, omnemque abitum custode coronant.
 Silva fuit, late dumis atque ilice nigra
 Horrida, quam densi complerant undique sentes,
 Rara per occultos lucebat semita calles.
 Euryalum tenebrae ramorum onerosaque praeda
 Impediunt, fallitque timor regione viarum.
 Nisus abit; iamque imprudens evaserat hostes
 Atque locos, qui post Albae de nomine dicti
 Albani, tum rex stabula alta Latinus habebat;
 Ut stetit et frustra absentem respexit amicum.
 „Euryale infelix, qua te regione reliqui?
 „Quave sequar, rursus perplexum iter omne revolvens
 „Fallacis silvae?“ Simul et vestigia retro
 Observata legit, dumisque silentibus errat.
 Audit equos, audit strepitus et signa sequentum.
 Nec longum in medio tempus, quum clamor ad aures
 Pervenit ac videt Euryalum, quem iam manus omnis

Fraude loci et noctis, subito turbante tumultu,
Oppressum rapit et conantem plurima frustra.
Quid faciat? qua vi iuvenem, quibus audeat armis
Eripere? an sese medios moriturus in hostes 400
Inferat, et pulchram properet per vulnera mortem?
Ocius adducto torquens hastile lacerto,
Suspiciens altam ad Lunam, sic voce precatur:
„Tu, dea, tu praesens nostro succurre labori,
„Astrorum decus et nemorum Latonia custos! 405
„Si qua tuis umquam pro me pater Hyrtacus aris
„Dona tulit, si qua ipse meis venatibus auxi,
„Suspendive tholo, aut sacra ad fastigia fixi;
„Hunc sine me turbare globum, et rege tela per auras!“
Dixerat, et toto connixus corpore ferrum 410
Coniicit. Hasta volans noctis diverberat umbras,
Et venit aversi in tergum Sulmonis, ibique
Frangitur ac fisso transit praecordia ligno.
Volvitur ille vomens calidum de pectore flumen
Frigidus, et longis singultibus ilia pulsat. 415
Diversi circumspiciunt: hoc acrior idem
Ecce aliud summa telum librabat ab aure.
Dum trepidant, iit hasta Tago per tempus utrumque,
Stridens, traiectoque haesit tepefacta cerebro.
Saevit atrox Volscens, nec teli conspicit usquam 420
Auctorem, nec quo se ardens immittere possit.
„Tu tamen interea calido mihi sanguine poenas
„Persolves amborum“ inquit; simul ense recluso
Ibat in Euryalum. Tum vero exterritus, amens,
Conclamat Nisus, nec se celare tenebris 425
Amplius aut tantum potuit perferre dolorem.
„Me, me, adsum qui feci, in me convertite ferrum,
„O Rutuli! mea fraus omnis; nihil iste nec ausus,
„Nec potuit: coelum hoc et conscia sidera testor;
„Tantum infelicem nimium dilexit amicum.“ 430
Talia dicta dabat; sed viribus ensis adactus
Transabiit costas, et candida pectora rumpit.
Volvitur Euryalus leto, pulchrosque per artus
It cruor, inque humeros cervix collapsa recumbit:

Purpureus veluti quum flos, succisus aratro,
 Languescit moriens, lassove papavera collo
 Demisere caput, pluvia quum forte gravantur.
 At Nisus ruit in medios, solumque per omnes
 Volscentem petit, in solo Volscente moratur.
 Quem circum glomerati hostes hinc comminus atque
 Proturbant. Instat non secius ac rotat ensem
 Fulmineum, donec Rutuli clamantis in ore
 Condidit adverso, et moriens animam abstulit hosti.
 Tum super exanimum sese proiecit amicum
 Confossus, placidaque ibi demum morte quievit.
 Fortunati ambo! si quid mea carmina possunt,
 Nulla dies umquam memori vos eximet aevo,
 Dum domus Aeneae Capitoli immobile saxum
 Accolet, imperiumque pater Romanus habebit.

Victores praeda Rutuli spoliisque potiti,
 Volscentem exanimum flentes in castra ferebant.
 Nec minor in castris luctus, Rhamneta reperto
 Exsanguis, et primis una tot caede peremtis,
 Serranoque Numaque: ingens concursus ad ipsa
 Corpora seminecesque viros, tepidaque recentem
 Caede locum et pleno spumantes sanguine rivos.
 Agnoscunt spolia inter se galeamque nitentem
 Messapi, et multo phaleras sudore receptas.
 Et iam prima novo spargebat lumine terras
 Tithoni croceum linquens Aurora cubile:
 Iam sole infuso, iam rebus luce relectis,
 Turnus in arma viros, armis circumdatus ipse,
 Suscitatur, aeratasque acies in proelia cogit
 Quisque suas, variisque acuunt rumoribus iras.
 Quin ipsa arrectis - visu miserabile! - in hastis
 Praefigunt capita et multo clamore sequuntur
 Euryali et Nisi.

Aeneadae duri murorum in parte sinistra
 Opposuerunt aciem - nam dextera cingitur amni -,
 Ingentesque tenent fossas, et turribus altis
 Stant maestis; simul ora virum praefixa movebant,
 Nota nimis miseris atroque fluentia tabo.



Interea pavidam volitans pennata per urbem
 Nuntia Fama ruit, matrisque allabitur aures
 Euryali. At subitus miserae calor ossa reliquit; 475
 Excussi manibus radii revolutaque pensa.
 Evolat infelix, et femineo ululatu,
 Scissa comam, muros amens atque agmina cursu
 Prima petit, non illa virum, non illa pericli
 Telorumque memor; coelum dehinc questibus implet: 480
 „Hunc ego te, Euryale, adspicio? tune ille senectae
 „Sera meae requies, potuisti linquere solam
 „Crudelis? nec te, sub tanta pericula missum,
 „Affari extremum miserae data copia matri?
 „Heu, terra ignota canibus date praeda Latinis 485
 „Alitibusque iaces! nec te in tua funera mater
 „Produxi, pressive oculos, aut vulnera lavi,
 „Veste tegens, tibi quam noctes festina diesque
 „Urgebam et tela curas solabar aniles.
 „Quo sequar, aut quae nunc artus avulsaque membra 490
 „Et funus lacerum tellus habet? Hoc mihi de te,
 „Nate, refers? hoc sum terraque marique secuta?
 „Figite me, si qua est pietas; in me omnia tela
 „Coniicite, o Rutuli; me primam absumite ferro;
 „Aut tu, magne pater divum, miserere, tuoque 495
 „Invisum hoc detrude caput sub Tartara telo,
 „Quando aliter nequeo crudelem abrumpere vitam.“
 Hoc fletu concussi animi, maestusque per omnes
 It gemitus; torpent infractae ad proelia vires.
 Illam incendentem luctus Idaeus et Actor, 500
 Ilionei monitu et multum lacrimantis Iuli,
 Corripiunt interque manus sub tecta reponunt.

At tuba terribilem sonitum procul aere canoro
 Increpuit; sequitur clamor, coelumque remugit.
 Accelerant acta pariter testudine Volsci, 505
 Et fossas implere parant ac vellere vallum;
 Quaerunt pars aditum, et scalis adscendere muros,
 Qua rara est acies, interlucetque corona
 Non tam spissa viris. Telorum effundere contra
 Omne genus Teuceri ac duris detrudere contis, 510

Assueti longo muros defendere bello.

Saxa quoque infesto volvebant pondere, si qua
Possent tectam aciem perrumpere; quum tamen omnes
Ferre iuvat subter densa testudine casus.

Nec iam sufficiunt: nam, qua globus imminet ingens,
Immanem Teucris molem volvuntque ruuntque,
Quae stravit Rutulos late, armorumque resolvit
Tegmina. Nec curant caeco contendere Marte
Amplius audaces Rutuli, sed pellere vallo
Missilibus certant.

• Parte alia horrendus visu quassabat Etruscam
Pinum, et fumiferos infert Mezentius ignes;
At Messapus equum domitor, Neptunia proles,
Rescindit vallum et scalas in moenia poscit.

Vos, o Calliope, precor, adspirate canenti,
Quas ibi tunc ferro strages, quae funera Turnus
Ediderit, quem quisque virum demiserit Orco;
Et mecum ingentes oras evolvite belli:

[Et meministis enim, divae, et memorare potestis.]

Turris erat vasto suspectu et pontibus altis,
Opportuna loco: summis quam viribus omnes
Expugnare Itali summaque evertere opum vi
Certabant, Troes contra defendere saxis
Perque cavas densi tela intorquere fenestras.

Princeps ardentem coniecit lampada Turnus,
Et flammam affixit lateri, quae plurima vento
Corripuit tabulas et postibus haesit adesis.

Turbati trepidare intus, frustra malorum
Velle fugam. Dum se glomerant, retroque residunt


In partem, quae peste caret: tum pondere turris
Procubuit subito, et coelum tonat omne fragore

Semineces ad terram, immani mole secuta,
Confixique suis telis et pectora duro

Transfossi ligno veniunt; vix unus Helenor
Et Lyncus elapsi: quorum primaevus Helenor,

Maeonio regi quem serva Licymnia furtim
Sustulerat vetitisque ad Troiam miserat armis,
Ense levis nudo parmaque inglorius alba.





AENEIDOS LIB. IX.


267

Isque ubi se Turni media inter millia vedit,
Hinc acies, atque hinc acies adstare Latinas: 550
Ut fera, quae, densa venantum septa corona,
Contra tela furit, seseque haud nescia morti
Iniicit et saltu supra venabula fertur;
Haud aliter iuvenis medios moriturus in hostes
Irruit et, qua tela videt densissima, tendit. 555
At pedibus longe melior Lycus inter et hostes
Inter et arma fuga muros tenet, altaque certat
Prendere tecta manu sociumque attingere dextras.
Quem Turnus, pariter cursu teloque seculus,
Increpat his victor: „Nostrasne evadere, demens, 560
„Sperasti te posse manus?“ simul arripit ipsum
Pendentem, et magna muri cum parte revellit:
Qualis ubi aut leporem aut candenti corpore cycnum
Sustulit alta petens pedibus Iovis armiger uncis,
Quaesitum aut matri multis balatibus agnum 565
Martius a stabulis rapuit lupo. Undique clamor
Tollitur. Invadunt et fossas aggere complent;
Ardentes taedas alii ad fastigia iactant.
Ilioneus saxo atque ingenti fragmine montis
Lucetium portae subeuntem ignesque ferentem, 570
Emathiona Liger, Corynaeum sternit Asylas,
Hic iaculo bonus, hic longe fallente sagitta;
Ortygium Caeneus, victorem Caenea Turnus,
Turnus Itym Cloniumque, Dioxippum Promolumque,
Et Sagarim et summis stantem pro turribus Idan, 575
Privernum Capys. Hunc primo levis hasta Themillae
Strinxerat; ille manum proiecto tegmine demens
Ad vulnus tulit: ergo alia allapsa sagitta
Et laevo infixata est lateri manus, abditaque intus
Spiramenta animae letali vulnere rupit. 580
Stabat in egregiis Arcentis filius armis,
Pictus acu chlamydem et ferrugine clarus Hibera,
Insignis facie, genitor quem miserat Arcens
Eductum matris luco Symaethia circum
Flumina, pinguis ubi et placabilis ara Palici: 585
Stridentem fundam positus Moerentius hasta

Ipse ter adducta circum caput egit habena,
 Et media adversi liquefacto tempora plumbo
 Diffidit, ac multa porrectum extendit arena.
 Tum primum bello celerem intendisse sagittam
 Dicitur, ante feras solitus terrere fugaces,
 Ascanius, fortemque manu fudisse Numanum,
 Cui Remulo cognomen erat, Turnique minorem
 Germanam nuper thalamo sociatus habebat.
 Is primam ante aciem digna atque indigna relatu
 Vociferans, tumidusque novo praecordia regno
 Ibat et ingentem sese clamore ferebat:

„Non pudet obsidione iterum valloque teneri,
 „Bis capti Phryges, et morti praetendere muros?
 „En, qui nostra sibi bello connubia poscunt!
 „Quis deus Italiam, quae vos dementia adegit?
 „Non hic Atridae, nec fandi fictor Ulixes.
 „Durum ab stirpe genus natos ad flumina primum
 „Deferimus, saevoque gelu duramus et undis;
 „Venatu invigilant pueri silvasque fatigant,
 „Flectere ludus equos et spicula tendere cornu;
 „At patiens operum parvoque assueta iuventus
 „Aut rastris terram domat, aut quatit oppida bello.
 „Omne aevum ferro teritur, versaque iuvençum
 „Terga fatigamus hasta, nec tarda senectus
 „Debilitat vires animi mutatque vigorem.
 „Canitiem galea premimus, semperque recentes
 „Comportare iuvat praedas et vivere raptò.
 „Vobis picta croco et fulgenti murice vestis,
 „Desidia cordi; iuvat indulgere choreis,
 „Et tunicae manicas et habent redimicula mitrae.
 „O vere Phrygiae, neque enim Phryges, ite per alta
 „Dindyma, ubi assuetis biformem dat tibia cantum.
 „Tympana vos buxusque vocat Berecynthia Matris
 „Idaeae: sinite arma viris, et cedite ferro!“

Talia iactantem dictis ac dira canentem
 Non tulit Ascanius, nervoque obversus equino
 Contendit telum, diversaue brachia ducens
 Constitit, ante Iovem supplex per vota precatus:



„Iupiter omnipotens, audacibus annue coeptis: 625
„Ipse tibi ad tua templa feram solemnia dona,
„Et statuam ante aras aurata fronte iuencum,
„Candentem, pariterque caput cum matre ferentem,
„Iam cornu petat et pedibus qui spargat arenam.“
Audiit et coeli genitor de parte serena 630
Intonuit laevum: sonat una fatifer arcus.
Effugit horrendum stridens adducta sagitta,
Perque caput Remuli venit et cava tempora ferro
Traicit. „I, verbis virtutem illude superbis!
„Bis capti Phryges haec Rutulis responsa remittunt.“ 635
Hoc tantum Ascanius; Teucri clamore sequuntur,
Laetitiaque fremunt animosque ad sidera tollunt.
Aetheria tum forte plaga crinitus Apollo
Desuper Ausonias acies urbemque videbat,
Nube sedens, atque his victorem affatur Iulum: 640
„Macte nova virtute, puer: sic itur ad astra,
„Dīs genite et geniture deos. Iure omnia bella
„Gente sub Assaraci fato ventura resident,
„Nec te Troia capit.“ Simul haec effatus ab alto
Aethere se mittit, spirantes dimovet auras, 645
Ascaniumque petit; formam tum vertitur oris
Antiquum in Buten. Hic Dardanio Anchisae
Armiger ante fuit fidusque ad limina custos,
Tum comitem Ascanio pater addidit. Ibat Apollo
Omnia longaevo similis, vocemque coloremque 650
Et crines albos et saeva sonoribus arma;
Atque his ardentem dictis affatur Iulum:
„Sit satis, Aenide, telis impune Numanum
„Oppetiisse tuis: primam hanc tibi magnus Apollo
„Concedit laudem, et paribus non invidet armis; 655
„Cetera parce, puer, bello.“ Sic orsus Apollo
Mortales medio adspectus sermone reliquit,
Et procul in tenuem ex oculis evanuit auram.
Agnovere deum procures divinaque tela
Dardanidae, pharetramque fuga sensere sonantem. 660
Ergo avidum pugnae dictis ac numine Phoebi
Ascanium prohibent, ipsi in certamina rursus

Succedunt animasque in aperta pericula mittunt.
 It clamor totis per propugnacula muris;
 Intendunt acres arcus, amentaque torquent.
 Sternitur omne solum telis; tum scuta cavaeque
 Dant sonitum flictu galeae: pugna aspera surgit,
 Quantus ab occasu veniens pluvialibus Haedis
 Verberat imber humum, quam multa grandine nimbi
 In vada praecipitant, quum Iupiter horridus Austris
 Torquet aquosam hiemem et coelo cava nubila rumpit.

Pandarus et Bitias, Idaeo Alcanore creti,
 Quos Iovis eduxit luco silvestris Iaera.
 Abietibus iuvenes patriis et montibus aequos,
 Portam, quae ducis imperio commissa, recludunt,
 Freti armis, ultroque invitant moenibus hostem.
 Ipsi intus dextra ac laeva pro turribus adstant,
 Armati ferro et cristis capita alta corusci,
 Quales aëriæ liquentia flumina circum,
 Sive Padi ripis, Athesim seu propter amoenum,
 Consurgunt geminae quercus, intonsaque coelo
 Attollunt capita et sublimi vertice nutant.
 Irrumpunt, aditus Rutuli ut videre patentes.
 Continuo Quercens et pulcher Aquicolus armis
 Et praeceps animi Tmarus et Mavortius Haemon
 Agminibus totis aut versi terga dedere,
 Aut ipso portae posuere in limine vitam.
 Tum magis increscunt animis discordibus irae,
 Et iam collecti Troes glomerantur eodem,
 Et conferre manum et procurrere longius audent.
 Ductori Turno, diversa in parte furenti
 Turbantique viros, perfertur nuntius, hostem
 Fervere caede nova et portas praebere patentes.
 Deserit inceptum atque immani concitus ira
 Dardaniam ruit ad portam fratresque superbos.
 Et primum Antiphaten, is enim se primus agebat,
 Thebana de matre nothum Sarpedonis alti,
 Coniecto sternit iaculo: volat Itala cornus
 Aëra per tenerum, stomachoque infixæ sub altum
 Pectus abit; reddit specus atri vulneris undam

.

.

.

.

■





Spumantem, et fixo ferrum in pulmone tepescit. [num;
Tum Meropem atque Erymanta manu, tum sternit Aphid-
Tum Bitian ardentem oculis animisque frementem,
Non iaculo - neque enim iaculo vitam ille dedisset -,
Sed magnum stridens contorta phalarica venit, 705
Fulminis acta modo, quam nec duo taurea terga,
Nec duplici squama lorica fidelis et auro
Sustinuit: collapsa ruunt immania membra.
Dat tellus gemitum, et clipeum super intonat ingens.
Talis in Euboeo Balarum litore quondam 710
Saxea pila cadit, magnis quam molibus ante
Constructam ponto iaciunt; sic illa ruinam
Prona trahit, penitusque vadis illisa recumbit;
Miscent se maria et nigrae attolluntur arenae;
Tum sonitu Prochyta alta tremit, durumque cubile 715
Inarime Iovis imperiis imposta Typhoeo.
Hic Mars armipotens animum viresque Latinis
Addidit, et stimulos acres sub pectore vertit,
Immisitque fugam Teucris atrumque timorem.
Undique conveniunt, quoniam data copia pugnae, 720
Bellatorque animo deus incidit.
Pandarus ut fuso germanum corpore cernit,
Et quo sit fortuna loco, qui casus agat res;
Portam vi multa converso cardine torquet,
Obnixus latis humeris, multosque suorum 725
Moenibus exclusos duro in certamine linquit;
Ast alios secum includit recipitque ruentes,
Demens, qui Rutulū in medio non agmine regem
Viderit irrumpentem, ultroque incluserit urbi,
Immanem veluti pecora inter inertia tigrim. 730
Continuo nova lux oculis effulsit, et arma
Horrendum sonuere; tremunt in vertice cristae
Sanguineae, clipeoque micantia fulmina mittit.
Agnoscent faciem invisam atque immania membra
Turbati subito Aeneadae. Tum Pandarus ingens 735
Emicat, et mortis fraternae fervidus ira
Effatur: „Non haec dotalis regia Amatae,
„Nec muris cohibet patriis media Ardea Turram;

„Castra inimica vides; nulla hinc exire potestas.“
Olli subridens sedato pectore Turnus :
„Incipe, si qua animo virtus, et consere dextram :
„Hic etiam inventum Priamo narrabis Achillen.“
Dixerat; ille rudem nodis et cortice crudo
Intorquet summis adnexus viribus hastam.
Excepere aurae: vulnus Saturnia Iuno
Detorsit veniens portaeque infigitur hasta.
„At non hoc telum, mea quod vi dextera versat,
„Effugies: neque enim is teli nec vulneris auctor.“
Sic ait, et sublatum alte consurgit in ensen,
Et mediam ferro gemina inter tempora frontem
Dividit impubesque immani vulnere malas.
Fit sonus: ingenti concussa est pondere tellus.
Collapsos artus atque arma cruenta cerebro
Sternit humi moriens, atque illi partibus aequis
Huc caput atque illuc humero ex utroque pependit.
Diffugiunt versi trepida formidine Troes :
Et si continuo victorem ea cura subisset,
Rumpere claustra manu sociosque immittere portis,
Ultimus ille dies bello gentique fuisset.
Sed furor ardentem caedisque insana cupido
Egit in adversos.
Principio Phalerim et succiso poplite Gygen
Excipit, hinc raptas fugientibus ingerit hastas
In tergum: Iuno vires animumque ministrat.
Addit Halym comitem et confixa Phegea parma,
Ignaros deinde in muris Martemque cientes
Alcandrumque Haliumque Noëmonaque Prytanimque.
Lyncea tendentem contra sociosque vocantem
Vibranti gladio connixus ab aggere dexter
Occupat: huic uno deiectum comminus ictu
Cum galea longe iacuit caput. Inde ferarum
Vastatorem Amycum, quo non felicior alter
Unguere tela manu ferrumque armare veneno,
Et Clytium Aeoliden, et amicum Crethea Musis,
Crethea Musarum comitem, cui carmina semper
Et citharae cordi, numerosque intendere nervis,



.

semper equos atque arma virum pugnasque canebat.
 Tandem ductores audita caede suorum
 conveniunt Teucri, Mnestheus acerque Serestus,
 valantesque vident socios hostemque receptum. 780
 At Mnestheus „Quo deinde fugam, quo tenditis?“ inquit.
 Quos alios muros, quae iam ultra moenia habetis?
 Unus homo, et vestris, o cives, undique septus
 Aggeribus, tantas strages impune per urbem
 Ediderit? iuvenum primos tot miserit Orco? 785
 Non infelicis patriae veterumque deorum
 Et magni Aeneae segnes miseretque pudetque?“
 alibus accensi firmanantur, et agmine denso
 consistunt. Turnus paullatim excedere pugna,
 fluvium petere ac partem, quae cingitur unda. 790
 prius hoc Teucri clamore incumbere magno,
 glomerare manum: ceu saevum turba leonem
 ium telis premit infensis, at territus ille,
 sper, acerba tuens, retro redit, et neque terga
 dare aut virtus patitur, nec tendere contra 795
 e quidem, hoc cupiens, potis est per tela virosque.
 iud aliter retro dubius vestigia Turnus
 properata refert, et mens exaestuat ira.
 in etiam bis tum medios invaserat hostes,
 s confusa fuga per muros agmina vertit; 800
 d manus e castris propere coit omnis in unum;
 c contra vires audet Saturnia Iuno
 fficere: aëriam coelo nam Iupiter Irim
 misit, germanae haud mollia iussa ferentem,
 Turnus cedat Teucrorum moenibus altis. 805
 o nec clipeo iuvenis subsistere tantum,
 dextra valet: iniectis sic undique telis
 ruitur. Strepit assiduo cava tempora circum
 nitu galea, et saxis solida aera fatiscunt,
 cussaeque iubae capiti, nec sufficit umbo 810
 bus; ingeminant hastis et Troes et ipse
 mineus Mnestheus. Tum toto corpore sudor
 ruitur et piceum - nec respirare potestas -
 nen agit; fessos quatit aeger anhelitus artus.


Tum demum praeceps saltu sese omnibus armis 815
 In fluvium dedit. Ille suo cum gurgite flavo
 Accepit venientem ac mollibus extulit undis,
 Et laetum sociis abluta caede remisit.

P. VIRGILII MARONIS

A E N E I D O S

LIBER DECIMUS.

Panditur interea domus omnipotentis Olympi,
 Conciliumque vocat divum pater atque hominum rex
 Sideream in sedem, terras unde arduus omnes
 Castraque Dardanidum adspectat populosque Latinos.
 Considunt tectis bipatentibus; incipit ipse: 5
 „Coelicolae magni, quianam sententia vobis
 „Versa retro, tantumque animis certatis iniquis?
 „Abnueram bello Italiam concurrere Teucris.
 „Quae contra vetitum discordia? quis metus aut hos
 „Aut hos arma sequi ferrumque lacescere suasit? 10
 „Adveniet iustum pugnae, ne arcessite, tempus,
 „Quum fera Carthago Romanis arcibus olim
 „Exitium magnum atque Alpes immittet apertas.
 „Tum certare odiis, tum res rapuisse licebit;
 „Nunc sinite, et placitum laeti componite foedus.“ 15
 Iupiter haec paucis; at non Venus aurea contra
 Pauca refert:
 „O pater, o hominum rerumque aeterna potestas, -
 „Namque aliud quid sit, quod iam implorare queamus? —
 „Cernis, ut insultent Rutuli, Turnusque feratur 20
 „Per medios insignis equis tumidusque secundo
 „Marte ruat? Non clausa tegunt iam moenia Teucros.
 „Quin intra portas atque ipsis proelia miscent
 „Aggeribus murorum, et inundant sanguine fossae.
 „Aeneas ignarus abest. Numquamne levare 25
 „Obsidione sines? Muris iterum imminet hostis
 „Nascentis Troiae, nec non exercitus alter,



atque iterum in Teucros Aetolis surgit ab Arpis
 Tydides. Equidem credo, mea vulnera restant,
 et tua progenies mortalia demoror arma! 30

et sine pace tua atque invito numine Troes
 aliam petiere: luant peccata, neque illos
 averis auxilio; sin tot responsa secuti,
 quae superi manesque dabant: cur nunc tua quisquam
 vertere iussa potest, aut cur nova condere fata? 35

quid repetam exustas Erycino in litore classes?
 quid tempestatum regem ventosque furentes
 Aeolia excitos, aut actam nubibus Irim?

nunc etiam Manes - haec intentata manebat
 fors rerum - movet, et superis immissa repente 40
 illecto medias Italum bacchata per urbes.

et super imperio moveor: speravimus ista,
 cum fortuna fuit; vincant, quos vincere mavis.

Nulla est regio, Teucris quam det tua coniux
 ara; per eversae, genitor, fumantia Troiae 45
 caecidia obtestor, liceat dimittere ab armis
 columem Ascanium, liceat superesse nepotem.
 neas sane ignotis iactetur in undis

quamcumque viam dederit fortuna, sequatur;
 nec tegere et dirae valeam subducere pugnae. 50

Amathus, est celsa mihi Paphus atque Cythera,
 Iliacaeque domus: positis inglorius armis
 ligat hic aevum. Magna ditione iubeto

Thyrago premat Ausoniam: nihil urbibus inde
 stabit Tyriis. Quid pestem evadere belli 55


vidit et Argolicos medium fugisse per ignes,
 quae maris vastaeque exhausta pericula terrae,
 an Latium Teucris recidivaque Pergama quaerunt?

satius, cineres patriae insedissem supremos
 ne solum, quo Troia fuit? Xanthum et Simoenta 60

de, oro, miseris, iterumque revolvere casus
 pater, Iliacos Teucris. "Tum regia Iuno,
 furore gravi: „Quid me alta silentia cogis

supere et obductum verbis vulgare dolorem?
 ean hominum quisquam divumque subegit 65

„Bella sequi, aut hostem regi se inferre Latino? —
 „Italiam petiit fatis auctoribus: esto;
 „Cassandrae impulsus furiis: num linquere castra
 „Hortati sumus, aut vitam committere ventis?
 „Num puero summam belli, num credere muros,
 „Tyrrhenamque fidem aut gentes agitare quietas?
 „Quis deus in fraudem, quae dura potentia nostri
 „Egit? ubi hic Iuno demissave nubibus Iris? —
 „Indignum est, Italos Troiam circumdare flammis
 „Nascentem, et patria Turnum consistere terra,
 „Cui Pilumnus avus, cui diva Venilia mater:
 „Quid, face Troianos atra vim ferre Latinis,
 „Arva aliena iugo premere atque avertere praedas?
 „Quid, soceros legere et gremiis abducere pactas:
 „Pacem orare manu, praefigere puppibus arma? —
 „Tu potes Aenean manibus subducere Graium,
 „Proque viro nebulam et ventos obtendere inanes.
 „Et potes in totidem classem convertere nymphas:
 „Nos aliquid Rutulos contra iuvisse, nefandum est! —
 „Aeneas ignarus abest: ignarus et absit:
 „Est Paphus Idaliumque tibi, sunt alta Cythera.
 „Quid gravidam bellis urbem et corda aspera tentas:
 „Nosne tibi fluxas Phrygiae res vertere fundo
 „Conamur? nos; an miseros qui Troas Achivis
 „Obiecit? Quae causa fuit, consurgere in arma
 „Europamque Asiamque et foedera solve re furto?
 „Me duce Dardanius Spartam expugnavit adulter.
 „Aut ego tela dedi, fovive cupidine bella?
 „Tum decuit metuisse tuis; nunc sera querelis
 „Haud iustis assurgis, et irrita iurgia iactas.“
 Talibus orabat Iuno, cunctique fremebant
 Coelicolae assensu vario: ceu flamina prima
 Quum deprensa fremunt silvis et caeca volutant
 Murmura, venturos nautis prodentia ventos.
 Tum pater omnipotens, rerum cui summa potestas,
 Infit - eo dicente deum domus alta silescit
 Et tremefacta solo tellus, silet arduus aether,
 Tum Zephyri posuere, premit placida aequora pontus.




Accipite ergo animis atque haec mea figite dicta.
 Quandoquidem Ausonios coniungi foedera Teucris 105
 Haud licitum, nec vestra capit discordia finem:
 Quae cuique est fortuna hodie, quam quisque secatur spem,
 Tros Rutulusve fuat, nullo discrimine habebo,
 Seu fatis Italum castra obsidione tenentur,
 Sive errore malo Troiae monitisque sinistris. 110
 Nec Rutulos solvo. Sua cuique exorsa laborem
 Fortunamque ferent. Rex Iupiter omnibus idem:
 Fata viam invenient." Stygii per flumina fratris,
 ex pice torrentes atraque voragine ripas
 induit, et totum nutu tremefecit Olympum. 115
 hic finis fandi; solio tum Iupiter aureo
 iurgit, coelicolae medium quem ad limina ducunt.
 Interea Rutuli portis circum omnibus instant
 ternere caede viros, et moenia cingere flammis.
 t legio Aeneadum vallis obsessa tenetur, 120
 ac spes ulla fugae; miseri stant turribus altis
 aequidquam, et rara muros cinxere corona.
 prius Imbrasides Hicetaoniusque Thymoetes
 Isaracique duo et senior cum Castore Thymbris
 prima acies; hos germani Sarpedonis ambo 125
 Clarus et Themon Lycia comitantur ab alta.
 et ingens toto connixus corpore saxum,
 ad partem exiguum montis, Lyrnesius Acmon,
 et Clytio genitore minor, nec fratre Menestheo.
 iaculis, illi certant defendere saxis, 130
 alique ignem, nervoque aptare sagittas.
 e inter medios, Veneris iustissima cura,
 ardantius caput, ecce, puer detectus honestum,
 alis gemma, micat, fulvum quae dividit aurum,
 et collo decus aut capiti, vel quale per artem 135
 pulsum buxo, aut Oricia terebintho,
 et ebur; fusos cervix cui lactea crines
 circumipit et molli subnectens circulus auro.
 quoque magnanimae viderunt, Ismare, gentes
 nera dirigere et calamos armare veneno, 140
 etonia generose domo, ubi pinguis culta

Exercentque viri, Pactolosque irrigat auro.
Adfuit et Mnestheus, quem pulsi pristina Turni
Aggere murorum sublimem gloria tollit,
Et Capys: hinc nomen Campanae ducitur urbi.

Illi inter sese duri certamina belli
Contulerant; media Aeneas freta nocte secabat.
Namque ut ab Evandro castris ingressus Etruscis:
Regem adit et regi memorat nomenque genusque.
Quidve petat quidve ipse ferat; Mezentius arma
Quae sibi conciliet, violentaque pectora Turni
Edocet; humanis quae sit fiducia rebus
Admonet immiscetque preces. Haud fit mora: Tar-
lunigit opes, foedusque ferit; tum libera fati
Classem conscendit iussis gens Lydia divum,
Externo commissa duci. Aeneia puppis
Prima tenet, rostro Phrygios subiuncta leones;
Imminet Ida super, profugis gratissima Teucris.
Hic magnus sedet Aeneas, secumque volutat
Eventus belli varios; Pallasque sinistro
Affixus lateri iam quaerit sidera, opacae
Noctis iter, iam quae passus terraque marique.

Pandite nunc Helicon, deae, cantusque movete,
Quae manus interea Tuscis comitetur ab oris
Aenean, armetque rates, pelagoque vehatur.
Massicus aerata princeps secat aequora Tigri:
Sub quo mille manus iuvenum, qui moenia Clusi,
Quique urbem liquere Cosas; quis tela sagittae
Gorytique leves humeris et letifer arcus.
Una torvus Abas: huic totum insignibus armis
Agmen et aurato fulgebat Apolline puppis.
Sexcentos illi dederat Populonia mater
Expertos belli iuvenes; ast Ilva trecentos
Insula, inexhaustis Chalybum generosa metallis.
Tertius, ille hominum divumque interpretes Asilas,
Cui pecudum fibrae, coeli cui sidera parent
Et linguae volucrum et praesagi fulminis ignes,
Mille rapit densos acie atque horrentibus hastis.
Hos parere iubent Alpheae ab origine Pisae,



Irbs Etrusca solo. Sequitur pulcherrimus Astur, 180
 Astur equo fidens et versicoloribus armis.
 Percentum adiiciunt; mens omnibus una sequendi,
 Qui Caerete domo, qui sunt Minionis in arvis,
 Et Pyrgi veteres, intempestaeque Graviscae.
 Non ego te, Ligurum ductor fortissime bello, 185
 Transierim, Cinyra, et paucis comitate Cupavo,
 Cuius olorinae surgunt de vertice pennae -
 Crimen amor vestrum - formaeque insigne paternae.
 Namque ferunt, luctu Cycnum Phaëthontis amati,
 Populeas inter frondes umbramque sororum 190
 Dum canit et maestum Musa solatur amorem,
 Lanentem molli pluma duxisse senectam,
 Inquentem terras et sidera voce sequentem.
 Filius, aequales comitatus classe catervas,
 Ingentem remis Centaurum promovet - ille 195
 Instat aquae, saxumque undis immane minatur
 Arduus - et longa sulcat maria alta carina.
 Ille etiam patriis agmen ciet Ocnus ab oris,
 Latidicae Mantus et Tusci filius amnis,
 Cui muros matrisque dedit tibi, Mantua, nomen, 200
 Mantua dives avis, sed non genus omnibus unum:
 Mens illi triplex, populi sub gente quaterni;
 Rosa caput populis; Tusco de sanguine vires.
 Inc quoque quingentos in se Mezentius armat,
 Uos patre Benaco velatus arundine glauca 205
 Incius infesta ducebat in aequora pinu.
 Gravis Aulestes, centenaeque arbore fluctum
 Erberat assurgens: spumant vada marmore verso.
 Hunc vehit immanis Triton et caerula concha
 Interrens freta, cui laterum tenuis hispida nanti 210
 Mons hominem praefert, in pristim desinit alvus;
 Pumea semifero sub pectore murmurat unda.
 Et lecti procures ter denis navibus ibant
 Obsidio Troiae, et campos salis aere secabant.
 Iamque dies coelo concesserat, almaque curru 215
 Activago Phoebe medium pulsabat Olympum:
 Meas - neque enim membris dat cura quietem -


Ipse sedens clavumque regit velisque ministrat.
 Atque illi medio in spatio chorus, ecce, suarum
 Occurrit comitum: Nymphae, quas alma Cybebe 220
 Numen habere maris Nymphasque e navibus esse
 Iusserat, innabant pariter fluctusque secabant,
 Quot prius aeratae steterant ad litora prorae.
 Agnoscunt longe regem, lustrantque choreis.
 Quarum quae fandi doctissima, Cymodocea 225
 Pone sequens dextra puppim tenet, ipsaque dorso
 Eminent, ac laeva tacitis subremigat undis;
 Tum sic ignarum alloquitur: „Vigilasne, deum gens,
 „Aenea? Vigila, et velis immitte rudentes.
 „Nos sumus, Idaeae sacro de vertice pinus, 230
 „Nunc pelagi Nymphae, classis tua. Perfidus ut nos
 „Praecipites ferro Rutulus flammaque premebat;
 „Rupimus invitae tua vincula, teque per aequor
 „Quaerimus. Hanc genetrix faciem miserata refecit,
 „Et dedit esse deas aevumque agitare sub undis. 235
 „At puer Ascanius muro fossisque tenetur
 „Tela inter media atque horrentes Marte Latinos.
 „Iam loca iussa tenet forti permixtus Etrusco
 „Arcas eques; medias illis opponere turmas,
 „Ne castris iungant, certa est sententia Turno. 240
 „Surge age, et Aurora socios veniente vocari
 „Primus in arma iube, et clipeum cape, quem dedit ipse
 „Invictum Ignipotens atque oras ambiit auro.
 „Crastina lux, mea si non irrita dicta putaris,
 „Ingentes Rutulae spectabit caedis acervos.“ 245
 Dixerat, et dextra discedens impulit altam,
 Haud ignara modi, puppim. Fugit illa per undas
 Ocior et iaculo et ventos aequante sagitta.
 Inde aliae celerant cursus. Stupet inscius ipse
 Tros Anchisiades, animos tamen omine tollit. 250
 Tum breviter supera adspectans convexa precatur:
 „Alma parens Idaea deum, cui Dindyma cordi
 „Turrigeraeque urbes biuigique ad frena leones,
 „Tu mihi nunc pugnae princeps, tu rite propinques
 „Augurium, Phrygibusque adsis pede, diva, secundo.“ 255

„Nunc, o lecta manus, validis incumbite remis;
„Tollite, ferte rates; inimicam findite rostris
„Hanc terram, sulcumque sibi premat ipsa carina!
„Frangere nec tali puppim statione recuso,
„Arrepta tellure semel.“ Quae talia postquam
Effatus Tarchon, socii consurgere tonsis,
Spumantesque rates arvis inferre Latinis,
Donec rostra tenent siccum. Et sedere carinae
Omnes innocuae; sed non puppis tua, Tarchon.
Namque inflicta vadis dorso dum pendet iniquo,
Anceps sustentata diu, fluctusque fatigat;
Solvitur atque viros mediis exponit in undis,
Fragmina remorum quos et fluitantia transtra
Impediunt, retrahitque pedes simul unda relabens.
Nec Turnum segnis retinet mora; sed rapit acer
Totam aciem in Teucros, et contra in litore sistit.
Signa canunt. Primus turmas invasit agrestes
Aeneas, omen pugnae, stravitque Latinos,
Occiso Therone, virum qui maximus ultro
Aenean petit. Huic gladio perque aerea suta,
Per tunicam squalentem auro, latus haurit apertum.
Inde Lichan ferit, exsectum iam matre peremta,
Et tibi, Phoebe, sacrum, casus evadere ferri
Quod licuit parvo. Nec longe, Cissea durum
Immanemque Gyan, sternentes agmina clava,
Deiecit leto: nihil illos Herculis arma
Nec validae iuvare manus genitorque Melampus,
Alcidae comes, usque graves dum terra labores
Praebuit. Ecce Pharo, voces dum iactat inertes,
Intorquens iaculum clamanti sistit in ore.
Tu quoque, flaventem prima lanugine malas
Dum sequeris Clytium infelix, nova gaudia, Cydon.
Dardania stratus dextra, securus amorum,
Qui iuvenum tibi semper erant, miserande iaceres;
Ni fratrum stipata cohors foret obvia, Phorci
Progenies, septem numero: septenaque tela
Coniiciunt; partim galea clipeoque resultant
Irrita, deflexit partim stringentia corpus



Jma Venus. Fidum Aeneas affatur Achaten:
 Suggere tela mihi: non ullum dextera frustra
 Torserit in Rutulos, steterunt quae in corpore Graiùm
 Iliacis campis.“ Tum magnam corripit hastam, 335
 et iacit: illa volans clipei transverberat aera
 Laeonis, et thoraca simul cum pectore rumpit.
 Iuic frater subit Alcanor, fratremque ruentem
 sustentat dextra: traiecto missa lacerto
 rotinus hasta fugit servatque cruenta tenorem, 340
 exteraque ex humero nervis moribunda pependit.
 Num Numitor, iaculo fratris de corpore raptò,
 Aenean petiit; sed non et figere contra
 est licitum, magnique femur perstrinxit Achatae.
 Iuic Curibus, fidens primaevo corpore, Clausus 345
 devenit, et rigida Dryopem ferit eminus hasta
 in mentum graviter pressa, pariterque loquentis
 occem animamque rapit traiecto gutture; at ille
 fronte ferit terram et crassum vomit ore cruorem.
 Ius quoque Threïcios Boreae de gente suprema, 350
 tres, quos Idas pater et patria Ismara mittit,
 et varios sternit casus. Accurrit Halaesus
 truncataeque manus, subit et Neptunia proles,
 signis Messapus equis. Expellere tendunt
 nunc hi, nunc illi; certatur limine in ipso 355
 Isoniae. Magno discordes aethere venti
 pelia ceu tollunt animis et viribus, aequis;
 non ipsi inter se, non nubila, non mare cedit;
 ceps pugna diu; stant obnixa omnia contra:
 ad aliter Troianae acies aciesque Latinae 360
 concurrunt, haeret pede pes densusque viro vir.
 At parte ex alia, qua saxa rotantia late
 pulerat torrens arbustaque diruta ripis,
 gradas, insuetos acies inferre pedestres,
 vidit Pallas Latio dare terga sequaci, 365
 vera quis natura loci dimittere quando
 sit equos; unum quod rebus restat egenis,
 cum prece, nunc dictis virtutem accendit amaris:
 o fugitis, socii? Per vos et fortia facta,

„Per ducis Evandri nomen devictaque bella, 370
„Spemque meam, patriae quae nunc subit aemula laudi,
„Fidite ne pedibus. Ferro rumpenda per hostes
„Est via. Qua globus ille virum densissimus urguet,
„Hac vos et Pallanta ducem patria alta reposcit.
„Numina nulla premunt; mortali urguemur ab hoste 375
„Mortales; totidem nobis animaeque manusque.
„Ecce, maris magna claudit nos obiice pontus;
„Deest iam terra fugae: pelagus Troiamne petemus?“
Haec ait et medius densos prorumpit in hostes.
Obvius huic primum, fati adductus iniquis, 380
Fit Lagos: hunc, magno vellit dum pondere saxum,
Intorto figit telo, discrimina costis
Per medium qua spina dabat, hastamque receptat
Ossibus haerentem. Quem non super occupat Hisbo,
Ille quidem hoc sperans: nam Pallas ante ruentem, 385
Dum furit, incautum crudeli morte sodalis,
Excipit atque ensem tumido in pulmone recondit.
Hinc Sthenelum petit, et Rhoeti de gente vetusta
Anchemolum, thalamos ausum incestare novercae.
Vos etiam gemini Rutulis cecidistis in arvis, 390
Daucia, Laride Thymberque, simillima proles,
Indiscreta suis, gratusque parentibus error;
At nunc dura dedit vobis discrimina Pallas:
Nam tibi, Thymbre, caput Evandrius abstulit ensis;
Te decisa suum, Laride, dextera quaerit, 395
Semianimesque micant digiti ferrumque retractant.
Arcadas accensos monitu et praeclara tuentes
Facta viri mixtus dolor et pudor armat in hostes.
Tum Pallas biiugis fugientem Rhoetea praeter
Traicit. Hoc spatium, tantumque morae fuit Ilo: 400
Ilo namque procul validam direxerat hastam,
Quam medius Rhoeteus intercipit, optime Teuthra,
Te fugiens fratremque Tyren; curruque volutus
Caedit semianimis Rutulorum calcibus arva.
Ac velut, optato ventis aestate coortis, 405
Dispersa immittit silvis incendia pastor;
Correptis subito mediis, extenditur una



orrida per latos acies Vulcania campos;
 le sedens victor flammas despectat ovantes:
 on aliter sociûm virtus coit omnis in unum, 410
 eque iuvat, Palla. Sed bellis acer Halaesus
 endit in adversos, seque in sua colligit arma.
 ic mactat Ladona Pheretaque Demodocumque;
 trymonio dextram fulgenti deripit ense
 latam in iugulum; saxo ferit ora Thoantis, 415
 ssaque dispersit cerebro permixta cruento.
 ata canens silvis genitor celarat Halaesum,
 t senior leto canentia lumina solvit:
 iecere manum Parcae telisque sacrarunt
 andri. Quem sic Pallas petit ante precatus: 420
 da nunc, Thybri pater, ferro, quod missile libro,
 'ortunam atque viam duri per pectus Halaesi.
 laec arma exuviasque viri tua quercus habebit."
 idiit illa deus: dum textit Imaona Halaesus,
 'cadio infelix telo dat pectus inermum. 425
 non caede viri tanta perterrita Lausus,
 rs ingens belli, sinit agmina: primus Abantem
 opositum interimit, pugnae nodumque moramque.
 ernitur Arcadiae proles, sternuntur Etrusci,
 vos, o Graiis imperdita corpora, Teucri. 430
 gmina concurrunt ducibusque et viribus aequis;
 tremi addensent acies, nec turba moveri
 la manusque sinit. Hinc Pallas instat et urguet,
 ic contra Lausus; nec multum discrepat aetas;
 regii forma, sed quis fortuna negarat 435
 patriam reditus. Ipsos concurrere passus
 ud tamen inter se magni regnator Olympi:
 x illos sua fata manent maiore sub hoste.
 nterea soror alma monet succedere Lauso
 num: qui volucris curru medium secatur agmen. 440
 vidit socios: „Tempus desistere pugnae:
 olus ego in Pallanta feror, soli mihi Pallas
 ebetur; cuperem ipse parens spectator adesset."
 ec ait, et socii cesserunt aequore iusso.
 Rutulûm abscessu, iuvenis tum, iussa superba 445

Miratus, stupet in Turno, corpusque per ingens
Lumina volvit, obitque truci procul omnia visu,
Talibus et dictis it contra dicta tyranni:
„Aut spoliis ego iam raptis laudabor opimis,
„Aut leto insigni; sorti pater aequus utrique est. 450
„Tolle minas.“ Fatus medium procedit in aequor.
Frigidus Arcadibus coit in praecordia sanguis.
Desiluit Turnus biiugis: pedes apparat ire
Comminus. Utque leo, specula quum vidit ab alta
Stare procul campis meditantem in proelia taurum, 455
Advolat: haud alia est Turni venientis imago.
Hunc ubi contiguum missae fore credidit hastae,
Ire prior Pallas, si qua fors adiuvet ausum
Viribus imparibus, magnumque ita ad aethera fatur:
„Per patris hospitium et mensas, quas advena adisti, 460
„Te precor, Alcide, coeptis ingentibus adsis!
„Cernat semineci sibi me rapere arma cruenta,
„Victoremque ferant morientia lumina Turni.“
Audiit Alcides iuvenem, magnumque sub imo
Corde premit genitum, lacrimasque effundit inanes. 465
Tum genitor natum dictis affatur amicis:
„Stat sua cuique dies; breve et irreparabile tempus
„Omnibus est vitae; sed famam extendere factis,
„Hoc virtutis opus. Troiae sub moenibus altis
„Tot nati cecidere deum; quin occidit una 470
„Sarpedon, mea progenies. Etiam sua Turnum
„Fata vocant, metasque dati pervenit ad aevi.“
Sic ait, atque oculos Rutulorum reiecit arvis.
At Pallas magnis emittit viribus hastam,
Vaginaque cava fulgentem deripit ense. 475
Illa volans, humeri surgunt qua tegmina summa,
Incidit, atque, viam clipei molita per oras,
Tandem etiam magno strinxit de corpore Turni.
Hic Turnus ferro praefixum robur acuto
In Pallanta diu librans iacit, atque ita fatur: 480
„Adspice, num mage sit nostrum penetrabile telum.“
Dixerat; at clipeum, tot ferri terga, tot aeris,
Quum pellis toties obeat circumdata tauri,



branti medium cuspis transverberat ictu,
ricaque moras et pectus perforat ingens. 485

rapit calidum frustra de vulnere telum:
eademque via sanguis animusque sequuntur.
ruit in vulnus; sonitum super arma dedere;
terram hostilem moriens petit ore cruento.

em Turnus super adsistens, 490

rcades, haec“ inquit „memores mea dicta referte
vandro: Qualem meruit, Pallanta remitto.

uisquis honos tumuli, quidquid solamen humandi est,
argior. Haud illi stabunt Aeneia parvo

ospitia.“ Et laevo pressit pede, talia fatus, 495

animem, rapiens immania pondera baltei,
pressumque nefas: una sub nocte iugali
esa manus iuvenum foede, thalamique cruenti;
ae Clonus Eurytides multo caelaverat auro.

nunc Turnus ovat spolio gaudetque potitus. 500

scia mens hominum fati sortisque futurae,
servare modum, rebus sublata secundis!

no tempus erit, magno quum optaverit emtum
ctum Pallanta, et quum spolia ista diemque

rit. At socii multo gemitu lacrimisque 505

ositum scuto referunt Pallanta frequentes.

olor atque decus magnum rediture parenti!

c te prima dies bello dedit, haec eadem aufert,

n tamen ingentes Rutulorum linqvis acervos!

ec iam fama mali tanti, sed certior auctor 510

olat Aeneae, tenui discrimine leti

suos: tempus, versis succurrere Teucris

ima quaeque metit gladio, latumque per agmen

ns limitem agit ferro, te, Turne, superbum

e nova quaerens. Pallas, Evander, in ipsis 515

a sunt oculis, mensae, quas advena primas

adiit, dextraeque datae. Sulmone creatos

ior hic iuvenes, totidem, quos educat Ufens,

ites rapit, inferias quos immolet umbris,

oque rogi perfundat sanguine flammās.

Magno procul infensam contenderat hastam;

Ille astu subit, at tremebunda supervolat hasta:
Et genua amplexens effatur talia supplex:
„Per patrios Manes et spes surgentis Iuli,
„Te precor, hanc animam serves gnatoque patrique
„Est domus alta; iacent penitus defossa talenta
„Caelati argenti; sunt auri pondera facti
„Infectique mihi. Non hic victoria Teucrùm
„Vertitur, aut anima una dabit discrimina tanta.”
Dixerat; Aeneas contra cui talia reddit:
„Argenti atque auri memoras quae multa talenta
„Gnatis parce tuis: belli commercia Turnus
„Sustulit ista prior iam tum Pallante peremto.
„Hoc patris Anchisae Manes, hoc sentit Iulus.”
Sic fatus galeam laeva tenet, atque reflexa
Cervice orantis capulo tenus applicat ensem.
Nec procul Haemonides, Phoebi Triviaeque sacerdos
Infula cui sacra redimibat tempora vitta,
Totus collucens veste atque insignibus armis:
Quem congressus agit campo, lapsumque superstat:
Immolat, ingentique umbra tegit; arma Serestus
Lecta refert humeris, tibi, rex Gradive, tropaeum.
Instaurant acies Vulcani stirpe creatus
Caeculus et veniens Marsorum montibus Umbro.
Dardanides contra furit. Anxuris ense sinistram
Et totum clipei ferro deiecerat orbem; -
Dixerat ille aliquid magnum, vimque affore verbe
Crediderat, coeloque animum fortasse ferebat,
Canitiemque sibi et longos promiserat annos; -
Tarquitus exsultans contra fulgentibus armis,
Silvicolae Fauno Dryope quem nympa crearat,
Obvius ardenti sese obtulit. Ille reducta
Loricam clipeique ingens onus impedit hasta.
Tum caput orantis nequidquam et multa parantis
Dicere deturbat terrae, truncumque tepentem
Provolverens, super haec inimico pectore fatur:
„Istic nunc, metuende, iace! Non te optima mater
„Condet humo, patrioque onerabit membra sepulchri.
„Alitibus linquere feris, aut gurgite mersum



„Unda feret, piscesque impasti vulnera lambent.“ 560
 Protenus Antaeum et Lucam, prima agmina Turni,
 Persequitur fortemque Numam fulvumque Camertem,
 Magnanimo Volscente satum, ditissimus agri
 Qui fuit Ausonidum et tacitis regnavit Amyclis.
 Aegaeon qualis, centum cui brachia dicunt 565
 Centenasque manus, quinquaginta oribus ignem
 Pectoribusque arsisse, Iovis quum fulmina contra
 Tot paribus streperet clipeis, tot stringeret enses:
 Sic toto Aeneas desaevit in aequore victor,
 Ut semel intepuit mucro. Quin ecce Niphaci 570
 Quadriiuges in equos adversaque pectora tendit;
 Atque illi longe gradientem et dira frementem
 Ut videre, metu versi retroque ruentes
 Effunduntque ducem, rapiuntque ad litora currum.
 Interea biiugis infert se Lucagus albis 575
 In medios fraterque Liger; sed frater habenis
 Flectit equos, strictum rotat acer Lucagus ensem.
 Haud tulit Aeneas tanto fervore furentes:
 Irruit, adversaque ingens apparuit hasta.
 Cui Liger: 580
 „Non Diomedis equos, nec currum cernis Achilli
 „Aut Phrygiae campos; nunc belli finis et aevi
 „His dabitur terris.“ Vesano talia late
 Dicta volant Ligeri; sed non et Troius heros
 Dicta parat contra: iaculum nam torquet in hostes. 585
 Lucagus ut pronus pendens in verbera telo
 Admonuit biiugos, proiecto dum pede laevo
 Aptat se pugnae; subit oras hasta per imas
 Fulgentis clipei, tum laevum perforat inguen:
 Excussus curru moribundus volvitur arvis. 590
 Quem pius Aeneas dictis affatur amaris:
 „Lucage, nulla tuos currus fuga segnis equorum
 „Prodidit, aut vanae vertere ex hostibus umbrae;
 „Ipse rotis saliens iuga deseris.“ Haec ita fatus
 Arripuit biiugos. Frater tendebat inertes 595
 Infelix palmas, curru delapsus eodem:
 „Per te, per qui te talem genuere parentes,

„Vir Troiane, sine hanc animam, et miserere precantis!”
 Pluribus oranti Aeneas: „Haud talia dudum
 „Dicta dabas. Morere, et fratrem ne desere frater.“
 Tum latebras animae, pectus, mucrone recludit.
 Talia per campos edebat funera ductor
 Dardanius, torrentis aquae vel turbinis atri
 More furens. Tandem erumpunt et castra relinquunt
 Ascanius puer et nequidquam obsessa iuventus.


Iunonem interea compellat Iupiter ultro:

„O germana mihi atque eadem gratissima coniux,
 „Ut rebare, Venus - nec te sententia fallit -
 „Troianas sustentat opes: non vivida bello
 „Dextra viris animusque ferox patiensque pericli.“
 Cui Iuno submissa: „Quid, o pulcherrime coniux,
 „Sollicitas aegram et tua tristia dicta timentem?
 „Si mihi, quae quondam fuerat, quamque esse decebat.
 „Vis in amore foret. Non hoc mihi namque negares,
 „Omnipotens, quin et pugnae subducere Turnum,
 „Et Dauno possem incolumem servare parenti.
 „Nunc pereat, Teucrisque pio det sanguine poenas.
 „Ille tamen nostra deducit origine nomen,
 „Pilumnusque illi quartus pater, et tua larga
 „Saepe manu multisque oneravit limina donis.“
 Cui rex aetherii breviter sic fatus Olympi:
 „Si mora praesentis leti tempusque caduco
 „Oratur iuveni, meque hoc ita ponere sentis;
 „Tolle fuga Turnum atque instantibus eripe fatis:
 „Hactenus indulsisse vacat. Sin altior istis
 „Sub precibus venia ulla latet, totumque moveri
 „Mutarive putas bellum; spes pascis inanes.“
 Et Iuno allacrimans: „Quid, si, quae voce gravis,
 „Mente dares, atque haec Turno rata vita maneret!
 „Nunc manet insontem gravis exitus, aut ego veri
 „Vana feror. Quod ut o potius formidine falsa
 „Ludar, et in melius tua, qui potes, orsa reflectas!“
 Haec ubi dicta dedit, coelo se protenus alto
 Misit, agens hiemem nimbo succincta per auras,
 Iliacamque aciem et Laurentia castra petivit.



n dea nube cava tenuem sine viribus umbram
 aciem Aeneae - visu mirabile monstrum -
 daniis ornat telis, clipeumque iubasque
 ini assimulat capitis, dat inania verba,
 sine mente sonum, gressusque effingit euntis: 640
 te obita quales fama est volitare figuras,
 quae sopitos deludunt somnia sensus.
 rimas laeta ante acies exsultat imago,
 atque virum telis et voce lacessit.
 ut cui Turnus, stridentemque eminus hastam 645
 icit; illa dato vertit vestigia tergo.
 vero Aenean aversum ut cedere Turnus
 idit, atque animo spem turbidus hausit inanem.
 fugis, Aenea? Thalamos ne desere pactos!
 dabitur dextra tellus quaesita per undas." 650
 vociferans sequitur, strictumque cortiscat
 onem, nec ferre videt sua gaudia ventos.
 ratis celsi coniuncta crepidine saxi
 sitis stabat scalis et ponte parato,
 rex Clusinis advectus Osinius oris: 655
 sese trepida Aeneae fugientis imago
 cit in latebras; nec Turnus segnior instat,
 peratque moras et pontes transilit altos.
 roram attigerat: rumpit Saturnia funem,
 iamque rapit revoluta per aequora navem. 660
 levis haud ultra latebras iam quaerit imago,
 ublime volans nubi se immiscuit atrae.
 autem Aeneas absentem in proelia poscit;
 multa virum demittit corpora morti:
 Turnum medio interea fert aequore turbo. 665
 it ignarus rerum ingratusque salutis,
 olices cum voce manus ad sidera tendit:
 potens genitor, tanton' me crimine dignum
 sti, et tales voluisti expendere poenas?
 eror? unde abii? quae me fuga, quemve reducit? 670
 ntesne iterum muros aut castra videbo?
 manus illa virum, qui me meaue arma secuti,
 ue - nefas - omnes infanda in morte reliqui,

„Et nunc palantes video, gemitumque cadentum
 „Accipio? Quid ago, aut quae iam satis ima dehiscat 675
 „Terra mihi? Vos o potius miserescite, venti!
 „In rupes, in saxa - volens vos Turnus adoro -
 „Ferte ratem, saevisque vadis immittite Syrtis,
 „Quo neque me Rutuli, nec conscia fama sequatur.“
 Haec memorans, animo nunc huc nunc fluctuat illuc, 680
 An sese mucrone ob tantum dedecus amens
 Induat, et crudum per costas exigat ensem;
 Fluctibus an iaciat mediis, et litora nando
 Curva petat, Teucrûnque iterum se reddat in arma.
 Ter conatus utramque viam: ter maxima Iuno 685
 Continuit, iuvenemque animo miserata repressit.
 Labitur alta secans fluctuque aestuque secundo,
 Et patris antiquam Dauni defertur ad urbem.
 At Iovis intêrea mōitis Mezentius ardens
 Succedit pugnae, Teucrosque invadit ovantes. 690
 Concurrent Tyrrenae acies, atque omnibus uni,
 Uni odiisque viro telisque frequentibus instant.
 Ille, - velut rupes, vastum quae prodit in aequor
 Obvia ventorum furiis expostaque ponto,
 Vim cunctam atque minas perfert coelique marisque, 695
 Ipsa immota manens, - prolem Dolichaonis, Hebrum,
 Sternit humi, cum quo Latagum Palmumque fugacem -
 Sed Latagum saxo atque ingenti fragmine montis
 Occupat os faciemque adversam, poplite Palmum
 Succiso volvi segnem sinit, armaque Lauso 700
 Donat habere humeris et vertice figere cristas -,
 Nec non Evanthen Phrygium, Paridisque Mimanta
 Aequalem comitemque, una quem nocte Theano
 In lucem genitori Amyco dedit, et face praegnans
 Cisseis regina Parim: Paris urbe paterna 705
 Occubat, ignarum Laurens habet ora Mimanta.
 Ac velut ille canum morsu de montibus altis
 Actus aper, multos Vesulus quem pinifer annos
 Defendit multosque palus Laurentia, silva
 Pastus arundinea, postquam inter retia ventum est, 710
 Substitit, infremuitque ferox et inhorruit armos;



cuiquam irasci propiusve accedere virtus,
 iaculis tutisque procul clamoribus instant;
 autem impavidus partes cunctatur in omnes,
 atibus infrendens, et tergo decutit hastas: 715
 id aliter, iustae quibus est Mezentius irae,
 ulli est animus stricto concurrere ferro;
 silibus longe et vasto clamore lacesunt.
 erat antiquis Corythi de finibus Acron,
 ius homo, infectos linquens profugus hymenaeos: 720
 ac ubi miscentem longe media agmina vidit,
 pureum pennis et paetae coniugis ostro;
 astus stabula alta leo ceu saepe peragrans -
 det enim vesana fames - si forte fugacem
 spexit capream aut surgentem in cornua cervum, 725
 det, hians immane, comasque arrexit, et hæret
 eribus super incumbens, lavit improba teter
 cruor:
 ruit in densos alacer Mezentius hostes.
 nitur infelix Acron, et calcibus atram 730
 lit humum exspirans, infractaque tela cruentat.
 e idem fugientem haud est dignatus Oroden
 iere, nec iacta caecum dare cuspide vulnus;
 us adversoque occurrit, seque viro vir
 ulit, haud furto melior sed fortibus armis. 735
 super abiectum posito pede nixus et hasta,
 belli haud temnenda, viri, iacet altus Orodes.
 amant socii laetum paeana secuti.
 item exspirans: „Non me, quicumque es, inulto,
 or, nec longum laetabere: te quoque fata 740
 pectant paria, atque eadem mox arva tenebis.“
 em subridens mixta Mezentius ira:
 morere; ast de me divum pater atque hominum rex
 rit!“ Hoc dicens eduxit corpore telum;
 ira quies oculos et ferreus urguet 745
 is, in aeternam clauduntur lumina noctem.
 us Alcathoum obtruncat; Sacrator Hydaspem;
 niumque Rapo et praedurum viribus Orsen;
 us Cloniumque Lycaoniumque Ericeten,

Illum infrenis equi lapsu tellure iacentem,
Hunc peditum pedes. Et Lycius processerat Agis,
Quem tamen haud expers Valerus virtutis avitae
Deiicit; at Thronium Salius, Saliumque Nealces,
Insignis iaculo et longe fallente sagitta.

Iam gravis aequabat luctus et mutua Mavors
Funera; caedebant pariter pariterque ruebant
Victores victique, neque his fuga nota neque illis.
Dî Iovis in tectis iram miserantur inanem
Amborum, et tantos mortalibus esse labores:
Hinc Venus, hinc contra spectat Saturnia Iuno;
Pallida Tisiphone media inter millia saevit.


At vero ingentem quatiens Mezentius hastam
Turbidus ingreditur campo. Quam magnus Orion.
Quum pedes incedit medii per maxima Nerei
Stagna, viam scindens, humero supereminet undas.
Aut, summis referens annosam montibus ornum,
Ingrediturque solo et caput inter nubila condit:
Talis se vastis infert Mezentius armis.

Huic contra Aeneas, speculatus in agmine longo,
Obvius ire parat. Manet imperterritus ille,
Hostem magnanimum opperiens, et mole sua stat.
Atque oculis spatium emensus, quantum satis hastae.

„Dextra mihi deus et telum, quod missile libro,
„Nunc adsint! Voveo praedonis corpore raptis
„Indutum spoliis ipsum te, Lause, tropaeum
„Aeneae.“ Dixit, stridentemque eminus hastam
Iecit; at illa volans clipeo est excussa, proculque
Egregium Antoren latus inter et ilia figit,
Herculis Antoren comitem, qui missus ab Argis
Haeserat Evandro atque Itala consederat urbe.
Sternitur infelix alieno vulnere, coelumque
Adspicit et dulces moriens reminiscitur Argos.
Tum pius Aeneas hastam iacit: illa per orbem
Aere cavum triplici, per linea terga, tribusque
Transiit intextum tauris opus, imaque sedit
Inguine; sed vires haud pertulit. Ocius ensem
Aeneas, viso Tyrrheni sanguine laetus,



.



AENEIDOS LIB. X.

295

Eripit a femine, et trepidanti fervidus instat.
Ingemuit cari graviter genitoris amore,
Ut vidit, Lausus, lacrimaeque per ora volutae. **790**
Hic mortis durae casum tuaque optima facta,
Si qua fidem tanto est operi latura vetustas,
Non equidem, nec te, iuvenis memorande, silebo.
Ille pedem referens et inutilis inque ligatus
Cedebat, clipeoque inimicum hastile trahebat: **795**
Proripuit iuvenis seseque immiscuit armis,
Iamque assurgentis dextra plagamque ferentis
Aeneae subiit mucronem, ipsumque morando
Sustinuit. Socii magno clamore sequuntur,
Dum genitor nati parma protectus abiret, **800**
Telaque coniciunt, proturbantque eminus hostem
Missilibus. Furit Aeneas, tectusque tenet se.
Ac velut, effusa si quando grandine nimbi
Praecipitant, omnis campis diffugit arator,
Omnis et agricola, et tuta latet arce viator **805**
Aut amnis ripis aut alti fornice saxi,
Dum pluit in terris, ut possint, sole reducto,
Exercere diem: sic obrutus undique telis
Aeneas nubem belli, dum detonet omnis,
Sustinet et Lausum increpitat, Lausoque minatur: **810**
„Quo moriture ruis, maioraque viribus audes?
„Fallit te incautum pietas tua.“ Nec minus ille
Exsultat demens; saevae iamque altius irae
Dardanio surgunt ductori, extremaque Lauso
Parcae fila legunt: validum namque exigit ensem **815**
Per medium Aeneas iuvenem, totumque recondit;
Transiit et parmam mucro, leviam arma minacis,
Et tunicam, molli mater quam neverat auro;
Implevitque sinum sanguis; tum vita per auras
Concessit maesta ad Manes, corpusque reliquit. **820**
At vero ut vultum vidit morientis et ora,
Ora modis Anchisiades pallentia miris,
Ingemuit miserans graviter, dextramque tetendit,
Et mentem patriae subiit pietatis imago.
„Quid tibi nunc, miserande puer, pro laudibus istis, **825**

„Quid pius Aeneas tanta dabit indole dignum?
 „Arma, quibus laetatus, habe tua, teque parentum
 „Manibus et cineri, si qua est ea cura, remitto.
 „Hoc tamen infelix miseram solabere mortem:
 „Aeneae magni dextra cadis.“ Increpat ultro
 Cunctantes socios, et terra sublevat ipsum,
 Sanguine turpantem comtos de more capillos.
 Interea genitor Tiberini ad fluminis undam
 Vulnora siccabat lymphis, corpusque levabat
 Arboris acclinis trunco; procul aerea ramis
 Dependet galea, et prato gravia arma quiescunt.
 Stant lecti circum iuvenes; ipse aeger, anhelans,
 Colla fovet, fusus propexam in pectore barbam.
 Multa super Lauso rogitat, multosque remittit,
 Qui revocent maestique ferant mandata parentis.
 At Lausum socii exanimem super arma ferebant
 Flentes, ingentem atque ingenti vulnere victum.
 Agnovit longe gemitum praesaga mali mens:
 Canitiem multo deformat pulvere, et ambas
 Ad coelum tendit palmas, et corpore inhaeret.
 „Tantane me tenuit vivendi, nate, voluptas,
 „Ut pro me hostili paterer succedere dextrae,
 „Quem genui? Tuane haec genitor per vulnera servas.
 „Morte tua vivens? Heu, nunc misero mihi demum
 „Exitium infelix; nunc alte vulnus adactum!
 „Idem ego, nate, tuum maculavi crimine nomen,
 „Pulsus ob invidiam solio sceptrisque paternis.
 „Debueram patriae poenas odiisque meorum:
 „Omnes per mortes animam sontem ipso dedissem!
 „Nunc vivo, neque adhuc homines lucemque relinquo.
 „Sed linquam.“ Simul hoc dicens attollit in aegrum
 Se femur, et, quamquam vis alto vulnere tardat,
 Haud deiectus equum duci iubet. Hoc decus illi,
 Hoc solamen erat, bellis hoc victor abibat
 Omnibus. Alloquitur maerentem et talibus infit:
 „Rhaebe, diu - res si qua diu mortalibus ulla est -
 „Viximus. Aut hodie victor spolia illa cruenta
 „Et caput Aeneae referes, Lausique dolorum



„Ultor eris mecum; aut, aperit si nulla viam vis,
 „Occumbes pariter: neque enim, fortissime, credo, 865
 „Iussa aliena pati et dominos dignabere Teucros.“
 Dixit, et exceptus tergo consueta locavit
 Membra, manusque ambas iaculis oneravit acutis,
 .Aere caput fulgens cristaque hirsutus equina.
 Sic cursum in medios rapidus dedit: aestuat ingens 870
 Uno in corde pudor, mixtoque insania luctu,
 [Et furiis agitated amor et conscia virtus.]
 Atque hic Aenean magna ter voce vocavit.
 Aeneas agnovit eum, laetusque precatur:
 „Sic pater ille deum faciat, sic altus Apollo! 875
 „Incipias conferre manum.“
 Tantum effatus, et infesta subit obvius hasta.
 Ille autem: „Quid me, erepto, saevissime, nato
 „Terres? Haec via sola fuit, qua perdere posses.
 „Nec mortem horremus, nec divum parcimus ulli. 880
 „Desine: nam venio moriturus, et haec tibi porto
 „Dona prius.“ Dixit, telumque intorsit in hostem.
 Inde aliud super atque aliud figitque, volatque
 Ingenti gyro; sed sustinet aureus umbo.
 Ter circum adstantem laevos equitavit in orbes, 885
 Tela manu iaciens; ter secum Troius heros
 Immanem aerato circumfert tegmine silvam.
 Inde ubi tot traxisse moras, tot spicula taedet
 Vellere, et urguetur pugna congressus iniqua;
 Multa movens animo, iam tandem erumpit, et inter 890
 Bellatoris equi cava tempora coniicit hastam.
 Tollit se arrectum quadrupes et calcibus auras
 Verberat, effusumque equitem super ipse secutus
 Implicat, eiectoque incumbit cernuus armo.
 Clamore incendunt coelum Troesque Latinique. 895
 Advolat Aeneas, vaginaque eripit ensem,
 Et super haec: „Ubi nunc Mezentius acer et illa
 „Effera vis animi?“ Contra Tyrrhenus, ut auras
 Suspiciens hausit coelum mentemque recepit:
 „Hostis amare, quid increpitas mortemque minaris? 900
 „Nullum in caede nefas, nec sic ad proelia veni,

„Nec tecum meus haec pepigit mihi foedera Lausus.
 „Unum hoc, per si qua est victis venia hostibus, oro.
 „Corpus humo patiare tegi. Scio acerba meorum
 „Circumstare odia: hunc, oro, defende furorem,
 „Et me consortem nati concede sepulcro.“
 Haec loquitur, iuguloque haud inscius accipit ensen,
 Undantique animam diffundit in arma cruore.

P. VIRGILII MARONIS
A E N E I D O S
 LIBER UNDECIMUS.

Oceanum interea surgens Aurora reliquit:
 Aeneas, quamquam et sociis dare tempus humandis
 Praecipitant curae, turbataque funere mens est,
 Vota deum primo victor solvebat Eoo.
 Ingentem quercum decisis undique ramis
 Constituit tumulo, fulgentiaque induit arma,
 Mezenti ducis exuvias, tibi, magne, tropaeum,
 Bellipotens; aptat rorantes sanguine cristas,
 Telaque trunca viri et bis sex thoraca petitem
 Perfossumque locis, clipeumque ex aere sinistrae
 Subligat, atque ensem collo suspendit eburnum.
 Tum socios - namque omnis eum stipata tegebat
 Turba ducum - sic incipiens hortatur ovantes:
 „Maxima res effecta, viri: timor omnis abesto,
 „Quod superest: haec sunt spolia et de rege superbo
 „Primitiae, manibusque meis Mezentius hic est.
 „Nunc iter ad regem nobis murosque Latinos:
 „Arma parate animis, et spe praesumite bellum,
 „Ne qua mora ignaros, ubi primum vellere signa
 „Adnuerint superi pubemque educere castris,
 „Impediat, segnesve metu sententia tardet.
 „Interea socios inhumataque corpora terrae
 „Mandemus, qui solus honos Acheronte sub imo est.
 „Ite,“ ait „egregias animas, quae sanguine nobis





hanc patriam peperere suo, decorate supremis 25
 funeribus; maestamque Evandri primus ad urbem
 mittitur Pallas, quem non virtutis egentem
 abstulit atra dies et funere mersit acerbo."
 ait illacrimans recipitque ad limina gressum,
 corpus ubi exanimi positum Pallantis Acoetes 30
 revabat senior, qui Parrhasio Evandro
 puer ante fuit, sed non felicibus aequae
 comes auspiciis caro datus ibat alumno.
 cum omnis famulûmque manus Troianaque turba
 maestum Iliades crinem de more solutae. 35
 vero Aeneas foribus sese intulit altis;
 euntem gemitum tunsis ad sidera tollunt
 toribus, maestoque immugit regia luctu.
 ecce, caput nivei fultum Pallantis et ora
 vidit, levique patens in pectore vulnus 40
 spiculis Ausoniae, lacrimis ita fatur obortis:
 "ne," inquit „miserande puer, cum laeta veniret,
 vidit Fortuna mihi, ne regna videres
 iura, neque ad sedes victor veherere paternas?
 non haec Evandro de te promissa parenti 45
 concedens dederam, cum me complexus euntem
 terret in magnum imperium, metuensque moneret,
 res esse viros, cum dura proelia gente.
 nunc ille quidem spe multum captus inani
 res et vota facit, cumulatque altaria donis; 50
 sed iuvenem exanimum et nil iam coelestibus ullis
 contentum vano maesti comitamur honore.
 felix, nati funus crudele videbis!
 nostri reditus, exspectatique triumphi!
 ecce mea magna fides! At non, Evandre, pudendis 55
 funeribus pulsum adspicies, nec sospite dirum
 tibi nato funus pater. Hei mihi, quantum
 residuum Ausonia, et quantum tu perdis, Iule!"
 hic ubi deflevit, tolli miserabile corpus
 erat et toto lectos ex agmine mittit 60
 et viros, qui supremum comitentur honorem,
 resintque patris lacrimis, solatia luctus

Exigua ingentis, misero sed debita patri.
 Haud segnes alii crates et molle feretrum
 Arbuteis texunt virgis et vimine querno, 65
 Exstructosque toros obtentu frondis inumbrant.
 Hic iuvenem agresti sublimem stramine ponunt,
 Qualem virgineo demessum pollice florem
 Seu mollis violae seu languentis hyacinthi,
 Cui neque fulgor adhuc nec dum sua forma recessit, 70
 Non iam mater alit tellus viresque ministrat.
 Tum geminas vestes auroque ostroque rigentes
 Extulit Aeneas, quas illi laeta laborum
 Ipsa suis quondam manibus Sidonia Dido
 Fecerat, et tenui telas discreverat auro. 75
 Harum unam iuveni supremum maestis honorem
 Induit, arsurasque comas obnubit amictu;
 Multaque praeterea Laurentis praemia pugnae
 Aggerat et longo praedam iubet ordine duci.
 Addit equos et tela, quibus spoliaverat hostem. 80
 Vinxerat et post terga manus, quos mitteret umbris
 Inferias, caeso sparsurus sanguine flammam;
 Indutosque iubet truncos hostilibus armis
 Ipsos ferre duces, inimicaque nomina figi.
 Ducitur infelix aevo confectus Acoetes, 85
 Pectora nunc foedans pugnis, nunc unguibus ora:
 Sternitur et toto proiectus corpore terrae.
 Ducunt et Rutulo perfusos sanguine currus.
 Post bellator equus, positus insignibus, Aethon,
 It lacrimans, guttisque humectat grandibus ora. 90
 Hastam alii galeamque ferunt: nam cetera Turnus
 Victor habet. Tum maesta phalanx, Teucrique sequuntur
 Tyrrhenique omnes et versis Arcades armis.
 Postquam omnis longe comitum processerat ordo;
 Substitit Aeneas, gemituque haec edidit alto: 95
 „Nos alias hinc ad lacrimas eadem horrida belli
 „Fata vocant: salve aeternum mihi, maxime Palla,
 „Aeternumque vale.“ Nec plura effatus, ad altos
 Tendebat muros, gressumque in castra ferebat.
 Iamque oratores aderant ex urbe Latina, 100



Velati ramis oleae veniamque rogantes,
Corpora, per campos ferro quae fusa iacebant,
Redderet ac tumulo sineret succedere terrae:
Nullum cum victis certamen et aethere cassis;
Parceret hospitibus quondam socerisque vocatis. 105
Quos bonus Aeneas haud aspernanda precantes
Prosequitur venia et verbis haec insuper addit:
„Quaenam vos tanto fortuna indigna, Latini,
„Implicuit bello, qui nos fugiatis amicos?
„Pacem me exanimis et Martis sorte peremtis 110
„Oratis? Equidem et vivis concedere vellem.
„Nec veni, nisi fata locum sedemque dedissent;
„Nec bellum cum gente gero; rex nostra reliquit
„Hospitia et Turni potius se credidit armis.
„Aequius huic Turnum fuerat se opponere morti. 115
„Si bellum finire manu, si pellere Teucros
„Apparat: his mecum decuit concurrere telis;
„Vixet, cui vitam deus aut sua dextra dedisset.
„Nunc ite et miseris supponite civibus ignem.“
Dixerat Aeneas; olli obstupuere silentes, 120
Conversique oculos inter se atque ora tenebant.
Tum senior semperque odiis et crimine Drances
Infensus iuveni Turno sic ore vicissim
Orsa refert: „O fama ingens, ingentior armis,
„Vir Troiane, quibus coelo te laudibus aequem? 125
„Iustitiaene prius mirer belline laborum?
„Nos vero haec patriam grati referemus ad urbem,
„Et te, si qua viam dederit fortuna, Latino
„Iungemus regi; quaerat sibi foedera Turnus.
„Quin et fatales murorum attollere moles, 130
„Saxaque subvectare humeris Troiana iuvabit.“
Dixerat haec, unoque omnes eadem ore fremebant.
Bis senos pepigere dies, et pace sequestra
Per silvas Teucris mixtique impune Latini
Erravere iugis. Ferro sonat alta bipenni 135
Fraxinus; evertunt actas ad sidera pinus;
Robora nec cuneis et olentem scindere cedrum,
Nec plaustis cessant vectare gementibus ornos.

Et iam Fama volans, tanti praenuntia luctus,
Evandrum Evandrique domos et moenia replet, 140
Quae modo victorem Latio Pallanta ferebat.
Arcades ad portas ruere, et de more vetusto
Funereas rapuere faces: lucet via longo
Ordine flammaram, et late discriminat agros.
Contra turba Phrygum veniens plangentia iungit 145
Agmina. Quae postquam matres succedere tectis
Viderunt, maestam incendunt clamoribus urbem.
At non Evandrum potis est vis ulla tenere;
Sed venit in medios. Feretro Pallanta reposto 149
Procubuit super atque haeret lacrimansque gemensque,
Et via vix tandem vocis laxata dolore est: 151
„Non haec, o Palla, dederas promissa parenti;
„Cautius ut saevo velles te credere Marti.
„Haud ignarus eram, quantum nova gloria in armis
„Et praedulce decus primo certamine posset. 155
„Primitiae iuvenis miserae, bellicae propinqui
„Dura rudimenta, et nulli exaudita deorum
„Vota precesque meae, tuque, o sanctissima coniux,
„Felix morte tua, neque in hunc servata dolorem!
„Contra ego vivendo vici mea fata, superstes 160
„Restarem ut genitor. Troum socia arma secutum
„Obruerent Rutuli telis; animam ipse dedissem,
„Atque haec pompa domum me, non Pallanta, referret!
„Nec vos arguerim, Teucrici, nec foedera, nec quas
„Iunximus hospitio dextras: sors ista senectae 165
„Debita erat nostrae. Quod si immatura manebat
„Mors gnatum; caesis Volscorum millibus ante,
„Ducentem in Latium Teucros, cecidisse iuvaret.
„Quin ego non alio digner te funere, Palla,
„Quam pius Aeneas, et quam magni Phryges, et quam 170
„Tyrrhenique duces, Tyrrhenum exercitus omnis.
„Magna tropaea ferunt, quos dat tua dextera leto.
„Tu quoque nunc stares immanis truncus in armis,
„Esset par aetas et idem si robur ab annis,
„Turne. Sed infelix Teucros quid demoror armis? 175
„Vadite et haec memores regi mandata referte:



od vitam moror invisam, Pallante peremto,
 xtera causa tua est, Turnum gnatoque patrique
 am debere vides. Meritis vacat hic tibi solus
 tunaeque locus. Non vitae gaudia quaero - 180
 : fas -, sed gnato Manes perferre sub imos.
 urora interea miseris mortalibus almam
 lerat lucem, referens opera atque labores:
 pater Aeneas, iam curvo in litore Tarchon
 tituere pyras. Huc corpora quisque suorum 185
 : tulere patrum, subiectisque ignibus atris
 itur in tenebras altum caligine coelum.
 ircum accensos cincti fulgentibus armis
 rrere rogos; ter maestum funeris ignem
 avere in equis, ululatusque ore dedere. 190
 gitur et tellus lacrimis, sparguntur et arma;
 lo clamorque virum clangorque tubarum.
 alii spolia occisis derepta Latinis
 ciunt igni, galeas ensesque decoros,
 que ferventesque rotas; pars munera nota, 195
 um clipeos et non felicia tela.
 boum circa mactantur corpora Morti,
 rosque sues raptasque ex omnibus agris
 nmam iugulant pecudes. Tum litore toto
 ites spectant socios, semiustaque servant 200
 , neque avelli possunt, nox humida donec
 it coelum stellis ardentibus aptum.
 inus et miseri diversa in parte Latini
 eras struxere pyras: et corpora partim
 virum terrae infodiunt, avectaque partim 205
 ios tollunt in agros urbique remittunt;
 , confusaeque ingentem caedis acervum,
 imero nec honore cremant: tunc undique vasti
 m crebris collucent ignibus agri.
 lux gelidam coelo dimoverat umbram: 210
 ites altum cinerem et confusa ruebant
 ocis, tepidoque onerabant aggere terrae.
 ro in tectis, praedivitis urbe Latini,
 ouus fragor et longi pars maxima luctus.

Hic matres miseraeque nurus, hic cara sororum :
 Pectora maerentum puerique parentibus orbi
 Dirum exsecrantur bellum Turnique hymenaeos;
 Ipsum armis ipsumque iubent decernere ferro,
 Qui regnum Italiae et primos sibi poscat honores.
 Ingravat haec saevus Drances, solumque vocari :
 Testatur, solum posci in certamina Turnum.

Multa simul contra variis sententia dictis
 Pro Turno, et magnum reginae nomen obumbrat;
 Multa virum meritis sustentat fama tropaeis.

• Hos inter motus, medio in flagrante tumultu. :
 Ecce, super maesti magna Diomedis ab urbe
 Legati responsa ferunt, nihil omnibus actum
 Tantorum impensis operum, nil dona neque aurum
 Nec magnas valuisse preces, alia arma Latinis
 Quaerenda aut pacem Troiano ab rege petendum. :
 Deficit ingenti luctu rex ipse Latinus :

Fatalem Aenean manifesto numine ferri,
 Admonet ira deum tumulique ante ora recentes.
 Ergo concilium magnum primosque suorum
 Imperio accitos alta intra limina cogit. :

Olli convenere, fluuntque ad regia plenis
 Tecta viis. Sedet in mediis et maximus aevo
 Et primus sceptris, haud laeta fronte, Latinus.
 Atque hic legatos Aetola ex urbe remissos,
 Quae referant, fari iubet, et responsa reposcit :
 Ordine cuncta suo. Tum facta silentia linguis,
 Et Venulus dicto parens ita farier infit:

„Vidimus, o cives, Diomedem Argivaeque castra,
 „Atque iter emensi casus superavimus omnes,
 „Contigimusque manum, qua concidit Ilia tellus. 4
 „Ille urbem Argyripam, patriae cognomine gentis.
 „Victor Gargani condebat Iapygis arvis.

„Postquam introgressi et coram data copia fandi:
 „Munera praeferimus, nomen patriamque docemus.

„Qui bellum intulerint, quae causa attraxerit Arpos. 5
 „Auditis ille haec placido sic reddidit ore:
 „„O fortunatae gentes, Saturnia regna,



tiqui Ausonii, quae vos fortuna quietos
 llicitat, suadetque ignota lacescere bella?
 icumque Iliacos ferro violavimus agros - 255
 tto ea, quae muris bellando exhausta sub altis,
 os Simois premat ille viros -, infanda per orbem
 pplicia et scelerum poenas expendimus omnes,
 d Priamo miseranda manus: scit triste Minervae
 lus, et Euboicae cautes ultorque Caphereus. 260
 litia ex illa diversum ad litus abacti,
 rides Protei Menelaus ad usque columnas
 sulat, Aetnaeos vidit Cýclopas Ulixes.
 gna Neoptolemi referam, versosque penates
 omenei, Libycone habitantes litore Locros? 265
 se Mycenaeus magnorum ductor Achivum
 niugis infandae prima intra limina dextra
 petiit; devictam Asiam subsedit adulter.
 vidisse deos, patriis ut redditus aris
 niugium optatum et pulchram Calydonā viderem? 270
 inc etiam horribili visu portenta sequuntur,
 socii amissi petierunt aethera pennis,
 minibusque vagantur aves - heu dira meorum
 pplicia! - et scopulos lacrimosis vocibus implent.
 ec adeo ex illo mihi iam speranda fuerunt 275
 mpore, quum ferro coelestia corpora demens
 petii et Veneris violavi vulnere dextram.
 vero, ne me ad tales impellite pugnās.
 c mihi cum Teucris ullum post eruta bellum
 gama, nec veterum memini laetorve malorum. 280
 nera, quae patriis ad me portatis ab oris,
 rtite ad Aenean. Stetimus tela aspera contra,
 tulimusque manus: experto credite, quantus
 clipeum assurgat, quo turbine torqueat hastam.
 luo praeterea tales Idaea tulisset 285
 ra viros; ultro Inachias venisset ad urbes
 danus, et versis lugeret Graecia fati.
 dquid apud durae cessatum est moenia Troiae,
 toris Aeneaeque manu victoria Graiū
 sit et in decimum vestigia retulit annum. 290
 ILIUS. 29

„„Ambo animis, ambo insignes praestantibus armis
 „„Hic pietate prior. Coëant in foedera dextrae,
 „„Qua datur; ast armis concurrant arma cavete!“
 „Et responsa simul quae sint, rex optime, regis
 „Audisti, et quae sit magno sententia bello.“ 295
 Vix ea legati; variusque per ora cucurrit
 Ausonidum turbata fremor: ceu saxa morantur
 Quum rapidos amnes, fit clauso gurgite murmur,
 Vicinaeque fremunt ripae crepitantibus undis.
 Ut primum placati animi et trepida ora quierunt, 300
 Praefatus divos solio rex inquit ab alto:
 „Ante equidem summa de re statuuisse, Latini,
 „Et vellem, et fuërat melius, non tempore tali
 „Cogere concilium, quum muros assidet hostis.
 „Bellum importunum, cives, cum gente deorum 305
 „Invictisque viris gerimus, quos nulla fatigant
 „Proelia, nec victi possunt absistere ferro.
 „Spem si quam adscitis Aetolùm habuistis in armis,
 „Ponite: spes sibi quisque. Sed haec quam angusta, vide-
 „Cetera qua rerum iaceant perculsa ruina, [tis; 310
 „Ante oculos interque manus sunt omnia vestras.
 „Nec quemquam incuso: potuit quae plurima virtus
 „Esse, fuit; toto certatum est corpore regni.
 „Nunc adeo, quae sit dubiae sententia menti,
 „Expediam et paucis - animos adhibete - docebo. 315
 „Est antiquus ager Tusco mihi proximus amni,
 „Longus in occasum, fines super usque Sicanos;
 „Aurunci Rutulique serunt et vomere duos
 „Exercent colles, atque horum asperrima pascunt.
 „Haec omnis regio et celsi plaga pinea montis 320
 „Cedat amicitiae Teucrorum, et foederis aequas
 „Dicamus leges, sociosque in regna vocemus;
 „Considant, si tantus amor, et moenia condant.
 „Sin alios fines aliamque capessere gentem
 „Est animus, possuntque solo decedere nostro; 325
 „Bis denas Italo texamus robore naves,
 „Seu plures complere valent: iacet omnis ad undam
 „Materies: ipsi numerumque modumque carinis



raecipiant, nos aera, manus, navalia demus.
 raeterea, qui dicta ferant et foedera firment, 330
 entum oratores prima de gente Latinos
 e placet, pacisque manu praetendere ramos,
 iunera portantes aurique eborisque talenta
 t sellam regni trabeamque insignia nostri.
 onsulite in medium et rebus succurrite fessis! 335
 n Drances, idem infensus, quem gloria Turni
 liqua invidia stimulisque agitabat amaris,
 rgus opum et lingua melior, sed frigida bello
 xtera, consiliis habitus non futilis auctor,
 ditione potens -: genus huic materna superbum 340
 bilitas dabat, incertum de patre ferebat -,
 rgit et his onerat dictis atque aggerat iras:
 em nulli obscuram nostrae nec vocis egentem
 onsulis, o bone rex. Cuncti se scire fatentur,
 uid fortuna ferat populi; sed dicere mussant. 345
 et libertatem fandi flatusque remittat,
 uius ob auspiciū infaustum moresque sinistros -
 icam equidem, licet arma mihi mortemque minetur -
 umina tot cecidisse ducum, totamque videmus
 onsedisse urbem luctu, dum Troia tentat 350
 astra, fugae fidens, et coelum territat armis.
 num etiam donis istis, quae plurima mitti
 ardanidis dicique iubes, unum, optime regum,
 diicias, nec te ullius violentia vincat,
 uin natam egregio genero dignisque Hymenaeis 355
 es pater, et pacem hanc aeterno foedere firmes.
 uod si tantus habet mentes et pectora terror;
 sum obtestemur, veniamque oremus ab ipso,
 edat; ius proprium regi patriaeque remittat.
 uid miseros toties in aperta pericula cives 360
 roiicis, o Latio caput horum et causa malorum?
 ulla salus bello; pacem te poscimus omnes,
 urne, simul pacis solum inviolabile pignus.
 rimus ego, invisum quem tu tibi fingis, et esse
 il moror, en, supplex venio. Miserere tuorum, 365
 one animos et pulsus abi: sat funera fusi

„Vidimus, ingentes et desolavimus agros.
 „Aut, si fama movet, si tantum pectore robur
 „Concipis, et si adeo dotalis regia cordi est;
 „Aude, atque adversum fidens fer pectus in hostem. 370
 „Scilicet, ut Turno contingat regia coniux,
 „Nos, animae viles, inhumata infletaque turba,
 „Sternamur campis. Etiam tu, si qua tibi vis,
 „Si patrii quid Martis habes, illum adspice contra,
 „Qui vocat!“ 375
 Talibus exarsit dictis violentia Turni:
 Dat gemitum, rumpitque has imo pectore voces:
 „Larga quidem, Drance, semper tibi copia fandi
 „Tum, quum bella manus poscunt, patribusque vocatis
 „Primus ades; sed non replenda est curia verbis, 380
 „Quae tuto tibi magna volant, dum distinet hostem
 „Agger murorum, nec inundant sanguine fossae.
 „Proinde tona eloquio - solitum tibi - meque timoris
 „Argue tu, Drance, quando tot stragis acervos
 „Teucrorum tua dextra dedit, passimque tropaeis 385
 „Insignis agros. Possit quid vivida virtus,
 „Experiare licet; nec longe scilicet hostes
 „Quaerendi nobis: circumstant undique muros.
 „Imus in adversos? — Quid cessas? an tibi Mavors
 „Ventosa in lingua pedibusque fugacibus istis 390
 „Semper erit?
 „Pulsus ego? aut quisquam merito, foedissime, pulsum
 „Arguet, Iliaco tumidum qui crescere Thybrim
 „Sanguine, et Evandri totam cum stirpe videbit
 „Procubuisse domum, atque exutos Arcadas armis? 395
 „Haud ita me experti Bitias et Pandarus ingens,
 „Et quos mille die victor sub Tartara misi,
 „Inclusus muris hostilique aggere septus.
 „*Nulla salus bello.* Capiti cane talia, demens,
 „Dardanio rebusque tuis. Proinde omnia magno 400
 „Ne cessa turbare metu, atque extollere vires
 „Gentis bis victae, contra premere arma Latini.
 „Nunc et Myrmidonum procures Phrygia arma tremiscunt,
 „Nunc et Tydides et Larissaeus Achilles,



- „Amnis et Hadriacas retro fugit Aufidus undas. 405
 „Vel cum se pavidum contra mea iurgia fingit
 „Artificis scelus, et formidine crimen acerbatur
 „Numquam animam talem dextra hac - absiste moveri -
 „Amittes; habitet tecum et sit pectore in isto. —
 „Nunc ad te et tua magna, pater, consulta revertor. 410
 „Sic nullam nostris ultra spem ponis in armis,
 „Si tam deserti sumus, et semel agmine verso
 „Funditus occidimus, neque habet Fortuna regressum;
 „Oremus pacem, et dextras tendamus inertes:
 „Quamquam, o si solitae quidquam virtutis adesset, 415
 „Ille mihi ante alios fortunatusque laborum
 „Egregiusque animi, qui, ne quid tale videret,
 „Procubuit moriens et humum semel ore momordit.
 „Sin et opes nobis et adhuc intacta iuventus,
 „Auxilioque urbes Italiae populi que supersunt; 420
 „Sin et Troianis cum multo gloria venit
 „Sanguine - sunt illis sua funera, parque per omnes
 „Tempestas -: cur indecores in limine primo
 „Deficimus? cur ante tubam tremor occupat artus?
 „Multa dies varii que labor mutabilis aevi 425
 „Retulit in melius; multos alterna revisens
 „Lusit et in solido rursus Fortuna locavit.
 „Non erit auxilio nobis Aetolus et Arpi;
 „At Messapus erit felixque Tolumnius, et quos
 „Tot populi misere duces; nec parva sequetur . 430
 „Gloria delectos Latio et Laurentibus agris.
 „Est et Volscorum egregia de gente Camilla,
 „Agmen agens equitum et florentes aere catervas.
 „Quodsi me solum Teucris in certamina poscunt,
 „Idque placet, tantumque bonis communibus obsto: 435
 „Non adeo has exosa manus Victoria fugit,
 „Ut tanta quidquam pro spe tentare recusem.
 „Ibo animis contra, vel magnum praestet Achillen,
 „Factaque Vulcani manibus paria induat arma
 „Ille licet. Vobis animam hanc soceroque Latino 440
 „Turnus ego, haud ulli veterum virtute secundus,
 „Devovi. *Solum Aeneas vocat. Et vocet oro;*

„Nec Drances potius, sive est haec ira deorum,
„Morte luat, sive est virtus et gloria, tollat.“

Illi haec inter se dubiis de rebus agebant 445
Certantes; castra Aeneas aciemque movebat.

Nuntius ingenti per regia tecta tumultu
Ecce ruit, magnisque urbem terroribus implet:
Instructos acie Tiberino a flumine Teucros
Tyrrhenamque manum totis descendere campis. 450

Extemplo turbati animi concussaue vulgi
Pectora, et arrectae stimulis haud mollibus irae.
Arma manu trepidi poscunt; fremit arma iuventus;
Flent maesti mussantque patres. Hic undique clamor
Dissensu vario magnus se tollit ad auras: 455

Haud secus atque alto in luco quum forte catervae
Consedere avium, piscosove anae Padusae
Dant sonitum rauci per stagna loquacia cycni.

„Immo,“ ait „o cives,“ arrepto tempore Turnus
„Cogite concilium, et pacem laudate sedentes; 460
„Illi armis in regna ruant.“ Nec plura locutus
Corripuit sese et tectis citus extulit altis.

„Tu, Voluse, armari Volscorum edice manipulis,
„Duc“ ait „et Rutulos! Equitem, Messapus, in armis,
„Et cum fratre Coras, latis diffundite campis! 465

„Pars aditus urbis firmet, turresque capessat;
„Cetera, qua iusso, mecum manus inferat arma!“
Ilicet in muros tota discurritur urbe.

Concilium ipse pater et magna incepta Latinus
Deserit, ac tristi turbatus tempore differt, 470
Multaque se incusat, qui non acceperit ultro
Dardanium Aenean generumque adsciverit urbi.

Praefodiunt alii portas, aut saxa sudesque
Subvectant. Bello dat signum rauca cruentum
Buccina. Tum muros varia cinxere corona 475

Matronae puerique: vocat labor ultimus omnes.
Nec non ad templum summasque ad Palladis arces
Subvehitur magna matrum regina caterva,
Dona ferens, iuxtaque comes Lavinia virgo,
Causa mali tanti, oculos deiecta decoros. 480



Succedunt matres, et templum ture vaporant,
 Et maestas alto fundunt de limine voces:
 „Armipotens, praeses belli, Tritonia virgo,
 „Frange manu telum Phrygii praedonis, et ipsum
 „Pronum sterne solo, portisque effunde sub altis.“ 485
 Cingitur ipse furens certatim in proelia Turnus;
 Iamque adeo Rutulum thoraca indutus ahenis
 Horrebat squamis, surasque incluserat auro,
 Tempora nudus adhuc, laterique accinxerat ensem,
 Fulgebatque alta decurrens aureus arce; 490
 Exsultatque animis et spe iam praecipit hostem:
 Qualis ubi abruptis fugit praesepia vinclis
 Tandem liber equus, campoque potitus aperto
 Aut ille in pastus armentaque tendit equarum,
 Aut, assuetus aquae perfundi flumine noto, 495
 Emicat, arrectisque fremit cervicibus alte
 Luxurians, luduntque iubae per colla, per armos.
 Obvia cui, Volscorum acie comitante, Camilla
 Occurrit; portisque ab equo regina sub ipsis
 Desiluit, quam tota cohors imitata relictis 500
 Ad terram defluxit equis; tum talia fatur:
 „Turne, sui merito si qua est fiducia forti,
 „Audeo et Aeneadum promitto occurrere turmae,
 „Solaque Tyrrhenos equites ire obvia contra.
 „Me sine prima manu tentare pericula belli; 505
 „Tu pedes ad muros subsiste et moenia serva.“
 Turnus ad haec, oculos horrenda in virgine fixus:
 „O decus Italiae, virgo, quas dicere grates
 „Quasve referre parem? Sed nunc, est omnia quando
 „Iste animus supra, mecum partire laborem. 510
 „Aeneas, ut fama fidem missique reportant
 „Exploratores, equitum levia improbus arma
 „Praemisit, quaterent campos; ipse ardua montis
 „Per deserta iugo superans adventat ad urbem.
 „Furta paro belli convexo in tramite silvae, 515
 „Ut bivias armato obsidam milite fauces.
 „Tu Tyrrhenum equitem collatis excipe signis.
 „Tecum acer Messapus erit, turmaeque Latinae

„Tiburtique manus; ducis et tu concipe curam.“

Sic ait, et paribus Messapum in proelia dictis 520

Hortatur sociosque duces, et pergit in hostem.

Est curvo anfractu valles, accommoda fraudi

Armorumque dolis, quam densis frondibus atrum

Urguet utrimque latus, tenuis quo semita ducit,

Angustaeque ferunt fauces aditusque maligni; 525

Hanc super in speculis summoque in vertice montis

Planities ignota iacet, tutique recessus,

Seu dextra laevaue velis occurrere pugnae,

Sive instare iugis et grandia volvere saxa.

Huc iuvenis nota fertur regione viarum, 530

Arripuitque locum et silvis insedit iniquis.

Velocem interea superis in sedibus Opim,

Unam ex virginibus sociis sacraque caterva,

Compellabat et has tristes Latonia voces

Ore dabat: „Graditur bellum ad crudele Camilla, 535

„O virgo, et nostris nequidquam cingitur armis,

„Cara mihi ante alias: neque enim novus iste Dianae

„Venit amor, subitaque animum dulcedine movit.

„Pulsus ob invidiam regno viresque superbas

„Priverno antiqua Metabus cum excederet urbe; 540

„Infantem fugiens media inter proelia belli

„Sustulit exsilio comitem, matrisque vocavit

„Nomine Casmillae, mutata parte, Camillam.

„Ipse sinu prae se portans, iuga longa petebat

„Solorum nemorum; tela undique saeva premebant, 545

„Et circumfuso volitabant milite Volsci.

„Ecce, fugae medio summis Amasenus abundans

„Spumabat ripis: tantus se nubibus imber

„Ruperat. Ille, innare parans, infantis amore

„Tardatur, caroque oneri timet. Omnia secum 550

„Versanti subito vix haec sententia sedit:


„Telum immane, manu valida quod forte gerebat

„Bellator, solidum nodis et robore cocto,

„Huic natam libro et silvestri subere clausam

„Implicat, atque habilem mediae circumligat hastae. 555

„Quam dextra ingenti librans ita ad aethera fatur:



„„Alma, tibi hanc, nemorum cultrix, Latonia virgo,
 „„Ipse pater famulam voveo; tua prima per auras
 „„Tela tenens supplex hostem fugit: accipe, testor,
 „„„Diva tuam, quae nunc dubiis committitur auris.“ 560
 „Dixit, et adducto contortum hastile lacerto
 „Immittit: sonuere undae; rapidum super amnem
 „Infelix fugit in iaculo stridente Camilla.
 „At Metabus, magna propius iam urgente caterva,
 „Dat sese fluvio, atque hastam cum virgine victor 565
 „Gramineo donum Triviae de cespite vellit.
 „Non illum tectis ullae, non moenibus urbes
 „Accepere, neque ipse manus feritate dedisset;
 „Pastorum et solis exegit montibus aevum.
 „Hic natam in dumis interque horrentia lustra 570
 „Armentalis equae mammis et lacte ferino
 „Nutribat, teneris immulgens ubera labris.
 „Utque pedum primis infans vestigia plantis
 „Institerat, iaculo palmas armavit acuto,
 „Spiculaque ex humero parvae suspendit et arcum. 575
 „Pro crinali auro, pro longae tegmine pallae,
 „Tigridis exuviae per dorsum a vertice pendent.
 „Tela manu iam tum tenera puerilia torsit,
 „Et fundam tereti circum caput egit habena,
 „Strymoniamque gruem aut album deiecit olorem. 580
 „Multae illam frustra Tyrrhena per oppida matres
 „Optavere nurum; sola contenta Diana
 „Aeternum telorum et virginitatis amorem
 „Intemerata colit. Vellem haud correpta fuisset
 „Militia tali, conata lacescere Teucros: 585
 „Cara mihi comitumque foret nunc una mearum.
 „Verum age, quandoquidem fatiis urgetur acerbis,
 „Labere, Nympha, polo, finesque invise Latinos,
 „Tristis ubi infausto committitur omine pugna.
 „Haec cape, et ultricem pharetra deprome sagittam: 590
 „Hac, quicumque sacrum violarit vulnere corpus,
 „Tros Italusve, mihi pariter det sanguine poenas.
 „Post ego nube cava miserandae corpus et arma
 „Inspoliata feram tumulo, patriaeque reponam.“

Dixit; at illa levis coeli delapsa per auras 595
Insonuit, nigro circumdata turbine corpus.

At manus interea muris Troiana propinquat,
Etruscique duces, equitumque exercitus omnis,
Compositi numero in turmas. Fremit aëquore toto
Insultans sonipes, et pressis pugnat habenis 600
Huc obversus et huc; tum late ferreus hastis
Horret ager, campique armis sublimibus ardent.

Nec non Messapus contra celeresque Latini
Et cum fratre Coras et virginis ala Camillae
Adversi campo apparent, hastasque reductis 605
Protendunt longe dextris et spicula vibrant,
Adventusque virum fremitusque ardescit equorum.
Iamque intra iactum teli progressus uterque
Constiterat; subito erumpunt clamore, furentesque
Exhortantur equos; fundunt simul undique tela 610
Crebra, nivis ritu, coelumque obtexitur umbra.

Continuo adversis Tyrrhenus et acer Aconteus
Connixi incurrunt hastis, primique ruinam
Dant sonitu ingenti, perfractaque quadrupedantum
Pectora pectoribus rumpunt. Excussus Aconteus 615
Fulminis in morem aut tormento ponderis acti
Praecipitat longe, et vitam dispergit in auras.

Extemplo turbatae acies, versique Latini
Reiiciunt parmas et equos ad moenia vertunt.
Troes agunt; princeps turmas inducit Asilas. 620

Iamque propinquabant portis; rursusque Latini
Clamorem tollunt, et mollia colla reflectunt:
Hi fugiunt penitusque datis referuntur habenis.
Qualis ubi alterno procurrens gurgite pontus
Nunc ruit ad terram, scopulosque superiacit unda 625
Spumeus, extremamque sinu perfundit arenam;

Nunc rapidus retro atque aestu revoluta resorbens
Saxa fugit, litusque vado labente relinquit.

Bis Tusci Rutulos egere ad moenia versos;
Bis reiecti armis respectant terga tegentes. 630


Tertia sed postquam congressi in proelia, totas
Implicuere inter se acies, legitque virum vir;

.

.

.

.



Tum vero et gemitus morientum et sanguine in alto
 Armaque corporaque et permixti caede virorum
 Semianimes volvuntur equi, pugna aspera surgit. 635
 Orsilochus Remuli, quando ipsum horrebat adire,
 Hastam intorsit equo, ferrumque sub aure reliquit:
 Quo sonipes ictu furit arduus, altaque iactat
 Vulneris impatiens arrecto pectore crura:
 Volvitur ille excussus humi. Catillus Iollan 640
 Ingentemque animis, ingentem corpore et armis,
 Deicit Herminium, nudo cui vertice fulva
 Caesaries, nudique humeri; nec vulnera terrent:
 Tantus in arma patet. Latos huic hasta per artus
 Acta tremit, duplicatque virum transfixa dolore. 645
 Funditur ater ubique cruor; dant funera ferro
 Certantes, pulchramque petunt per vulnera mortem.
 At medias inter caedes exsultat Amazon,
 Unum exserta latus pugnae, pharetrata Camilla,
 Et nunc lenta manu spargens hastilia denset, 650
 Nunc validam dextra rapit indefessa bipennem;
 Aureus ex humero sonat arcus et arma Dianae.
 Illa etiam, si quando in tergum pulsa recessit,
 Spicula converso fugientia dirigit arcu.
 At circum lectae comites, Larinaque virgo 655
 Tullaque et aeratam quatens Tarpeia securim,
 Italides, quas ipsa decus sibi dia Camilla
 Delegit pacisque bonas bellicae ministras:
 Quales Threïciae quum flumina Thermodontis
 Pulsant et pictis bellantur Amazones armis, 660
 Seu circum Hippolyten, seu quum se Martia curru
 Penthesilea refert, magnoque ululante tumultu
 Feminea exsultant lunatis agmina peltis.
 Quem telo primum, quem postremum aspera virgo
 Delicis, aut quot humi morientia corpora fundis? 665
 Euneum Clytio primum patre: cuius apertum
 Adversi longa transverberat abiete pectus.
 Sanguinis ille vomens rivos cadit, atque cruentam
 Mandit humum, moriensque suo se in vulnere versat.
 Tum Lirim, Pagasumque super, quorum alter habenas 670

Suffosso revolutus equo dum colligit, alter
 Dum subit ac dextram labenti tendit inermem,
 Praecipites pariterque ruunt. His addit Amastrum
 Hipprotaden, sequiturque incumbens eminus hasta 674
 Tereaue Harpalycumque et Demophoonta Chromimque;
 Quotque emissa manu contorsit spicula virgo, 676
 Tot Phrygii cecidere viri. Procul Ornytus armis
 Ignotis et equo venator Iapyge fertur,
 Cui pellis latos humeros erepta iuvenco
 Pugnatori operit, caput ingens oris hiatus 680
 Et malae texere lupi cum dentibus albis,
 Agrestisque manus armat sparus; ipse catervis
 Vertitur in mediis, et toto vertice supra est.
 Hunc illa exceptum - neque enim labor agmine verso -
 Traiecit, et super haec inimico pectore fatur: 685
 „Silvis te, Tyrrhene, feras agitare putasti?
 „Advenit qui vestra dies muliebribus armis
 „Verba redarguerit. Nomen tamen haud leve patrum
 „Manibus hoc referes, telo cecidisse Camillae.“
 Protenus Orsilocho et Buten, duo maxima Teucrum 690
 Corpora, sed Buten aversum cuspide fixit
 Loricam galeamque inter, qua colla sedentis
 Lucent, et laevo dependet parma lacerto;
 Orsilocho fugiens magnumque agitata per orbem
 Eludit gyro interior, sequiturque sequentem, 695
 Tum validam perque arma viro perque ossa securim,
 Altior exsurgens, oranti et multa precanti
 Congeminat: vulnus calido rigat ora cerebro.
 Incidit huic, subitoque adspectu territus haesit
 Apenninicolae bellator filius Auni, 700
 Haud Ligurum extremus, dum fallere fata sinebant.
 Isque, ubi se nullo iam cursu evadere pugnae
 Posse neque instantem reginam avertere cernit,
 Consilio versare dolos ingressus et astu
 Incipit haec: „Quid tam egregium, si femina forti 705
 „Fidis equo? Dimitte fugam, et te comminus aequo
 „Mecum crede solo, pugnaeque accinge pedestri:
 „Iam nosces, ventosa ferat cui gloria fraudem.“






AENEIDOS LIB. XI.

317

Dixit; at illa furens acrique accensa dolore
Tradit equum comiti, paribusque resistit in armis, 710
Ense pedes nudo, puraque interrita parma.
At iuvenis, vicisse dolo ratus, avolat ipse,
Haud mora, conversisque fugax aufertur habenis,
Quadrupedemque citum ferrata calce fatigat.
„Vane Ligus frustra que animis elate superbis, 715
„Nequidquam patrias tentasti lubricus artes,
„Nec fraus te incolumem fallaci perferet Auno.“
Haec fatur virgo, et pernicipibus ignea plantis
Transit equum cursu, frenisque adversa prehensis
Congreditur poenasque inimico ex sanguine sumit: 720
Quam facile accipiter saxo sacer ales ab alto
Consequitur pennis sublimem in nube columbam,
Compressamque tenet pedibusque eviscerat uncis;
Ium cruor et vulsae labuntur ab aethere plumae.
At non haec nullis hominum sator atque deorum 725
Observans oculis summo sedet altus Olympo.
Tyrrhenum genitor Tarchonem in proelia saeva
Suscitat, et stimulis haud mollibus iniicit iras.
Ergo inter caedes cedentiaque agmina Tarchon
Fertur equo, variisque instigat vocibus alas, 730
Nomine quemque vocans, reficitque in proelia pulsos.
„Quis metus, o numquam dolituri, o semper inertes
„Tyrrheni, quae tanta animis ignavia venit?
„Femina palantes agit atque haec agmina vertit?
„Quo ferrum, quidve haec gerimus tela irrita dextris? 735
„At non in Venerem segnes nocturnaue bella,
„Aut, ubi curva choros indixit tibia Bacchi,
„Exspectare dapes et plenae pocula mensae -
„Hic amor, hoc studium -, dum sacra secundus haruspex
„Nuntiet, ac lucos vocet hostia pinguis in altos.“ 740
Haec effatus, equum in medios, moriturus et ipse,
Concitatur, et Venulo adversum se turbidus offert,
Dereptumque ab equo dextra complectitur hostem,
Et gremium ante suum multa vi concitus aufert.
Tollitur in coelum clamor, cunctique Latini 745
Convertere oculos. Volat igneus aequore Tarchon,

Arma virumque ferens, tum summa ipsius ab hasta
 Defringit ferrum, et partes rimatur apertas,
 Qua vulnus letale ferat; contra ille repugnans
 Sustinet a iugulo dextram, et vim viribus exit. 750
 Utque volans alte raptum quum fulva draconem
 Fert aquila, implicuitque pedes, atque unguibus haesit;
 Saucius at serpens sinuosa volumina versat,
 Arrectisque horret squamis, et sibilat ore,
 Arduus insurgens; illa haud minus urguet obunco 755
 Luctantem rostro, simul aethera verberat alis:
 Haud aliter praedam Tiburtum ex agmine Tarchon
 Portat ovans. Ducis exemplum eventumque secuti
 Maeonidae incurrunt. Tum fatis debitus Arruns
 Velocem iaculo et multa prior arte Camillam 760
 Circuit, et, quae sit fortuna facillima, tentat.
 Qua se cumque furens medio tulit agmine virgo,
 Hac Arruns subit et tacitus vestigia lústrat;
 Qua victrix redit illa pedemque ex hoste reportat,
 Hac iuvenis furtim celeres detorquet habenas. 765
 Hos aditus, iamque hos aditus omnemque pererrat
 Undique circuitum, et certam quatit improbus hastam.
 Forte sacer Cybelae Chloreus, olimque sacerdos,
 Insignis longe Phrygiis fulgebat in armis,
 Spumantemque agitabat equum, quem pellis ahenis 770
 In plumam squamis auro conserta tegebat;
 Ipse, peregrina ferrugine clarus et ostro,
 Spicula torquebat Lycio Gortynia cornu;
 Aureus ex humeris sonat arcus, et aurea vati 774
 Cassida, tum croceam chlamydemque sinusque crepantes
 Carbaseos fulvo in nodum collegerat auro, 776
 Pictus acu tunicas et barbará tegmina crurum.
 Hunc virgo, sive ut templis praefigeret arma
 Troia, captivo sive ut se ferret in auro,
 Venatrix unum ex omni certamine pugnae 780
 Caeca sequebatur, totumque incauta per agmen
 Femineo praedae et spoliórum ardebat amore:
 Telum ex insidiis quum tandem tempore capto
 Concitat et superos Arruns sic voce precatur:





AENEIDOS LIB. XI.

319

„Summe deūm, sancti custos Soractis Apollo,
„Quem primi colimus, cui pineus ardor acervo
„Pascitur, et medium freti pietate per ignem
„Cultores multa premimus vestigia pruna,
„Da, pater, hoc nostris aboleri dedecus armis,
„Omnipotens. Non exuvias pulsaeve tropaeum
„Virginis aut spolia ulla peto; mihi cetera laudem
„Facta ferent: haec dira meo dum vulnere pestis
„Pulsa cadat, patrias remeabo inglorius urbes.“
Audiit et voti Phoebus succedere partem
Mente dedit, partem volucres dispersit in auras: 785
Sterneret ut subita turbatam morte Camillam,
Adnuit oranti; reducem ut patria alta videret,
Non dedit, inque Notos vocem vertere procellae.
Ergo, ut missa manu sonitum dedit hasta per auras,
Convertere animos acres oculosque tulere 800
Cuncti ad reginam Volsci. Nihil ipsa nec aurae
Nec sonitus memor aut venientis ab aethere teli,
Hasta sub exsertam donec perlata papillam
Haesit, virgineumque alte bibit acta cruorem.
Concurrunt trepidae comites, dominamque ruentem 805
Suscipiunt. Fugit ante omnes exterritus Arruns
Laetitia mixtoque metu, nec iam amplius hastae
Credere nec telis occurrere virginis audet.
Ac velut ille, prius quam tela inimica sequantur,
Continuo in montes sese avius abdidit altos 810
Occiso pastore lupus magnove iuvenco,
Conscius audacis facti, caudamque remulcens
Subiecit pavitantem utero, silvasque petivit:
Haud secus ex oculis se turbidus abstulit Arruns,
Contentusque fuga mediis se immiscuit armis. 815
Illa manu moriens telum trahit; ossa sed inter
Ferreus ad costas alto stat vulnere mucro.
Labitur exsanguis, labuntur frigida leto
Lumina, purpureus quondam color ora reliquit.
Tum sic expirans Accam, ex aequalibus unam, 820
Alloquitur, fida ante alias quae sola Camillae,
Quicum partiri curas, atque haec ita fatux:

„Hactenus, Acca soror, potui; nunc vulnus acerbum
 „Conficit, et tenebris nigrescunt omnia circum.
 „Effuge et haec Turno mandata novissima perfer: 825
 „Succedat pugnae Troianosque arceat urbe.
 „Iamque vale.“ Simul his dictis linquebat habenas,
 Ad terram non sponte fluens. Tum frigida toto
 Paullatim exsolvit se corpore, lentaque colla
 Et captum leto posuit caput, arma relinquens, 830
 Vitaeque cum gemitu fugit indignata sub umbras.
 Tum vero immensus surgens ferit aurea clamor
 Sidera: deiecta crudescit pugna Camilla;
 Incurrunt densi simul omnis copia Teucrûm
 Tyrrhenique duces Evandrique Arcades alae. 835

At Triviae custos iam dudum in montibus Opis
 Alta sedet summis, spectatque interrita pugnās.
 Utque procul medio iuvenum in clamore furentum
 Prospexit tristi multatam morte Camillam,
 Ingemuitque deditque has imo pectore voces: 840
 „Heu nimium, virgo, nimium crudele luisti
 „Supplicium, Teucros conata lacescere bello;
 „Nec tibi desertae in dumis coluisse Dianam
 „Profuit, aut nostras humero gessisse sagittas.
 „Non tamen indecorem tua te regina reliquit 845
 „Extrema iam in morte, neque hoc sine nomine letum
 „Per gentes erit, aut famam patieris inultae:
 „Nam quicumque tuum violavit vulnere corpus,
 „Morte luet merita.“ Fuit ingens monte sub alto
 Regis Dercenni terreno ex aggere bustum. 850
 Antiqui Laurentis, opacaeque ilice tectum:
 Hic dea se primum rapido pulcherrima nisu
 Sistit, et Arruntem tumulo speculatur ab alto.
 Ut vidit laetantem animis ac vanæ tumentem;
 „Cur“ inquit „diversus abis? Huc dirige gressum, 855
 „Huc periture veni, capias ut digna Camillae
 „Praemia. Tunc etiam telis moriere Dianae?“
 Dixit, et aurata volucrem Threïssa sagittam
 Depromsit pharetra, cornuque infensa tetendit
 Et duxit longe, donec curvata coirent 860





AENEIDOS LIB. XI.

321

Inter se capita, et manibus iam tangeret aequis,
Laeva aciem ferri, dextra nervoque papillam.
Extemplo teli stridorem aurasque sonantes
Audiit una Arruns, haesitque in corpore ferrum.
Illum expirantem socii atque extrema gementem 865
Obliiti ignoto camporum in pulvere linquunt;
Opis ad aetherium pennis aufertur Olympum.
Prima fugit, domina amissa, levis ala Camillae,
Turbati fugiunt Rutuli, fugit acer Atinas,
Disiectique duces desolatique manipuli 870
Tuta petunt et equis aversi ad moenia tendunt.
Nec quisquam instantes Teucros letumque ferentes
Sustentare valet telis, aut sistere contra; -
Sed laxos referunt humeris languentibus arcus,
Quadrupedoque putrem cursu quatit ungula campum. 875
Volvitur ad muros caligine turbidus atra
Pulvis, et e speculis percussae pectora matres
Femineum clamorem ad coeli sidera tollunt.
Qui cursu portas primi irrupere patentes,
Hos inimica super mixto premit agmine turba; 880
Nec miseram effugiunt mortem, sed limine in ipso,
Moenibus in patriis atque inter tuta domorum
Confixi expirant animas. Pars claudere portas,
Nec sociis aperire viam, nec moenibus audent
Accipere orantes; oriturque miserrima caedes 885
Defendentum armis aditus, inque arma ruentum.
Exclusi, ante oculos lacrimantumque ora parentum,
Pars in praecipites fossas urgente ruina
Volvitur, immissis pars caeca et concita frenis
Arietat in portas et duros obliice postes. 890
Ipsae de muris summo certamine matres, -
Monstrat amor verus patriae - ut videre Camillam,
Tela manu trepidae iaciunt, ac robore duro
Stipitibus ferrum sudibusque imitantur obustis
Praecipites, primaeque mori pro moenibus ardent. 895
Interea Turnum in silvis saevissimus implet
Nuntius, et luveni ingentem fert Acca tumultum:
Deletas Volscorum acies, cecidisse Camillam,
VIRGILIUS. 21

Ingruere infensos hostes, et Marte secundo
 Omnia corripuisse, metum iam ad moenia ferri. 900
 Ille furens - et saeva Iovis sic numina poscunt -
 Deserit obsessos colles, nemora aspera linquit.
 Vix e conspectu exierat campumque tenebat,
 Quum pater Aeneas, saltus ingressus apertos,
 Exsuperatque iugum silvaeque evadit opaca. 905
 Sic ambo ad muros rapidi totoque feruntur
 Agmine, nec longis inter se passibus absunt.
 Ac simul Aeneas fumantes pulvere campos
 Prospexit longe, Laurentiæque agmina vidit;
 Et saevum Aenean agnovit Turnus in armis, 910
 Adventumque pedum flatusque audivit equorum.
 Continuoque ineant pugnas et proelia tentent,
 Ni roseus fessos iam gurgite Phoebus Hiberno
 Tingat equos noctemque die labente reducat.
 Considunt castris ante urbem et moenia vallant. 916

P. VIRGILII MARONIS

A E N E I D O S

LIBER DUODECIMUS.

Turnus ut infractos adverso Marte Latinos
 Defecisse videt, sua nunc promissa reposci,
 Se signari oculis; ultro implacabilis ardet,
 Attollitque animos. Poenorum qualis in arvis,
 Saucius ille gravi venantum vulnere pectus, 5
 Tum demum movet arma leo, gaudetque comantes
 Excutiens cervice toros, fixumque latronis.
 Impavidus frangit telum, et fremit ore cruento:
 Haud secus accenso gliscit violentia Turno.
 Tum sic affatur regem, atque ita turbidus infit: 10
 „Nulla mora in Turno; nihil est quod dicta retractent
 „Ignavi Aeneadae, nec, quae pepigere, recusent.
 „Congredior. Fer sacra, pater, et concipe foedus.
 „Aut hac Dardanium dextra sub Tartara mittam,



Desertorem Asiae - sedeant spectentque Latini -, 15
 Et solus ferro crimen commune refellam;
 Aut habeat victos, cedat Lavinia coniux."

Ille sedato respondit corde Latinus:

O praestans animi iuvenis, quantum ipse feroci
 Virtute exsuperas, tanto me impensius aequum est 20
 Consulere atque omnes metuentem expendere casus.
 Sunt tibi regna patris Dauni, sunt oppida capta
 Multa manu; nec non aurumque animusque Latino est;
 Sunt aliae innuptae Latio et Laurentibus agris,
 Nec genus indecores: sine me haec haud mollia fatu 25
 Sublatis aperire dolis, simul hoc animo hauri.

Me natam nulli veterum sociare procorum
 Fas erat, idque omnes divique hominesque canebant;
 Victus amore tui, cognato sanguine victus,
 Coniugis et maestae lacrimis, vincla omnia rupi, 30
 Promissam eripui genero, arma impia sumsi.

Ex illo qui me casus, quae, Turne, sequantur
 Bella, vides, quantos primus patiare labores.
 Bis magna victi pugna vix urbe tuemur
 Spes Italas, recalent nostro Tiberina fluenta 35
 Sanguine adhuc, campique ingentes ossibus albert.

Quo referor toties? quae mentem insania mutat?
 Si Turno extincto socios sum adscire paratus:
 Cur non incolumi potius certamina tollo?
 Quid consanguinei Rutuli, quid cetera dicet 40
 Italia, ad mortem si te - Fors dicta refutet! -

Prodiderim, natam et connubia nostra petentem?
 Respice res bello varias; miserere parentis
 Longaevi, quem nunc maestum patria Ardea longe
 Dividit." Haudquaquam dictis violentia Turni 45
 Lectitur, exsuperat magis, aegrescitque medendo.

It primum fari potuit, sic institit ore:

Quam pro me curam gèris, hanc precor, optime, pro me
 Deponas, letumque sinas pro laude pacisci.
 Et nos tela, pater, ferrumque haud debile dextra 50
 Spargimus, et nostro sequitur de vulnere sanguis.
 Longe illi dea mater erit, quae nube fugacem

„Feminea tegat, et vanis sese occulat umbris.“
 At regina, nova pugnae conterrita sorte,
 Flebat et ardentem generum moritura tenebat : 55
 „Turne, per has ego te lacrimas, per si quis Amatae
 „Tangit honos animum - spes tu nunc una, senectae
 „Tu requies miserae, decus imperiumque Latini
 „Te penes, in te omnis domus inclinata recumbit -,
 „Unum oro: desiste manum committere Teucris. 60
 „Qui te cumque manent isto certamine casus,
 „Et me, Turne, manent: simul haec invisa relinquam
 „Lumina, nec generum Aenean captiva videbo.“
 Accepit vocem lacrimis Lavinia matris
 Flagrantes perfusa genas, cui plurimus ignem 65
 Subiecit rubor, et calefacta per ora cucurrit.
 Indum sanguineo veluti violaverit ostro
 Si quis ebur, aut mixta rubent ubi lilia multa
 Alba rosa: tales virgo dabat ore colores.
 Illum turbat amor, figitque in virgine vultus. 70
 Ardet in arma magis, paucisque affatur Amatam:
 „Ne, quaeso, ne me lacrimis neve omine tanto
 „Prosequere in duri certamina Martis euntem,
 „O mater: neque enim Turno mora libera mortis.
 „Nuntius haec Idmon Phrygio mea dicta tyranno 75
 „Haud placitura refer: Quum primum crastina coelo
 „Puniceis invecta rotis Aurora rubebit;
 „Non Teucros agat in Rutulos: Teucrùm arma quiescant
 „Et Rutuli; nostro dirimamus sanguine bellum.
 „Illo quaeratur coniux Lavinia campo.“ 80
 Haec ubi dicta dedit rapidusque in tecta recessit;
 Poscit equos, gaudetque tuens ante ora frementes,
 Pilumno quos ipsa decus dedit Orithyia:
 Qui candore nives anteirent, cursibus auras.
 Circumstant properi aurigae, manibusque lacesunt 85
 Pectora plausa cavis, et colla comantia pectunt.
 Ipse dehinc auro squalentem alboque orichalco
 Circumdat loricam humeris; simul aptat habendo
 Ensemque clipeumque et rubrae cornua cristae,
 Ensem, quem Dauno ignipotens deus ipse parenti 90





Fecerat et Stygia candentem tinxerat unda.
Exin, quae mediis ingenti annixa columnae
Aedibus adstabat, validam vi corripit hastam,
Actoris Aurunci spoliū, quassatque trementem,
Vociferans: „Nunc, o numquam frustrata vocatus 95
„Hasta meos, nunc tempus adest: te maximus Actor,
„Te Turni nunc dextra gerit: da sternere corpus
„Loricamque manu valida lacerare revulsam
„Semiviri Phrygis, et foedare in pulvere crines
„Vibratos calido ferro myrrhaeque madentes.“ 100
His agitur furiis, totoque ardentis ab ore
Scintillae absistunt, oculis micat acribus ignis:
Mugitus veluti quum primum in proelia taurus
Terrificos ciet atque irasci in cornua tentat,
Arboris obnixus trunco, ventosque lacessit 105
Ictibus, aut sparsa ad pugnam proludit arena.
Nec minus interea maternis saevus in armis
Aeneas acuit Martem et se suscitāt ira,
Oblato gaudens componi foedere bellum.
Tum socios maestique metum solatur Iuli, 110
Fata docens, regique iubet responsa Latino
Certa referre viros et pacis dicere leges.
Postera vix summos spargebat lumine montes
Orta dies: quum primum alto se gurgite tollunt
Solis equi, lucemque elatis naribus efflant: 115
Campum ad certamen magnae sub moenibus urbis
Dimensi Rutulique viri Teucrique parabant,
In medioque focos et dis communibus aras
Gramineas, alii fontemque ignemque ferebant,
Velati limo et verbena tempora vineti. 120
Procedit legio Ausonidū, pilataque plenis
Agmina se fundunt portis. Hinc Troius omnis
Tyrrhenusque ruit variis exercitus armis,
Haud secus instructi ferro, quam si aspera Martis
Pugna vocet. Nec non mediis in millibus ipsi 125
Ductores auro volitant ostroque superbi,
Et genus Assaraci Mnestheus, et fortis Asilas,
Et Messapus equū domitor, Neptunia proles.

Utque dato signo spatia in sua quisque recessit;
Defigunt telluri hastas et scuta reclinant. 130

Tum studio effusae matres et vulgus inermum
Invalidique senes turres et tecta domorum
Obsedere, alii portis sublimibus adstant.

At Iuno e summo, qui nunc Albanus habetur -
Tum neque nomen erat neque honos aut gloria monti -, 135
Prospiciens tumulo campum adspectabat et ambas
Laurentum Troumque acies urbemque Latini.

Extemplo Turni sic est affata sororem,
Diva deam, stagnis quae fluminibusque sonoris
Praesidet - hunc illi rex aetheris altus honorem 140
Iupiter erepta pro virginitate sacravit -:

„Nympha, decus fluviorum, animo carissima nostro,
„Scis, ut te cunctis unam, quaecumque Latinae
„Magnanimi Iovis ingratum adscendere cubile,
„Praetulerim, coelique libens in parte locarim: 145

„Disce tuum, ne me incuses, Iuturna, dolorem.
„Qua visa est fortuna pati, Parcaeque sinebant
„Cedere res Latio, Turnum et tua moenia texi;
„Nunc iuvenem imparibus video concurrere fatis,
„Parcarumque dies et vis inimica propinquat. 150

„Non pugnam adspicere hanc oculis, non foedera possum;
„Tu, pro germano si quid praesentius audes,
„Perge: decet. Forsan miseros meliora sequentur.“

Vix ea, quum lacrimas oculis Iuturna profudit,
Terque quaterque manu pectus percussit honestum. 155

„Non lacrimis hoc tempus“ ait Saturnia Iuno;
„Accelera, et fratrem, si quis modus, eripe morti,
„Aut tu bella cie, conceptumque excute foedus.

„Auctor ego audendi.“ Sic exhortata reliquit
Incertam et tristi turbatam vulnere mentis. 160

Interea reges — ingenti mole Latinus
Quadriiugo vehitur curru, cui tempora circum
Aurati bis sex radii fulgentia cingunt,

Solis avi specimen; bigis it Turnus in albis,
Bina manu lato crispans hastilia ferro. 165

Hinc pater Aeneas, Romanae stirpis origo,





AENEIDOS LIB. XII.

327

Sidereo flagrans clipeo et coelestibus armis,
Et iuxta Ascanius, magnae spes altera Romae,
Procedunt castris; puraque in veste sacerdos
Setigeri setum suis intonsamque bidentem 170
Attulit, admovitque pecus flagrantibus aris.
Illi ad surgentem conversi lumina solem
Dant fruges manibus salsas, et tempora ferro
Summa notant pecudum, paterisque altaria libant.
Tum pius Aeneas stricto sic ense precatur: 175
„Esto nunc Sol testis et haec mihi Terra vocanti,
„Quam propter tantos potui perferre labores,
„Et Pater omnipotens, et tu Saturnia coniux,
„Iam melior, iam, diva, precor, tuque inclyte Mavors,
„Cuncta tuo qui bella, pater, sub numine torques; 180
„Fontesque Fluviosque voco, quaeque aetheris alti
„Religio, et quae caeruleo sunt numina ponto:
„Cesserit Ausonio si fors victoria Turno;
„Convenit, Evandri victos discedere ad urbem,
„Cedet Iulus agris, nec post arma ulla rebelles 185
„Aeneadae referent, ferrove haec regna lacescent.
„Sin nostrum adnuerit nobis Victoria Martem -
„Ut potius reor, et potius di numine firment -;
„Non ego nec Teucris Italos parere iubebo,
„Nec mihi regna peto; paribus se legibus ambae 190
„Invictae gentes aeterna in foedera mittant.
„Sacra deosque dabo; socer arma Latinus habeto,
„Imperium solemne socer; mihi moenia Teucri
„Constituent, urbique dabit Lavinia nomen.“
Sic prior Aeneas; sequitur sic deinde Latinus, 195
Suspiciens coelum, tenditque ad sidera dextram:
„Haec eadem, Aenea, Terram, Mare, Sidera, iuro,
„Latonaque genus duplex, lanumque bifrontem,
„Vimque deum infernam et duri sacraria Ditis.
„Audiat haec Genitor, qui foedera fulmine sancit. 200
„Tango aras, medios ignes et numina testor:
„Nulla dies pacem hanc Italis nec foedera rumpet,
„Quo res cumque cadent; nec me vis ulla volentem
„Avertet; non, si tellurem effundat in undas,

„Diluvio miscens, coelumque in Tartara solvat: 205
 „Ut sceptrum hoc“ - dextra sceptrum nam forte gerebat-
 „Numquam fronde levi fundet virgulta nec umbras,
 „Quum semel in silvis imo de stirpe recisum
 „Matre caret, posuitque comas et brachia ferro,
 „Olim arbos, nunc artificis manus aere decoro 210
 „Inclusit, patribusque dedit gestare Latinis.“
 Talibus inter se firmabant foedera dictis
 Conspectu in medio procerum; tum rite sacratas
 In flammam iugulant pecudes, et viscera vivis
 Eripiunt, cumulantque oneratis lancibus aras. 215
 At vero Rutulis impar ea pugna videri
 Iamdudum et vario misceri pectora motu,
 Tum magis, ut propius cernunt non viribus aequis.
 Adiuvat incessu tacito progressus et aram
 Suppliciter venerans demisso lumine Turnus, 220
 Tabentesque genae et iuvenali in corpore pallor.
 Quem simul ac Iuturna soror crebrescere vidit
 Sermonem et vulgi variare labantia corda;
 In medias acies, formam assimilata Camerti,
 Cui genus a proavis ingens clarumque paternae 225
 Nomen erat virtutis, et ipse acerrimus armis,
 In medias dat sese acies, haud nescia rerum,
 Rumoresque serit varios ac talia fatur:
 „Non pudet, o Rutuli, pro cunctis talibus unam
 „Obiectare animam? Numerone an viribus aequi 230
 „Non sumus? En, omnes et Troes et Arcades hi sunt
 „Fatalisque manus, infensa Etruria Turno.
 „Vix hostem, alterni si congregiamur, habemus.
 „Ille quidem ad superos, quorum se devovet aris.
 „Succedet fama, vivusque per ora feretur; 235
 „Nos patria amissa dominis parere superbis
 „Cogemur, qui nunc lentī consedimus arvis.“
 Talibus incensa est iuvenum sententia dictis
 Iam magis atque magis, serpitque per agmina murmur,
 Ipsi Laurentes mutati ipsique Latini, 240
 Qui sibi iam requiem pugnae rebusque salutem
 Sperabant, nunc arma volunt foedusque precantur






AENEIDOS LIB. XII.

829

Infectum et Turni sortem miserantur iniquam.
His aliud maius Iuturna adiungit et alto
Dat signum coelo, quo non praesentius ullum 145
Turbavit mentes Italas, monstroque fefellit.
Namque volans rubra fulvus Iovis ales in aethra
Litoreas agitabat aves turbamque sonantem
Agminis aligeri, subito quum lapsus ad undas
Cycnum excellentem pedibus rapit improbus uncis. 250
Arrexere animos Itali, cunctaeque volucres
Convertunt clamore fugam - mirabile visu - ,
Aetheraque obscurant pennis, hostemque per auras
Facta nube premunt, donec vi victus et ipso
Pondere defecit, praedamque ex unguibus ales 255
Proiecit fluvid, penitusque in nubila fugit.
Tum vero augurium Rutuli clamore salutant,
Expediuntque manus, primusque Tolumnius augur
„Hoc erat, hoc, votis“ inquit „quod saepe petivi:
„Accipio, agnoscoque deos. Me, me duce ferrum 260
„Corripite, o miseri, quos improbus advena bello
„Territat, invalidas ut aves, et litora vestra
„Vi populat; petet ille fugam, penitusque profundo
„Vela dabit. Vos unanimi densete catervas,
„Et regem vobis pugna defendite raptum.“ 265
Dixit, et adversos telum contorsit in hostes
Procurrens: sonitum dat stridula cornus, et auras
Certa secat. Simul hoc, simul ingens clamor, et omnes
Turbati cunei, calefactaque corda tumultu.
Hasta volans, ut forte novem pulcherrima fratrum 270
Corpora constiterant contra, quos fida crearat
Una tot Arcadio coniux Tyrrhena Gylippo,
Horum unum ad medium, teritur qua sutilis alvo
Balteus et laterum iuncturas fibula mordet,
Egregium forma iuvenem et fulgentibus armis, 275
Transadigit costas, fulvaeque effundit arena.
At fratres, animosa phalanx accensaque luctu,
Pars gladios stringunt manibus, pars missile ferrum
Corripiunt, caecique ruunt. Quos agmina contra
Procurrunt Laurentum; hinc densi rursus inundant 280

Troes Agyllinique et pictis Arcades armis.
 Sic omnes amor unus habet decernere ferro.
 Diripuerē aras; it toto turbida coelo
 Tempestas telorum, ac ferreus ingruit imber,
 Craterasque focosque ferunt. Fugit ipse Latinus, 285
 Pulsatos referens infecto foedere divos.
 Infrenant alii currus, aut corpora saltu
 Subiiciunt in equos, et strictis ensibus adsunt.
 Messapus regem regisque insigne gerentem
 Tyrrhenum Aulesten, avidus confundere foedus, 290
 Adverso proterret equo. Ruit ille recedens,
 Et miser oppositis a tergo involvitur aris
 In caput inque humeros; at fervidus advolat hasta
 Messapus, teloque orantem multa trabali
 Desuper altus equo graviter ferit, atque ita fatur: 295
 „Hoc habet, haec melior magnis data victima divis.“
 Concurrunt Itali, spolianteque calentia membra.
 Obvius ambustum torrem Corynaeus ab ara
 Corripit, et venienti Ebuso plagamque ferenti
 Occupat os flammis: olli ingens barba reluxit, 300
 Nidoremque ambusta dedit. Super ipse secutus
 Caesariem laeva turbati corripit hostis,
 Impressoque genu nitens terrae applicat ipsum:
 Sic rigido latus ense ferit. Podalirius Alsum,
 Pastorem primaque acie per tela ruentem, 305
 Ense sequens nudo superimminet; ille securi
 Adversi frontem mediam mentumque reducta
 Disiicit, et sparso late rigat arma cruore.
 Olli dura quies oculos et ferreus urget
 Somnus, in aeternam clauduntur lumina noctem. 310
 At pius Aeneas dextram tendebat inermem
 Nudato capite, atque suos clamore vocabat:
 „Quo ruitis, quaeve ista repens discordia surgit?
 „O cohibete iras! Ictum iam foedus et omnes
 „Compositae leges: mihi ius concurrere soli: 315
 „Me sinite, atque auferte metus. Ego foedera faxo
 „Firma manu: Turnum debent haec iam mihi sacra.“
 Has inter voces, media inter talia verba,



Ecce, viro stridens alis allapsa sagitta est,
 Incertum, qua pulsa manu, quo turbine adacta, 320
 Quis tantam Rutulis laudem, casusne deusne,
 Attulerit: pressa est insignis gloria facti,
 Nec sese Aeneae iactavit vulnere quisquam.
 Turnus, ut Aenean cedentem ex agmine vidit
 Turbatosque duces, subita spe fervidus ardet: 325
 Poscit equos atque arma simul, saltuque superbus
 Emicat in currum et manibus molitur habenas.
 Multa virum volitans dat fortia corpora leto,
 Semineces volvit multos, aut agmina curru
 Proterit, aut raptas fugientibus ingerit hastas. 330
 Qualis apud gelidi quum flumina concitus Hebri
 Sanguineus Mavors clipeo intonat atque furentes
 Bella movens immittit equos; illi aequore aperto
 Ante Notos Zephyrumque volant, gemit ultima pulsu
 Thraca pedum, circumque atrae Formidinis ora 335
 Iraeque Insidiaeque, dei comitatus, aguntur:
 Talis equos alacer media inter proelia Turnus
 Fumantes sudore, quatit miserabile caesis
 Hostibus insultans; spargit rapida ungula rores
 Sanguineos, mixtaque cruor calcatur arena. [que, 340
 Iamque neci Sthenelumque dedit Thamyrimque Pholum-
 Hunc congressus et hunc, illum eminus; eminus anbo
 Imbrasidas, Glaucum atque Laden, quos Imbrasmus ipse
 Nutrierat Lycia, paribusque ornaverat armis,
 Vel conferre manum, vel equo praevertere ventos. 345
 Parte alia media Eumedes in proelia fertur,
 Antiqui proles bello praeclara Dolonis,
 Nomine avum referens, animo manibusque parentem,
 Qui quondam, castra ut Danaum speculator adiret,
 Ausus Pelidae pretium sibi poscere currus; 350
 Illum Tydides alio pro talibus ausis
 Affecit pretio, neque equis adspirat Achillis.
 Hunc procul ut campo Turnus prospexit aperto;
 Ante levi iaculo longum per inane secutus,
 Sistit equos biuges et curru desilit, atque 355
 Semianimi lapsoque supervenit, et, pede collo

Impresso, dextrae mucronem extorquet et alto
 Fulgentem tinguit iugulo, atque haec insuper addit:
 „En, agros et, quam bello, Troiane, petisti,
 „Hesperiam metire iacens: haec praemia, qui me 360
 „Ferro ausi tentare, ferunt; sic moenia condunt.“
 Huic comitem Asbuten coniecta cuspide mittit,
 Chloreaque Sybarimque Daretaque Thersilochumque,
 Et sternacis equi lapsum cervice Thymoeten.
 Ac velut Edoni Boréae quum spiritus alto 365
 Insonat Aegaeo sequiturque ad litora fluctus,
 Qua venti incubuere, fugam dant nubila coelo:
 Sic Turno, quacumque viam secat, agmina cedunt
 Conversaeque ruunt acies; fert impetus ipsum,
 Et cristam adverso curru quatit aura volantem. 370
 Non tulit instantem Phegeus animisque frementem;
 Obiecit sese ad currum, et spumantia frenis
 Ora citatorum dextra detorsit equorum.
 Dum trahitur pendetque iugis, hunc lata resectum
 Lancea consequitur, rumpitque infixā bilicem 375
 Loricam et summum degustat vulnere corpus.
 Ille tamen clipeo obiecto conversus in hostem
 Ibat, et auxilium ducto mucrone petebat:
 Cum rota praecipitem et procursu concitus axis
 Impulit effunditque solo, Turnusque secutus 380
 Imam inter galeam summi thoracis et oras
 Abstulit ense caput, truncumque reliquit arenae.
 Atque ea dum campis victor dat funera Turnus;
 Interea Aenean Mnestheus et fidus Achaes
 Ascaniusque comes castris statuere cruentum, 385
 Alternos longa nitentem cuspide gressus.
 Saevit, et infracta luctatur arundine telum
 Eripere, auxilioque viam, quae proxima, poscit:
 Ense secant lato vulnus, telique latebram
 Rescindant penitus, seseque in bella remittant. 390
 Iamque aderat Phoebus ante alios dilectus Iapis
 Iasides, acri quondam cui captus amore
 Ipse suas artes, sua munera, laetus Apollo
 Augurium citharamque dabat celeresque sagittas;





AENEIDOS LIB. XII.

333

Ille, ut depositi proferret fata parentis, 396
Scire potestates herbarum usumque medendi
Maluit et mutas agitare inglorius artes.
Stabat acerba fremens, ingentem nixus in hastam,
Aeneas, magno iuvenum et maerentis Iuli
Concursu lacrimisque immobilis. Ille retorto 400
Paeonium in morem senior succinctus amictu,
Multa manu medica Phoebique potentibus herbis
Nequidquam trepidat, nequidquam spicula dextra
Sollicitat, prensatque tenaci forcipe ferrum.
Nulla viam Fortuna regit, nihil auctor Apollo 406
Subvenit; et saevus campis magis ac magis horror
Crebrescit, propiusque malum est. Iam pulvere coelum
Stare vident, subeuntquo equites, et spicula castris
Densa cadunt mediis; it tristis ad aethera clamor
Bellantum iuvenum et duro sub Marte cadentum. 410
Hic Venus, indigno nati concussa dolore,
Dictamnum genetrix Cretaea carpsit ab Ida,
Puberibus caulem foliis et flore comantem
Purpureo: non illa feris incognita capris
Gramina, quum tergo volucres haesere sagittae. 416
Hoc Venus, obscuro faciem circumdata nimbo,
Detulit: hoc fusum labris splendentibus amnem
Inficit, occulte medicans, spargitque salubres
• Ambrosiae succos et odoriferam panaceam.
Fovit ea vulnus lymphæ longævus lapis 420
Ignorans, subitoque omnis de corpore fugit
Quippe dolor, omnis stetit imo vulnere sanguis;
Iamque secuta manum nullo cogente sagitta
Excidit, atque novae rediere in pristina vires.
„Arma citi properate viro! Quid statis?“ lapis 426
Conclamat, primusque animos accendit in hostem.
„Non haec humanis opibus, non arte magistra
„Proveniunt, neque te, Aenea, mea dextera servat;
„Maior agit deus atque opera ad maiora remittit.“
Ille avidus pugnae suras incluserat auro 430
Hinc atque hinc, oditque moras hastamque coruscat.
Postquam habilis lateri clipeus loricaque tergo est;

Ascanium fuis circum complectitur armis,
 Summaque per galeam delibans oscula fatur:
 „Disce, puer, virtutem ex me verumque laborem, 435
 „Fortunam ex aliis. Nunc te mea dextera bello
 „Defensum dabit, et magna inter praemia ducet.
 „Tu facito, mox quum matura adoleverit aetas,
 „Sis memor, et te, animo repetentem exempla tuorum.
 „Et pater Aeneas et avunculus excitet Hector.“ 440

Haec ubi dicta dedit, portis sese extulit ingens,
 Telum immane manu quatiens; simul agmine denso
 Antheusque Mnestheusque ruunt, omnisque relictis
 Turba fluit castris. Tum caeco pulvere campus
 Miscetur, pulsuque pedum tremit excita tellus. 445
 Vidit ab adverso venientes aggere Turnus,
 Videre Ausonii, gelidusque per ima cucurrit
 Ossa tremor; prima ante omnes Iuturna Latinos
 Audiit agnovitque sonum, et tremefacta refugit.
 Ille volat, campoque atrum rapit agmen aperto. 450
 Qualis ubi ad terras abrupto sidere nimbus
 It mare per medium; miseris, heu, praescia longe
 Horrescunt corda agricolis; dabit ille ruinas
 Arboribus stragemque satis, ruet omnia late;
 Ante volant sonitumque ferunt ad litora venti: 455
 Talis in adversos ductor Rhoeteius hostes
 Agmen agit; densi cuneis se quisque coactis
 Agglomerant. Ferit ense gravem Thymbraeus Osirim,
 Archetium Mnestheus, Epulonem obtruncat Achates,
 Ufentemque Gyas; cadit ipse Tolumnius augur, 460
 Primus in adversos telum qui torserat hostes.
 Tollitur in coelum clamor, versique vicissim
 Pulverulenta fuga Rutuli dant terga per agros.
 Ipse neque aversos dignatur sternere morti,
 Nec pede congressos aequo, nec tela ferentes 465
 Insequitur; solum densa in caligine Turnum
 Vestigat lustrans, solum in certamina poscit.
 Hoc concussa metu mentem Iuturna virago
 Aurigam Turni media inter lora Metiscum
 Excutit, et longe lapsam temone relinquit; 470

sa subit, manibusque undantes flectit habenas,
 ncta gerens, vocemque et corpus et arma Metisci.
 gra velut magnas domini quum divitis aedes
 rvolat et pennis alta atria lustrat hirundo,
 bula parva legens nidisque loquacibus escas, 475
 nunc porticibus vacuis, nunc humida circum
 igna sonat: similis medios Iuturna per hostes
 rtur equis, rapidoque volans obit omnia curru;
 nque hic germanum, iamque hic ostentat ovantem,
 c conferre manum patitur, volat avia longe. 480
 ud minus Aeneas tortos legit obvius orbes,
 stigmatque virum et disiecta per agmina magna
 ce vocat. Quoties oculos coniecit in hostem,
 pedumque fugam cursu tentavit equorum;
 ersos toties currus Iuturna retorsit. 485
 u, quid agat? Vario nequidquam fluctuat aestu,
 versaeque vocant animum in contraria curae.
 ic Messapus, uti laeva duo forte gerebat
 nta, levis cursu, praefixa hastilia ferro,
 rum unum certo contorquens dirigit ictu. 490
 bstitit Aeneas, et se collegit in arma,
 plite subsidens; apicem tamen incita summum
 sta tulit, summasque excussit vertice cristas.
 m vero assurgunt irae, insidiisque subactus
 versos ubi sentit equos currumque referri; 495
 ulta Iovem et laesi testatus foederis aras,
 a tandem invadit medios, et Marte secundo
 rribilis saevam nullo discrimine caedem
 scitat, irarumque omnes effundit habenas.
 is mihi nunc tot acerba deus, quis carmine caedes 500
 versas obitumque ducum, quos aequore toto
 ue vicem nunc Turnus agit, nunc Troïus heros,
 pediat? tanton' placuit concurrere motu,
 iter, aeterna gentes in pace futuras?
 neas Rutulum Sucronem - ea prima ruentes 505
 gna loco statuit Teucros - haud multa morantem
 cipit in latus et, qua fata celerrima, crudum
 insadigit costas et crates pectoris ense.

Turnus equo deiectum Amycum fratremque Diorem
 Congressus pedes, hunc venientem cuspide longa, 510
 Hunc mucrone ferit, curruque abscisa duorum
 Suspendit capita et rorantia sanguine portat:
 Ille Talon Tanaimque neci fortemque Cethegum,
 Tres uno congressu, et maestum mittit Onyten,
 Nomine Echionium matrisque genus Peridiae; 515
 Hic fratres Lycia missos et Apollinis agris,
 Et iuvenem exosum nequidquam bella Menoeten,
 Arcada, piscosae cui circum flumina Lernae
 Ars fuerat pauperque domus, nec nota potentum
 Munera, conductaque pater tellure serebat. 520
 Ac velut immissi diversis partibus ignes
 Arentem in silvam et virgulta sonantia lauro,
 Aut ubi decursu rapido de montibus altis
 Dant sonitum spumosi amnes et in aequora currunt,
 Quisque suum populatus iter: non segnius ambo 525
 Aeneas Turnusque ruunt per proelia; nunc, nunc
 Fluctuat ira intus, rumpuntur nescia vinci
 Pectora; nunc totis in vulnera viribus itur.
 Murranum hic, atavos et avorum antiqua sonantem
 Nomina, per regesque actum genus omne Latinos, 530
 Praecipitem scopulo atque ingentis turbine saxi
 Excutit effunditque solo: hunc lora et iuga subter
 Provolvere rotae; crebro super ungula pulsu
 Incita nec domini memorum proculcat equorum.
 Ille ruenti Hylo animisque immane frementi 535
 Occurrit, telumque aurata ad tempora torquet:
 Olli per galeam fixo stetit hasta cerebro.
 Dexterâ nec tua te, Graiûm fortissime, Cretheu,
 Eripuit Turno; nec dî texere Cupencum,
 Aenea veniente, sui: dedit obvia ferro 540
 Pectora, nec misero clipei mora profuit aerei.
 Te quoque Laurentes viderunt, Aeole, campi
 Oppetere et late terram consternere tergo:
 Occidis, Argivae quem non potuere phalanges
 Sternere, nec Priami regnorum eversor Achilles; 545
 Hic tibi mortis erant metae, domus alta sub Ida,



nesi domus alta, solo Laurente sepulcrum.
 ae adeo conversae acies, omnesque Latini,
 nes Dardanidae, Mnestheus, acerque Serestus,
 Messapus equum domitor, et fortis Asilas, 550
 corumque phalanx, Evandrique Arcades alae.
 se quisque viri summa nituntur opum vi:
 mora, nec requies; vasto certamine tendunt.
 lic mentem Aeneae genetrix pulcherrima misit,
 ut ad muros, urbique adverteret agmen 555
 is et subita turbaret clade Latinos.
 ut vestigans diversa per agmina Turnum
 : atque huc acies circumtulit, adspicit urbem
 unem tanti belli atque impune quietam.
 tinuo pugnae accendit maioris imago: 560
 esthea Sergestumque vocat fortemque Serestum
 tores, tumulumque capit, quo cetera Teucrum
 currit legio, nec scuta aut spicula densi
 onunt. Celso medius stans aggere fatur:
 e qua meis esto dictis mora - Iupiter hac stat -, 565
 ù quis ob inceptum subitum mihi segnior ito.
 bem hodie, causam belli, regna ipsa Latini,
 frenum accipere et victi parere fatentur,
 uam, et aequa solo fumantia culmina ponam.
 ilicet exspectem, libeat dum proelia Turno 570
 stra pati, rursusque velit concurrere victus?
 e caput, o cives, haec belli summa nefandi.
 rte faces propere, foedusque reposcite flammis!“
 erat, atque animis pariter certantibus omnes
 t cuneum, densaque ad muros mole feruntur. 575
 lae improvise, subitusque apparuit ignis.
 currunt alii ad portas, primosque trucidant;
 rum alii torquent et obumbrant aethera telis.
 e inter primos dextram sub moenia tendit.
 eas, magnaue incusat voce Latinum, 580
 taturque deos, iterum se ad proelia cogi,
 iam Italos hostes, haec iam altera foedera rumpi.
 oritur trepidos inter discordia cives:
 em alii reserare iubent et pandere portas

Dardanidis, ipsumque trahunt in moenia regem; 585
 Arma ferunt alii et pergunt defendere muros:
 Inclusas ut quum latebroso in pumice pastor
 Vestigavit apes, fumoque implevit amaro;
 Illae intus trepidae rerum per cerea castra
 Discurrunt, magnisque acuunt stridoribus iras; 590
 Volvitur ater odor tectis; tum murmure caeco
 Intus saxa sonant, vacuas it fumus ad auras.

Accidit haec fessis etiā fortuna Latinis,
 Quae totam luctu concussit funditus urbem.
 Regina ut tectis venientem prospicit hostem, 595
 Incessi muros, ignes ad tecta volare,
 Nusquam acies contra Rutulas, nulla agmina Turni;
 Infelix pugnae iuvenem in certamine credit
 Exstinctum, et, subito mentem turbata dolore,
 Se causam clamat crimenque caputque malorum, 600
 Multaque per maestum demens effata furorem,
 Purpureos moritura manu discindit amictus,
 Et nodum informis leti trabe nectit ab alta.
 Quam cladem miserae postquam accepere Latinae;
 Filia prima manu flavos Lavinia crines 605
 Et roseas laniata genas, tum cetera circum
 Turba, furit; resonant late plangoribus aedes.
 Hinc totam infelix vulgatur fama per urbem:
 Demittunt mentes; it scissa veste Latinus,
 Coniugis attonitus fati urbisque ruina, 610
 Canitiem immundo perfusam pulvere turpans,
 Multaque se incusat, qui non acceperit ante
 Dardanium Aenean, generumque adsciverit ultro.

Interea extremo bellator in aequore Turnus
 Palantes sequitur paucos, iam segnior, atque 615
 Iam minus atque minus successu laetus equorum.
 Attulit hunc illi caecis terroribus aura
 Commixtum clamorem, arrectasque impulit aures
 Confusae sonus urbis et illaetabile murmur.
 „Hei mihi, quid tanto turbantur moenia luctu, 620
 „Quisve ruit tantus diversa clamor ab urbe?“
 Sic ait, adductisque amens subsistit habenis.




que huic, in faciem soror ut conversa Metisci
 irigae currumque et equos et lora regebat,
 libus occurrit dictis: „Hac, Turne, sequamur 625
 roiugenas, qua prima viam victoria pandit:
 unt alii, qui tecta manu defendere possint.
 igruit Aeneas Italis et' proelia miscet,
 t nos saeva manu mittamus funera Teucris.
 ec numero inferior, pugnae neque honore recedes.“ 630
 rnus ad haec:

soror, et dudum agnovi, quum prima per artem
 oedera turbasti teque haec in bella dedisti,
 t nunc nequidquam fallis dea. Sed quis Olympo
 emissam tantos voluit te ferre labores? 635
 n fratris miseri letum ut crudele videres?
 am quid ago, aut quae iam spondet fortuna salutem?
 idi oculos ante ipse meos me voce vocantem
 lurrantum, quo non superat mihi carior alter,
 ppetere, ingentem, atque ingenti vulnere victum. 640
 ccidit infelix ne nostrum dedecus Ufens
 adspiceret; Teucris potiuntur corpore et armis.
 xscindine domos - id rebus defuit unum -
 erpetiar, dextra nec Drancis dicta refellam?
 erga dabo, et Turnum fugientem haec terra videbit? 645
 lsque adeone mori miserum est? Vos o mihi Manes
 iste boni, quoniam superis aversa voluntas.
 iancta ad vos anima atque istius nescia culpae
 descendam, magnorum haud unquam indignus avorum.“
 x ea fatus erat; medios volat, ecce, per hostes 650
 ctus equo spumante Saces, adversa sagitta
 ucius ora, ruitque implorans nomine Turnum:
 urne, in te suprema salus: miserere tuorum!
 ulminat Aeneas armis, summasque minatur
 eiecturum arces Italum excidioque daturum, 655
 amque faces ad tecta volant. In te ora Latini,
 n te oculos referunt; mussat rex ipse Latinus,
 uos generos vocet, aut quae sese ad foedera flectat.
 raeterea regina, tui fidissima, dextra
 ccidit ipsa sua, lucemque exterrita fugit. 660

„Soli pro portis Messapus et acer Atinas
 „Sustenant aciem; circum hos utrimque phalanges
 „Stant densae, strictisque seges mucronibus horret
 „Ferreā: tu currum deserto in gramine versas?“
 Obstupuit varia confusus imagine rerum 665
 Turnus, et obtutu tacito stetit. Aestuat ingens
 Uno in corde pudor mixtoque insania luctu
 Et furiis agitatus amor et conscia virtus.
 Ut primum discussae umbrae et lux reddita menti;
 Ardentes oculorum orbes ad moenia torsit 670
 Turbidus, eque rotis magnam respexit ad urbem.
 Ecce autem flammis inter tabulata volutus
 Ad coelum undabat vertex, turrimque tenebat,
 Turrim, compactis trabibus quam eduxerat ipse,
 Subdideratque rotas, pontesque instraverat altos. 675
 „Iam iam fata, soror, superant: absiste morari:
 „Quo deus et quo dura vocat fortuna, sequamur.
 „Stat conferre manum Aeneae, stat, quidquid acerbi est,
 „Morte pati, neque me indecorem, germana, videbis
 „Amplius. Hunc, oro, sine me furere ante furorem.“ 680
 Dixit, et e curru saltum dedit ocuis arvis,
 Perque hostes, per tela ruit, maestamque sororem
 Deserit ac rapido cursu media agmina rumpit.
 Ac veluti montis saxum de vertice praeceps
 Quum ruit, avulsum vento, seu turbidus imber 685
 Proluit, aut annis solvit sublapsa vetustas;
 Fertur in abruptum magno mons improbus actu,
 Exsultatque solo, silvas, armenta virosque
 Involvens secum: disiecta per agmina Turnus
 Sic urbis ruit ad muros, ubi plurima fuso 690
 Sanguine terra madet striduntque hastilibus aerae,
 Significatque manu et magno simul incipit ore:
 „Parcite iam, Rutuli, et vos tela inhibete, Latini:
 „Quaecumque est fortuna, mea est; me verius unum
 „Pro vobis foedus luere et decernere ferro.“ 695
 Discessere omnes medii, spatiumque dedere.

At pater Aeneas audito nomine Turni
 Deserit et muros et summas deserit arces,





AENEIDOS LIB. XII.

341


Praecipitatque moras omnes, opera omnia rumpit,
Laetitia exsultans, horrendumque intonat armis: 700
Quantus Athos aut quantus Eryx aut ipse, cecruseis
Quum fremit ilicibus, quantus, gaudetque nivali
Vertice se attollens pater Appenninus ad auras.
Iam vero et Rutuli certatim et Troes et omnes
Convertere oculos Itali, quique alta tenebant 705
Moenia quique imos pulsabant ariete muros,
Armaque deposuere humeris. Stupet ipse Latinus,
Ingentes, genitos diversis partibus orbis,
Inter se coiisse viros et cernere ferro.
Atque illi, ut vacuo patuerunt aequore campi, 710
Procursu rapido, coniectis eminus hastis.
Invadunt Martem clipeis atque aere sonoro -
Dat gemitum tellus -; tum crebros ensibus ictus
Congeminant: fors et virtus miscentur in unum.
Ac velut ingenti Sila summove Taburno 715
Quum duo conversis inimica in proelia tauri
Frontibus incurrunt, pavidi cessere magistri,
Stat pecus omne metu mutum mussantque iuvencae,
Quis nemori imperitet, quem tota armenta sequantur;
Illi inter sese multa vi vulnera miscent, 720
Cornuaque obnixa infligunt, et sanguine largo
Colla armosque lavant; gemitu nemus omne remugit:
Non aliter Tros Aeneas et Daunius heros
Concurrunt clipeis; ingens fragor aethera complet.
Iupiter ipse duas aequato examine lances 725
Sustinet, et fata imponit diversa duorum,
Quem damnet labor, et quo vergat pondere letum.
Emicat hic, impune putans, et corpore toto
Alte sublatus consurgit Turnus in ense,
Et ferit: exclamant Troes trepidique Latini, 730
Arrectaeque amborum acies. At perfidus ensis
Frangitur, in medioque ardentem deserit ictu:
Ni fuga subsidio subeat. Fugit ocior Euro,
Ut capulum ignotum dextramque adspexit inermem.
Fama est, praecipitem, quum prima in proelia iunctos 735
Conscendebat equos, patrio mucrone relicto,


Dum trepidat, ferrum aurigae rapuisse Metisci;
 Idque diu, dum terga dabant palantia Teucri,
 Suffecit; postquam arma dei ad Vulcania ventum est,
 Mortalis mucro, glacies ceu futilis, ictu 740
 Dissiluit, fulva resplendet fragmen arena.
 Ergo amens diversa fuga petit aequora Turnus,
 Et nunc huc, inde huc incertos implicat orbes:
 Undique enim densa Teucri includere corona,
 Atque hinc vasta palus, hinc ardua moenia cingunt. 745
 Nec minus Aeneas, quamquam tardante sagitta
 Interdum genua impediunt cursumque recusant,
 Insequitur, trepidique pedem pede fervidus urguet:
 Inclusum veluti si quando flumine nactus
 Cervum, aut puniceae septum formidine pennae, 750
 Venator cursu canis et latratibus instat;
 Ille autem, insidiis et ripa territus alta,
 Mille fugit refugitque vias, at vividus Umber
 Haeret hians, iam iamque tenet, similisque tenenti
 Increpuit malis, morsuque elusus inani est. 755
 Tum vero exoritur clamor, ripaeque lacusque
 Responsant circa, et coelum tonat omne tumultu.
 Ille simul fugiens Rutulos simul increpat omnes,
 Nomine quemque vocans, notumque efflagitat ensem;
 Aeneas mortem contra praesensque minatur 760
 Exitium, si quisquam adeat, terretque trementes,
 Excisurum urbem minitans, et saucius instat.
 Quinque orbes explent cursu, totidemque retexunt
 Huc illuc: neque enim levia aut ludicra petuntur
 Praemia, sed Turni de vita et sanguine certant. 765
 Forte sacer Fauno foliis oleaster amaris
 Hic steterat, nautis olim venerabile lignum,
 Servati ex undis ubi figere dona solebant
 Laurenti divo et votas suspendere vestes;
 Sed stirpem Teucri nullo discrimine sacrum 770
 Sustulerant, puro ut possent concurrere campo.
 Hic hasta Aeneae stabat, huc impetus illam
 Detulerat fixam et lenta in radice tenebat.
 Incubuit voluitque manu convellere ferrum



Iardanides, teloque sequi, quem prendere cursu 775
 non poterat. Tum vero amens formidine Turnus
 Faune, precor, miserere," inquit „tuque optima ferrum
 Terra tene, colui vestros si semper honores,
 Quos contra Aeneadae bello fecere profanos."
 dixit, opemque dei non cassa in vota vocavit: 780
 namque diu luctans lentoque in stirpe moratus
 viribus haud ullis valuit discludere morsus
 roboris Aeneas. Dum nititur acer et instat,
 cursus in aurigae faciem mutata Metisci
 occurrit fratrique ensem dea Daunia reddit. 785
 quod Venus audaci nymphae indignata licere,
 accessit, telumque alta ab radice revellit.
 Illi sublimes, armis animisque relecti,
 hic gladio fidens, hic acer et arduus hasta,
 adsistunt contra certamine Martis anhelis. 790
 Iunonem interea rex omnipotentis Olympi
 alloquitur, fulva pugnans de nube tuentem:
 Quae iam finis erit, coniux? quid denique restat?
 Indigetem Aenean scis ipsa, et scire fateris,
 Deberi coelo, fatisque ad sidera tolli. 795
 Quid struis, aut qua spe gelidis in nubibus haeres?
 Mortalin' decuit violari vulnere divum,
 Aut ensem - quid enim sine te Iuturna valeret? -
 Ereptum reddi Turno, et vim crescere victis?
 Desine iam tandem, precibusque inflectere nostris; 800
 Nec te tantus edat tacitam dolor, et mihi curae
 Saepe tuo dulci tristes ex ore recurrant.
 Ventum ad supremum est. Terris agitare vel undis
 Troianos potuisti, infandum accendere bellum,
 Deformare domum, et luctu miscere hymenaeos; 805
 Ulterius tentare veto." Sic Iupiter orsus;
 sic dea submisso contra Saturnia vultu:
 „Ista quidem quia nota mihi tua, magne, voluntas,
 Iupiter: et Turnum et terras invita reliqui;
 Nec tu me aëria solam nunc sede videres 810
 „Digna indigna pati, sed flammis cincta sub ipsam
 „Starem aciem traheremque inimica in proelia Teucros.

„Iuturnam misero, fateor, succurrere fratri
 „Suasi, et pro vita maiora audere probavi;
 „Non ut tela tamen, non ut contenderet arcum: 815
 „Adiuro Stygii caput implacabile fontis,
 „Una superstitio superis quae reddita divis.
 „Et nunc cedo equidem, pugnasque exosa relinquo;
 „Illud te, nulla fati quod lege tenetur,
 „Pro Latio obtestor, pro maiestate tuorum: 820
 „Quum iam connubiis pacem felicibus - esto -
 „Component, cum iam leges et foedera iungent;
 „Ne vetus indigenas nomen mutare Latinos,
 „Neu Troas fieri iubeas Teucrosque vocari,
 „Aut vocem mutare viros, aut vertere vestem. 825
 „Sit Latium, sint Albani per saecula reges,
 „Sit Romana potens Itala virtute propago;
 „Occidit, occideritque sinas cum nomine Troia.“
 Olli subridens hominum rerumque repertor:
 „Es germana Iovis Saturnique altera proles: 830
 „Irarum tantos volvis sub pectore fluctus?
 „Verum age et inceptum frustra submitte furorem:
 „Do, quod vis, et me victusque volensque remitto.
 „Sermonem Ausonii patrium moresque tenebunt,
 „Utque est, nomen erit; commixti corpore tantum 835
 „Subsident Teucri. Morem ritusque sacrorum
 „Adiiciam, faciamque omnes uno ore Latinos.
 „Hinc genus Ausonio mixtum quod sanguine surget,
 „Supra homines, supra ire deos pietate videbis,
 „Nec gens ulla tuos aequae celebrabit honores.“ 840
 Adnuat his Iuno, et mentem laetata retorsit;
 Interea excedit coelo, nubemque relinquit.
 His actis aliud genitor secum ipse volutat,
 Iuturnamque parat fratris dimittere ab armis.
 Dicuntur geminae pestes cognomine Dirae, 845
 Quas et Tartaream Nox intempesta Megaeram
 Uno eodemque tulit partu, paribusque revinxit
 Serpentum spiris, ventosasque addidit alas.
 Hae Iovis ad solium saevique in limine regis
 Apparent, acuuntque metum mortalibus aegris, 850






AENEIDOS LIB. XII.

345

Si quando letum horrificum morbosque deum rex
Molitur, meritas aut bello territat urbes.
Harum unam celerem demisit ab aethere summo
Iupiter, inque omen Iuturnae occurrere iussit.
Illa volat, celerique ad terram turbine fertur: 855
Non secus ac nervo per nubem impulsa sagitta,
Armata saevi Parthus quam felle veneni,
Parthus sive Cydon, telum immedicabile, torsit,
Stridens et celeres incognita transilit umbras.
Talis se sata Nocte tulit, terrasque petivit. 860
Postquam acies videt Iliacas atque agmina Turni;
Alitis in parvae subitam collecta figuram,
Quae quondam in bustis aut culminibus desertis
Nocte sedens serum canit importuna per umbras,
Hanc versa in faciem Turni se pestis ob ora 865
Fertque refertque sonans, clipeumque everberat alis.
Illi membra novus solvit formidine torpor,
Arrectaeque horrore comae, et vox faucibus haesit.
At, procul ut Dirae stridorem agnovit et alas,
Infelix crines scindit Iuturna solutos, 870
Unguibus ora soror foedans et pectora pugnis.
„Quid nunc te tua, Turne, potest germana iuvare,
„Aut quid iam durae superat mihi? Qua tibi lucem
„Arte morer? Talin' possum me opponere monstro?
„Iam iam linquo acies. Ne me terrete timentem, 875
„Obscenae volucres: alarum verbera nosco
„Letalemque sonum, nec fallunt iussa superba
„Magnanimi Iovis. Haec pro virginitate reponit?
„Quo vitum dedit aeternam? cur mortis adempta est
„Conditio? Possem tantos finire dolores 880
„Nunc certe, et misero fratri comes ire per umbras.
„Immortalis ego? aut quidquam mihi dulce meorum
„Te sine, frater, erit? O quae salis alta dehiscat
„Terra mihi, manesque deum demittat ad imos?“
Tantum effata, caput glauco contextit amictu 885
Multa gemens, et se fluvio dea condidit alto.
Aeneas instat contra, telumque coruscat
Ingens arboreum, et saevo sic pectore satur:

„Quae nunc deinde mora est, aut quid iam, Turne, retra-
 „Non cursu, saevis certandum est comminus armis. [ctas?
 „Verte omnes tete in facies, et contrahe, quidquid 891
 „Sive animis sive arte vales; opta ardua pennis
 „Astra sequi clausumque cava te condere terra!“
 Ille caput quassans: „Non me tua fervida terrent
 „Dicta, ferox; dī me terrent et Iupiter hostis.“ 895
 Nec plura effatus, saxum circumspicit ingens,
 Saxum antiquum, ingens, campo quod forte iacebat,
 Limes agro positus, litem ut discerneret arvis.
 Vix illud lecti bis sex cervice subirent,
 Qualia nunc hominum producit corpora tellus; 900
 Ille manu raptum trepida torquebat in hostem,
 Altior insurgens et cursu concitus heros.
 Sed neque currentem se nec cognoscit euntem,
 Tollentemve manu saxumque immane moventem;
 Genua labant, gelidus concrevit frigore sanguis. 905
 Tum lapis ipse viri, vacuum per inane volutus,
 Nec spatium evasit totum, neque pertulit ictum.
 Ac velut in somnis, oculos ubi languida pressit
 Nocte quies, nequidquam avidos extendere cursus
 Velle videmur, et in mediis conatibus aegri 910
 Succidimus; non lingua valet, non corpore notae
 Sufficiunt vires, nec vox aut verba sequuntur:
 Sic Turno, quacumque viam virtute petivit,
 Successum dea dira negat. Tum pectore sensus
 Vertuntur varij. Rutulos adspectat et urbem, 915
 Cunctaturque metu, telumque instare tremiscit;
 Nec, quo se eripiat, nec, qua vi tendat in hostem,
 Nec currus usquam videt aurigamque sororem.
 Cunctanti telum Aeneas fatale coruscat,
 Sortitus fortunam oculis, et corpore toto 920
 Eminus intorquet. Murali concita numquam
 Tormento sic saxa fremunt, nec fulmine tanti
 Dissultant crepitus: volat atri turbinis instar
 Exitium dirum hasta ferens, orasque recludit
 Loricae et clipei extremos septemplicis orbes. 925
 Per medium stridens transit femur. Incidit ictus





Ingens ad terram duplicato poplite Turnus.
Consurgunt gemitu Rutuli, totusque remugit
Mons circum, et vocem late nemora alta remittunt.
Ille humilis supplexque oculos dextramque precantem 930
Proterendens „Equidem merui, nec deprecor“ inquit:
„Utere sorte tua. Miseri te si qua parentis
„Tangere cura potest; oro - fuit et tibi talis
„Anchises genitor -, Dauni miserere senectae,
„Et me, seu corpus spoliatum lumine mavis, 935
„Redde meis. Vicisti, et victum tendere palmas
„Ausonii videre; tua est Lavinia coniux:
„Ulterius ne tende odii.“ Stetit acer in armis
Aeneas, volvens oculos, dextramque repressit;
Et iam iamque magis cunctantem flectere sermo 940
Cooperat, infelix humero quum apparuit alto
Balteus, et notis fulserunt cingula bullis
Pallantis pueri, victum quem vulnere Turnus
Straverat atque humeris inimicum insigne gerebat.
Ille, oculis postquam saevi monumenta doloris 945
Exuviasque hausit, furiis accensus et ira
Terribilis: „Tunc hinc spoliis indute meorum
„Eripiare mihi? Pallas te hoc vulnere, Pallas
„Immolat, et poenam scelerato ex sanguine sumit.“
Hoc dicens ferrum adverso sub pectore condit 950
Fervidus; ast illi solvuntur frigore membra,
Vitaque cum gemitu fugit indignata sub umbras.

P. VIRGILII MARONIS

C U L E X

AD OCTAVIUM.


Lusimus, Octavi, gracili modulante Thalia,
Atque, ut araneoli, tenuem formavimus orsum,
Lusimus: haec propter Culicis sint carmina dicta.
Omnis ut historiae per ludum consonet ordo
Notitiae: ducam voces, licet invidus adsit.

Quisquis erit culpae iocos Musamque paratus,
 Pondere vel Culicis levior famaue feretur.
 Posterius graviore sono tibi Musa loquetur
 Nostra, dabunt cum securos mihi tempora fructus,
 Ut tibi digna tuo poliantur carmina sensu. 10

Latonae magnique Iovis decus, aurea proles,
 Phoebus erit nostri princeps et carminis auctor,
 Et recinente lyra fautor, sive educat illum
 Acta Chimaereo Xanthi perfusa liquore,
 Seu decus Asteriae, seu qua Parnasia rupes 15
 Hinc atque hinc patula praepandit cornua fronte,
 Castaliaeque sonans liquido pede labitur unda.
 Quare, Pierii laticis decus, ite, sorores
 Naiades, et celebrate deum ludente chorea.
 Et tu sancta Pales, ad quam ventura recurrit 20
 Agrestum bona sors, si qua est tibi cura tenentis
 Aërios nemorum saltus silvasque virentes:
 Te cultrice vagus saltus feror inter et astra.

Et tu, cui meritis oritur fiducia chartis,
 Octavi venerande, meis allabere coeptis, 25
 Sancte puer: tibi namque canit non pagina bellum,
 Phlegra Giganteo sparsa est quo sanguine tellus;
 Nec Centaureos Lapithas compellit in enses;
 Urit Erichthonias Oriens non ignibus arces,
 Nec perfossus Athos nec magno vincula Ponto 30
 Lecta meo quaerent iam sera volumine famam;
 Non Hellespontus pedibus pulsatus equorum,
 Graecia cum timuit venientes undique Persas;
 Mollia sed tenui decurrens carmina versu,
 Viribus apta suis, Phoebus duce, ludere gaudet. 35
 Et tibi, sancte puer, memorabitur: et tibi certet
 Gloria perpetuum lucens, mansura per aevum.
 Et tibi sede pia maneat locus, et tibi sospes
 Debita felices numeretur vita per annos,
 Grata, bonis lucens. Sed nos ad coepta feramur. 40

Ignis aethereas iam Sol penetrarat in arces,
 Candidaque aurato quatiebat lumina curru,
 Crinibus et roseis tenebras Aurora fugarat:





CULEX.

349

Propulit e stabulis ad pascua laeta capellas
Pastor, et excelsi montis iuga summa petivit, 45
Lucida qua patulos velabant gramina colles.
Iam silvis dumisque vagae, iam vallibus abdunt
Corpora, iamque omni celeres e parte vagantes
Tondebant tenero viridantia gramina morsu.
Scrupea desertae haerebant ad cava rupis, 50
Pendula proiectis carpuntur et arbute ramis,
Densaue virgultis avide labrusca petuntur.
Haec suspensa rapit carpente cacumina morsu
Vel salicis lentae, vel quae nova nascitur alnus;
Haec teneras fruticum sentes rimatur; at illa 55
Imminet in rivi praestantis imaginis undam.
O bona pastoris, si quis non pauperis usum
Mente prius docta fastidiat, et probet illa
Omnia, luxuriae spretis incognita curis,
Quae lacerant avidas inimico pectore mentes. 60
Si non Assyrio fuerint bis lauta colore
Attalicis opibus data vellera; si nitor auri
Sub laqueare domus animum non tangit avarum,
Picturaeque decus, lapidum nec fulgor in ulla
Cognitus utilitate manet, nec pocula gratum 65
Alconis referent Boetique toreuma, nec Indi
Conchea bacca maris pretio est: at pectore puro
Saepe super tenero prosternit gramine corpus,
Florida cum tellus gemmantes picta per herbas
Vere notat dulci distincta coloribus arva; 70
Atque illum, calamo laetum recinente palustri,
Otiaque invidia degentem ac fraude remota,
Pollentemque sibi, viridi cum palmite lucens
Tmolia pampineo subter coma velat amictu.
Illi sunt gratae rorantes lacte capellae, 75
Et nemus, et secunda Pales, et vallibus inis
Semper opaca novis manantia fontibus antra.
Quis magis optato queat esse beatior aevo,
Quam qui mente procul pura sensuque probando
Non avidas cognoscit opes, nec tristia bella 80
Nec funesta timet validae certamina classis,

Nec spoliis dum sancta deùm fulgentibus ornet
 Templa vel evectus finem transcendat habendi,
 Adversum saevis ultro caput hostibus offert?

Illi falce deus colitur, non arte, politus;

85

Ille colit lucos; illi Panchaïa tura

Floribus agrestes herbae variantibus adsunt;

Illi dulcis adest requies et pura voluptas,

Libera simplicibus curis: huc imminet, omnes

Dirigit huc sensus, haec cura est subdita cordi,

90

Quolibet ut requie victu contentus abundet,

Iucundoque liget languentia corpora somno.

O pecudes, o Panes et o gratissima Tempe

Fontis Hamadryadum, quarum non divite cultu

Aemulus Ascraeo pastor sibi quisque poëtae

95

Securam placido traducit pectore vitam!

Talibus in studiis baculo dum nixus apricas

Pastor agit curas, et dum non arte canorus

Compacta solitum modulatur arundine carmen;

Tendit inevectus radios Hyperionis ardor,

100

Lucidaque aethereo ponit discrimina mundo,

Qua iacit Oceanum flammās in utrumque rapaces.

Et iam compellente vagae pastore capellae

Ima susurrantis repebant ad vada lymphae,

Quae subter viridem residebant caerula museum.

105

Iam medias operum partes evectus erat sol.

Cum densas pastor pecudes cogebat in umbras,

Et procul adspexit luco residere virenti,

Delia diva, tuo, quo quondam victa furore

Venit, Nyctelium fugiens, Cadmeis Agave,

110

Infandas scelerata manus ex caede cruenta:

Quae gelidis bacchata iugis requievit in antro,

Posterior poenam gnati de morte datura.

Hic etiam viridi ludentes Panes in herba

Et Satyri Dryadesque choros egere puellae

115

Naiadum coetu. Tantum non Orpheus Hebrum

Restantem tenuit ripis silvasque canendo,

Quantum te pernix remorantem, Diva, choreae,

Multa tuo laetae fundentes gaudia vultu,



loci natura domum, resonante susurro, 120
 dabat, et dulci fessas refovebat in umbra.
 primum prona surgebant valle patentes
 ae platanus, inter quas impia lotos,
 a, quae socios Ithaci maerentis abegit,
 ita dum nimia tenuit dulcedine captos. 125
 quibus insigni curru proiectus equorum
 ustus Phaëthon luctu mutaverat artus,
 ades, teneris amplexae brachia truncis,
 lida fundebant tentis velamina ramis.
 erius, cui Demophoon aeterna reliquit 130
 dia lamentari, male provida Phyllis;
 n comitabantur fatalia carmina quercus,
 cus ante datae, Cereris quam semina, vitae:
 Triptolemi mutavit sulcus aristis.
 magnum Argoae navi decus edita pinus 135
 eras decorat silvas hirsuta per artus;
 etit aëreis contingere montibus astra
 et nigrae species et laeta cupressus;
 rosaeque monent fagus, hederacque ligantes
 hia, fraternos plangat ne populus ictus, 140
 eque excedunt ad summa cacumina lentae,
 untque aureolos viridi pallore corymbos;
 aderat veteris myrtus non nescia fati.
 olucres patulis residentes dulcia ramis
 uina per varios edunt resonantia cantus. 145
 suberat gelidis manans e fontibus unda,
 levibus placidum rivis sonat acta liquorem.
 illi geminas avium vox obstrepat aures.
 querulas referunt voces, quâs nantia limo
 ora lympa foveat; sonitus aliâ aëris Echo, 150
 itis et cuncta fremunt ardore cicadis.
 circa passim fessae cubuere capellae,
 alsisque super dumis, quos leniter afflans
 susurrantis possit confundere venti.
 stor, ut ad fontem densa requievit in umbra, 155
 m concepit proiectus membra soporem,
 us insidiis nullis; sed leptus in herbis

Securo fessos somno mandaverat artus.
 Stratus humi dulcem capiebat corde quietem,
 Ni fors incertos iussisset ducere casus. 160
 Nam solitum volvens ad tempus tractibus îdem
 Immanis vario maculatus corpore serpens,
 Mersus ut in limo magno subsideret aestu,
 Ille viam contra carpens, gravis ore trilingui,
 Squamosos late torquebat motibus orbes, 165
 Tollebatque auræ venientis ad omnia visus.
 Iam magis atque magis corpus revolubile volvens
 Attollit nitidis pectus fulgoribus atque
 Sublimi cervice caput, cui crista superne
 Edita purpureo lucens maculatur amictu, 170
 Adspectuque micant flammantia lumina torvo.
 Metabat late circum loca, cum videt ingens
 Adversum recubare ducem gregis. Acrior instat
 Lumina diffundens intendere, et obvia torvo
 Saepius arripiens infringere, quod sua quisquam 175
 Ad vada venisset. Naturæ comparat arma:
 Ardet mente, furit stridoribus, intonat ore,
 Flexibus inversis torquetur corporis orbis,
 Manant sanguineae per tractus undique guttae,
 Spiritibus rumpit fauces. Quo cuncta parante, 180
 Parvulus humoris pastorem terret alumnus,
 Et mortem vitare monet per acumina: namque
 Qua diducta genas pandebant lumina gemmis,
 Ac senioris erat naturæ pupula, telo
 Icta levi. Tum prosiluit furibundus, et illum 185
 Obtritum morti misit: cui dissitus omnis
 Spiritus excessit sensus. Tum torva tenentem
 Lumina respexit serpentem comminus; inde
 Impiger, exanimis, vix compos mente, refugit,
 Et validum dextra truncum detraxit ab orno; - 190
 Cui casus sociarit opem numenve deorum,
 Prodere sit dubium; voluit sed vincere talis
 Horrida squamosi volventia membra draconis; -
 Atque reluctantis crebris foedeque petentis
 Ictibus ossa ferit, cingunt qua tempora cristæ; 195



quod erat tardus, somni languore remoto,
 prius adspiciens timidos caecaverat artus:
 minus implicuit dira formidine mentem.
 m postquam vidit caesum languescere; sedit.
 m quatit et biuges oriens Erebo cit equos Nox, 200
 riger aurata procedit Vesper ab Oeta:
 grege compulso pastor, duplicantibus umbris,
 it et in fessos requiem dare comparat artus.
 is ut intravit levior per corpora somnus,
 guidaque effuso requierunt membra sopore; 206
 ies ad eum culicis devenit, et illi
 lis ab eventu cecinit convicia mortis.
 ut: „Quid meritus, ad quae delatus acerbis
 gor adire vices? Tua dum mihi carior ipsa
 a fuit vita, rapior per inania ventis. 210
 lentus refoves iucunda membra quiete,
 eptus tetrus e cladibus; at mea Manes
 scera Lethaeas cogunt transnare per undas:
 eda Charontis agor. Vidi ut flagrantia taedis
 ina collucent infernis omnia templis. 215
 via Tisiphone, serpentibus undique comta,
 flammis et saeva quatit mihi verbera poenae,
 berus et diris flagrat latratibus ora,
 guibus hinc atque hinc horrent cui colla reflexis,
 guineique micant ardorem luminis orbes. 220
 a, quid ab officio digressa est gratia, cum te
 stitui superis leti iam limine ab ipso?
 emia sunt pietatis ubi? Pietatis honores
 vanas abire vices, et rure recessit
 titia et prior illa fides? Instantia vidi 225
 erius: sine respectu mea fata relinquens
 pariles agor eventus. Fit poena merenti!
 na sit exitium: modo sit dum grata voluntas,
 sistat par officium. Feror avia carpens,
 ia Cimmerios inter distantia lucos: 230
 em circa tristes densentur in omnia poenae.
 n vinctus sedet immanis serpentibus Otos,
 vinctum maestus procul adspiciens Ephialten,
 RGILIUS. 23

„Conati cum sint quondam rescindere mundum;
 „Et Tityos, Latona, tuae memor anxius irae - 235
 „Implacabilis ira nimis -, iacet alitis esca.
 „Terreor ah tantis insistere, terreor, umbris!
 „Ad Stygias revocatus aquas, vix ultimus amni
 „Restat, nectareas divum qui prodidit escas,
 „Gutturis arenti revolutus in omnia sensu. 240
 „Quid, saxum procul adverso qui monte revolvit,
 „Contempsisse dolor quem numina vincit acerbus,
 „Otia quaerentem frustra? Vos ite, puellae,
 „Ite, quibus taedas accendit tristis Erinnyes,
 „Sicut Hymen praefata dedit connubia mortis! 245
 „Atque alias alio densat super agmine turmas,
 „Impietate fera vecordem Colchida matrem,
 „Anxia sollicitis meditantem vulnera natis;
 „Iam Pandionias miserandas prole puellas,
 „Quarum vox Ityn edit Ityn, quo Bistonius rex, 250
 „Orbus epops maeret volucres evectus in auras.
 „At discordantes Cadmeo semine fratres
 „Iam truculenta ferunt infestaque lumina corpus
 „Alter in alterius; iamque aversatur uterque,
 „Impia germani manat quod sanguine dextra. 255
 „Heu heu, mutandus numquam labor! Auferor ultra
 „In diversa magis; distantia limina cerno;
 „Eridanus tranandus; agor delatus ad undam.
 „Obvia Persephone comites heroïdas urget
 „Adversas perferre faces. Alcestis ab omni 260
 „Inviolata vacat cura, quod saeva mariti
 „Ipsa suis fatis Admeti fata morata est.
 „Ecce, Ithaci coniux semper decus Icariotis,
 „Femineum incorrupta decus manet, et procul illa
 „Turba ferox iuvenum telis confixa procorum. 265
 „Quid misera Eurydice tanto maerore recessit,
 „Poenaque respectus et nunc manet, Orpheus, in te?
 „Audax ille quidem, qui mitem Cerberon unquam
 „Credidit, aut ulli Ditis placabile numen,
 „Nec timuit Phlegethonta furem ardentibus undis, 270
 „Nec maesta obtenta Ditis ferrugine regna,

10

3.

•


•

•

•

• •

.



fossasque domos ac Tartara nocte cruenta
 visita, nec faciles Ditis sine iudice sedes,
 dice, qui vitae post mortem vindicat acta.
 sed fortuna valens audacem fecerat ante. 275
 non rapidi steterant amnes, et turba ferarum
 tanta voce sequax regionem insederat Orphei;
 necque imam viridis radicem moverat alte
 per humo: steterant omnes, silvaeque sonorae
 monte sua cantus capiebant cortice avara. 280
 volubentes biiuges etiam per sidera Lunae
 cessit equos: et tu currentes, menstrua Virgo,
 auditura lyram, tenuisti nocte relictâ.
 nec eadem potuit Ditis te vincere coniux,
 Phrydicenque ultro ducendam reddere? Non fas: 285
 non erat invictae divinae exorabile numen!
 sed quidem, nimium Manes experta severos,
 acceptum signabat iter, nec retulit intus
 numina, nec divinae corripit munera lingua;
 sed tu crudelis, crudelis tu magis, Orpheu, 290
 oscula cara petens rupisti iussa deorum.
 ignis amor venia, gratum si Tartara nossent
 peccatum minus esse grave. At nos sede piorum,
 hic manet heroum contra manus. Hic et uterque
 Peleides, Peleus namque et Telamonia virtus, 295
 hic secunda patris laetantur numina, quorum
 in nubibus Venus et Virtus iniunxit honorem.
 hic rapuit serva; ast illum Nereïis amavit.
 insidet hac iuvenis, sociat quem gloria, fortis,
 hic, inexcussus, referens a navibus ignes 300
 Argolicis Phrygios torva feritate repulsos.
 quis non referat talis divortia belli,
 Troiae videre viri, videreque Graii,
 Ilium cum magno manaret sanguine tellus,
 hic Simoïs Xanthique liquor, Sigeaque praeter 305
 Ilium cum Troas saevi ducis Hectoris ira
 videre in classes inimica mente Pelasgas
 vulnera, tela, necesse, ignes inferre paratos.
 Ilium iugis namque arma patens feritatis, et ipsas

„Ida faces altrix cupidis praebibat alumnis, 310
 „Omnis ut in cineres Rhoetæi litoris ora
 „Classibus ambustis flamma superante daretur.
 „Hinc erat oppositus, contra Telamonius heros,
 „Obiectoque dabat clipeo certamina; et illinc
 „Hector erat, Troiae summum decus: acer uterque, 315
 „Fulminibus coelo veluti fragor editus alto,
 „Ignibus hic telisque super si classibus Argos
 „Eripiat redivus, ille ut Vulcania ferro
 „Vulnera proiectus depellere navibus instet.
 „Hoc erat Aeacides alter laetatus honore; 320
 „Dardaniaeque alter fuso quod sanguine campos,
 „Hectoreo victor lustravit corpore Troiam.
 „Rursus acerba fremunt, Paris hunc quod letat, et huius
 „Alma dolis Ithaci virtus quod concidit icta.
 „Huic gerit aversos proles Laërtia vultus, 325
 „Et iam Strymonii Rhesi victorque Dolonis,
 „Pallade iam laetatur ovans; rursusque tremiscit
 „Iam Ciconas, iam iamque horret Laestrygonas atrox.
 „Illum Scylla rapax, canibus succincta Molossis,
 „Aetnaeusque Cyclops, illum metuenda Charybdis 330
 „Pallentesque lacus et squalida Tartara terrent.
 „Hic et Tantalei generis decus, amplius Atrides,
 „Assidet, Argivum lumen, quo flamma regente
 „Doris Erichthonias prostravit funditus arces.
 „Reddidit, heu, Graius poenas tibi, Troia, ruenti, 335
 „Hellespontiacis obiturus reddidit undis.
 „Illa vices hominum testata est copia quondam,
 „Ne quisquam propriae fortunae munere dives
 „Iret inevectus coelum super: omne propinquo
 „Frangitur invidiae telo decus. Ibat in altum 340
 „Vis Argea petens patriam, ditataque praeda
 „Arcis Erichthoniae; comes huic erat aura secunda;
 „Per placidum cursu pelagus Nereis ab unda
 „Signa dabat; pars inflexis super acta carinis:
 „Cum, seu coelesti fato seu sideris ortu, 345
 „Undique mutatur coeli nitor, omnia ventis,
 „Omnia turbinibus sunt anxia. Iam maris unda

1.

2.

3.

4.

5.

6.

7.

8.

9.

10.

11.


12.

13.

14.

15.

16.



leribus certat consurgere, iamque superne
 rripere et Soles et sidera cuncta minatur,
 : ruere in terras coeli fragor. Hic modo laeta 350
 pia nunc miseris circumdatur anxia fatis,
 moriturque super fluctus et saxa Capharei,
 boïcas aut per cautes Aegaeaque late
 ora, cum Phrygiae passim vaga praeda peremtae
 ictuat omnis in aequoreo iam naufraga tractu. 355
 : alii sidunt pariles virtutis honore
 roës, mediisque siti sunt sedibus omnes,
 nes Roma decus magni quos suscipit orbis.
 : Fabii Decique, hic est et Horatia virtus;
 : et fama vetus numquam moritura Camilli; 360
 rtius et, mediis quem quondam sedibus Urbis
 votum bellis consumsit gurgitis haustus;
 : cius et, prudens ardorem corpore passus,
 gitime cessit cui fracta potentia regis;
 : Curius clarae socius virtutis, et ille 365
 iminius, devota dedit qui corpora famae.
 e igitur tales sedes pietatis honorat!
 c Scipiadaeque duces, devota triumphis
 enia quos rapidos Libycae Carthaginis horrent.
 laude sua vigeant; ego Ditis opacos 370
 gor adire lacus, viduos a lumine Phoebi,
 vastum Phlegethonta pati, quo maxima Minos
 nscelerata pia discernit limina sede.
 go iam causam mortis, iam dicere vitae
 rberibus saevae cogunt sub iudice Poenae, 375
 n mihi tu sis causa mali, nec conscius adsis.
 : tolerabilibus curis haec immemor audi!
 tamen ut vanis dimittas omnia ventis:
 gredior numquam rediturus. Tu cole fontes
 virides nemorum silvas et pascua laetus: 380
 mea diffusas rapiantur dicta per auras!"
 t, et extrema tristis cum voce recessit.
 unc ubi sollicitum dimisit inertia vitae,
 rius graviter regementem, nec tulit ultra
 sibus infusum culicis de morte dolorem: - 385

Quantumcumque sibi vires tribuere seniles;
 Quis tamen infestum pugnans devicerat hostem: -
 Rivum propter aquae viridi sub fronde latentem
 Conformare locum capit impiger; hunc et in orbem
 Destinat ac fieri capuli repetivit in usum, 390
 Gramineam viridi fodiens de cespite terram.
 Iam memor inceptum peragens sibi cura laborem
 Congestum cumulavit opus, atque aggere multo
 Telluris tumulus formatum crevit in orbem;
 Quem circum lapidem laevi de marmore formans 395
 Conserit, assiduae curae memorem. Hic et acanthus
 Et rosa purpureo crescit rubicunda colore,
 Et violae omne genus; hic est et Spartica myrtus
 Atque hyacinthus, et hic Cilici crocus editus arvo,
 Laurus item Phoebi surgens decus; hic rhododaphne 400
 Liliaque et roris non avia cura marini,
 Herbaque turis opes priscis imitata Sabina,
 Chrysanthosque, hederaeque nitor pallente corymbo,
 Et Bocchus Libyae regis memor; hic amaranthus
 Bupthalmusque virens et semper florida pinus. 405
 Non illinc Narcissus abest, cui gloria formae
 Igne Cupidinea proprios exarsit in artus.
 Et quoscumque novant vernantiâ tempora flores,
 His tumulus super inseritur; tum fronte locatur
 Elogium, tacita format quod litera voce: 410
*Parve Culex, pecudum custos tibi tale merenti
 Funeris officium vitae pro munere reddit.*

P. VIRGILII MARONIS

C I R I S

AD MESSALAM.

Etsi me, vario iactatum laudis amore
 Irritaque expertum fallacis praemia vulgi,
 Cecropius suaves expirans hortulus auras
 Florentis viridi Sophiae complectitur umbra:
 Non ea quaeret eo dignum sibi quaerere carmen.



ge aliud studium atque alios accincta labores,
 is ad magni subtendit sidera mundi,
 lacitum paucis ausa est adscendere collem.
 tamen absistam coeptum detexere munus:
 uo iure meas utinam requiescere Musas, 10
 eviter blandum liceat deponere morem.
 d si mirificum: modo sit tibi velle libido!
 e iam summa Sapientia pangeret arce,
 uor antiquis quae heredibus est data consors,
 e hominum errores longe lateque per orbem 15
 picere atque humiles possem contemnere curas:
 ego te talem venerarẽ munere tali,
 equidem, quamvis interdum ludere nobis
 racilem molli liceat pede claudere versum;
 magno intexens, si fas est dicere, peplo, 20
 lis Erechtheis olim portatur Athenis,
 ita cum castae solvuntur vota Minervae,
 lave confecto redeunt Quinquennia lustro,
 i levis alterno Zephyrus concrebruit Euro,
 rono gravidum provexit pondere currum. 25
 x illa dies, felix et dicitur annus,
 ces, qui talem annum videre diemque!
 o Palladiae texuntur in ordine pugnae,
 na Giganteis ornantur pepla tropaeis,
 rida sanguineo pinguntur proelia cocco; 30
 litur aurata deiectus cuspide Typhon,
 prius, Ossaeis consternens aethera saxis,
 athio celsum duplicabat vertice Olympum.
 deae velum solemnĩ in tempore portant:
 te vellem, iuvenum doctissime, ritu 35
 aureos inter Soles et candida Lunae
 ra, caeruleis qrbem pulsantia bigis,
 rae rerum magnis intexere chartis;
 ernum Sophiae coniunctum carmine nomen
 tra tuum senibus loqueretur pagina seclis. 40
 quoniam ad tantas nunc primum nascimur artes,
 ic primum teneros firmamus robore nervos;
 ic tamen interea, quae possumus, in quibus aevi

Prima rudimenta et primos exegimus annos,
 Accipe dona meo multum vigilata labore, 45
 Et promissa diu non magna exordia rebus:
 Impia prodigiis ut quondam exterrita amoris
 Scylla novos avium sublimis in aëre coetus
 Viderit, et tenui conscendens aethera penna
 Caeruleis sua tecta supervolitaverit alis, 50
 Hanc pro purpureo poenam scelerata capillo
 Proque patris solvens excisa funditus urbe.
 Complures illam et magni, Messala, poëtae -
 Nam verum fateamur: amat Polyhymnia verum -
 Longe alia perhibent mutatam membra figura: 55
 Scyllaeum saxum monstra infectata vocari;
 Illam Messanam, quam saepe legamus Ulixi,
 Candida succinctam latrantibus inguina monstris,
 Dulichias vexasse rates et gurgite in alto
 Deprensos nautas canibus lacerasse marinis. 60
 Sed neque Maeoniae haec patiuntur credere chartae
 Nec malus istorum dubiis erroribus auctor.
 Namque alias alii vulgo finxere puellas,
 Quae Colophonico Scyllae dicantur Homero.
 Ipse Crataein ait matrem; sed sive Crataeis, 65
 Sive illam monstro genuit germana biformi,
 Sive est neutra parens, atque hoc in carmine toto
 Inguinis est vitium et veneris descripta libido;
 Sive etiam est iactis speciem mutata venenis
 Infelix virgo - quid enim commiserat illa? 70
 Ipse Pater nudam saeva complexus arena
 Coniugium carae violaverat Amphitrites.
 Attamen exegit longo post tempore poenas,
 Ut, cum cura sui veheretur coniugis alto,
 Ipsa trucem multo misceret sanguine pontum -; 75
 Seu vero, ut perhibent, forma cum vinceret omnes
 Et cupidos quaestu passim popularet amantes,
 Piscibus et canibus rabidis vallata repente
 Horribiles circum vidit se sistere formas -
 Heu quoties mirata novos expalluit artus
 Ipsa suos! quoties heu pertimuit latratus! -, 80





Ausa quod est mulier numen fraudare deorum
Et dictam Veneri voto intervertere poenam:
Quam, mala multiplici iuvenum quod saepta caterva
Dixerat atque animo meretrix inctata ferarum, 85
Infamem tali merito rumore fuisse,
Docta Palaephatia testatur voce papyrus.
Quidquid et ut quisque est tali de clade locutus,
Omnia sint: potius liceat notescere Cirim,
Atque, unam ex multis Scyllam non esse puellis. 90
Quare quae, cantus meditantem mittere certos,
Magna mihi cupido tribuistis praemia, divae
Picrides - quarum castos altaria postes
Munero saepe meo inficiunt, foribusque hyacinthi
Deponunt flores, aut suave rubens narcissus, 95
Aut crocus alterna coniungens lilia caltha,
Sparsaque liminibus floret rosa -, nunc age, divae,
Praecipue nostro nunc adspirate labori,
Atque novum aeterno praetexite honore volumen.
Sunt Pandionis vicinae sedibus urbes 100
Actaeos inter colles et candida Thesei
Purpureis late ridentia litora conchis,
Quarum non ulli fama concedere digna
Stat Megara, Actaei quondam munita labore
Alcathoi Phoebique: deus namque adfuit illi; 105
Unde etiam, citharae voces imitatus acutas,
Saepe lapis recrepat Cyllenia murmura pulsus,
Et veterem sonitu Phoebi testatur amorem.
Hanc urbem, ante alios qui tum florebat in armis,
Fecerat infestam populator remige Minos, 110
Hospitio quod se Nisi Polyidos avito,
Carpathium fugiens et flumina Caerata,
Texerat. Hunc bello repetens Gortynius heros
Attica Cretaea sternebat rura sagitta.
Sed neque tunc cives, neque tunc rex ipse veretur 115
Infesto ad muros volitantes agmine turmas
Vincere, et indomitas virtute retundere mentes,
Responsum quoniam satis est meminisse deorum.
Nam capite a summo regis - mirabile dictu -

Candida caesaries, - florebant tempora lauro - 120
At roseus medio surgebat vertice crinis :
Cuius quam servata diu natura fuisset,
Tam patriam incolumem Nisi regnumque futurum,
Concordes stabili firmarunt numine Parcae.
Ergo omnis caro residebat cura capillo : 125
Aurea solemni comtum quem fibula ritu
Crobylus et tereti nectebant dente cicadae.
Nec vero haec urbis custodia vana fuisset,
Nec fuerat, ni Scylla novo concepta furore,
Scylla, patris miseri patriaeque inventa sepulcrum, 130
O nimium cupidis si non inhiasset ocellis !
Sed malus ille puer, quem nec sua flectere mater
Iratum potuit, quem nec pater atque avus idem
Iupiter - ille etiam Poenos domitare leones
Et validas docuit vires mansuescere tigris ; 135
Ille etiam divos, homines... sed dicere magnum est -,
Idem tum tristes acuebat parvulus iras.
Iunonis magnae, cuius periuria divae,
Olim si meminere, diu periura puellae
Non ulli liceat, violaverat inscia sedem, 140
Dum sacris operata deae lascivit et extra
Procedit longe matrum comitumque catervam,
Suspensam gaudens in corpore ludere vestem,
Et tumidos agitante sinus Aquilone relaxans.
Necdum etiam castos gustaverat ignis honores, 145
Necdum solemni lympa perfusa sacerdos
Pallentis foliis caput exornarat olivae ;
Cum lapsa e manibus fugit pila, cumque relapsa
Procurrit virgo : quod uti ne prodita ludo
Auratam gracili solvisset corpore pallam ! 150
Omnia, quae retinere gradum cursusque morari
Possent, o tecum vellem tua semper haberes :
Non umquam violata manu sacraria divae
Urendo, infelix, nequidquam thura piasses.
Et si quis nocuisse tibi periuria credat, 155
Causa pia est : timuit fratri te ostendere Iuno.
At levis ille deus, cui semper ad ulciscendum

1. 1

2. 2

3. 3

4. 4

5. 5

6. 6

7. 7

8. 8

9. 9

10. 10

11. 11

12. 12

13. 13

14. 14

15. 15


16. 16

17. 17

18. 18

19. 19

20. 20



ar ex omni verborum iniuria dicto,
 ulgenti depromens tela pharetra,
 nium mentem et nimium irritantia visu, 160
 in tenera defixerat omnia mente.
 mul ac venis hausit sitientibus ignem,
 um penitus concepit in ossa furorem:
 elut gelidis Edonum Bistonis oris,
 barbarico Cybeles antistita buxo, 165
 virgo tota bacchatur in urbe,
 race Idaeo flagrantés tincta capillos,
 non teneris pedibus Sicyonia servans,
 eo retinens baccata monilia collo.
 illi incerto trepidant vestigia cursu: 170
 edit patrios adscendere perdita muros,
 que facit causam se visere turres;
 etiam tristes volvens in nocte querelas,
 ex altis coeli speculatur amorem,
 que prospectat crebris lucentia flammis. 175
 olum novit, carum non respicit aurum,
 guta sonant tenui psalteria chorda,
 cyco molles plauduntur pectine telae.
 in ore rubor: ubi enim rubor, obstat amori.
 ubi nulla malis reperit solatia tantis, 180
 lamque videt labi per viscera mortem:
 cat ire dolor, subigunt quo tendere fata,
 et horribili praeceps impellitur oestro,
 is, ah demens, crimen te vertice ferret
 que arguto detonsum mitteret hosti - 185
 e haec conditio miserae proponitur una - ,
 a ignorans: quis non bonus omnia malit
 e, quam tanti sceleris damnare puellam?
 men infelix - quid enim imprudentia prodest? -
 ater, cui, direpta crudeliter urbe, 190
 it una super sedes in turribus altis,
 ubi exstructo possis considerare nido.
 que avis moriere: dabit tibi filia poenas.
 le, o celeres, subnixae nubibus altis,
 nare, quae virides silvas lucosque sonantes 195

Incolitis, gaudete, vagae blandaque volucres;
 Vosque adeo, humani mutatae corporis artus,
 Vos o crudeli fatorum lege, puellae
 Dauliades, gaudete: venit carissima vobis
 Cognatos augens reges numerumque suorum 200
 Ciris, et ipse pater. Vos, o pulcherrima quondam
 Corpora, caeruleas praevertite in aethera nubes,
 Qua novus ad superum sedes Haliaeetus, et qua
 Candida concessos adscendat Ciris honores.

Iamque adeo dulci devinctus lumina somno 205
 Nisus erat, vigilumque procul custodia primis
 Excubias foribus studio iactabat inani:
 Cum furtim tacito descendens Scylla cubili
 Auribus arrectis nocturna silentia tentat,
 Et pressis tenuem singultibus aëra captat. 210
 Tum suspensa levans digitis vestigia primis
 Egreditur, ferroque manus armata bidenti
 Evolat; at demtae subita in formidine vires.
 Caeruleas sua furta prius testatur ad umbras.
 Nam, qua se ad patrium tendebat semita limen, 215
 Vestibulo in thalami paullum remoratur, et alti
 Suspicit ad Lunae nutantia sidera mundi,
 Non accepta piis promittens munera divis.
 Quam simul Ogygii Phoenicis filia Carme
 Surgere sensit anus - sonitum nam fecerat illi 220
 Marmoreo aeratus stridens in limine cardo -,
 Corripit extemplo fessam languore puellam,
 Et simul „O nobis sacrum caput,“ inquit „alumna,
 „Non tibi nequidquam viridis per viscera pallor
 „Aegrotas tenui suffudit sanguine venas, 225
 „Nec levis, hoc faceres - neque enim pote -, cura subegit.
 „Haud fallor, quod ut o potius, Rhamnusia, fallar!
 „Nam qua te causa nec dulcis pocula Bacchi
 „Nec gravidos Cereris dicam contingere fetus;
 „Qua causa ad patrium solam vigilare cubile, 230
 „Tempore quo fessas mortalia pectora curas,
 „Quo rapidos etiam requiescunt flumina cursus?
 „Dic age nunc miserae saltem, quod saepe petenti



s nihil esse mihi, cum maesta parentis
 sos circum virgo morerere capillos? 235
 mihi, ne furor ille tuos invaserit artus,
 rabae Myrrhae quondam qui cepit ocellos,
 lere infando, quod nec sinit Adrastea,
 re utrumque uno studeas errore parentem!
 si alio quovis animo iactaris amore - 240
 i iactari, non est Amathusia nostri
 idis, ut nullo possim cognoscere signo -,
 cessus amor noto te macerat igne:
 i Dictynnae praesentia numina iuro,
 deum quae dulce mihi te donat alumnam, 245
 me potius digna atque indigna laborum
 visuram, quam te tam tristibus istis
 is et morbo patiar tabescere tali."
 quitur, mollique ut se velavit amictu,
 am iniecta circumdat veste puellam, 250
 ius in tenui steterat succincta crocota.
 leinde genis rorantibus oscula figens,
 itur miserae causas exquirere tabis;
 en ante ullas patitur sibi reddere voces,
 eum tremebunda pedem quam retulit intra. 255
 m „Quid nunc me,“ inquit „nutricula, torques?
 antum properas nostros novisse furores?
 o consueto mortalibus uror amore,
 mi notorum deflectunt lumina vultus,
 nitor cordi est: ultro namque odimus omnes. 260
 at hic animus, nutrix, quod oportet amari,
 falsa tamen lateat pietatis imago;
 edia ex acie, mediisque ex hostibus. Heu, heu,
 icam, quove ipsa malum hoc exordiar ore? 264
 equidem, quoniam — quid non tibi dicere, nutrix,
 nis? extremum hoc munus morientis habeto. 266
 ides -, nostris qui moenibus assidet hostis,
 pater ipse deum sceptri donavit honore,
 rcae tribuere nec ullo vulnere laedi -
 lum est, frustra circumvehor omnia verbis - 270
 a, ille idem, oppugnat praecordia Minos.

„Quod per te divum crebros testamur amores,
 „Perque tuum memori sanctum mihi pectus alumnae,
 „Ut me, si servare potes, ne perdere malis;
 „Sin autem optatae spes est incisa salutis, 25
 „Ne mihi, quam merui, inideas, nutricula, mortem.
 „Nam nisi te nobis malus, o malus, optima Carme,
 „Ante hunc conspectum casusve deusve tulisset,
 „Aut ferro hoc“ — aperit ferrum quod veste latebat-
 „Purpureum patris demsissem vertice crinem, 26
 „Aut mihi praesenti peperissem vulnere letum.“
 Vix haec ediderat, cum clade exterrita tristi
 Intensos multo deturpat pulvere crines,
 Et graviter questu Carme complorat anili:
 „O mihi nunc iterum crudelis reddite Minos, 25
 „O iterum nostrae Minos inimice senectae,
 „Semper ut aut olim natae te propter eundem
 „Aut amor insanae luctum portavit alumnae:
 „Tene ego tam longe capta atque aucta nequivi,
 „Tam grave servitium, tam duros passa labores, 290
 „Effugere, ut sistam exitium crudele meorum?
 „Iam iam nec nobis ea, quae senioribus, ullum
 „Vivere uti cupiam vitae genus. Ut quid? Ego amens
 „Te erepta, o Britomarti, mei spes una sepulcri,
 „Te, Britomarti, diem potui producere vitae? 295
 „Atque utinam celeri ne tantum grata Dianae
 „Venatus esses virgo sectata virorum,
 „Cnosia heu Partho contendens spicula cornu!
 „Dictaeas ageres ad gramina nota capellas:
 „Numquam, tam obnixe fugiens Minois amores, 300
 „Praeceptis aërei specula de montis obisses,
 „Unde alii fugisse ferunt, et numina Aphaeae
 „Virginis assignant; alii, quo notior esses,
 „Dictynnam dixere tuo de nomine Lunam.
 „Sint haec vera velim; mihi certe, nata, peristi: 305
 „Numquam ego te summo volitantem in vertice montis
 „Hyrkanos inter comites agmenque ferarum
 „Conspicjam, nec te redeuntem amplexa tenebo.
 „Verum haec tum non sic gravia atque indigna fuere,

1.

2.

3.


4.


5.

6.

7.

8.






CIRIS.


367

„Tum, mea alumna, tui cum spes integra maneret, 310
„Et vox ista meas nondum violaverat aures.
„Tene etiam Fortuna mihi crudelis ademit?
„Tene, o sola meae vivendi causa senectae?
„Saepe tuo dulci nequidquam capta sopore,
„Cum premeret natura, mori me velle negavi, 315
„Ut tibi Corycio glomerarem flammea luto.
„Quo nunc me, infelix, aut quae me fata reservant?
„An nescis, qua lege patris de vertice summo
„Edita candentes praetexat purpura canos?
„Quae tenuis patrio prae sit suspensa capillo? 320
„Si nescis, aliquam possum sperare salutem,
„Inscia quandoquidem scelus es conata nefandum;
„Sin est, quod metuo, per te, mea alumna, tuumque
„Expertum multis miserae mihi rebus amorem,
„Per, te saeva precor, per flumina et Ilithyiae, 325
„Ne tantum in facinus tam nulla mente sequaris.
„Non ego te incepto, fieri quod non pote, conor
„Flectere amore, neque est cum dis contendere nostrum;
„Sed patris incolumi potius denubere regno,
„Atque aliquos tamen esse velis tibi, alumna, penates. 330
„Hoc unum, exitio docta atque experta, monebo.
„Quod si non alia poteris ratione parentem
„Flectere - sed poteris; quid enim non unica possis? -,
„Tunc potius tamen ipsa, pio cum iure licebit,
„Cum facti causam tempusque doloris habebis, 335
„Tunc potius conata tua atque incepta referto;
„Meque deosque tibi comites, mea alumna, futuros
„Polliceor: nihil est, quod texas ordine, longum.“
His ubi sollicitos animi relevaverat aestus
Vocibus, et blanda pectus spe vicerat aegrum; 340
Paullatim tremebunda genis obducere vestem
Virginis et placidam tenebris captare quietem,
Inverso bibulum restinguens lumen olivo,
Incipit, ad crebros insani pectoris ictus
Ferre manum, assiduis mulcens praecordia palmis. 345
Noctem illam sic maesta super morientis alumnae
Frigidulos cubito subnixa pependit ocellos.

Postera lux ubi laeta diem mortalibus alnum
 Praegelida veniens miseris quatiebat ab Oeta,
 Quem pavidæ alternis fugitant optantque puellae - 354
 Hesperium vitant, optant ardescere Eoum -;
 Praeceptis paret virgo nutricis, et omnes
 Undique conquirat nubendi sedula causas.
 Tentantur patriae submissis vocibus aures,
 Laudanturque bonae pacis bona; multus ineptae 355
 Virginis insolito sermo novus errat in ore.
 Nunc tremere instantis belli certamina dicit
 Communemque timere deum, nunc regis amicis,
 Nunc ipsi verita est, orbum flet maesta parentem.
 [Cum Iove communes qui quondam habuere nepotes:] 360
 Nunc etiam conficta dolo mendacia turpi
 Invenit, et divum terret formidine cives;
 Nunc alia ex aliis, nec desunt, omina quaerit.
 Quin etiam castos ausa est corrumpere vates,
 Ut, cum caesa pio cecidisset victima ferro, 365
 Esset, qui generum Minoa auctoribus extis
 Iungere et ancipites suaderet tollere pugnas.
 At nutrix, patula componens sulfura testa,
 Narcissum casiamque herbas contundit olentes,
 Terque novena ligat triplici diversa colore 370
 Fila; „Ter in gremium mecum“ inquit „despue virgo.
 „Despue ter, virgo: numero deus impare gaudet.“
 Inde Iovi magno geminat Stygialia sacra,
 Sacra nec Aeaeis senibus nec cognita Graiis;
 Pergit, Amyclaeo spargens altaria thallo, 375
 Regis Iolciacis animum defigere votis.
 Verum ubi nulla movet stabilem fallacia Nisum,
 Nec possunt homines, nec possunt flectere divi -
 Tanta est in parvo fiducia crine cavendi -;
 Rursus ad inceptum facinus se cingit alumna 380
 Purpureumque parat rursus tondere capillum,
 Praelongo quod iam captat succurrere amor;
 Non minus illa tamen, revehi quod moenia Cressa
 Gaudebat, cineri patria est iucunda sepulto.
 Ergo iterum capiti Scylla est inimica paterno. 385







CIRIS.

369

Tum coma Sidonio florens deceditur ostro;
Tum capitur Megara et divum responsa probantur;
Tum suspensa novo ritu de navibus altis
Per mare caeruleum trahitur Niseia virgo.
Complures illam nymphae mirantur in undis, 390
Miratur pater Oceanus, et candida Tethys,
Et cupidas secum rapiens Galatea sorores;
Illam etiam, iunctis magnum quae piscibus aequor
Et glauco bipedum curru metitur equorum,
Leucothea, parvusque dea cum matre Palaemon; 395
Illam etiam, alternas sortiti vivere luces,
Cara Iovis soboles, magnum Iovis incrementum,
Tyndaridae niveos mirantur virginis artus.
Has adeo voces atque haec lamenta per auras
Fluctibus in mediis questuolvebat inani, 400
Ad coelum infelix ardentia lumina tendens,
Lumina: nam teneras arcebant vincula palmas:
„Suppressite o paullum turbati flumina venti,
„Dum queror, et divos, quamquam nil testibus illis
„Profeci, extrema moriens tamen alloquor hora. 405
„Vos ego, vos adeo, venti, testabor, et auras,
„Vos, Pandionia si qui de gente venitis,
„Cernitis: illa ego sum cognato sanguine vobis
„Scylla; quod o salva liceat te dicere Procne;
„Illa ego sum Nisi pollentis filia quondam, 410
„Certatim ex omni petiit quam Graecia regno,
„Qua curvus terras amplectitur Hellespontus;
„Illa ego sum, Minos, sacro foedere coniux
„Dicta tibi; tamen haec, etsi non accipis, audis.
„Vinctane tam magni tranabo gurgitis undas? 415
„Vincta tot assiduas pendebo ex ordine luces?
„Non equidem me allo possum contendere dignam
„Supplicio, quod sic patriam carosque penates
„Hostibus immitte addixi ignara tyranno.
„Verum isthaec, Minos, illos scelerata putavi, 420
„Si nostra ante aliquis nudasset foedera casus,
„Facturos, quorum direptis moenibus urbis,
„O ego crudelis, flamma delubra petivi;

VIRGILIUS.

2A

„Te vero victore prius vel sidera cursus
 „Mutatura suos, quam te mihi talia captae 425
 „Facturum metui. Iam iam scelus omnia vincit.
 „Ten' ego plus patrio dilexi perdita regno?
 „Ten' ego? Nec mirum, vultu decepta puella
 „Ut vidi, ut perii! ut me malus abstulit error!
 „Non equidem ex isto speravi corpore posse 430
 „Tale malum nasci; forma vel sidere fallor.
 „Me non deliciis commovit regia dives,
 „Curatio fragili, atque electro lacrimoso,
 „Me non florentes aequali corpore nymphae,
 „Non metus incensam potuit retinere deorum. 435
 „Omnia vincit amor: quid enim non vinceret ille?
 „Non mihi iam pingui sudabunt tempora myrrha,
 „Pronuba nec castos accendet pinus honores,
 „Nec Libys Assyrio sternetur lectulus ostro.
 „Magna queror; nec me illa quidem communiter alma 440
 „Omnibus iniecta tellus tumulabit arena.
 „Mene inter matres ancillaresque maritas
 „Mene alias inter famularum munere fungi,
 „Coniugis atque tuae, quaecumque erit illa, beatæ
 „Non licuit gravidos penso devolvere fusos? 445
 „At belli saltem captivam lege necasses!
 „Iam fessae tandem fugiunt de corpore vires,
 „Et caput inflexa lentum cervice recumbit,
 „Marmorea adductis tabescunt brachia nodis.
 „Aequoreae pristis, immania corpora ponti, 450
 „Undique conveniunt et glauco in gurgite circum
 „Verbere caudarum atque oris minitantur hiatu.
 „Iam tandem casus hominum, iam respice, Minos!
 „Sit satis hoc, tantum solam vidisse malorum.
 „Vel fato fuerit nobis haec debita pestis, 455
 „Vel casu incerto, merita vel denique culpa.
 „Omnia nam potius, quam te laesisse, putabo.“
 Labitur interea revoluta ab litore classis,
 Magna repentino sinuantur lintea Coro,
 Flectitur in viridi remus sale, languida fessae 460
 Virginis in cursu moritur querimonia longo.

.

.

.


.


.

.

.

.





CIRIS.

371

Deserit angustis inclusum faucibus Isthmon,
Cypselidae magni florentia regna Corinthi;
Praeterit abruptas Scironis protinus arces,
Infestumque suis dirae testudinis exit 465
Spelaeum multoque cruentas hospite cautes.
Iamque adeo tutum longe Piraeica cernit,
Et notas secum, heu frustra, respectat Athenas.
Iam procul e fluctu Salaminos suspiciit arva,
Florentesque videt iam Cycladas; hinc Ceus illi, 470
Sunion hinc statio contra patet Hermionea.
Linquitur ante alias longe gratissima Delos
Nereïdum matri et Neptuno Aegaeo.
Prospicit incinctam spumanti litore Cythnon
Marmoreamque Paron, viridemque allapsa Donusam 475
Aeginamque simul sementiferamque Seriphum.
Fertur et incertis iactatur ad omnia ventis,
Cymba velut, magnas sequitur cum parvula classes,
Afer et hiberno bacchatur in aequore turbo;
Donec tale decus formae vexarier ultra 480
Non tulit, et miseros mutavit virginis artus
Caeruleo pollens coniux Neptunia regno.
Sed tamen externam squamis vestire puellam,
Infidosque inter teneram committere pisces
Non statuit - nimium est avidum pecus Amphitrites -; 485
Aëreis potius sublimem sustulit alis,
Esset ut in terris facti de nomine Ciris,
Ciris Amyclaeo formosior ansere Ledaë.
Hic velut in niveo, tener est cum primitus, ovo
Effigies animantis et internodia membris 490
Imperfecta novo fluitant concreta calore;
Sic liquido Scyllae circumfusum aequore corpus
Semiferi incertis etiamtum partibus artus
Undique mutabant, atque undique mutabantur.
Oris honos primum et multis optata labella 495
Et patulae frontis species concrecere in unum
Coepere, et gracili mentum producere rostro;
Tum, qua se medium capitis discrimen agebat,
Ecce repente, velut patrios imitatus honores,

Puniceam concussit apex in vertice cristam; 500
At mollis varios intexens pluma colores
Marmoreum volucris vestivit tegmine corpus,
Lentaque perpetuas fuderunt brachia pennas.
Inde alias partes minioque infecta rubenti
Crura novam macies obduxit squalida pellem, 505
Et pedibus teneris unguis affixit acutos.
Et tamen hoc demum miserae succurrere pacto
Vix fuerat placida Neptuni coniuge dignum.
Nunquam illam posthac oculi videre suorum
Purpureas salvo retinentem vertice vittas, 510
Non thalamus Tyrio fragrans accepit amomo,
Nullae illam sedes: quid enim cum sedibus illi?
Quae simul ut sese cano de gurgite velox
Cum sonitu ad coelum stridentibus extulit alis,
Et multum late dispersit in aequora rorem; 515
Infelix virgo nequidquam a morte recepta
Incultum solis in rupibus exigit aevum,
Rupibus et scopulis et litoribus desertis.
Nec tamen hoc iterum poena sine: namque deum rex,
[Omnia qui imperio terrarum millia versat,] 520
Commotus talem ad superos volitare puellam,
Cum pater exstinctus caeca sub nocte lateret,
Illi pro pietate sua - nam saepe nitentum
Sanguine taurorum supplex resperserat aras,
Saepe deum largo decorarat munere sedes - 525
Reddidit optatam mutato corpore vitam,
Fecitque in terris Haliaeetus ales ut esset:
Quippe aquilis semper gaudet deus ille coruscus.
Huic vero miserae, quoniam damnata deorum
Iudicio patriaeque et coniugis ante fuisset, 530
Infesti apposuit odium crudele parentis.
Namque, ut in aethereo signorum munere praestans,
Unum quem duplici stellarum sidere vidi,
Scorpius alternis clarum fugat Oriona;
Sic inter sese tristes Haliaeetus iras 535
Et Ciris memori servant ad secula fato.
Quaecumque illa levem fugiens secat aëra pennis,

7.

8.

9.

10.

11.

12.

13.

14.

15.

16.


17.

18.

19.

20.





CATALECTA.

573

Ecce inimicus atrox magno stridore per auras
Insequitur Nisus; qua se fert Nisus ad auras,
Illa levem fugiens raptim secut aëra pennis.

540

P. VIRGILII MARONIS

C A T A L E C T A.

I.

AD TUCCAM.

Delia, Tucca, tibi venit; sed saepe videre
Non licet: occulitur limine clausa viri.
Delia saepe tibi, non venit adhuc mihi: namque
Si occulitur, longe est, tangere quod nequeas.
Venerit illa tibi! Sed iam iam mihi nuntius iste
Quid prodest? illi dicito, quae rediit!

5

II.

IN C. ANNIUM CIMBRUM RHETOREM.

Corinthiorum amator iste verborum,
Thucydides Britannus, Attice febris,
Tau Gallicum, min, al, sil ut male elisit,
Ita omnia ista verba miscuit fratri.

III.

IN NOCTUINUM.

Socer, beate nec tibi nec alteri,
Generque Noctuine, putidum caput,
Tuone nunc puella talis, heu tuo
Stupore pressa rus abibit? Hei mihi!
Ut ille versus usquequaque pertinet:
Gener socerque, perdidistis omnia.

5

IV.

IN EUNDEM.

Superbe Noctuine, putidum caput,
Datur tibi puella, quam petis, datur;

Datur, superbe Noctuine, quam petis.
Sed, o superbe Noctuine, non vides
Duas habere filias Atilium,
Duas, et hanc et alteram, tibi dari.
Adeste nunc, adeste: ducit, ut decet,
Superbus, ecce, Noctuinus herneam.
Thalassio! Thalassio! Thalassio!

5

V.

IN LUCIUM.

Iacere me, quod alta non possum, putas,
Ut ante, vectari freta,
Nec ferre durum frigus aut aestum pati,
Neque arma victoris sequi.

Valent, valent mihi ira et antiquus furor,

5

Et lingua, qua adsiem tibi,
Et prostitutæ turpe contubernium
Sororis. O quid me incitas?

Quid, impudice et improbande Caesari?

Sed furta dicantur tua,
Et heluato sera patrimonio

10

In fratre parsimonia,
Vel acta puero cum viris convivia,
Udaeque per somnum nates,

Et inscio repente clamatum super
Thalassio, Thalassio.

15

Quid palluisti, femina? an ioci dolent?

An facta cognoscis tua?

Non me vocabis pulchra per Cotyttia

Ad feriatos fascinos;

20

Nec dein movere lumbos in crocotula

Prensis videbo altaribus,

Flavumque propter Thybrim olentes nauticum

Vocare, ubi appulsæ rates


Stant in vadis coeno retentæ sordido

25

Macraque luctantes aqua;

Neque in culinam et uncta compitalia

Dapesque duces sordidas,





CATALECTA.

875

Quibus repletus, ut salivosis aquis,
Obesam ad uxorem redis, 30
Et aestuantes nocte solvis panticos,
Olusque lambis saviis.
Nunc laede, nunc lacesse, si quidquam vales!
Et nomen adscribo tuum.
Cinaede Luci, an te reliquerunt opes, 35
Fameque genuini crepant?
Videbo habentem praeter ignavos nihil
Fratres et iratum Iovem,
Scissumque ventrem, et herniosi patrum
Pedes inedia turgidos. 40

VI.

AD VENEREM

Si mihi susceptum fuerit decurrere munus,
O Paphon, o sedes quae colis Idalias,
Troius Aeneas Romana per oppida digno
Iam tandem ut tecum carnine vectus eat:
Non ego tunc modo aut picta tua templa tabella 5
Ornabo, et purisserta feram manibus;
Corniger hos aries humilis et maxima taurus
Victima sacralos linguet honore focos,
Marmoreusque tibi, dea, versicoloribus alis
In morem picta stabit Amor pharetra. 10
Adsis, o Cytherea: tuus te Caesar Olympo
Et Surrentini litoris ora vocat.

VII.

RELICTIS ALIIS STUDIIS PHILOSOPHIAM EPICUREAM AMPLECTITUR.

Ite hinc, inanes, ite, rhetorum ampullae,
Inflata rore non Achaico verba;
Et vos, Sile Albuti, Arquitique, Varroque,
Scholasticorum natio madens pingui,
Ite hinc, inanis cymbalon inventutis. 5
Tuque, o mearum cura, Sexte, curarum,

Vale, Sabine; iam valetе, formosi.
 Nos ad beatos vela mittimus portus,
 Magni petentes docta dicta Syronis,
 Vitamque ab omni vindicabimus cura. 10
 Ito hinc, Camenae, vos quoque limite saevae,*
 Dulces Camenae: nam fatebimur verum,
 Dulces fuistis. Et tamen meas chartas
 Revisitote, sed pudenter et raro.

VIII.

DE SABINO PARODIA CATULLIANA.

Sabinus ille, quem videtis, hospites,
 Ait fuisse mulio celerrimus,
 Neque ullius volantis impetum cisi
 Nequisse praeterire, sive Mantuam
 Opus foret volare, sive Brixiam. 5
 Et hoc negat Tryphonis aemuli domum
 Negare nobilem, insulamve Caeruli,
 Ubi iste, post Sabinus, ante Quinctio
 Bidente dicit attotonse forcipe
 Comata còlla, ne qua sordidum, iugo 10
 Premente, dura vulnus ederet iuba.
 Cremona frigida et lutosa Gallia,
 Tibi haec fuisse et esse cognitissima
 Ait Sabinus; ultima ex origine
 Tua stetisse dicit in voragine, 15
 Tua in palude deposisse sarcinas,
 Et inde tot per orbitosa millia
 Iugum tulisse, laeva sive dextera
 Strigare mula sive utrimque coeperat
 20
 Neque ulla vota semitalibus deis
 Sibi esse facta, praeter hoc novissimum,
 Paterna lora proximumque pectinem.
 Sed haec prius fuere; nunc eburnea
 Sedetque sede, seque dedicat tibi, 25
 Gemelle Castor, et Gemelle Castoris.

IX.

AD VARIUM.

Scilicet hoc sine fraude, Vari dulcissime, dicam:
 Dispeream, nisi *me perdidit iste putus*.
 Sin autem praecepta vetant me dicere; sane
 Non dicam, sed: *me perdidit iste puer*.

X.

AD VILLAM SYRONIS.


Villula, quae Syronis eras, et pauper agelle,
 Verum illi domino tu quoque divitiae,
 Me tibi et hos una mecum, quos semper amavi,
 Si quid de patria tristius audiero,
 Commendo, in primisque patrem. Tu nunc eris.illi, 5
 Mantua quod fuerat quodque Cremona prius.

XI.

AD M. VALERIUM MESSALAM.

Pauca mihi, niveo sed non incognita Phoebos,
 Pauca mihi doctae dicite Pegasides.
 Victor adest, magni magnum decus ecce triumphi,
 Victor, qua terrae quaque patent maria,
 Horrida barbaricae portans insignia pugnae, 5
 Magnus ut Oenides, utque superbus Eryx;
 Nec minus idcirco nostros expromere cantus
 Maximus, et sanctos dignus inire choros.
 Hoc itaque insuetis iactor magis, optime, curis,
 Quid de te possim scribere, quidve tibi. 10
 Namque - fatebor enim - quae maxima deterrendi
 Debuit, hortandi maxima causa fuit.
 Pauca tua in nostras venerunt carmina chartas,
 Carmina cum lingua, tum sale Cecropio,
 Carmina, quae Pylum, seclis accepta futuris, 15
 Carmina, quae Pylum vincere digna senem.
 Molliter hic viridi patulae sub tegmine quercus
 Moeris pastores et Meliboeus erant,
 Dulcia iactantes alterno carmina versu,
 Qualia Trinacriae doctus amat iuvenis. 20

Certatim ornabant omnes heroïda divae,
Certatim divae munere quaeque suo.
Felicem ante alias tanto scriptore puellam!
Altera non fama dixerit esse prior:
Non illa, Hesperidum ni munere capta fuisset,
Quae volucrem cursu vicerat Hippomenem;
Candida cycneo non edita Tyndaris ovo;
Non supero fulgens Cassiopea polo;
Non defensa diu volucrum certamine equorum,
Optabant Graiae quam sibi quaeque manus,
Saepe animam generi pro qua pater impius hausit.
Saepe rubro Eleïs sanguine fluxit humus;
Regia non Semele, non Inachis Acrisione,
Immitti expertae fulmine et imbre Iovem;
Cuius et ob raptum pulsi liquere Penates
Tarquini patrios, filius atque pater,
Illo quo primum dominatus Roma superbos
Mutavit placidis tempore consulibus.
Multa, neque immeritis, donavit praemia alumni,
Praemia Messalis maxima Poplicolis.
Nam quid ego immensi memorem studia ista laboris?
Horrida quid durae tempora militiae?
Castra foro solitos, urbi praeponere castra,
Tam procul hoc nato, tam procul hac patria?
Immoderata pati iam frigora, iamque calores?
Stertere vel dura posse super silice?
Saepe trucem adverso perlabi sidere pontum?
Saepe mare audendo vincere, saepe hiemem?
Saepe etiam densos immittere corpus in hostes,
Communem belli nec timuisse deum?
Nunc celeres Afros perituraque millia gentis,
Aurea nunc rapidi flumina adire Tagi?
Nunc aliam ex alia bellando quaerere gentem?
Vincere et Oceani finibus ulterius?
Non nostrum est, inquam, tantas attingere laudes;
Quin ausim hoc etiam dicere, vix hominum est.
Ipsa, haec ipsa ferent rerum monumenta per orbem,
Ipsa sibi egregium facta decus parient;



CATALECTA.

379

Nos ea, quae tecum finxerunt carmina divi,
 Cynthius et Musae, Bacchus et Aglaie. 60
 Si laudes adspirem: humili sit adire Camena;
 Si patrio Graios carmine adire sales
 Possumus: optatis plus iam procedimus ipsis.
 Hoc satis est; pingui nil mihi cum populo.

XII.

IN M. ANTONIUM.

Adspice, quem viduo subnixum gloria regno
 Altius et coeli sedibus extulerat!
 Terrarum hic bello magnum concusserat orbem,
 Hic reges Asiae fregerat, hic populos;
 Hic grave servitium iam iam tibi, Roma, ferebat - 5
 Cetera namque viri cuspide conciderant -:
 Cum subito in medio rerum certamine praeceps
 Corruit, e patria pulsus in exsilium.
 Tale deum numen; tali mortalia nutu
 Fallax momento temporis hora dedit. 10

XIII.

AD ANTONIUM MUSAM.

Quocumque ire ferunt variae nos tempora vitae,
 Tangere quas terras, quosque videre homines:
 Dispeream, si te fuerit mihi carior alter.
 Alter enim quis te dulcior esse potest,
 Cui Venus ante alios, divi, divumque sorores 5
 Cuncta, neque indigno, Musa, dedere bona,
 Cuncta, quibus gaudet Phoebi chorus ipseque Phoebus:
 Doctior o quis te, Musa, fuisse potest?
 O quis te in terris loquitur iucundior uno?
 Clio tam certe candida non loquitur. 10
 Quare illud satis est, si te permittis amari;
 Non, contra ut sit amor mutuus inde mihi.

XIV.

IN OCTAVII MORTEM.

Quis deus, Octavi, te nobis abstulit? an quae
 Dicuntur nimio pocula dura mero?

Vobis si culpa est bilis; sua quemque sequuntur
 Fata: quod immeriti crimen habent cyathi?
 Scripta quidem tua nos multum mirabimur, et te
 Raptum et Romanam flebimus historiam;
 Sed tu nullus eris. Perversi, dicite, Manes,
 Hunc superesse patri quae fuit invidia?

XV.

P. VIRGILII MARONIS

FRAGMENTA EX EPISTOLA, QUAM AD AUGUSTUM
 CAESAREM SUPER AENEIDE SUA SCRIPSIT.

Ego vero frequentes a te literas accipio. *Et infra:*
 De Aenea quidem meo, si, me Hercules, iam dignum
 auribus haberem tuis, libenter mitterem. Sed tantum in-
 choata res est, ut paene vitio mentis tantum opus in-
 gressus mihi videar: cum praesertim, ut scis, alia quoque
 studia ad id opus, multoque potiora, impertiar.

P. VIRGILII MARONIS

C • O P A.

Copa Syrisca, caput Graia redimita mitella,
 Crispum sub crotalo docta movere latus,
 Ebria famosa saltat lasciva taberna,
 Ad cubitum raucos excutiens calamos.
 Quid iuvat aestivo defessum pulvere abesse?
 Quam potis es bibulo decubuisse toro!
 Sunt cupae et calices, cyathi, rosa, tibia, chordae,
 Et trichila umbriferis frigida arundinibus;
 En et, Maenalia quae garrit dulce sub antro,
 Rustica pastoris fistula in ore sonat.
 Est et vappa, cado nuper defusa picato,
 Et strepitans rauco murmure rivus aquae.
 Sunt etiam croceo violae de flore corollae.
 Sertaque purpurea lutea mixta rosa,
 Et quae virgineo libata Achelois ab amne
 Lilia vimineis attulit in calathis.

5

10

15





COPA. MORETUM.

381


Sunt et caseoli, quos iuncea fiscina siccant;
Sunt autumnali cerea pruna die,
Castaneaeque nuges et suave rubentia mala;
Est hic munda Ceres, est Amor, est Bromius. 20
Sunt et mora cruenta, et lentis uva racemis,
Et pendet iunco caeruleus cucumis.
Est tuguri custos, armatus falce saligna,
Sed non et vasto est inguine terribilis.
Huc Calybita veni: lassus iam sudat asellus; 25
Parce illi: vestrum delictum est asinus.
Nunc cantu crebro rumpunt arbusta cicadae;
Nunc viridis gelida sepe lacerta latet.
Si sapis, aestivo recubans te prolue vitro,
Seu vis crystallo ferre novos calices. 30
Eia age pampinea fessus requiesce sub umbra,
Et gravidum roseo necle caput strophio,
Formosus tenerae decerpens ora puellae.
Ah pereat, cui sunt prisca supercilia!
Quid cineri ingrato servas bene olentia sarta? 36
Anne coronato vis lapide ista tegi?
Pone merum et talos! Pereat, qui crastina curat!
Mors aurem vellens „Vivite“ ait „venio.“

P. VIRGILII MARONIS

M O R E T U M.

Iam nox hibernas bis quinque peregerat horas,
Excubitorque diem cantu praedixerat ales:
Simulus exigui cultor cum rusticus agri,
Tristia venturae metuens ieiunia lucis, 5
Membra levat sensim vili demissa grabato,
Sollicitaque manu tenebras explorat inertes,
Vestigatque focum, laesus quem denique sensit.
Parvulus exusto remanebat stipite fumus,
Et cinis obductae celabat lumina prunae:

Admovet his pronam submissa fronte lucernam,
Et producit acu stupas humore carentes,
Excitat et crebris languentem flatibus ignem.
Tandem concepto tenebrae fulgore recedunt;
Oppositaque manu lumen defendit ab aura,
Et reserat casulae, quae praevidet, ostia clavi.
Fusus erat terra frumenti pauper acervus:
Hinc sibi depromit, quantum mensura patebat,
Quae bis in octonas excurrit pondere libras.
Inde abit adsistitque molae, parvaque tabella,
Quam fixam paries illos servabat in usus,
Lumina fida locat; geminos tum veste lacertos
Liberat, et, cinctus villosae tegmine caprae,
Praeverrit cauda silices geminumque molarem.
Advocat inde manus operi, partitus utrimque:
Laeva ministerio, dextra est intenta labori.
Haec rotat assiduis gyris et concitat orbem:
Tunsa Ceres rapido silicum decurrit ab ictu.
Interdum fessae succedit laeva sorori,
Alternatque vices. Modo rustica carmina cantat,
Agrestique suum solatur voce laborem;
Interdum clamat Cybalen. Erat unica custos,
Afra genus, tota patriam testante figura,
Torta comam, labroque tumens et fusca colore,
Pectore lata, iacens mammis, compressior alvo,
Cruribus exilis, spatiosa prodiga planta;
[Continuis rimis calcanea scissa rigeabant.]
Hanc vocat atque arsura focis imponere ligna
Imperat et flamma gelidos adolere liquores.
Postquam implevit opus iustum versatile finem;
Transfert inde manu fusas in cribra farinas
Et quatit: ac remanent summo purgamina dorso,
Subsidit sincera foraminibusque liquatur
Emundata Ceres. Laevi tum protinus illam
Componit tabula, tepidas super ingerit undas;
Contrahit admixtos tum fontes atque farinas,
Transversat durata manu, liquidoque coacto
Interdum grumos spargit sale. Iamque subactum



opus, palmisque suum dilatat in orbem,
 et impressis aequo discrimine quadris.
 Inde foco - Cybale mundaverat aptum 50
 focum - testisque legit, super aggerat ignes.
 Iste suas peragit Vulcanus testaque partes,
 sed interea vacua non cessat in hora;
 aliam sibi quaerit opem, neu sola palato
 ingrata Ceres, quas iungat, comparat escas. 55
 Ibi suspensa focum carnaria iuxta,
 sales terga suis truncique, vacabant;
 Ius medium sparto sed caseus orbem,
 sed adstricti fascis pendebat anethi.
 Nilium molitur opem sibi providus heros. 60
 Ibi erat iunctus casulae, quem vimina pauca
 immo recidiva levi munibat arundo,
 sed spatio, variis sed fertilis herbis.
 Nil deerat, quod pauperis exigit usus:
 Nil iam locuples a paupere multa petebat. 65
 Nil minus erat illud opus, sed regula curae.
 Nilando vacuum casula pluviaeve tenebant
 Nil lux, si forte labor cessabat aratri;
 Nil opus illud erat. Varias deponere plantas
 et occultae committere semina terrae, 70
 Nil usque apte cura submittere rivos.
 Nilus et late fundentes brachia betae
 Nilusque rumex malvaeque inulaeque virebant,
 Nil ser et capiti nomen debentia porra,
 Nil etiam nocuum capiti gelidumque papaver,] 75
 Nilque nobilium requies lactuca ciborum,
 Nil vis in latum demissa cucurbita ventrem.
 Nil hic non domini - quis enim contractior illo? -
 Nil populi proventus erat, Nonisque diebus
 Nil ex humero fascies portabat in urbem: 80
 Nil domum cervice levis, gravis aere, redibat,
 Nil inquam urbani comitatus merce macelli.
 Nil rubeus sectique famem domat area porri,
 Nil que trahunt acri vultus nasturtia morsu,
 Nil aque et Venerem revocans eruca morantem. 85

Tunc quoque tale aliquid meditans intraverat hortum.

Ac primum, leviter digitis tellure refossa,

Quatuor educit cum spissis allia fibris;

Inde comas apii graciles rutamque virentem

Vellit et exiguo coriandra trementia filo.

Haec ubi collegit, laetum consedit ad ignem,

Et clara famulam poscit mortaria voce.

Singula tum capitum nodoso cortice nudat,

Et summis spoliat coriis, contemtaque passim

Spargit humi atque abicit; servat cum gramine bulbum. 95

Tinguit aqua, lapidisque cavum demittit in orbem.

Hinc salis adspergit micas; sale durus adeso

Caseus adiicitur; dictas super ingerit herbas.

Et laeva vestem setosa sub inguina fulcit;

Dextera pistillo primum fragrantia mollit

Allia, tum pariter mixto terit omnia succo.

It manus in gyrum: paullatim singula vires

Deperdunt proprias; color est e pluribus unus,

Nec totus viridis; quia lactea frusta repugnant,

Nec de lacte nitens, quia tot variatur ab herbis. 105

Saepe viri nares acer iaculatur apertas

Spiritus, et simo damnat sua prandia vultu;

Saepe manu summa lacrimantia lumina tergit,

Immeritoque furens dicit convicia fumo.

Procedebat opus; nec iam salebrosus, ut ante,

Sed gravior lentos ibat pistillus in orbes. 110

Ergo Palladii guttas instillat olivi,

Exiguique super vires infundit aceti,

Atque iterum commiscet opus, mixtumque retractat.

Tum demum digitis mortaria tota duobus

Circuit, inque globum distantia contrahit unum,

Constet ut effecti species nomenque moreti. 115

Eruit interea Cybale quoque sedula panem:

Quem laetus recipit manibus, pulsoque timore

Iam famis, inque diem securus Simulus illam,

Ambit crura ocreis paribus, tectusque galero

Sub iuga parentes cogit lorata iuencos,

Atque agit in segetes, et terrae condit aratrum. 120



